

梁 蕭子顯 撰



華 書

中

局

卷一六至卷三九(志傳)第 二 册

志第八

百官

之初基;陳矯增曹,由軍事而補闕。今則有魏氏官儀、魚緣中外官也。 學,以之雕篆者衆矣。若夫胡廣舊儀,事惟簡撮,應劭官典,殆無遺恨。王朗奏議,屬霸國 齊受宋禪,事遵常典,旣有司存,無所偏廢。其餘散在史注,多已筌拾,覽者易知,不重述 區別階資,「三蔚宗選簿梗槩,欽明階次詳悉,虞通、劉寅因荀氏之作,矯舊增新,今古相校。 □□□。荀勗欲去事煩,唯論幷省。定制成文,本之晉令,後代承業,案爲前准。肇域官品, 建官設職,興自炎昊,方乎隆周之册,表乎盛漢之書。存改回沿,[1] 備於歷代,先賢往 諸臺府即令史職吏以下,具見長水校尉王珪之職儀。 山濤以意辯人,不

南

(國相)[相國]。[三]

蕭、曹以來,爲人臣極位。 宋孝建用南譙王義宣。 至齊不用人,以爲贈,不列官。

太宰。

宋大明用江夏王義恭,以後無人。 齊以爲贈。

太傅。

太師、太保、太傅,回周舊官。漢末,董卓爲太師。 晉惠帝初,衛瓘爲太保。 自後無

太師,而太保爲贈。齊唯置太傅。

大司馬。

大將軍。

宋元嘉用彭城王義康,後無人。 齊以爲贈。

太尉。

司徒。

司空。

[曹]掾屬、[K] 主簿、祭酒、令史以下。晉世王導爲司徒,右長史干寶撰宜官府職儀 三公,舊爲通官。 司徒府領天下州郡名數戶口簿籍。 雖無,至常置左右長史、左西

位從公。

諸開府儀同三司。

車騎將軍。

衞將軍。

鎭軍將軍。

東軍将軍。 中軍將軍。

四征將軍。東、西、南、北。撫軍將軍。

四鎭將軍。

諮議參軍二人。 諸曹有錄事,〔功曹〕,記室,戶曹,倉曹,中、直兵,外兵,騎兵,長流 凡諸將軍加「大」字,位從公。開府儀同如公。凡公督府置佐:長史、司馬各一人,

賊曹,城局,法曹,田曹,水曹,鎧曹,集曹,右戶,十八曹。[4] [城] 局曹以上署正參

南齊書卷十六

中郞二人,倉曹掾、戶曹屬、東西閤祭酒各一人,主簿舍人御屬二人。加崇者,則左 軍,(<) 法曹以下署行參軍,各一人。 其行參軍無署者,爲長兼員。 其府佐史則從事

長流,置禁防參軍。

右長史四人,中郎掾屬並增數。

其未及開府,則置府亦有佐史,其數有減。

小府無

四安將軍。

四平將軍。

左、右、前、後將軍。

征虜將軍。

四中郎將。

晉世荀羨、王胡之並居此官。宋、齊以來,唯處諸王,素族無爲者。

冠軍將軍。

輔國將軍。

寧朔將軍。

龍驤將軍。寧遠將軍。

太常。

府置丞一人,五官、功曹、主簿,九府九史皆然。 領官如左:

博士,謂之太學博士。

國子祭酒一人。博士二人。助敎十人。

學爲先。若其人難備,給事中以還明經者,以本位領。其下典學二人,三品,准太常 主簿;戶曹、儀曹各二人,五品;白簿治禮吏八人,六品;保學醫二人;威儀二人。 建元四年,有司奏置國學,祭酒准諸曹尙書,博士准中書郎,助教准南臺御史。 選經

國子博士何胤單爲祭酒,疑所服,陸澄等皆不能據,遂以玄服臨 試。 月餘日,博議 其夏,國諱廢學,有司奏省助敎以下。永明三年,立學,尙書令王儉領祭酒。八年,

定,乃服朱衣。

總明觀祭酒一人。

右秦始六年,以國學廢,初置總明觀,玄、儒、文、史四科,科置學士各十人,正令史一 人, 書令史二人, 幹一人, 門吏一人, 典觀吏二人。建元中, 掌治五禮。 永明三年, 國

學建,省。

置令丞以下皆有職吏。

太樂令一人,丞一人。

諸陵令。

永明末置,用二品三品勳。 置主簿、戶曹各一人,六品保舉。

光祿勳。

府置丞一人。 領官如左:

左右光祿大夫。

位從公,開府置佐史如公。

光祿大夫。

皆銀章青綬,詔加金章紫綬者,爲金紫光祿大夫。 樂安任遐爲光祿,就王晏乞一片

金,晏乃啓轉爲金紫,不行。

太中大夫。

中散大夫。

諸大夫官,皆處舊齒老年,重者加親信二十人。

衞尉。

府置丞一人。掌宮城管籥。張衡西京賦曰「衞尉八屯,警夜巡畫」。

宮城諸却敵樓

上本施鼓,持夜者以應更唱,太祖以鼓多驚眠,改以鐵磬云。

廷尉。

府置丞一人,正一人,監一人,評一人,律博士一人。

大司農。

府置丞一人。領官如左:

太倉令一人,丞一人。

導官令一人,丞一人。

藉田令一人,丞一人。

少府。

府置丞一人。領官如左:

左右尙方令各一人,丞一人。

鍛署丞 一人。 泳明三年省,四年復置。

御府令一人,丞一人。

東冶令一人,丞一人。

平准令一人,丞一人。

上林令一人,丞一人。亦屬尚書殿中曹

將作大匠。

大鳥蘆

大鴻臚。

三卿不常置。 將作掌宮廟土木。 太僕掌郊禮執轡。 鴻臚掌導護贊拜。 有事權置兼

官,畢乃省。

乘黄令一人。

掌五輅安車,大行凶器轀輬車。

客館令。

掌四方賓客。

宣德衞尉、少府、太僕。

鬱林王立,文安太后即尊號,以宮名置之。

大長秋。

鬱林立皇后置。

錄尙書。

尙書令。

總領尙書臺二十曹,爲內臺主。行遇諸王以下,皆禁駐。 左右僕射分道。無令,左僕

射爲臺主,與令同。

左僕射。

事,其諸吉慶瑞應衆賀、災異賊發衆變、臨軒崇拜、改號格制、莅官銓選,凡諸除署、 領殿中主客二曹事,諸曹郊廟、園陵、車駕行幸、朝儀、臺內非違、文官舉補滿敍疾假

功論、封爵、貶黜、八議、疑讞、通關案,則左僕射主,右僕射次經,維是黃案,左僕射

右僕射署朱符見字,經都丞竟,右僕射橫畫成目,左僕射畫,令畫。 右官闕,則以次

幷畫。 若無左右,則直置僕射在其中閒,總左右事。

吏部尚書。

領吏部、删定、三公、比部四曹。

度支尚書。

領度支、金部、倉部、起部四曹。

左民尙書。

領左民、駕部二曹。

都官尚書。

領都官、水部、庫部、功論四曹。

五兵尚書。

領中兵、外兵二曹。

祠部尙書。

右僕射通職,不俱置。

起部尚書。

興立宮廟權置,事畢省。

左丞一人。

掌宗廟郊祠、吉慶瑞應、災異、立作格制、諸案彈、選用除置、吏補滿除遣注職

右丞一人。

以立意官爲議主。凡辭訴有漫命者,曹緣諮如舊。[15] 若命有諮,則以立意者爲議 碎,在彈違諸曹緣常及外詳讞事。應須命議相值者,皆郞先立意,應奏黃案及關事, 曹、曰百各置郎中令史以下,又置都令史分領之。僕射掌朝軌,尚書掌讞奏,都丞任 制及詳讞大事宗廟朝廷儀體,左丞上署,右丞次署。 自令僕以下五尚書八座 二十 犯削官事。白案,右丞上署,左丞次署。黄案,左丞上署,〔右丞次署〕。〔1〕諸立格 徙、[2]州郡縣倂帖、城邑民戶割屬、刺史二千石令長[丞]尉被收及免贈、[10]文武諸 船乘、稟拘兵工死叛、考剔討補、差分百役、兵器諸營署人領、州郡租布、(人)民戶移 掌兵士百工補役死叛考代年老疾病解遣、其內外諸庫藏穀帛、刑皋創業諍訟、田地

武庫令一人。

車(將)[府]令一人,[四丞一人。

屬駕部。

公車令一人。

大官令一人,丞一人。

大醫令一人,丞一人。

內外殿中監各一人。

內外驊騮廐丞各一人。

屬起部,亦屬領軍。

材官將軍一人,司馬一人。

侍中祭酒。 高功者稱之。

侍中。

首、殷景仁等,並爲侍中,情在親密,自思與帝接膝共語,貂拂帝手,拔貂置案上,語畢 漢世爲親近之職。魏、晉選用,稍增華重,而大意不異。宋文帝元嘉中,王華、王曇

復手插之。 「朕乃陪卿。」齊世朝會,多以美姿容者兼官。永元三年,東昏南郊,不欲親朝士,以 孝武時, 侍中何偃南郊陪乘, 鑾輅過白門閫, CIKJ偃將匐, 帝乃接之曰:

主璽陪乘,前代未嘗有也。侍中呼爲門下。亦置令史。領官如左:

給事黃門侍郎。

亦管知韶令,世呼爲小門下。

散騎常侍。通直散騎常侍。員外散騎[常]侍(郞)。[14]

舊與侍中通官,其通直員外,用衰老人士,故其官漸替。 宋大明雖華選比侍中,而人

情久習,終不見重,尋復如初。

散騎侍郞。通直散騎侍郞。員外散騎侍郞。

給事中。

奉朝詩。

駙馬都尉。

集書省職,置正書令史。 朝散用衣冠之餘,人數猥積。 永明中,奉朝請至六百餘人。

中書監一人,令一人,侍郞四人,通事舍人無員。

南 齊 書 卷十 六

中書省職,置主書、令史、正書以下。

秘書監一人,丞一人。郞。著作佐郞。

晉秘書閣有令史,掌衆書,見晉令,令亦置令史、正書及弟子,皆典敎書畫

御史中丞一人。

|晉江左中丞司隸分督百僚,傅咸所云「行馬內外」是也。 今中丞則職無不察,專道而 制,中丞與尙書令分道,雖丞郎下朝相值,亦得斷之,餘內外衆官,皆受停駐。 行,翳輻禁呵,加以聲色,武將相逢,輒致侵犯,若有鹵簿,至相敺擊。 宋孝建二年

治書侍御史二人。

侍御史十人。

蘭臺置諸曹內外督令以下。

謁者僕射一人。

謁者十人。

領軍將軍、中領軍。

護軍將軍、中護軍。

凡爲中,小輕,同一官也。 諸爲將軍官,皆敬領、護。 諸王爲將軍,道相逢,則領、護

讓道。置長史、司馬、五官、功曹、主簿。

驍騎將軍。

左右二衞將軍。

游擊將軍。

晉世以來,謂領、護至驍、游爲六軍。 二衞置司馬次官功曹主簿以下。

左右二中郎將。

前軍將軍、後軍將軍、左軍將軍、右軍將軍,號四軍。

屯騎、步兵、射聲、越騎、長水五校尉。

虎賁中郎將。

定從僕射。

羽林監。

彊弩將軍。 積射將軍。

殿中將軍、員外殿中將軍。

武衞將軍。

殿中司馬督。

武騎常侍。

自二衞、四軍、五校已下,謂之「西省」,而散騎爲「東省」。

丹陽尹。

位次九卿下。

太子太傅。

少傅。

府置丞、功曹、五官、主簿。

太子詹事。

太子率更令。
成了

太子家令。

太子僕。

太子中庶子。

太子中舍人。

太子舍人。

太子左右衞率各一。

太子旅賁中郎將一人。太子翊軍步兵屯騎三校尉。

志第八 百官 太子左右積弩將軍。

太子殿中將軍、員外殿中將軍。

太子倉官令。

太子常從虎賁督。

右東宮職僚。

州牧、刺史。

魏、晉世州牧隆重,刺史任重者爲使持節都督,輕者爲持節督,起漢從帝時,日己御史

中丞馮赦討九江賊,督揚、徐二州軍事,而何、徐宋志云起魏武、遣諸州將督軍,王珪

幷任,非要州則單爲刺史。 之職儀云起光武,並非也。 晉太康中,都督知軍事,刺史治民,各用人。 州朝置別駕、治中、議曹、文學祭酒、諸曹部從事史。 惠帝末,乃

護南蠻校尉。

府置佐史。 隸州州。 晉、宋末省。 建元元年,復置,三年,省。 延興元年置,建武省。

護三巴校尉。

宋置。建元二年,改爲刺史。

寧蠻校尉。

平蠻校尉。

永明三年置,隸益州。

鎭蠻校尉。

護西戎校尉。

隸寧州。

護羌校尉。

右四校尉,亦置四夷。

平越中郎將。

府置佐史,隸廣州。

郡太守、內史。

縣令、相。

郡縣爲國者,爲內史、相。

鎭蠻護軍。

安遠護軍。

志第八 百官 校勘記

諸王師、友、文學各一人。

典衞四令,食官、廏牧長、謁者以下。公侯置郎中令一卿。 國官郞中令、中尉、大農爲三卿,左右常侍、侍郞,上軍、中軍、下軍三軍,典書、典祠、學官、

贊曰:百司分置,惟皇命職。 雲師鳥紀,各有其式。

校勘記

(一) 存改回沿 「沿」百衲本作「次」,據南監本、殿本改。

區別階資 「資」字原闕,據各本補。

(國相) [相國] 據局本改。 按錢大昕廿二史考異云「國相」當作「相國」。

太師太保太傅 永樂大典九百十九引作「太師太傅太保」。 按三師位次,太傅當在太保前。

対 雖無 府,有左右長史、左西曹掾屬各一人,餘則同矣。 按:此下疑有脫文。 據宋書百官志:「司徒若無公,唯省舍人,其府常置。 餘府有公則置,無則省。」則此亦當云「雖無司 其職寮異於餘

徒公,其府不廢」,文義始足。

「公」左西「曹」掾屬 據宋書百官志、元龜七百十六補。

[7] 諸曹有錄事[功曹]至十八曹 「功曹」據通典補。又按通典云:「宋武帝爲相,合中兵、直兵爲

參事,曹則猶二也。」錢大昕廿二史考異云「今數之,止十六曹」,今補「功曹」,尚缺一

P

[K] [城] 局曹以上署正參軍 據元龜七百十六補。

[光](人)民戶移徙 「人」字衍,今刪。按通典職官典作「人戶移徙」,蓋避唐諱,改「民」爲「人」也。

CIOD 刺史二千石令長C丞D尉被收及免贈 據通典職官典補。

[]] 黄案左丞上署[右丞次署] 據通典職官典補。

| 自令僕以下五尙書八座二十曹 | 按尙書二十曹,左僕射領殿中、主客二曹,吏部尙書領吏部、刪 (宜典,右僕射領祠部、儀部二曹,合之適得二十曹。 尚書領都官、水部、庫部、功論四曹,五兵尙書領中兵、外兵二曹,凡十八曹,尙闕二曹,據通典職 定、三公、比部四曹,度支尚書領度支、金部、倉部、起部四曹,左民尚書領左民、駕部二曹,都官

二三 曹緣諮如舊 **讞事云云,則『綠』字不誤。」** 「緣」南監本、殿本、局本作「掾」。張元濟校勘記云:「案前數行有諸曹緣常及外詳

志第八 校勘記

- [18] 車(將)[府]令一人 各本並誤,今據通典職官典、元龜四百五十七改。
- 〇三 情在親密 「在」御覽六百八十八引作「任」,通典職官典同。
- 二 變輅過白門閩 「閪」南監本、毛本、殿本、局本作「闕」。
- [1七] 員外散騎〔常〕侍(郎) 據元龜四百五十七改。按後有員外散騎侍郎,此當作員外散騎常侍。
- [14] 起漢從帝時 「從」南監本、匡本作「順」。按作「從」,子顯避諱改;作「順」,後人回改也。

南齊書卷十七

志第九

輿服

輅,妙盡時華,始備僞氐,復設充庭之制。 得偽車輦,於是屬車增爲十二乘。 明時,屬車唯九乘。 始,車服多闕,但有金戎,省充庭之儀。」太興中,太子臨學,無高蓋車,元帝詔乘安車。 述葆車,輿輦始具。 以象天地。 名器不同,晉、宋改革,稍與世異,今記時事而已。 昔三皇乘祇車出谷口,夏氏以奚仲爲車正,殷有瑞車,山車垂句是也。 漢武天漢四年,朝諸侯甘泉宮,定輿服制,班于天下。 永和中,石虎死後,舊工人奔叛歸國,稍造車輿。 蔡邕創立此志,馬彪勒成漢典,晉擊虞治禮,亦議五輅制度。 義熙中,宋武平關、洛,得姚與偽車輦。 永明中,更增藻飾,盛於前矣。 光武建武十三年,得公孫 太元中,苻堅敗後,又 案周禮以檢漢志, 周禮匠人爲與, 宋大明改脩輦 江左之 元

志第

九

奥服

車衡, 帖 花沓,絳綠系的 及受福,金塗鴈鏤鍱。 (格)、織 横前,施瑇瑁帖,金塗花釘。 塗博山、辟邪 末、皆螭龍首。〔三〕 兩廂外織 玉輅,漢 銀花帶、衡上金幾博山、四和鸞鳥立花(抉)【趺】衝鈴、〔七〕 成顏(笔)[芚]赭舌孔雀毛複錦、[公]綠絞隨陰,懸珠蚌佩,金塗鈴,雲朱結,仙人綬,雜色眞孔雀眊。一轅,漆畫 虎、鳳皇銜花諸校飾。 成衣,兩廂裏上施金塗鏤面釘,薄瑁帖。 了望繩八枚。(旆)[旂]十二旒,[<] 銀帶瑇瑁筒瓦,金塗鏤鍱,刀格,織成手匡金花鈿錦衣。 金根也。漆畫輪,金塗縱容後路受福興。兩廂上望板前優遊,通緣金塗鏤鰈,碧絞罽,鑿鏤金薄 龍汗板,回 漆案立牀,在車中、錦複黃絞、爲案立衣。 優遊前,金塗倒龍,後梢鑿銀瑇瑁龜甲,金塗花沓。〔三〕望板,金塗受福望龍諸校飾。 在車前,銀帶花獸,金塗受福,緣裏邊,鏤鍱瑇瑁織成衣。裏,金塗鏤面花釘。 斗蓋, 金塗鏤蝶,二十八爪支子花,黄錦斗衣,複碧絹柴布緣油頂、至司 望板廂上金薄帖,金博山,登仙紐,松精。 優遊上和鸞鳥立花(共) 畫升龍,竿首金塗龍街火燄幡,眞眊。 所謂「鸞鳥立衡」也。 錦複黃絞鄣泥。八幅,長九尺,緣紅錦(苇)〔荒〕 優遊下,隱膝,裏施金塗鏤面釘,織成衣。 又龍首銜軛,叉髦插翟尾,上下 **棨戟,繓成衣,金塗沓**駐 絳系(終) 抗及諸 外,金 優遊

世祖永明初,加玉輅爲重蓋,又作麒麟頭,采畫,以馬首戴之。 鐡 赤油令、[二] 廣數寸,有三孔,插翟尾其中。 五輅,江左相承駕四馬,左右騑爲六。 有紫真眊。左纛,置左騑馬軛上。金鍐,〔三〕 繁纓,金塗紫皮,紫真毦,横在馬膺前。 施絳系游御繩,其重轂貳轄飛(絡)〔幹〕幡,〔10〕用 金加冠、狀如(三)[玉]華(汗)[形],在馬鑁上。[三方釳, 鏤鍚,[]門] 竟陵王子良啓曰「臣聞車旗 刻金為馬面當顱。皆如古制。

帶,織成花(芼)[芚]的。〔元〕

飾,求之志錄,恐爲乖衷。 有章,載自前史,器必依禮,服無舛法。 又假爲麟首,加乎馬頭,事不師古,鮮或可施。」建武中,明帝乃省 凡蓋員象天,軫方法地,上無二天之儀,下設兩蓋之

金輅。 制度校飾如玉輅,而稍減少,亦以金塗。

象 輅。 如金輅而制飾又減。

木輅。制飾如象輅而尤減。

革輅,如大輅。建大麾。 赤旗也。 首施火燄幡。

路也。 殿之祭車,故不登周輅之名,而明堂位云『大輅,殷輅也』。注云『大輅,木輅也』。月令『中央 即大路也。」太尉左長史王儉議,宜用金輅九旒。 十有二旒日月之章,祀〔帝〕于(帝)郊』。[1四 夫必以大輅以錫諸侯,[17]良有以也。今木路, 周者,明郊天義遠,建前代之禮,卽戎事近,故以今世之制。明堂位云『魯君孟春乘大路,載 玉路、金路、象路、革路、木路。則周之木輅,殷之大路也。周革路建大白,以卽戎,此則戎 土,乘大輅』。注云『殷輅也』。禮器『大輅繁纓一就』。注云『大輅,殷之祭天車也』。周禮五路, 宋昇明三年,錫齊王大輅、戎輅各一。乘黃五輅,無大輅、戎輅。左丞王逡之議:「大輅, 意謂國之大事,在祀與戎,故錫以殷祭天之車,與周之卽戎之路。祀則以殷,戎必以 時乘黃無副,借用五輅,大朝臨軒,權列

三輅。

<mark></mark> 尚色。 之律呂, 青,五路五牛及五色幡旗,並宜以先青爲次。 亦宜依漢道。 事不行。 於晉氏。 配佾,起自曼容。 玉、金輅,建碧旂。 三代服色,以姓音爲尙,漢不識音,故還尙其行運之色。 而云當今無知吹律以定所尚,宜附漢以從闕邪? 如此,設有善律之知音,不宜遵聲以爲尙。」散騎常侍劉朗之等十五人並議駮之, 若有善吹律者,便應還取姓尙」。太子僕周顒議:「三代姓音,古無前記,裁音 則是慢容善識姓聲,不復方假吹律。 象、木輅,建赤旂。 永明初,太子步兵校尉伏曼容議,以爲「齊德尚 軍容戎事之所乘,犧牲繭握之所薦,並宜悉依 何故能識遠代之宮商,而更迷皇朝 皇朝本以行運爲所尚,非關 今既無善律,則大齊所尙, 不定

皇太子象輅。校飾如御,旂九旒降龍。

戟。 後路輠,師子轄、抗檐皆施金塗螭頭及神龍雀等諸飾。 八,青油俠碧絹黃絞蓋,漆布裹。 宋元嘉東宮儀記云中宮僕御重翟金根車,未詳得稱爲金根也。 皇太后皇后重翟車,金塗校具,白地人馬錦帖,廂隱膝後戶,白牙的帖,金塗面釘,漆畫輪,鐵鐺,金塗縱容 紫顏(苇)[芚],黃絞紫絞隨陰,口也碧(毛)芚。口以外上施絳紫系絡。碧旂九旒,棨 軛衡上施金博山,又有金塗長角巴首。 **蓋**,金塗,爪支子花二十

皇太子妃厭翟車。如重翟,飾微減。

指南車。 四周廂上施屋,指南人衣裙襦天衣,在廂中。上四角皆施龍子(干)〔竿〕,〔二〕縣雜色眞孔雀眊,烏布

阜複幔,漆畫輪,駕牛,皆銅校飾。

記里鼓車。制如指南,上施華蓋子,襟衣漆畫,〔10〕 鼓機皆在內。

鏤面〔釘〕,〔三〕瑇瑁帖,金塗松精,登仙花紐,綠四緣,四望紗萌子,上下前後眉,鏤鍱。 校飾。漆鄣塵板在蘭前,金銀花獸獨天龍師子鏤面,楡花(細)[鈿]指子摩尼炎,金龍虎。[三]扶轅,銀口帶,龍板頭。 輦出房」, 成帝輦過後宮, 此朝宴竝用也。 法曰「夏后氏輦日金車,殷日胡奴車,周日(輜)〔輜〕車」,〔三〕皆輦也。漢書叔孫通傳云「皇帝 花香柒兆床副。〔三〕自輦以下,二(官)〔宮〕御車,〔三〕皆綠油幢,絳系絡。 軛上,金鳳皇鈴璅、(錄)〔銀〕口帶、C三〕星後梢,薄瑁帖,金塗香沓,銀星花獸(慢)〔慢〕竿杖,C云〕金塗龍牽,縱橫長綱,背 乘人以行」。信陽侯陰就見井丹,左右人進輦,是 爲 臣 下 亦得乘之。 ·車,如犢車,竹蓬。 廂外鑿鏤金薄,碧紗衣,織成(芼)〔芚〕,〔三〕錦衣。 廂裏及仰(項)〔頂〕 隱膝後戶,〔三〕 金塗 輿服志云「輦車具金銀丹青采雘雕畫蒲陶之文, 御所乘,雙棟。其公主則碧油幢云。 轅枕長角龍,白牙蘭,瑇瑁 晉武帝給安平獻王孚 司馬 龍轅 金塗

雲母輦。晉中朝又有香衣輦,江左唯御所乘。

臥輦。 校飾如坐輦,不甚服用。

漆畫 一輪車, 金塗校飾如輦,微有減降。 金塗鐺,縱容後輠師子副也。 御爲羣公舉哀臨哭所乘。 皇后

太子妃亦乘之。

志第九 與服

漆畫牽車,小形如興車,金塗縱容後路師子輠,鐵鐺,錦衣。 廂裏隱膝後戶 牙蘭,轅枕梢, 瞻竿戍棟梁, [50]皆

毅所奏。 金塗校飾 武帝韶曰:「羊車雖無制,非素者所服,免官。」衞玠傳云:「總角乘羊車,市人聚 御及皇太子所乘,即古之羊車也。晉泰始中,中護軍羊琇乘羊車,爲司隸校尉劉

觀。」今不駕羊,猶呼牽此車者爲羊車云。

與一車,形如軺車,柒畫,金校飾,〔三〕錦衣。兩廂後戶隱膝牙蘭,皆瑇瑁帖,刀格,鏤面花釘。 **幰竿成校棟梁,〔三〕**

下施八棡,金塗沓,兆床副。人舉之。一曰小輿,小行幸乘之。皇太子亦得於宮內乘之。

衣(畫)[書]十二一乘,[言] 檳楡轂輪,箕子壁,綠油衣,廂外綠紗萌,油幢絡, 通憾, 竿刺代棟梁, 柑糯 眞形龍

牽,支子花。 轅後伏神抗、承泥、沓,金塗校具。 古副車之象也。 今亦日五時副車。

青萌車,是謂攭幔車。〔三〕

公妃特進夫人阜交絡爲副。漢賤軺車而貴軿車,晉賤輜軿而貴軺車,皆行禮所乘。 **畫安車駕三,三夫人青交絡安車駕三,皆以紫絳罽輧車駕三爲副。** 母油畫安車,駕六,以兩轅安車駕五爲副。公主畫安車駕六,以兩轅安車駕三爲副。 油絡畫安車,公主、王妃、三公特進夫人所乘。 漢制,皇后貴人紫罽耕車。 九嬪世婦耕車駕二,王 晉皇后乘雲 公主

錦,唯此車以黃繒。皆金塗校具,黃隱隨陰,靑毛羽,二十八爪支子花,絳系絡。九命上公所乘。 黄屋車,建碧旂九旒,九旒,鸞輅也。 漢與服志云:「金根車、蓋黃繒爲裏、謂之黃屋。」今金、玉輅皆以黃地

青蓋安車,朱轓漆班輪,駕一,左右騑,通幰車爲副,諸王禮行所乘。 凡車有轓者謂之

阜蓋安車,朱轓漆班輪,駕一,通幰牛車爲副,三公禮行所乘。

安車,黑耳阜蓋馬車,朱轓,駕一,牛車爲副,國公列侯禮行所乘。

馬車,駕一,九卿、領、護、二衞、驍游、四軍、五校從郊陵所乘。 晉制,三公下至九卿,又

各安車黑耳一乘,公駕三,特進駕二,卿駕一,復各軺車施黑耳後戶阜輪一 乘。

牛,朝直所乘。 油絡軺車,尙書令、僕射、中書監、令、尙書、侍中、常侍、中黃門、中書、散騎侍郎,皆駕 晉制,尙書令施黑耳後戶阜輪,僕射、中書監、令直施後戶阜輪,尙書 無後

戶,皆漆輪轂,今猶然。

安車,赤屏,駕一,又軺車,施後戶,爲副,太子二傅禮行所乘。

四望車,通憶,油幢絡,班柒輪轂。〔三〕亦日阜輪,以加禮貴臣。 晉武韶給魏舒陽燧四望小車。

望車,制度如四望。 或謂之夾望,亦以加禮貴臣。 次四望。

油 幢絡車,制似三望而減。 王公加禮者之(爲)常乘,〔長〕次三望。

平乘車,竹箕子壁仰,檳楡爲輪,通憾、竿刺代棟梁,柮檽真形龍牽,金塗支子花紐,轅頭後梢沓伏神承泥。 庶人

亦然,但不通憾。 公諸王所乘。 自四望至平乘,皆銅校飾。

轀 輬 車 四輪, 飾如金根。 四角龍首, 施組街壁,垂五朵,析羽葆流蘇,前後雲氣錯畫帷裳,以素爲池而黼

黻。〔予〕駕四白駱馬,太僕執轡。 貴臣薨,亦如之,羽飾駕御,微有滅降。

旒,卿六旒。尚書令王儉議,依漢三公服,山、龍九章,卿華蟲七章。從之。 旒,青玉珠,卿大夫以下五旒,黑玉珠。 永明六年,太常丞何諲之議,案周禮命數,改三公八 始四年,ि 更制五輅,議脩五冕,朝會饗獵,各有所服,事見宋注。舊相承三公以下冕七 並具禮文,後代沿革,見漢志晉服制令,其冠十三品,見蔡邕獨斷,並不復具詳。 下, 卿大夫粉米以下。天子六冕, 王后六服, 著在周官。公侯以下, 咸有名則, 佩玉組綬, 繡,以五采章施于五色。」天子服備日、月以下,公山、龍以下,侯伯華蟲以下,子男藻、火以 虞書曰:「予欲觀古人之象,日、月、星辰、山、龍、華蟲作繢,宗彝、藻、火、粉米、黼、黻絺 宋明帝泰

斑珠。 尺。中衣,以絳緣其領袖,赤皮軷,絳袴襪,赤鳥,郊廟臨朝所服也。漢世冕用白玉珠爲旒。 魏明帝好婦人飾,改以珊瑚珠。晉初仍舊,後乃改。江左以美玉難得,遂用琫珠,世謂之白 火、粉米、黼、黻十二章。〔弐〕素帶廣四寸,朱裏,以朱綠裨飾其側,要中以朱,垂以綠,垂三 如其綬色。衣阜上絳下,裳前三幅,後四幅。衣畫而裳繡,爲日、月、星辰、山、龍、華蟲、藻、 平冕黑介幘,今謂平天冠。阜表朱緣裏,廣七尺,長尺二寸,垂珠十二旒,以朱組爲纓,

衮衣,漢世出陳留襄邑所織。 宋末用繡及織成,建武中,明帝以織成重,乃采畫爲之,

加飾金銀薄,世亦謂爲天衣。

史臣曰: 黼黻之設, 經緯爲用, 故五色六章十二衣還相爲質也。 歷代龍衮,織以成文,

今體不勝衣,變易舊法,豈致美黻冕之謂乎!

通天冠,黑介幘,金博山顏,絳紗袍,阜緣中衣,乘輿常朝所服。 舊用駁犀簪導,東昏改

用玉。其朝服,臣下皆同。

黑介幘,單衣,無定色,乘輿拜陵所服。其白帢單衣,謂之素服,以舉哀臨喪。

遠游冠,太子諸王所冠。 太子朱纓,翠羽緌珠節。〔四〕諸王玄纓,公侯皆同。

平冕,各以組爲纓,王公八旒,衣山、龍九章,卿七旒,衣華蟲七章,並助祭所服。

皂絳繒爲之。

進賢冠,諸開國公、侯,鄕、亭侯,卿,大夫,尚書,關內侯,二千石,博士,中書郞,丞、郞,

秘書監、丞、郞,太子中舍人、洗馬、舍人,諸府長史,卿,尹、丞,下至六百石令長小吏,以三

梁、二梁、一梁爲差,事見晉令。

武冠,侍臣加貂蟬,餘軍校武職、黃門、散騎、太子中庶子、二率、朝散、都尉,皆冠之。

唯武騎虎賁服文衣,插雉尾於武冠上。

志第九

史臣曰:應劭漢宜釋附蟬,及司馬彪志並不見侍中與常侍有異,唯言左右珥貂而已。

案項氏說云「漢侍中蟬,刻爲蟬像,常侍但爲璫而不蟬」,未詳何代所改也。

法冠,廷尉等諸執法者冠之。

高山冠,謁者冠之。

樊噲冠,殿門衞士冠之。

黑介幘冠,文冠;平幘冠,武冠。 尚書令、僕射、尚書納言幘,後飾爲異。

童子空頂幘,施假髻,貴賤同服。

救日蝕,文武官皆免冠,著赤介幘對朝服。赤幘,示威武也。

其纂嚴戎服不綴標,行留悉同。校獵巡幸,從官戎服革帶鞶帶,文官不纓,武官脫冠。 袴褶,車駕親戎、中外纂嚴所服。黑冠,帽綴紫標,以絡帶代鞶帶。 中官紫標,外官絳

桂欘大衣,謂之褘衣,皇后謁廟所服。 公主會見大首髻,其燕服則施嚴雜寶 爲 佩 瑞。

桂欘用繡爲衣,裳加五色,鏁金銀校飾。

同。四日相國綠綟綬,三采,綠紫紺。郡公玄朱,侯伯青朱,子男素朱,皆三采。公世子紫,侯 世子青,鄉、亭、關內侯墨綬,皆二采。郡國太守、內史青,尙書令、僕、中書監、令、祕書監皆 綬,乘輿黃赤綬,黃赤縹綠紺五采。 太子朱綬,諸王纁朱綬,皆赤黃縹紺四采。 妃亦

黑,丞皆黄,諸府丞亦黄。皇后與乘輿同赤,貴嬪、夫人、貴人紫,王太妃、長公主、封君亦紫

綬,六宮青綬,青白紅,G三郡公、侯夫人青綬。

敗,璽還南。別有行信等六璽,皆金爲之,亦溱、漢之制也。皇后金璽,太子諸王金璽,皆龜 丞、[20]太子二率、諸府長史、卿、尹、丞、尉、中丞、都水使者、諸州刺史,皆銅印。 校(書) [尉]、[圖] 郡國太守內史、四品五品將軍,皆銀章,尚書令、僕、中書監、令、祕書 [監] 下公侯太夫人夫人銀印。其公、將軍金章,光祿大夫、卿、尹、太子傅、諸領護將軍、中郞將、 鈕。公侯五等金章,公世子金印,侯銀印,貴嬪、夫人金章,公主、王太妃、封君金印,六宮以 乘興傳國璽,秦璽也。晉中原亂沒胡,江左初無之,北方人呼晉家爲「白板天子」。冉閔

三臺五省二品文官,皆簪白筆。王公五等及武官不簪,加內侍乃簪。

百官執手板,尙書令、僕、尙書,手板頭復有白筆,以紫皮裹之,名曰「笏」。漢末仲長統

謂百司皆宜執之。其肩上紫袷囊,名曰「契囊」,世呼爲「紫荷」。

佩玉,自乘輿以下,與晉、宋制同。建元四年,制王公侯卿尹珠水精,其餘用牙蜯。太官

宰人服離支衣,後定。

贊曰:文物煌煌,儀品穆穆。 分別禮數,莫過輿服。

「漆畫牽車」注「戍棟梁」,一本「戍」作「戈」。「輿車」注「成校棟梁」,一本「成校」作「戈杖」。「衣書

車」注「刺代棟梁」,「平乘車」注「刺代棟梁」,並疑。

校勘記

- [1]優遊上和鸞鳥立花(共)[趺]銜鈴 據毛本、殿本、局本及通典禮典改。
- []] 後梢鑿銀瑇瑁龜甲金塗花沓 「梢」原作「捐」,通典禮典同,今從殿本改。
- (三) 抗及諸末皆螭龍首 「抗」局本作「軛」、通典禮典同。
- 龍汗板 南監本、局本及通典禮典並作「龍形板」,毛本作「龍汙板」。
- 万五山 複碧絹柒布緣油頂 「柒」各本並譌「染」,通典禮典作「漆」。柒乃漆之或字,形譌爲「染」。今改正。
- [六] 絳系(終)[絡]織成顔(苇)[芚]赭舌孔雀毛複錦 「芼」南監本作「芚」。通典禮典亦作「芚」,注云「徒昆反」。今據改。 張元濟校勘記云:「『終』殿本、局本作『絡』,是。」
- 四和鸞鳥立花(共)(趺)衛鈴 據南監本、毛本、殿本、局本及通典禮典改。
- 【<)(旆)(旂)十二旒 據南監本、殿本、局本改。
- [元] 緣紅錦(芼)[芚]帶織成花(芼)[芚]的 據通典禮典改。按上「芼」字南監本作「芚」。

- 其重戰貳轄飛(給)[幹]幡 據南監本、局本及通典禮典改。 按東京賦云「重輪貳轄、疏穀飛輪」,
- 作「輪」是。
- 用赤油令 斷云:「飛輪以緹紬廣八尺、長注地、畫左青龍右白虎、繁軸頭、取兩邊飾。」又宋書禮志引東京賦 《赋云:「飛輪,以緹油廣八寸,長注地,畫左蒼龍右白虎,繁軸頭。」又文選東京賦|李善注引|蔡邕]獨 「疏轂飛軨」,云「飛軨以赤油爲之,廣八寸,長注地,繋軸頭,謂之飛軨也」。 「令」南監本、毛本、殿本、局本作「金」。 按文有脫譌。 劉昭續漢志注引薛綜注東京 皆依獨斷 爲說,惟
- 「赤油」二字|薛綜注作「緹油」,李善注作「緹紬」,爲不同耳。
- 金鑁 也,舊譌從變。」 「鍐」當依文選東京賦及李善注引獨斷作「錽」。 盧文劭校獨斷云:「錽,亡犯切,馬頭飾
- [1] 金加冠狀如(三)[玉]華(汗)[形]在馬鍐上 監本、局本改。東京賦李注引獨斷亦作「形」。「在馬鑁上」續漢志劉昭注及東京賦李注引獨斷 並作「在馬髦前」。 「玉」字據文選東京賦李善注引獨斷改。「形」字據南
- [18] 鏤鍚 「鍚」原譌「鍚」,據殿本、局本改正。
- 〇吾 祀〔帝〕于(帝)郊 據元龜五百七十七改,與禮記明堂位原文合。
- 夫必以大輅以錫諸侯 按南監本作「天子以大輅以錫諸侯」,元龜作「夫必以大輅以錫諸侯」,

「天」「必」二字必有一譌。今從元龜改。

[1七] 紫顏(芼)[芚]黃絞紫絞隨陰 據通典禮典改。

碧(毛)〔芚〕 據通典禮典改。 按通典芚字下注 云「徒昆反」。

[12] 上四角皆施龍子(平)[竿] 據南監本、局本改。

3 訓『吳人呼紺爲禁,故以絲旁作襟代紺字』。 **襟衣漆畫** 南監本改「襟」爲「襟」,局本從之。 據此、 殿本考證萬承蒼云:「按字書,禁俗紺字。 `則南監本改『襟』爲『襟』**`非是**。」 顏氏家

[11] 織成 (苇) [菴] 據南監本及通典禮典改。

廂裏及仰(項)[頂]隱膝後戶 據南監本、局本及通典禮典改。

[三] 金塗鏤面[釘] 據通典禮典補。

[118] 榆花(細)[鈿]指子摩尼炎金龍虎 據通典禮典改。

[三] (錄) [銀] 口帶 據殿本及通典禮典改。

(目於)銀星花獸(慢)[慢]竿杖 據毛本、局本及通典禮典改。

三 背花香柒兆床副 「柒」各本譌「染」,按應作「柒」,乃漆之或字,參閱本卷校記第五條。

[1<] 二(官)[宮]御車 據局本改。

周日(輪)[輜]車 據南監本改。 按朱書禮志引傅玄子,亦作「輜車」。

- 轅枕梢幰竿戍棟梁 「戌」南監本作「代」,通典禮典同
- 柒畫金校飾 「柒」殿本、局本作「漆」。按柒乃漆之或字。
- **幰竿成校棟梁** 「成」南監本、殿本、局本作「戍」。
- ⊆乬 衣(畫)[書]十二乘 據通典禮典改。 按張元濟校勘記云:「當作『衣書十二乘』,宋本卷後校讐記

有『衣書車注』云云,可正其譌。」

- 是謂據幔車 「攙幔車」南監本、局本作「攙幰車」,通典禮典同。

「柒」南監本、殿本、局本作「漆」,通典禮典同。

按柒乃漆之或字。

王公加禮者之(爲)常乘 據南監本刪

班柒輪轂

- 以素爲池而黼黻 不譌。 「池」南監本、毛本、殿本、局本作「地」。按轀輬車爲喪車、池、棺飾也,「池」字
- 宋明帝泰始四年 「泰始」原譌「太始」,各本不譌,今改正。
- 〇章 為日月星辰山龍華蟲藻火粉米黼黻十二章 作績、宗彝、藻、火、粉米、黼、黻絺繡」、今數之,止十一章,蓋「華蟲」下脫「宗彝」二字也。 按十二章,即漢書所云「日、月、星辰、山、龍、 華蟲
- 翠羽緌珠節 「節」疑「飾」之譌。按晉志云「太子則以翠羽爲緌,綴以白珠」。
- 妃亦同 「妃」南監本作「色」,通典禮典同。「亦」原譌「六」,今據南監本、殿本、局本改正。

第 九 校 勘 記

志

[3] 六宮青綬青白紅 「六宮」下「靑綬靑白紅」五字疑衍,南監本無。

[四] 諸領護將軍中郞將校(書)[尉] 據通典禮典改。

(四) 秘書(監)丞 據通典禮典補。

南齊書卷十八

志第十

祥瑞

詳,亦唯舊矣。 齊氏受命,事殷前典。 黃門郞蘇侃撰聖皇瑞應記,永明中庾溫撰瑞應圖,其 紀周祚,雕雲素靈,發祥漢氏,光武中興,皇符爲盛,魏膺當塗之讖,晉有石瑞之文,史筆所 啓覺天人之期,扶獎帝王之運,三五聖業,神明大寶,二謀協贊,罔不由茲。 夫流火赤雀,實 天符瑞命,遐哉邈矣。靈篇祕圖,固以蘊金匱而充石室,炳契決,陳緯候者,方策未書。

年,元徽四年,昇明三年,凡七十七年,故日七七也。爰曰:「雲從龍,風從虎。」關尹云:「龍 年,永初三年,景平一年,元嘉三十年,孝建三年,大明八年,永光一年,泰始七年,泰豫一 老子河洛讖曰:「年曆七七水滅緒,風雲俱起龍麟舉。」宋水德王,義熙十四年,元熙二

餘衆品,史注所載。今詳錄去取,以爲志云。

=

不知其乘風雲而上天也。」

讖又曰:「肅草成,道德懷書備出身,形法治吳出南京。」上卽姓諱也。 南京,南徐州治

京口也。

讖又曰:「墥堨河梁塞龍淵,消除水災泄山川。」墥堨河梁,爲路也,路卽道也。 淵塞者,

譬路成也。即太祖諱也。消水災,言除宋氏患難也。

讖又曰:「上參南斗第一星,下立草屋爲紫庭。 神龍之崗梧桐生,鳳鳥舒翼翔且鳴。」南

斗第一星,吳分也。草屋,蕭字也。又簫管之器,[1]像鳳鳥翼也。

讖又曰:「蕭爲二士,天下大樂。」二士,主字也。

讖又曰:「天子何在草中宿。」宿,肅也。

尚書中候儀明篇曰:「仁人傑出,握表之象,日角姓,合音之于。」 蘇偘云:「蕭,角姓也。

又八音之器有簫管也。」

史臣曰:案晉光祿大夫何禛解晉之于爲曹字,謂魏氏也。王隱晉書云:「卯金音于,亦

爲魏也。」候書章句,本無銓序,二家所稱,旣有前釋,未詳個言爲何推據。

·命決曰:「誰者起,視名將。」 君者羣也,理物爲雄,優劣相次以期興,將,太祖小

諱也。征西將軍蕭思話見之曰:「此我家諱也。」

此三王也。 也。 三王九江一在吳,餘悉稚小早少孤,一國二主天所驅。」 金刀,劉也。 三分二叛,宋明帝世 三王九江者,孝武於九江興,晉安王子勛雖不終,亦稱大號,後世祖又於九江基霸迹, 王子年歌曰:「金刀治世後遂苦,帝王昏亂天神怒,災異屢見戒人主,三分二叛失州土, 一在吳,謂齊氏桑梓,亦寄治南吳也。 一國二主,謂太祖符運潛興,爲宋氏驅除

也。 歌又曰:「欲知其姓草肅肅。 歌又曰:「三禾摻摻林茂孳,金刀利刃齊刈之。」刈,翦也。詩云:「實始翦商。」 太祖體有龍鱗,斑駮成文,始謂是黑歷,治之甚至而文愈明。 穀中最細低頭熟。鱗身甲體永興福。」 穀,道;熟,成:又 伏羲亦鱗身也。

諱

成 也。 金雄記曰:「鑠金作刀在龍里,占睡上人相須起。」又云:「當復有作肅入草。」蕭字也。 建號,建元號也。 易運,革命也。

五年,曆百五十年,宋六十年,至建元元年,千五百九年也。 東南隅,四國安定可久留。」案周滅殷後七百八十年,秦四十九年,漢四百二十五年,魏四十 讖曰:「周文王受命,千五百歲,河離出聖人,受命於己未,至丙子爲十八周,旅布六郡

曹卷十 五五二

不可言。」帝意不已,遣人於墓左右校獵,以大鐵釘長五六尺釘墓四維,以爲厭勝。 之, 遣相墓工高靈文占視, 靈文先與世祖善, 三還, 詭荅云:「不過方伯。」 退謂世祖曰:「貴 武進縣彭山,舊坐在焉。其山崗阜相屬數百里,上有五色雲氣,有龍出焉。 宋明帝惡 太祖後

改樹表柱,柱忽龍鳴,響震山谷,父老咸志之云。

凡三處,苔生其上,字不可識。刊苔去之,大石文曰:「此齊者,黃公之化氣也。」〔三〕立石文 秦望之封也。」 曰:「黃天星,姓肅字某甲,四得賢帥,天下太平。」小石文曰:「刻石者誰。」會稽南山李斯刻 會稽剝縣刻石山,相傳爲名,不知文字所在。昇明末,縣民兒襲祖行獵,忽見石上有文

益州齊后山,父老相傳,其名亦不知所起。 昇明三年,有沙門玄暢於山丘立精舍,其

日,太祖受禪日也。

雍州刺史蕭赤斧,[赤斧]表獻之。[六] 中,方三寸。其文曰:「戊丁之人與道俱,肅然入草應天符。」又曰:「皇帝興運。」午〔奉璽〕詣 嵩高山, 昇明三年四月, 滎陽人 [尹午] 於山東南澗見天雨石, [三] 墜地石開, 有 **堅**在其

有似也。晉末嵩高山出玉璧三十二,宋氏以爲受命之祥。今此山出璽,而水德云謝,終始 史臣案:昔大人見臨洮而銅人鑄,臨洮生董卓而銅人毀,有卓而世亂,世亂而卓亡,如

之徵,亦有類也。

元徽四年,太祖從南郊,望氣者陳安寶見太祖身上黃紫氣屬天,安寶謂親人王洪範曰:

「我少來未嘗見軍上有如此氣也。」

太祖年十七,夢乘青龍西行逐日,日將薄山乃止,覺而恐懼,家人問占者,云「至貴之象

也」。蘇偘云:「青、木色。日暮者,宋氏末運也。」

泰始七年,日明帝遣前淮南太守孫奉伯往淮陰監元會。奉伯與太祖同寢,夢上乘龍

上天,於下捉龍脚不得。覺謂太祖曰:「兖州當大庇生民,弟不見也。」奉伯卒於宋。

清河崔靈邁爲上府參軍,

[5] 夢天帝謂己曰:「蕭道成是我第十九子,我去年已授其天

子位。」自三皇五帝至齊受命君,凡十九人也。

經,呼爲『天子路』,後遂爲帝鄉焉。」案從帝實當接立,猶如晉之懷、愍,亦有徵符。 位,論者謂應之,乃是武進縣上所居東城里也。」熊襄云:「上舊鄉有大道,相傳云秦始皇所 宋秦始中,童謠云「東城出天子」,故明帝殺建安王休仁。 蘇侃云:「後從帝自東城即 齊運旣

世祖年十三,夢舉體生毛,髮生至足。又夢人指上所踐地曰「周文王之田」。又夢虛空

無巡幸,路名或是秦舊,疑不能詳。

之齒至四十二而行卽眞矣。及在郢州,夢人從天飛下,頭插筆來畫上衣兩邊,不言而去。 十餘丈,翼下有紫雲氣。及在襄陽,夢著桑屐行度太極殿階。庾溫云:「屐者,運應木也。」 庾溫釋云:「畫者,山龍華蟲也。」 臣案桑字為四十而二點,世祖年過此卽帝位,謂著屐爲木行也。屐有兩齒有聲,是爲明兩 又夢著孔雀羽衣。 庾溫云:「雀,爵位也。」又夢鳳皇從天飛下青溪宅齋前,兩翅相去

世祖宋元嘉十七年六月己未夜生,無火,婢吹灰而火自燃。

一祖於南康郡內作伎,有絃無管,於是空中有篪聲,調節相應。

世 祖爲廣興相,嶺下積旱水涸不通船,上部伍至,水忽暴長。 庾溫云:「易利涉大川之

義也。」

世祖頓盆城,城內無水,欲鑿引江流,試掘井,得伏泉九處,皆湧出。

孔書明巧,當在張陵。」宋均注云:「張陵佐封禪。 字色黃。」謹案瑞應圖,「浪井不鑿自成,王者淸靜,則仙人主之」。 銀 北 不簡, 忽聞金石聲,即掘,深三尺,得沸泉。其東忽有聲錚錚,又掘得泉,沸湧若浪。 建元元年四月,有司奏:「延陵令戴景度稱所領季子廟,舊有涌井二所,廟祝列云舊井 長一尺,廣二寸,隱起文日『(盧)[廬]山道人張陵再拜謁詣起居』。〔五] 簡木堅白而 一云陵,仙人也。」 孔氏世錄云:「叶精帝道, 泉 中得

元徽三年,太祖在靑溪宅,[10]齋前池中忽揚波起浪,湧水如山,有金石響,須臾有靑龍

從池中出,左右皆見之。

昇明元年,青龍見齊郡。

建元四年,青龍見從陽郡淸水縣平泉湖中。

永明七年,黃龍見曲江縣黃池中,一宿二日。

中興二年,山上雲障四塞,頃有玄黃五色如龍,長十餘丈,從西北升天。

宋泰始末,武進舊塋有獸見,一角,羊頭,龍翼,馬足,父老咸見,莫之識也。 永明十年,鄱陽郡獻一角獸,鱗首,鹿形,龍鸞共色。 瑞應圖云:「天子萬福允集,則

角獸 至。」

十一年,白象九頭見武昌。

在庭,擾以成畜,其爲瑞也如此。今觀റ、晉已來,世稱靈物不少,而亂多治少,史不絕書。 史臣曰:記云,升中于天,麟鳳至而龜龍格。則鳳皇巢乎阿閣,麒麟在乎郊藪,豈非馴之

故知來儀在沼,遠非前事,見而不至,未辨其爲祥也。

昇明三年三月,白虎見歷陽龍亢縣新昌村。 新昌村,嘉名也。 瑞應圖云:「王者不暴白

志 第 + 亷 瑞

建元四年三月,白虎見安蠻虔化縣。

中興二年二月,白虎見東平壽張安樂村。

昇明二年, 騶虞見安東縣五界山, 師子頭, 虎身, 龍脚。

詩傳云:「騶虞,義獸,白虎黑

文,不食生物,至德則出。」

昇明三年,太祖爲齊王,白毛龜見東府城池中。

建元二年,休安陵獲玄龜一頭。

永明五年,武騎常侍唐潛上青毛神龜一頭。

七年六月,彭城郡田中獲青毛龜一頭。

八月,延陵縣前澤畔獲毫龜一枚。

八年四月,長山縣王惠獲六目龜一頭,腹下有「萬歡」字,幷有卦兆。

六月,建城縣昌城田獲四目龜一頭,下有「萬齊」字。

九年五月,長山縣獲神龜一頭,腹下有巽兒卦。

中興二年正月,邏將潘道蓋於山石穴中獲毛龜 一頭。

<u>昇明三年,世祖遣人詣宮亭湖廟還福,船泊渚,有白魚雙躍入船。</u>

永明五年,南豫州刺史建安王子眞表獻金色魚一頭。

建元元年八月,男子王約獲白雀一頭。

九月,秣陵縣獲白雀一頭。

二年四月,白雀集郢州府館。

五月,白雀見會稽永興縣。

永明元年五月,郢州丁坡屯獲白雀一頭。

三年七月,安城王暠第獲白雀一頭。

四年七月,白雀見臨汝縣。 九月,南郡江陵縣獲白雀一頭。

七年六月,鹽官縣獲白雀一頭。

八年,天門臨澧縣獲白雀一頭。

九年七月,吳郡錢塘縣獲白雀一頭。

八月,豫州獲白雀一頭。

十年五月,齊郡獲白雀一頭。

建元元年五月,白鳥見巴郡。

志第十 群瑞

永明四年三月,三足烏巢南安中陶縣庭。

八年四月,陽羨縣獲白鳥一頭。

隆昌元年四月,陽羨縣獲白烏一頭。

建元二年,江陵縣獲白鼠一頭。

|永明六年,白鼠見芳林園。

十年九月,義陽郡獲白鼠一頭。

泳明四年,丹楊縣獲白兔一頭。

昇明元年六月,慶雲見益都。

建元元年,世祖拜皇太子日,有慶雲在日邊。

徘徊良久,行轉南行,過長船入華池。 三年,華林園醴泉堂東忽有瑞雲,周圓十許丈,高下與景雲樓平,五色藻密,光彩映山,

昇明二年,宣城臨成縣於藉山獲紫芝一枝。

泳明八年五月,陽城縣獲紫芝一株。

榦。

隆昌元年正月,襄陽縣獲紫芝一莖。

昇明二年四月,昌 國縣徐萬年門下棠樹連理。

九月,豫州萬歲澗廣數丈,有樹連理,隔澗騰枝相通,越壑跨水爲一

榦

建元二年九月,有司奏上虞縣楓樹連理,兩根相去九尺,雙株均聳,去地九尺,合成

故鄣縣楓樹連理,兩株相去七尺,大八圍,去地一 丈,仍相合爲樹,泯如一

淮陰縣建業寺梨樹連理。

山陽縣界若邪村有一槻木,行己合爲連理。

建康縣梨樹耀攘一本作耀攘五圍,連理六枝。

永明元年五月,木連理生安成新喩縣。 又生南梁陳縣。

閏月, 璿明殿外閣南槐樹 連理

八月,鹽官縣內樂村木連 理

一年七月,鳥程縣陳文則家槿樹連理

七月,新冶縣槐栗二木合生異根連理,去地數尺,中央小開,上復爲

一年正月,安城縣橇樹二株連理。

志 第 + 祥 瑞

齊書卷十八

二月,安陽縣梓樹連理。

九月,句陽縣之穀山槿樹連理,異根雙挺,共杪爲

十二月,永寧左郡樠木連理。

四年二月,秣陵縣喬天明園中李樹連理生,自己高三尺五寸,兩枝別生,復高三尺,合爲

榦。

五年正月,秣陵縣華僧秀園中四樹連理。

六年四月,江寧縣北界賴鄉齊平里三成邏門外路東太常蕭惠基園接樹一 一株連理,其高

七年,江寧縣李樹二株連理,兩根相去一丈五尺。

相去二尺,南大北小,小者傾柯南附,合爲一樹,枝葉繁茂,圓密如蓋

八年,巴陵郡樹連理四株。

三月,武陵白沙戍槻木連理,相去五尺,俱高三尺,東西二枝,合而通柯。

十二月,柴桑縣陶委天家樹連理。

永明五年,山陰縣孔廣家園檉樹十二層。 會稽太守隨王子隆獻之,種芳林園 鳳光殿

西。

九年,秣陵縣鬭場里安明寺有古樹,衆僧改架屋宇,伐以爲薪,剖樹木裏,自然有「法大

始興郡本無欓樹,調味有闕。 世祖在郡,堂屋後忽生一株。

昇明二年十月,甘露降建康縣。

十一月,甘露降長山縣。

十二月,甘露降彭山松樹,至九日止。

建元元年九月,甘露降淮南郡桃石榴二樹。

有司奏甘露降新汲縣王安世園樹。

永明二年四月,甘露降南郡桐樹。

四年二月,甘露降臨湘縣李樹。

三月,甘露降南郡桐樹。

四月,甘露降睢陽縣桃樹。

五年四月,甘露降荆州府中閤外桐樹。

六年,甘露降芳林園故山堂桐樹。

至晡乃止。 九年八月,甘露降上定林寺佛堂庭,中天如雨,遍地如雪,其氣芳,其味甘,耀日舞風, 爾後頻降鍾山松樹,四十餘日乃止。

志第十 群瑞

十月,甘露降(大)[泰]安陵樹。[1三]

中興二年三月,甘露降茅山,彌漫數里。

元徽四年三月、醴泉出昌國白鹿山、其味甚甘。

永明元年正月,新蔡郡固始縣獲嘉禾,一莖五穗。

八月,新蔡縣獲嘉禾,二莖九穗,一莖七穗。

十一月,固始縣獲嘉禾,一莖九穗。

二年八月,梁郡睢陽縣界野田中獲嘉禾,一莖二十三穗。

五年九月,莒縣獲嘉禾一株。

十年六月,海陵齊昌縣獲嘉禾,一莖六穗。

十一年九月,睢陽縣田中獲嘉禾一株。

昇明二年九月,建寧縣建昌村民採藥於萬歲山,忽聞澗中有異響,得銅鍾一枚,長二尺

寸,邊有古字。

建元元年十月、(浩)[治]陵郡蜑民田健所住嚴閒、[四常留雲氣,有聲響澈若龍吟,求之

積歲,莫有見者。去四月二十七日,嚴數里夜忽有雙光,至明往,獲古鍾一枚,又有一器名

淳于,蜑人以爲神物奉祠之。

永明四年四月,東昌縣山自比歲以來,恒發異響,去二月十五日,有一巖褫落,縣民方

元素往視,於巖下得古鍾一枚。

五年三月,豫寧縣長崗山獲神鍾一枚。

寸,縣柄長一尺二寸,合高五尺,四面各九孔。 乃共發視,獲玉璽一鈕,璧方八分,上有鼻,文曰「帝眞」。 夜輒復有光,旣經旬日,村民張慶宣瓦作屋,又於屋閒見光照內外,慶宣疑之,以告孔休先, 九年十一月,寧蜀廣漢縣田所墾地入尺四寸,獲古鍾一枚,形高三尺八寸,圍四尺七 更於陶所瓦閒見有白光,窺尋無物,自後夜

恒 有白光,皎質屬天,狀似縣絹,私疑非常,請師卜候,道士傳德占使掘之,深三尺,獲玉印 曲 阿縣民黃慶宅左有園,園東南廣袤四丈,每種菜,輒鮮異,雖加採拔,隨復更生。夜中

一鈕,文曰「長承萬福」。

永明二年正月,冠軍將軍周普孫於石頭北廂將堂見地有異光照城堞,往獲玉 璽一

方七分,文曰「明玄君」。

十一月,虜 國民齊祥歸入靈丘關,聞殷然有聲,仰視之,見山側有紫氣如雲,衆鳥回翔

其閒。 獻虜主。 解往氣所,獲璽方寸四分,獸鈕,文曰「坤維聖帝永昌」。 送與虜太后師道人惠度,欲 惠度覩其文,竊謂「當今衣冠正朔,在於齊國」。 遂附道人惠藏送京師, 因羽林監

崔士亮獻之。

字,行三中央「蕭」字,下「萬世」字。行為 在。今年正月,玄宣又稱神人授皇帝璽,龜形,長五寸,廣二寸,厚二寸五分,上有「天地」 卷,六紙,又表北極一紙,又移付羅漢居士一紙,云從兜率天宮下,使送上天子,因失道人所 三年七月,始興郡民龔玄宣云,去年二月,忽有一道人乞食,因探懷中出篆書 眞經

十年,蘭陵民齊伯生於六合山獲金璽一鈕,文曰「年予主」。

世祖治盆城,得五尺刀一十口,江北永明年曆之數。

昇明三年,左里村人於宮亭湖得靫戟二枚,傍有古字,文遠不可識。

泰始中,世祖於靑溪宅得錢一枚,文有北斗七星雙節,曰〇又有人形帶劍。 及治盆城,

又得一大錢,文曰「太平百歲」。

永明七年,齊興太守劉元寶治郡城,於塹中獲錢百萬,形極大,以獻臺爲瑞,世祖班賜

朝臣以下各有差。

十年,齊安郡民王攝掘地得四文大錢一萬二千七百十枚,品製如一。

建元元年,郢州監利縣天井湖水色忽澄清,出綿,百姓採以爲纊。

永明二年,護軍府門外桑樹一株,並有蠶絲綿被枝莖。

史臣案:漢光武時有野蠶成蠒,百姓得以成衣服。 今則浮波幕樹,其亦此之類乎?

永明八年,始興郡昌樂村獲白鳩 頭。

一頭

二年,彭澤縣獲白雉一頭。

十年,青州洍液戍獲白雉 七年,鬱林獲白雉 頭。

五年,望蔡縣獲白鹿 頭。

九年,臨湘獲白鹿 頭。

六年,蒲濤縣亮野村獲白麞 頭。

七年,荆州獲白麞 一頭。

八年,餘干縣獲白麞 頭。

九年,義陽安昌縣獲白麞 頭。

志 第 + 祥 瑞 校 勘 記

十年,司州淸激戍獲白麞一頭。

十一年,廣陵海陵縣獲白麞一頭。

七年,越州獻白珠,自然作思惟佛像,長三寸。上起禪靈寺,置刹下。

七年,吳郡太守江斅於錢塘縣獲蒼玉璧一枚以獻。

七年,主書朱靈讓於浙江得靈石,十人舉乃起,在水深三尺而浮,世祖親投于天淵池試

之,刻爲佛像。

二年,從陽丹水縣山下得古鼎一枚。

二年,越州南高凉俚人海中網魚,獲銅獸一頭,銘曰「作寶鼎,齊臣萬年子孫承寶」。

贊曰:天降地出,星見先吉。 造物百品,詳之載述。

校勘記

[一] 又簫管之器 「簫」原譌「蕭」,據南監本、殿本、局本改。

[1] 靈文先與世祖善 「世祖」南史齊紀作「太祖」。下「退謂世祖日」,南史齊紀亦作「太祖」。

- 黄公之化氣也 「黄公」南史齊紀作「黄石公」。
- 姓蕭字某甲 「某甲」南史齊紀作「道成」,與上「星」下「平」爲韻,此蕭子顯避諱改也。
- 五 滎陽人〔尹午〕於山東南澗見天雨石 據南監本、殿本、局本補。 按「尹午」南史齊紀作「尹千」,

下同。又「東南澗」南監本、局本作「東南隅」。

據南監本、殿本、局本補。

午〔奉璽〕詣雍州刺史蕭赤斧〔赤斧〕表獻之

「七」 泰始七年 「七年」頭史齊紀作「三年」,元龜二百三作「二年」。 按蕭道成自泰始二年鎮淮陰,七

年徵還京師,此事當在二年後,七年前,疑頭史作「三年」是。

- 「九」(盧)[廬]山道人張陵再拜謁詣起居 據殿本改。

ベスし

清河崔靈運爲上府參軍

「崔靈運」南史齊紀及沅龜二百三並作「崔靈建」。

- 太祖在青溪宅 「靑溪」百衲本作「淸溪」、今據殿本改。
- 山陽縣界若邪村有一槻木 按若邪村殆以若邪山得名, 若邪山在山陰縣界,疑「山陽」 當作

「山陰」。

- 秣陵縣喬天明園中李樹連理生 「喬」毛本、殿本、局本並作「高」。按远鑢二百二亦作「喬」。
- 甘露降(大)[泰]安陵樹 據高帝紀下及皇后傳改。
- (三)(浩)(治)陵郡蜑民田健所住嚴閒 張森楷校勘記云:「案州郡志無浩陵,疑『浩』字譌。」今按齊建

志

元二年,置巴州,割涪陵郡屬焉。 齊書高逸明僧紹傳,子惠照,爲巴州刺史,綏懷蠻蜑,是巴州有

蜑民之證。「浩」乃「涪」之形譌,今據改。

〇三 上有天地字 「天地」元龜二百二作「天子」。

「IK」下萬世字 「下」字下元龜二百二有「有」字。

[1七] 得五尺刀一十口 御覽六十五引作「得尺五刀十一口」。按永明凡十一年,旣象徵永明年曆之

數,則以作「十一口」爲是。

(1公) 文有北斗七星雙節「雙節」南史齊紀作「雙刀雙貝」。

南齊書卷十九

志第十一

五行

詐,以奪民財,則木失其性矣。

蓋以工匠之爲輪矢者多傷敗,故日木不曲直。」 逆木行,田獵馳騁,不反宮室,飲食沈湎,不顧禮制,出入無度,多發繇役,以奪民時,作爲姦 本也。無奪農時,使民歲不過三日,行什一之稅,無貪欲之謀,則木氣從。如人君失威儀, 木傳曰:「東方,易經地上之木爲觀,故木於人,威儀容貌也。木者,春生氣之始,農之

生,不出二年,國喪,君子亡。」其占同。宋氏禪位。 宋泰豫元年,京師祗垣寺皂莢樹枯死。 昇明末,忽更生花葉。京房易傳曰:「樹枯冬

建元元年,朱爵舫華表柱生枝葉。

建元初,李子生毛。

志第十一 五行

二年,武陵沅頭都尉治有桑樹,方冬生葉。 京房易傳曰:「木冬生花,天下有喪。」其占

同。後二年,宮車晏駕。

四年,巴州城西古樓脚柏柱數百年,忽生花。

永明六年,(后)[石]子崗柏木長二尺四寸,(二 廣四寸半,化爲石。 時車駕敷游幸,應本

傳木失其性也。

永明中、大舫一舶無故自沈、艚中無水。

隆昌元年,廬陵王子卿齋屋梁柱際無故出血。

建武初,始安王遙光治廟,截東安寺屋以直廟垣,截梁,水出如淚。

貌傳曰:「失威儀之制,怠慢驕恣,謂之狂,則不肅矣。下不敬,則上無威。

敬,又肆其驕恣,肆之則不從。夫不敬其君,不從其政,則陰氣勝,故曰厥罰常雨。」

永明八年四月, 己巳起陰雨, 晝或暫晴, 夜時見星月, 連雨積霖, 至十七日乃止。

十一年四月辛巳朔,去三月戊寅起,而其閒暫時晴,從四月一日又陰雨,晝或見日,夜

乍見月,回復陰雨,至七月乃止。

|永泰元年十二月二十九日雨,至永元元年五月二十一日乃晴。|京房占曰:「冬雨,天下

饑。春雨,有小兵。」時虜寇雍州,餘應本傳。

傳日:「大雨雪,猶庶徵之常雨也,然有甚焉。 雨,陰。 大雨雪者,陰之畜積甚也。一日

與大水同象,日攻爲雪耳。」

建元二年閏月己丑,雨雪。

三年十一月,雨雪,或陰或晦,八十餘日,至四年二月乃止。

者人君之象,入則除害,出則興利。雷之微氣以正月出,其有聲者以二月出,以八月入,其 ·孫曰:「雷於天地爲長子,以其首長萬物,與之出入,故雷出萬物出,雷入萬物入。 夫雷

餘微者以九月入。冬三月雷無出者,若是陽不閉陰,則出涉危難而害萬物也。」

建元元年十月壬午,夜電光,因雷鳴。

十一月庚戌,電光,有頃雷鳴,久而止。

永明五年正月戊申,夜西北雷聲。

六年十月甲申,夜陰細雨,始聞雷鳴於西北上。

七年正月甲子,夜陰,雷鳴西南坤宮,隆隆一聲而止。

志第十一 五行

=

八年正月庚戌,夜雷起坎宮水門,其音隆隆,一聲而止。

九年二月丙子,西北有電光,因聞雷聲隆隆,仍續十聲而止。

十年二月庚戌,夜南方有電光,因聞雷聲隆隆相續,丁亥止。

十月庚子,電雷起西北。

十一月丁丑,西南有光,因聞雷聲隱隱,再聲而止。西南坤宮。

十二月甲申,陰雨,有電光,因聞西南及西北上雷鳴,頻續三聲。

丙申,夜聞西北上雷頻續二聲。

辛亥,雷雨。

薄之。雹者,陰薄陽之象也。霰者,陽脅陰之符也。 漢曰:「雨雹,君臣之象也。陽之氣專爲雹,陰之氣專爲霰。陽專而陰脅之,陰盛而陽 春秋不書霰者,猶月蝕也。」

建元四年五月戊午朔,雹。

永明元年九月乙丑,雹落大如蒜子,須臾乃止。

十一年四月辛亥,雹落大如蒜子,須臾滅。

盜,故曰厥極惡。」一曰:「民多被刑,或形貌醜惡,風俗狂慢,變節易度,則爲輕剽奇怪之服, 貌氣毀,故有雞旤。」一曰:「水歲雞多死及爲怪,亦是也。 貌傳又曰:「上失節而狂,下怠慢而不敬,上下失道,輕法侵制,不顧君上,因以荐飢 上下不相信,大臣姦宄,民爲寇

故曰時則有服妖。」

子度坑」,天意言天下將有逐冤之事也。 一曰「山鵲歸林」者,詩云「鵲巢,夫人之德」,東昏寵嬖淫亂,故鵲歸其林藪。 建武 永元中,東昏侯自造遊宴之服,綴以花采錦繡,難得詳也。 永明末,民閒制倚勸帽。及海陵廢,明帝之立,勸進之事,倚立可待也 永明中,蕭諶開博風帽後裠之製,爲破後帽。 |永明中,宮內服用射獵錦文,爲騎射兵戈之象。 至建武初,虜大爲寇。 中,帽裠覆頂,東昏時,以爲裠應在下,而今在上,不祥,斷之。羣下反上之象也。 三日「反縛黄離嘍」,黃口小鳥也,反縛,面縛之應 世祖崩後,諶建廢立,誅滅諸王。 羣小又造四種帽,帽因勢為 二日「冤

木,木沴金,衝氣相通。」 貌傳又曰:「危亂端見,則天地之異生。 木者青,故日青眚,爲惡祥。 凡貌傷者,金沴

也。

四日「鳳皇度三橋」,鳳皇者嘉瑞,三橋,梁王宅處也。

志第十一 五行

延興元年,海陵王初立,文惠太子冢上有物如人,長數丈,青色,直上天,有聲如雷。

觀,雖與師衆,不能救也。 疎忠臣,至殺世子,逐功臣,以妾爲妻,則火失其性,上災宗廟,下災府榭,內熯本朝,外熯闕 遠,羣賢在位,則爲明而火氣從矣。人君疑惑,棄法律,不誅讒邪,則讒口行,內閒骨肉,外 火,南方,揚光輝,出炎爚爲明者也。人君向明而治,蓋取其象。以知人爲分,讒佞旣

永明三年正月,甲夜西北有野火,光上生精,西北有四,東北有一,並長七八尺,黄

赤色。

四年正月丁亥,夜有火精三處。 三月庚午,丙夜北面有野火,光上生精,長六尺,戊夜又有一枚,長五尺,並黃赤色。

閏月丁巳,夜有火精四所。

十二月辛酉,夜東南有野火精二枚。

六年十一月戊申,夜西南及北三面有野火,火上生精,九枚,竝長二尺,黃赤色。 五年十二月丙寅,夜西北有野火,火上生精,一枚,長三尺,黄白色。

九年二月丙寅,甲夜北面有野火,火生精,二枚,西北又一枚,竝長三尺,須臾消。

三千餘閒。[三]京房易傳曰:「君不思道,厥妖火燒宮。」 祕閣與春秋宣榭火同,天意若曰,旣 永元二年八月,宮內火,燒西齋齊儀殿及昭陽、顯陽等殿,北至華林牆,西及祕閣,凡屋

無紀綱,何用典文爲也。

禳之。 二年冬,京師民閒相驚云,當行火災,南岸人家往往於籬閒得布火纏者,云公家以此

三年正月,豫章郡天火燒三千餘家。 京房易占曰:「天火下燒民屋,是謂亂治殺兵作。」

是年,臺軍與義師偏衆相攻於南江諸郡。 三年二月,乾和殿西廂火,燒屋三十閒。 是時西齋旣火,帝徙居東齋,高宗所住殿也。

與燒宮占同。

(傳又曰:「犯上者不誅,則草犯霜而不死。或殺不以時,事在殺生失柄,故曰草妖也。」

一曰:「草妖者,失衆之象也。」

永元中,御刀黃文濟家齋前種昌蒲,忽生花,光影照壁,成五采,其兒見之,餘人不見

也。少時,文濟被殺。

志

卷十 九 三七六

劉歆視傳有羽蟲之孽,謂鷄禍也。 班固案易鷄屬巽,今以羽蟲之孽類是也,依歆說附

視傳云。

建武二年,有大鳥集建安,形如水犢子。其年,郡大水。

三年,大鳥集東陽郡,太守沈約表云:「鳥身備五朵,赤色居多。」案樂緯叶圖徵云:「焦

明鳥質赤,至則水之感也。」

永明二年四月,烏巢內殿東鴟尾。

三年,大鳥集會稽上虞。其年,縣大水。

孫曰:「維水沴火。」又曰:「赤眚赤祥。」

建武四年,王晏子德元所居帷屏,無故有血灑之,少日而散。〔晏尋被誅〕。回

爲大臣之象,專恣而氣盛,故罰常風。心爲五事主,猶土爲五行主也。」一曰:「陰陽相薄,偏 氣陽多爲風,其甚也常風。陰氣多者,陰而不雨,其甚也常陰。」一曰:「風宵起而晝晦,以應

常陰同象也。」

建元元年十一月庚戌,風夜暴起,雲雷合冥,從戌亥上來。

四年十一月甲寅,酉時風起小鴃,至二更雪落,風轉浪津。

永明四年二月丙寅,已時風迅急。

十一月己丑,戌時風迅急,從西北戌亥上來。

五年五月乙酉,子時風迅急,從西北戌亥上來。

七年正月丁卯,陽徵陰賊之日,時加子,風起迅急,從北方子丑上來,暴疾浪津,寅

時止。

.八年六月乙酉,〔時〕加子(時),〔8〕風起迅急,暴疾浪津,發屋折木,塵沙,從西南未上

來,因雷雨,須臾,風微雨止。

九年七月甲寅,陽羽廉貞之日,時加亥,風起迅急,從東方來,暴疾彭勃浪津,至乙卯陰

賊時漸微,名羽動羽。

九月乙丑,時加未,雷,驟雨,風起迅急,暴疾浪津,從西北戌上來。

十月壬辰,陽羽姦邪之日,時加丑,風起從北方子丑上來,暴疾浪津,迅急,塵埃,五日

寅時漸微,名羽動宮。

十年正月辛巳,陽商寬大之日,時加寅,風從西北上來,暴疾浪津,迅急,揚沙折木,酉

志第十一 五行

時 啃

月甲辰,陽徵姦邪之日,時加辰,風起迅急,從西北亥上來,暴疾彭勃浪津,至 酉

時止。

七月庚申,陰角貪狼之日,時加午,風從東北丑上來,迅急浪津,至辛酉已時漸微 三月丁酉,陽徵廉貞之日,時加未,風從北方子丑上來,迅急,暴疾浪津,戌時止。

十一年二月庚寅,陽角廉貞之日,時加亥,風從西北亥上來,迅疾浪津,丑時漸微,爲角

動角。

七月甲寅,陽羽廉貞之日,時加巳,風從東北寅上來,迅疾浪津,發屋折木,戊夜漸微,

爲羽動徵。己巳,陽角寬大之日,時加未,風從戌上來,暴疾,良久止,爲角動商及宮。

凡時無專恣,疑是陰陽相薄。

建(昌)[武]元年三月乙酉,[智]未時風起,浪津暴急,從北方上來,應本傳瞀亂

建武二年、三年、四年,每秋七月、八月,輒大風,三吳尤甚,發屋折木,殺人。 京房占

「獄吏暴,風害人」。時帝嚴刻。

永元元年七月十二日,大風,京師十圍樹及官府居民屋皆拔倒,應本傳。

(傳又曰:「山之於地、君之象也。山崩者、君權損、京陵易處、世將變也。 陵轉爲澤,貴

將爲賤也。」

丈,短者八九尺,頭題有古文字,不可識。江淹以問王儉,儉云:「江東不閑隸書,此秦漢 建元二年夏,廬陵石陽縣長溪水衝激山麓崩,長六七丈,下得柱千餘口,皆十圍,長者

時柱也。」後年宮車晏駕,世變之象也。

|永明二年秋,始興||曲江縣山崩,壅底溪水成陂。|京房占:「山崩,人主惡之。」

傳又曰:「雷電所擊,蓋所感也。皆思心有尤之所致也。」

建元二年閏六月丙戌,戊夜震電。

四年五月五日,雲雹闇都,公雷震于樂遊安昌殿,電火焚蕩盡。

永明八年四月六日,雷震,會稽山陰恒山保林寺刹上四破,電火燒塔,下佛面窗戶不

異也。

永明中,〔雷〕震東宮南門,〔五〕無所傷毀,殺食官一人。

十一年三月,震于東齋,棟崩。 左右密欲治繕,竟陵王子良曰:「此豈可治,留之志吾

過,且旌天之愛我也。」明年,子良薨。

志第十一 五行

三八〇

漢又曰:「土氣亂者,木金水火亂之。」

建武二年二月丁巳,地震。

永元元年七月,地日夜十八震。

九月十九日,地五震。

樂侵陵,好攻戰,貪城邑,輕百姓之命,人民不安,內外騷動,則金失其性。蓋冶鑄不化,(水) [冰]滯固堅,[10]故日金不從革,又日維木沴金。 立旗鼓,仗旄把鉞,以誅殘賊,止暴亂,殺伐應義,則金氣從。工冶鑄化,革形成器也。人君 金者,西方,萬物旣成,殺氣之始也。其於王事,兵戎戰伐之道也。王者與師動衆,建

建武四年,明帝出舊宮送豫章王第二女綏安主降嬪,還上輦,輦上金翅無故自折落地。

旅,炕陽之節,若動衆勞民,是言不從。 **三縣日:「言場之道,西方日役,爲口。人君過差無度,刑法不一,斂從其重,或有師** 人君旣失衆,政令不從,孤陽持治,下畏君之重刑,

陽氣勝則旱象至,故曰厥罰常陽也。」

建元三年,大旱,時有廣寇。

永明三年,大旱,明年,唐寓之起。

建武二年,大旱,時虜寇方盛,皆動衆之應也。

言傳曰:「下旣悲苦君上之行,又畏嚴刑而不敢正言,則必先發於歌謠。 歌謠,口事也

口氣逆則惡言,或有怪謠焉。」

宋泰始旣失彭城,江南始傳種消梨,先時所無,百姓爭欲種植。識者曰:「當有姓肅而

來者。」十餘年,齊受禪。

元徽中,童謠曰:「襄陽白銅歸,郎殺荆州兒。」後沈攸之反,雍州刺史張敬兒襲江陵,殺

沈攸之子元琰等。

永明元年元日,有小人發白虎樽,旣醉,與筆扎,不知所道,直云「憶高帝」。敕原其罪。

世祖起青溪舊宮,時人反之日,「舊宮者,窮廢也」。及上崩後,宮人出居之。

永明初,百姓歌曰:「白馬向城啼,欲得城邊草。」後句閒云「陶郞來」。白者金色,馬者兵

事。三年,妖賊唐寓之起,言唐來勞也。

起禪靈寺初成,百姓縱觀,或曰:「禪者授也,靈非美名,所授必不得其人。」後太孫

立,見廢也。

永明中,宮內坐起御食之外,皆爲客食。世祖以客非家人名,改呼爲別食,時人以爲分

別之象。少時,上晏駕。

文惠太子在東宮,作兩頭纖纖詩,後句云「磊磊落落玉山崩」。自此長王宰相相繼薨徂,

二宮晏駕。

文惠太子作七言詩,後句輒云「愁和諦」。後果有和帝禪位。

永明中,虜中童謠云:「黑水流北,赤火入齊。」尋而京師人家忽生火,赤於常火,熱小

以火灸數日而差。隣人笑曰:「病偶自差,豈火能爲。」此人便覺頤閒癢,明日癭還如故。後 微,貴賤爭取以治病。法以此火灸桃板七炷,七日皆差。敕禁之,不能斷。京師有病癭者,

梁以火德興。

文惠太子起東田,時人反云「後必有癩童」。果由太孫失位。

齊宋以來,民閒語云「擾攘建武上」。明帝初,誅害蕃戚,京師危駭。

得起,誤殺老姥子。」千里流者,江祏也。東城,遙光也。遙光夜舉事,垣歷生者烏皮袴褶往 永元元年,童謠曰:「洋洋千里流,流翣東城頭。[11] 鳥馬鳥皮袴,三更相告訴。 脚跛不

奔之。跛脚,亦遙光。老姥子,孝字之象,徐孝嗣也。

廣莫門死,時年六十三。烏集傳舍,卽所謂「瞻鳥爰止,于誰之屋」。三八二十四,起建元元 年,至中興二年,二十四年也。摧折景陽樓,亦高臺傾之意也。言天下將去,乃得休息也。 豬,崔慧景屬馬」,非也。東昏侯屬豬,馬子未詳,梁王屬龍,蕭穎胄屬虎。崔慧景攻臺,頓 廣莫人無餘。烏集傳舍頭,今汝得寬休。但看三八後,摧折景陽樓。」識者解云「陳顯達屬 永元中,童謠云:「野豬雖嗃嗃,馬子空閻渠。不知龍與虎,飲食江南墟。七九六十三,

崔慧景圍臺城,有一五色幡,飛翔在雲中,半日乃不見,衆皆驚怪,曰曰相謂曰:「幡者, 齊、宋之際,民閒語云「和起」,言以和顏而爲變起也。後和帝立。

事尋當飜覆也。」數日而慧景敗。

氏禪者,其有匹夫居之。 宋昇明二年,飆風起建康縣南塘里,吹帛一匹入雲,風止,下御路。紀僧眞啓太祖當宋 言傳曰:「言氣傷則民多口舌,故有口舌之痾。 金者白,故有白眚,若有白爲惡祥。」

[其]散,爲之貌以收其魂神,而孝子得盡禮焉。[1三]敬之至,則神歆之,此則至陰之氣從,則 水,北方,冬藏萬物,氣至陰也,宗廟祭祀之象。死者精神放越不反(者),故爲之廟以收

水氣從溝瀆隨而流去,不爲民害矣。人君不禱祀,簡宗廟,廢祭祀,逆天時,則霧水暴出,川

建元二年,吳、吳興、義興三郡大水。

水逆溢,壞邑軼鄉,沈溺民人,故曰水不潤下。

二年夏,丹陽、吳二郡大水。

四年,大水。

永明五年夏,吳與、義興水雨傷稼。

六年,吳興、義興二郡大水。

建武二年多,吳、晉陵二郡水雨傷稼。

永元元年七月,濤入石頭,漂殺緣淮居民。 應本傳。

荆州城內有沙池,常漏水。蕭穎胄爲長史,水乃不漏,及穎胄亡,乃復竭。

孫曰:「極陰氣動,故有魚孽。 魚孽者,常寒罰之符也。」

永明九年,鹽官縣石浦有海魚乘潮來,水退不得去,長三十餘丈,黑色無鱗,未死,有聲

如牛,土人呼爲海灩,取其肉食之。

永元元年四月,有大魚十二頭入會稽上虞江,大者近二十餘丈,小者十餘丈,一入山陰

永明元年十一月癸卯,夜天東北有聲,至戊夜。

而蔽天光也。 而彌於天,天氣動則其象應,故厥罰常陰。王者失中,臣下盛強,而蔽君明,則雲陰亦衆多 物之始,王者,正萬事之始,失中則害天氣,類相動也。天者轉於下而運於上,雲者起於山 、鎮曰:「皇之不極,是謂不建,其咎在霧亂失聽,故厥咎霧。 思心之咎亦霧。 天者,正萬

建元四年十月丙午,日入後土霧勃勃如火煙。

永明二年十一月己亥,四面土霧入人眼鼻,至辛丑止。

二年十一月丙子,日出後及日入後,四面土霧勃勃如火煙。

六年十一月庚戌, 丙夜土霧竟天, 昏塞濃厚, 至六日未時小開, 到甲夜(仍)後[仍] 濃

密,自己勃勃如火煙,辛慘入人眼鼻。

志第

+ -

五行

八年十月壬申,夜土霧竟天,濃厚勃勃如火煙,氣入人眼鼻,至九日辰時開除。

九年十月丙辰,晝夜恆昏霧勃勃如火煙,其氣辛慘入人眼鼻,兼日色赤黃,至四日甲夜

開除。

十年正月辛酉,酉初四面土霧勃勃如火煙,其氣辛慘入人眼鼻。

延明:「易日『乾爲馬』。逆天氣,馬多死,故日有馬禍。」一日,馬者,兵象也。 將有寇戎

之事,故馬爲怪。

建(昌)[武]四年、[三]王晏出至草市、馬驚走、鼓步從車而歸、十餘日、晏誅。

建武中,南岸有一蘭馬,走逐路上女子,女子窘急,走入人家牀下避之,馬終不置,發牀

食女子股脚閒肉都盡,禁司以聞,敕殺此馬,是後頻有寇賊。

三耳已上,是謂多聽,國事無定。二鼻以上,國主久病。三足三臂已上,天下有兵。」其 京房易傳曰:「生子二胷以上,民謀其主。三手以上,臣謀其主。二口已上,國見驚以

類甚多,蓋以象占之。

永明五年,吳興東遷民吳休之家女人雙生二兒,胷以下齊以上合。

京房易傳曰:「野獸入邑,其邑大虛。」又曰:「野獸無故入邑朝廷門及宮府中者,邑逆

且虛。」

永明中,南海王子罕爲南兖州刺史,有麞入廣陵城,投井而死,又有象至廣陵,是後刺

史安陸王子敬於鎭被害。

建武四年春,當郊治(丘)圓[丘],[云宿設已畢,夜虎攪傷人。

建武中,有鹿入景皇寢廟,皆爲上崩及禪代也。凡無占者,皆爲不應本傳。

贊曰:木怪夔魍,火爲水妃。 土實載物,金作明威。 形聲異迹,影響同歸。 皆由象應,

莫不類推。

校勘記

[1](后)[石]子崗柏木 據南監本、殿本、局本改。

[1] 北至華林牆西及祕閣凡屋三千餘閒 「凡」南監本、毛本、殿本、局本並作「北」,連上讀。

[三] 焦明鳥質赤 「明」原譌「朋」,各本不譌,今改正。 按五方神鳥,南方日焦明,見說文鳥部鷸字。

[四] [晏尋被誅] 據南監本、毛本、殿本、局本補。

志第十一 校勘記

- 万 更 し 思心不睿 按「睿」當作「容」,說詳錢大昕廿二史考異及王念孫讀書雜志。
- [六][時]加子(時) 據殿本改。
- . --建(昌)[武]元年三月乙酉 據殿本改。 按齊無「建昌」年號。
- [C] 雲雹闇都 「雲」殿本作「雷」。
- [九][雷]震東宮南門 據南監本、殿本、局本補。
- [10] (水)[水]滯固堅 據局本改。 按漢書五行志作「冰」,補註引劉敞云「冰音凝」。
- (二)流翣東城頭 元龜八百九十四作「翣翣東城頭」。
- 半日乃不見衆皆驚怪 御覽八百七十引作「半日乃下,衆見皆驚怪」。
- 死者精神放越不反(者)故爲之廟以收[其]散爲之貌以收其魂神而孝子得盡禮焉 禮焉」。 改。 按南監本、局本作「死者精神放越不反,聖人爲之宗廟,以收其魂氣,春秋祭祀,而孝子得盡 蓋參照漢書五行志改,文義較順,然恐非子顯原文也。 據毛本、殿本
- [1四] 到甲夜(仍)後[仍]濃密 據南監本、殿本、局本改。
- [三]建(昌)[武]四年 據殿本改。
- 二 治(丘)圓(丘) 據南監本、毛本、殿本、局本改。按「圓」殿本作「圓」,圓圓通。

比駙馬都尉。

南齊書卷二十

列傳第一

皇后

年,復置昭容,位在九嬪。建元三年,太子宮置三內職,良娣比開國侯,保林比五等侯,才人 散職。永明元年,有司奏貴妃、淑妃並加金章紫綬,佩于竇玉。淑妃舊擬九棘,以淑爲溫恭 之稱,妃爲亞后之名,進同貴妃,以比三司。夫人之號,不殊蕃國。降淑媛以比九卿。七 三夫人,脩華、脩儀、脩容、淑妃、淑媛、淑儀、婕妤、容華、充華爲九嬪,美人、中才人、才人爲 六宮位號,漢、魏以來,因襲增置,世不同矣。 建元元年,有司奏置貴嬪、夫人、貴人爲

宣孝陳皇后諱道止,〔1〕臨淮東陽人,魏司徒陳矯後。〔三〕父肇之,郡孝廉。

夫,諡曰敬侯。后母胡氏爲永昌縣靖君。 太夫人,回蜜印,畫青綬,祠以太牢。 膳甚厚,后每撤去兼肉,曰:「於我過足矣。」殂于縣舍,年七十三。 昇明三年,追贈竟陵公國 使有過誤,恕不問也。太祖雖從官,而家業本貧,爲建康令時,高宗等冬月猶無縑纊,而奉 也。」后歎曰:「我三兒誰當應之。」呼太祖小字曰:「正應是汝耳。」宣帝殂後,后親自執勤,婢 安貞王道生,后生太祖。太祖年二歲,乳人乏乳,后夢人以兩甌麻粥與之,覺而乳大出,異 而說之。宣帝從任在外,至后常留家治事敎子孫。有相者謂后曰:「夫人有貴子而不見 后少家貧,勤織作,家人矜其勞,或止之,后終不改。嫁于宣帝,庶生衡陽元王道度、始 建元元年,追尊孝皇后。贈外祖父肇之金紫光祿大

高昭劉皇后諱智容,廣陵人也。祖玄之,父壽之,並員外郎。

然。宋泰豫元年殂,年五十。歸葬宣帝墓側,今泰安陵也。門生王清與墓工始下锸,有白兔 亦足興家矣。」后每寢臥,家人常見上如有雲氣焉。 后母 桓氏夢吞玉勝生后,時有紫光滿室,以告壽之,壽之曰:「恨非是男。」桓曰:「雖女, 年十餘歲,歸太祖,嚴正有禮法,家庭肅

壽之子興道司徒屬,文蔚豫章內史,義徽光祿大夫,義倫通直郎。 跳起,尋之不得,及墳成,冤還栖其上。昇明二年,贈竟陵公國夫人。三年,贈齊國妃,印綬 如太妃。 建元元年,尊諡昭皇后。三年,贈后父金紫光祿大夫,母桓氏上[虞]都鄉君;

武穆裴皇后諱惠昭,河東聞喜人也。祖朴之,「云」給事中。父璣之,左軍參軍。

追尊皇后。贈璣之金紫光祿大夫,后母檀氏餘杭廣昌鄉元君。 三年,爲齊世子妃。建元元年,爲皇太子妃。三年,后薨。諡穆妃,葬休安陵。世祖卽位, 爲舅姑所重,世祖家好亦薄焉。性剛嚴,竟陵王子良妃袁氏布衣時有過,后加訓罰。 后少與豫章王妃庾氏爲娣姒,庾氏勤女工,奉事太祖、昭后恭謹不倦,后不能及,故不

也。車駕數幸琅邪城,宮人常從,早發至湖北埭,鷄始鳴。 隱,不聞端門鼓漏聲,置鍾於景陽樓上,宮人聞鍾聲,早起裝飾,至今此鍾唯應五鼓及三鼓 西,范貴妃居昭陽殿東,寵姬荀昭華居鳳華柏殿。宮內御所居壽昌畫殿南閣,置白鷺鼓吹西,范貴妃居昭陽殿東,寵姬荀昭華居鳳華柏殿。宮內御所居壽昌畫殿南閣,置白鷺鼓吹 二部; 乾光殿東西頭,置鍾磬兩廂:皆宴樂處也。上數遊幸諸苑囿,載宮人從後車,宮內深 舊顯陽、昭陽〔二〕殿,〔€〕太后、皇后所居也。 永明中無太后、皇后,羊貴嬪居昭陽殿

宮中職僚。世祖以爲博士,敎六宮書學,以其年老多識,呼爲「韓公」。 吳郡韓藺英,公婦人有文辭。宋孝武世,獻中興賦,被賞入宮。〔宋〕明帝世,公用爲

餘枚。[10] 永明十一年,爲皇太孫太妃。鬱林卽位,尊爲皇太后,稱宣德宮。贈后父金紫光 妃。四年,爲皇太子妃,無寵。太子爲宮人製新麗衣裳及首飾,而后牀帷陳設故舊,釵鑷十 太子、 竟陵王子良奉穆后、 庾妃及后挺身送后兄昺之家, 事平乃出。 建元元年,爲南郡王 宋世,太祖爲文惠太子納后,桂陽賊至,太祖在新亭,傳言已沒,宅復爲人所抄掠,文惠 文安王皇后諱寶明,琅邪臨沂人也。祖韶之,吳興太守。父曄之,太宰祭酒。 諡曰安后。兄晃義興太守。 |永元三年,梁王定京邑,迎后入宮稱制,至禪位。|天監十一年,薨,年五十八。

鬱林王何妃名婧英,廬江灊人,撫軍將軍戢之女也。永明二年,納爲南郡王妃。十一

年,爲皇太孫妃。 鬱林王即位,爲皇后。 嫡母劉氏爲高昌縣都鄉君,所生母宋氏,爲餘杭廣

昌鄉君。將拜,鏡在床無故墮地。其冬,與太后同日謁太廟。

班之又與帝相愛褻,故帝恣之。迎后親戚入宮,賞賜人百數十萬。 后禀性淫亂,爲妃時,便與外人姦通。在後宮,復通帝左右楊珉之,與同寢處如伉儷。 以世祖耀靈殿 處后家

屬。帝被廢,后貶爲王妃。

位,爲新安王妃。延興元年,爲皇后。其年,降爲海陵王妃。 海陵王王妃名韶明,琅邪臨沂人,太常慈女也。 永明八年,納為臨汝公夫人。 鬱林即

昌侯夫人。 贈父通直 明敬劉皇后諱惠端,彭城人,光祿大夫道弘孫也。 永明七年,卒,葬江乘縣張山。 即景猷金紫光祿大夫,母王氏平陽鄉君。 延興元年,贈宣城王妃。 太祖爲高宗納之。 泳泰元年,高宗崩,改葬,附于興安 高宗卽位,追尊爲敬 建元三年,除 皇

陵

后廟。 東昏褚皇后名令璩,河南陽翟人,太常澄女也。建武二年,納爲皇太子妃。明年,謁敬 東昏即位,爲皇后。帝寵潘妃,后不被遇。黃淑儀生太子誦,東昏廢,並爲庶人。日日

和帝王皇后名蕣華,琅邪臨沂人,太尉儉孫也。 初爲隨王妃。中興元年,爲皇后。

禪位,后降爲妃。

興,與子同事,可以光熙閪業,作儷公侯。 則馬、鄧風流,復存乎此。 方昌,椒庭虛位,有婦人焉,空慕周興,禎符顯瑞,徒萃徽名。 色無紅采,永巷貧空,有同素室。世祖嗣位,運藉休平,壽昌前興,鳳華晚搆,香柏文樓,花 史臣曰:后妃之德,著自風謠,義起閨房,而道化天下。繰盆獻種,罔非耕織,佩管晨 太祖創命,宮禁貶約,毀宋明之紫極,革前代之踰奢,衣不文繡, 孝、昭二后,並有賢明之訓,不得母臨萬國。 若使掖作同休,自己陰敎遠變, 寶命

損 梁繡柱,雕金鏤寶,頗用房帷,白見趙瑟吳趨,承閑奏曲,歲費傍恩,足使充牣,事由私蓄, 國儲 高宗仗數矯情,[IE]外行儉陋,內奉宮業,[IE]曾莫云改。 東昏喪道,侈風大扇 無

糜海內,以贍浮飾,哲婦傾城,同符殷、夏。 嗚呼! 所以垂戒於方來[也]。[18]

配在宗枝。 贊曰:宣武孝則,識有先知。 秋宮亦遽,軒景前虧。 高昭誕武,世載母儀。 文安廢主,百憂已離,中興秉制,揖讓弘規。 裴穆儲閩,位亦從隳。 明敬典册,

校勘記

諱道止 「止」南監本、毛本、殿本、局本作「正」,御覽一百四十三引同。 毛本、局本「正」字下有

小注,云宋本作「止」。按南史后妃傳亦作「止」。

魏司徒陳矯後 錢大所廿二史考異云:「當云司徒矯,不宜更安『陳』字。」按南史后妃傳無「陳

字。

宣帝從任在外 **覽一百四十三引、元龜八百八十並作「任」,南史后妃傳亦作「任」。** 「任」南監本、殿本、局本作「仕」。匡本亦作「任」,下有小注,云一作「仕」。 按御

B] 昇明三年追贈竟陵公國太夫人 「三年」南史后妃傳作「二年」。 侍、金紫光祿大夫亦在昇明二年,疑作「二年」是。 按蕭道成父蕭承之贈散騎常

列傳第一 校勘記

- 万五山 母桓氏上[虞]都鄉君 據南監本、局本補。 按南史后妃傳亦作「上虞都鄉君」。
- [六]祖朴之 「朴」南監本作「封」,南史同。
- フセリ **舊顯陽昭陽二一)殿** 據南監本、局本補。 按南史亦有「二」字。
- 吳郡韓藺英 「繭」南監本、毛本、殿本、局本並作「蘭」,,南史同。 按毛本、局本蘭字下有小注,

云宋本作「藺」。

[九] [宋] 明帝世 據南監本、局本補。按頭史有「宋」字。

而后牀帷陳設故舊釵鑷十餘枚 「而后牀帷陳故,古舊釵鑷十餘枚」。 「牀」原作「宋」,據南監本、毛本、殿本、局本改正。按南史作 御覽一百四十三、一百四十九、七百十八引南齊書略同語

}史。 疑此「設」字乃「故」字之譌,「而后牀帷陳故」爲一讀,「故舊」二字屬下爲句。

- 黄淑儀生太子誦東昏廢竝爲庶人 按強火「誦」下有「而卒」二字,「並」字上有「后及誦」三字。
- 若使掖作同休 「掖作」南監本、局本作「掖阼」。 按掖作不辭,疑作「掖阼」是。
- ⑴딄 頗用房帷 「頗用」南監本作「燭照」。
- [12] 高宗仗數矯情 「仗」南監本作「挾」。
- [1] 內奉宮業 南監本作「奉己之制」。
- CI公 所以垂戒於方來(也) 據殿本補。

南齊書卷二十

列傳第二

文惠太子

潤,小字白澤。|宋元徽末,隨世祖在野,世祖還鎭盆城拒沈攸之,使太子勞接將帥,親侍軍 之竟陵司州之隨郡軍事、左中郎將、寧蠻校尉、雍州刺史。 將受禪,世祖已還京師,以襄陽兵馬重鎭,不欲處他族,出太子爲持節、都督雍梁二州郢州 行。」「日轉秘書丞,以與宣帝諱同,不就,改除中書郎,遷黃門侍郎,未拜。」昇明三年,太祖 旅。除祕書郎,不拜。授輔國將軍,遷晉熙王撫軍主簿。事寧,世祖遣太子還都,太祖方創 霸業,心存嫡嗣,謂太子曰:「汝還,吾事辦矣。」處之府東齋,令通文武賓客。勑荀伯玉曰: 「我出行日,城中軍悉受長懋節度。 我 「雖不行,內外直防及諸門甲兵,悉令長懋〕 時時履 文惠太子長懋字雲喬,世祖長子也。世祖年未弱冠而生太子,爲太祖所愛。 建元元年,封南郡王,邑二千戶。 姿容豐

. 第二 文惠太子

列

傳

江左未有嫡皇孫封王,始自此也。進號征虜將軍。

之。 旣被 變,乃遣說柏年,許啓爲府長史,柏年乃進襄陽,因執誅之。 沈攸之事起,柏年遣將陰廣宗領軍出魏興聲援京師,而候望形勢,事平,朝廷遣王玄邈代 道報命。 鳥奴勸柏年據漢中不受命,柏年計未決,玄邈已至,柏年遲回 一. 哉,巴西太守柳弘稱啓太祖,勑答曰:「柏年幸可不爾,爲之恨恨」」 先 知 是,梁州刺史范柏年誘降晉壽亡命李烏奴討平氐賊楊城、蘇道熾等,曰頭 名州里。 除晉壽 太守。 宋泰始中,氏寇斷晉壽道,柏年以倉部與假節領數百人慰勞通路,自益州 討平氐賊,遂爲梁州。 柏年彊立, 善言事,以應對爲宋明帝所知。 柏年,梓潼人,徙居華陽, 魏興不肯下,太子慮其爲 著威 世

科斗書考工記,周官所闕文也。 廣數分,長二尺,皮節如新。 時 襄陽 有盜發古塚者, 相傳 盜以把火自照,後人有得十餘簡,以示撫軍王僧虔,僧虔云是 是時州遣按驗,頗得遺物,故有同異之論 云是楚王塚,大獲寶物玉屐、玉屛 風 、竹簡書、靑絲編。 簡

弔,南郡以下不應出門奉迎。 服日,車駕 嫡 會北 1],言國君爲此三人爲主喪也。 房南侵,上盧當出樊、沔。 出臨喪,朝議疑太子應出門迎。 但尊極所臨,禮有變革,權去杖経,移立戶外,足表情敬,無煩 二年,徵爲侍中、中軍 **수鸞輿臨降**, 左僕射王儉曰:「專禮記服問『君所主夫 自以主喪而至,雖 將軍,置府,鎭 石頭。 因 事撫慰, 穆妃薨, 人妻、太 義不 成 在

以衰幘行事。望拜止哭,率由舊章。尊駕不以臨弔,奉迎則惟常體,求之情禮,如爲可安。」 軍事、征北將軍、南徐州刺史。世祖卽位,爲皇太子。 解侍中。 止哭。皇太子既一宮之主,自應以車駕幸宮,依常奉候。旣當成服之日,吉凶不容相干,宜 上以太子哀疾,不宜居石頭山障,移鎭西州。四年,遷使持節、都督南徐兖二州諸

發。」太子問金紫光祿大夫張緖,緒曰:「愚謂恭敬是立身之本,尊卑所以並同。」太子曰:「敬 淺已見。[傳云『不忘恭敬,民之主也』。]書云『奉先思孝,接下思恭』。此又經典明文,互相起 已。」太子曰:「敬名雖同,深淺旣異,而文無差別,彌復增疑。」儉曰:「繁文不可備設,略言深 敬』。尋下之奉上,可以盡禮,上之接下,慈而非敬。今總同敬名,將不爲昧。」儉曰:「鄭玄云 曰:「尊卑號稱,不可悉同,愛敬之名,有時相次。 『禮主於敬』,便當是尊卑所同。」太子曰:「若如來通,則忠惠可以一名,孝慈不須別稱。」儉 周顯撰爲義疏。〔三〕五年冬,太子臨國學,親臨策試諸生,於坐問少傅王儉曰:「曲禮云『無不 養武人,皆親近左右,布在省闥。永明三年,於崇正殿講孝經,少傅王儉以擿句令太〔子〕僕 |極。今乃移敬接下,豈復在三之義。] 儉曰:「資敬奉君,必同至極,移敬逮下,不慢而 禮云『不勝喪比於不慈不孝』,此則其義。」太子曰:「資敬奉君,資愛事親,兼此二塗,唯 初,太祖好左氏春秋,太子承旨諷誦,以爲口實。旣正位東儲,善立名尚,禮接文士,畜 忠惠之異,誠以聖旨,孝慈互舉,竊有徵

列

非隔 物出 疑。」[4] 太子以長年臨學,亦前代未有也。 積習。」太子曰:「不因積習而至,所以可爲德本。」映曰:「率由斯至,不俟明德,大孝榮親,(云) 弘道』,將恐人輕道廢。」太子曰:「理旣有在,不容以人廢言,而況中賢之才,弘上聖之敎,寧 其致,何故不授顏子,而寄曾生。」太子曰:「曾生雖德慙體二,而色養盡禮,去物尚近,接引 衆德光備,以此而言,豈得爲本。」太子曰:「孝有深淺,德有小大,因其分而爲本,何所稍 有壅塞之嫌。」 動爲德,君自體天居位,震雷爲象,豈體天所出。」儉日:「主器者莫若長子,故受之以震,萬 等十一人,並以筆對。太子問王儉曰:「潤易乾卦本施天位,而說卦云『帝出乎震』。震本非 敬,以明大體,尊卑事數,備列後章,亦當不以總略而礙。」太子又以此義問諸學生,謝幾 居然有恭惠之殊,總開記首,所以共同斯稱。」竟陵王子良曰:「禮者敬而已矣。自上及下, 天,義豈相主。」「图」儉日:「穀健震動,天以運動爲德,故言『帝出震』。」 「思太子日:「天以 愚謂非嫌。」太子曰:「本不謂有嫌,正欲使言與事符,輕重有別耳。」臨川王映曰:「**先舉必** 「乎震,故亦帝所與焉。」儉又諮太子曰:「孝經『仲尼居,曾子侍』。夫孝理弘深,大賢方盡 ,弘宣規敎,義在於此。」儉曰:「接引非隔,弘宣雖易,去聖轉遠,其事彌輕。 臨川王映諮曰:「孝爲德本,常是所疑,德施萬善,孝由天性,自然之理,豈因 既云『人能 運 卿

立年作貳,宜時詳覽,此訊事委以親決。」太子乃於玄圃園宣猷堂錄三署囚,原宥各有差。 明年,上將訊丹陽所領囚,日及南北二百里內獄,詔曰:「獄訟之重,政化所先。太子明年,上將訊丹陽所領囚,日以及南北二百里內獄,詔曰:「獄訟之重,政化所先。太子

上晚年好遊宴,尚書曹事亦分送太子省視

雖嚴,多布耳目,太子所爲,無敢啓者。後上幸豫章王宅,還過太子東田,見其彌三華遠,壯 明中,二宮兵力全實,太子使宮中將東更番役築,宮城苑巷,制度之盛,觀者傾京師。 過於雉頭矣。[18]以晉明帝爲太子時立西池,乃啓世祖引前例,求東田起小苑,上許之。永 鄣蔽,須臾成立,若應毀(撒)[撤],[1三應手遷徙。善製珍玩之物,織孔雀毛爲裘,光彩金翠, 極山水。慮上宮望見,[10]乃傍門列脩竹,內施高鄣,[11]造游牆數百閒,[11]施諸機巧,宜須 殿堂,皆雕飾精綺,過於上宮。開拓玄圃園,與臺城北塹等。其中樓觀塔宇,多聚奇石,妙 麗極目,於是大怒,收監作主帥,太子懼,皆藏匿之,由是見責。 太子與竟陵王子良俱好釋氏,立六疾館以養窮民。 風韻甚和,日而性頗奢麗。 宮內

闕,晨宵忷懼,有若臨淵。 太子有疾,上自臨視,有憂色。疾篤,上表曰:「臣地屬元良,業微三善,光道樹風,於焉蓋 終不知。十年,豫章王嶷薨,太子見上友于旣至,造碑文奏之,未及鐫勒。十一年春正月, 太子素多疾,體又過壯,常在宮內,簡於遨遊。玩弄羽儀,多所僭儗,雖咫尺宮禁,而上 攝生舛和,構離痾疾,大漸惟幾,顧陰待謝,守器難永,視膳長違,

列

第二

文惠太

子

校勘記

崇虛館。鬱林立,追尊爲文帝,廟稱世宗。 文惠,葬崇安陵。世祖履行東宮,見太子服翫過制,大怒,勑有司隨事毀除,以東田殿堂爲 內外百司,咸謂旦暮繼體,及薨,朝野驚惋焉。上幸東宮,臨哭盡哀,詔斂以衮冕之服,諡曰 同休七百,臣雖沒九泉,無所遺恨。」時年三十六。〔Hē〕太子年始過立,久在儲宮,得參政事, 仰戀慈顏,內懷感哽。竊惟死生定分,理不足悲,伏願割無已之悼,損旣往之傷,寶衞聖躬,

子良便苦救解。後明帝立,果大相誅害。 初太子內懷惡明帝,密謂竟陵王子良曰:「我意色中殊不悅此人,當由其福德薄所致。」

葉,載茂皇家,守器之君,已知耕稼,雖溫文具美,口也交弘盛迹,武運將終,先期夙殞,傳之 幼少,以速顚危,推此而論,亦有冥數矣。 史臣曰:上古之世,父不哭子,壽夭悠悠,尙嗟恆事。 況夫正體東儲,方樹年德,重基累

贊曰:二象垂則,三星麗天。樹嫡惟長,義匪求賢。 方爲守器,植命不延。

校勘記

[一]我[雖不行內外直防及諸門甲兵悉令長懋]時時履行 據南監本、毛本、殿本、局本補。 按毛本、

局本「長懋」下有小注,云「宋本無已上一十六字」。

討平氐賊楊城蘇道熾等 「楊城」通鑑齊高帝建元元年作「楊成」。

少傅王儉以擿句令太〔子〕僕周顒撰爲義疏 據南史齊文惠太子傳補。 按百官志東宮職僚有太

子僕,顯本傳亦言文惠在東宮,顒爲太子僕。

四 義豈相主 南監本、局本作「義豈相當」,南史齊文惠太子傳作「義當相左」。

八五〕故言帝出震 南史「出」下有「乎」字。

· 《 】 大孝榮親 「大」原譌「夫」,各本不譌,今改正。

[4] 何所稍疑 「稍」元龜二百六十作「稱」。

上將訊丹陽所領囚 「丹陽」百衲本原作「丹楊」,今據南監本、 殿本改。 按此丹陽指丹陽尹

也。

へ た し 風韻甚和 按「風」字上應有「太子」二字,文義乃足。 通鑑有「太子」二字。

[10] 慮上宮望見 「宮」字下南監本、局本有「中」字、繭史同。

[11] 內施高鄣 「內」南史作「外」。

後 造游牆數百閒 人習見「游觀」字,以意改之耳。 「牆」南監本、局本作「觀」,南史同。按此謂以游牆作鄣蔽也。「牆」作「觀」,或

列傳第二 校勘記

[1三] 若應毀(撒)[撤] 據殿本及南史改。

[13] 過於雉頭矣 御覽六百九十四、九百二十四引「頭」字下有「遠」字,南史同。

[1三] 時年三十六 「時」字上南史有「薨於東宮」四字,文意乃足。

[1K] 雖溫文具美 「溫文」二字原闕,據各本補。

南齊書卷二十二

列傳第三

豫章文獻王

朔將軍,領兵衞從。休範率士卒攻壘南,嶷執白虎幡督戰,屢摧却之。事寧,遷中書郞。 **舒賜爲晉壽縣侯。除通直散騎侍郎,以偏憂去官。柱陽之役,太祖出頓新亭壘,板嶷爲寧** 豫章文獻王嶷字宣儼,太祖第二子。寬仁弘雅,有大成之量,太祖特鍾愛焉。 起家爲太學博士、長城令,入爲尚書左民郎、錢唐令。太祖破薛索兒,改封西陽,以先

候篡立,頭擬子田都走入獠中,於是蠻部大亂,抄掠平民,至郡城下。〔嶷〕遣隊主張莫兒率 將吏擊破之。四田都自獠中請立,而婁侯懼,亦歸附。嶷誅婁侯於郡獄,命田都繼其父,蠻 魚鹽。羣蠻怒,酉溪蠻王田頭擬殺攸之使,攸之責賧千萬,頭擬輸五百萬,發氣死。其弟婁 尋爲安遠護軍、武陵內史。 時沈攸之責賧,伐荆州界內諸蠻,遂(反)[及]五溪,[I] 禁斷

傳第三

衆乃安。

入爲宋從帝車騎諮議參軍、府掾,[三]轉驃騎,仍遷從事中郎。 詣司徒袁粲,粲謂人曰:

「後來佳器也。」

嶷曰:「大事已判,汝明可早入。」從帝即位,轉侍中,總宮內直衞。 州起兵,鮮有克勝。 鎮,憂危旣切,期渡江北起兵。 處諫曰:「主上狂凶,人下不自保,單行道路,易以立功。 外 戟於中庭,至 蒼梧從墻閒窺見,以爲有備,乃去。 太祖在領軍府,嶷居(淸)[靑]溪宅。[四]蒼梧王夜中微行,欲掩襲宅內,嶷[令]左右儛刀 物情疑惑,必先人受禍。日一今於此立計,萬不可失。」蒼梧王殞,太祖報 太祖帶南兖州,鎭軍府長史蕭順之公在

搜檢,皆已亡去。遷中領軍,加散騎常侍。 王蘊 先至東府,嶷遣帳內軍主戴元孫二千人隨薛道淵等俱至石頭,焚門之功,元孫預焉。 薦部曲六十人助爲城防,實以爲內應也。 沈攸之之難,太祖入朝堂,嶷出鎭東府,加冠軍將軍。袁粲舉兵夕,丹陽丞王遜告變,只以 |嶷知||瘟懷貳,不給其仗,散處外省。及難作 先是

軍、江州刺史,常侍如故。給鼓吹一部。 上流平後,世祖自尋陽還,嶷出爲使持節、都督江州豫州之新蔡晉熙二郡軍 以定策功,改封永安縣公,千五百戶 事、左將

仍徙都督荆湘雍益梁寧南北秦八州諸軍事、〔云〕鎭西將軍、荆州刺史,持節、常侍如故。

時太祖輔政、〔嶷〕務在省約、[10]停府州儀迎物。初,沈攸之欲聚衆,開民相告,士庶坐執役 治,豈不休哉!」 穆,江、漢來蘇,八州慕義。自庾亮以來,荆楚無復如此美政。古人朞月有成,而公旬日致 聽分番假。自己百姓甚悅。禪讓之閒,世祖欲速定大業,嶷依違其事,默無所言。建元元年, 督揚南徐二州諸軍事、驃騎大將軍、開府儀同三司、揚州刺史,持節如故。 封豫章郡王,邑 |太祖卽位,赦詔未至, 嶷先下令蠲除(國)〔部〕內昇明二年以前逋負。〔11〕遷侍中、尚書令、都 定楊格,[11]以稅還民。禁諸市調及苗籍。二千石官長不得與人爲(公)[市],(宜)[諸]曹吏 者甚衆。 三千戶。僕射王儉牋曰:「舊楚蕭條,仍歲多故,荒民散亡,寔須緝理。公臨莅甫爾,英風惟 凝至鎭,一日遣三千餘人。見囚五歲刑以下不連臺者,皆原遣。以市稅重濫,更

千斤,絹三百匹,米千斛,近代莫比也。 尋給油絡恢望車。 米十萬斛給鎭府,湘州資費歲七百萬,布三千匹,米五萬斛,南蠻資費歲三百萬,布萬匹,綿 以重人居之,至是有二府二州。荆州資費歲錢三千萬,布萬匹,米六萬斛,又以江、湘二州 事、南蠻校尉、荆湘二州刺史,持節、侍中、將軍、開府如故。晉宋之際,刺史多不領南蠻,別 弘隆。自頃公私凋盡,綏撫之宜,尤重恒日。」復以爲都督荆湘雍益梁寧南北秦八州諸軍 會北虜動,上思爲經略。乃詔曰:「神牧總司王畿,〔四〕誠爲治要;荆楚領馭遐遠,任寄

接蠻、蜑、慮其生心、令鎭內皆緩服。旣而虜竟不出樊、鄧、於壽春敗走。尋給班劍二十人。 豫、同彊守遏其津要,彼見堅嚴,自當潰散,必不敢越二鎭而南也。」是時纂嚴,嶷以荆州隣 州,屯西關。虜軍濟淮攻壽春,分騎當出隨、鄧,衆以爲憂,嶷曰:「虜入春夏,非動衆時,令 虜寇司、豫二州,嶷表遣南蠻司馬崔慧景北討,又分遣中兵參軍蕭惠朗 援 司

過賤,聽民以米當口錢,優評斛一百。 十五以下十五以上補之,置儒林參軍一人,文學祭酒一人,勸學從事二人,行釋菜禮。以穀

其夏、於南蠻園東南開館立學,上表言狀。置生四十人,取舊族父祖位正佐臺郎,年二

兵參軍虞欣祖爲義陽太守,使降意誘納之,厚爲禮遺,口己於坐斬首,其黨數百人皆散,四郡 連討不能禽,乃首用之。攸之起事,羣從下郢,於路先叛,結寨於三溪,依據深險。 義陽劫帥張羣亡命積年,鼓行爲賊,義陽、武陵、天門、南平四郡界,被其殘破。 沈攸之 嶷遣中

赦,三年六月壬子赦令是也。疾愈,上幸康府設金石樂,敕得乘興至宮六門。 以前軍臨川王映府文武配司空府。嶷以將還都,脩治廨宇及路陌,東歸部曲不得齎府州物 入為都督揚南徐二州諸軍事、中書監、司空、揚州刺史,持節、侍中如故。 加兵置佐。 發江津,士女觀送數千人,皆垂泣。 嶷發江陵感疾,至京師未瘳,上深憂慮,爲之大

列傳第三 豫章文獻王

纂業,萬寓惟新,諸弟有序,臣屢荷隆愛,叨授台首,不敢固辭,俛仰祗寵,心魂如失。 此。 比心欲從俗,啓解今職,但厝辭爲鄙,或貽物誚,所以息意緘嘿,一委時運,而可復加寵榮, 恍惚,表於容狀,視此根候,常恐命不勝恩。 衷,猶爲身災,況寵虧乎!殊榮厚恩,必誓以命請。」上答曰:「事中恐不得從所陳。」 臣年,得預人位,「云」唯當請降貂璫,以飾微軀,永侍天顏,以惟畢世,此臣之願也。 服之不 臣近亦侍言太子,告意子良,具因王儉申啓,未知粗上聞未。福慶方降,國祚永始,若天假 增其顚墜。且儲傅之重,實非恒選,遂使太子見臣必束帶,宮臣皆再拜,二三之宜,何以當 量力,古今同規。 色,故世祖友愛亦深。永明元年,領太子太傅,解中書監,餘如故。手啓上曰:「陛下以叡孝 陛下同生十餘,今唯臣而已,友于之愛,豈當獨臣鍾其隆遇。〔11〕別奉啓事,仰祈恩照 建元(年)中、[15]世祖以事失旨,太祖頗有代嫡之意,而嶷事世祖恭悌盡禮,未嘗違忤顏 太祖崩,嶷哀號,眼耳皆出血。 臣窮生如浮,質操空素,任居鼎右,已移氣序,自頃以來,宿疾稍纏,心慮 世祖即位,進位太尉,置兵佐,解侍中,增班劒爲三十 加以星緯屢見災祥,雖脩短有恒,能不耿介。 負重

給,復由風俗,東北異源,西南各緒,習以爲常,因而弗變,緩之則莫非通規,澄之則靡不入 損益資用,治在(風)[夙]均,[ilo]政由一典。 伏尋郡縣長尉俸祿之制,雖有定科,而其餘資 宋氏以來,州郡秩俸及〔雜〕供給, [1九] 多隨土所出,無有定准。處上表曰:「循革貴宜,

宰相承,有何供調,尙書精加洗覈,務令優衷。 [止]却、三引明立定格,班下四方,永爲恒制。」從之。 殊非約法明章,先令後刑之謂也。臣謂宜使所在各條公用公田秩石迎送舊典之外,守 事在可通,隨宜開許,損公侵民,一皆(乙)

蕃,晉之文獻,秩殊恒序。況乃地侔前准,勳兼往式,雖天倫有本,而因事增情。 用申恩禮。」增封爲四千戶。 嶷不參朝務,而言事密謀,多見信納。 服闋,加侍中。二年,韶曰:「漢之梁孝,寵異列 宜廣田邑,

臣必欲上啓,伏度聖心脫未委曲,或有言其多少,不附事實,仰希卽賜垂敕。」又啓:「揚州刺 郊外遠行,或復暫有,入殿亦省。服身今所牽仗,二俠轂,二白直,共七八十人。事無大小, 駕幸第,乃白服鳥紗帽以侍宴焉。啓自陳曰:「臣自還朝,便省儀刀,捉刀左右十餘亦省,唯 諸王無仗,況復汝耶。 捉刀,不應省也。 角,皆相仍如此,非止於帶神州者,未審此當云何。方有行來,不可失衷。」上答曰:「儀刀、 史舊有六白領合扇,二白拂,臣脫以爲疑,不審此當云何。行園苑中乘轝,出籬門外乘轝鳴 [比]以來,[三]此事一斷。 宋元嘉世, 諸王入齊閤, 得白服帬帽見人主, 唯出太極四(廟) [厢], 乃備朝服, [三]自(此) 俠轂、白直,乃可共百四五十以還正是耳。亦不曾聞人道此。吾自不使 在私園苑中乘此非疑。郊外鳴角及合扇幷拂,先乃有,不復施用,此 上與處同生相友睦,宮內曲宴,許依元嘉。 嶷固辭不奉敕,唯車

來甚久。凡在鎭自異還京師,先廣州乃立鼓吹,交部遂有輦事,隨時而改,亦復有可得依舊

汝若有疑,可與王儉諸人量衷,但令人臣之儀無失便行也。」

耳。小兒奴子,本非嫌也。吾有所聞,豈容不敕汝知,令物致議耶。吾已有敕,汝一人不省 情。臣出入榮顯,禮容優泰,第字華曠,事乖素約,雖宋之遺製,恩處有在,猶深非服之慙。 俠穀,但牽之。吾昨不通仗事,儉已道,吾即令荅,不煩有此啓。須閒言,自更一二。」 威衞之請,仰希曲照。」上荅曰:「傳詔臺家人耳,不足涉嫌。鄣扇吾識及以來未見,故有敕 煩牽仗,若郊外遠行,此所不論。有仗者非臣一人,所以不容方幅啓省,又因王儉備宣下 自歸朝以來,便相分遣,俠轂、白直,格置三百許人,臣頃所引,不過一百。常謂京師諸王不 有一人,意謂外庶所服,不疑與羊車相類。曲荷慈旨,今悉改易。臣昔在邊鎮,不無羽衞, 儀飾悉依宋武陵事例,有二鄣扇,仍此下都,脫不爲疑。小兒奴子,並青布袴衫,臣齋中亦 又啓曰:「臣拙知自處,闇於疑訪,常見素姓扶詔或著布屬,不意爲異。臣在西朝拜王,

令羣物聞之,伏願已照此心。前侍幸順之宅, [lo] 臣依常乘車至仗後, 監伺不能示臣可否, 閒節,聲其厚薄。伏度或未上簡。臣前在東田,承恩過醉,實思歎往秋之謗,故言啓至切,亦 過量,自己實欲仰示恩狎,令自下知見,以杜游塵。陛下留恩子弟,此情何異,外物政自彊生 又啓曰:「遠遠侍宴,將踰一紀,憂苦閒之。始得開顏。近頻侍座,不勝悲喜。(沽)[沾]飲 **魙以自瞻。連年惡疾餘,顧影單回,無事畜聚,唯逐手爲樂耳。」上答曰:「茹亮今啓汝所懷** 舍,非臣私有,今巨細所資,皆是公潤,臣私累不少,未知將來罷州之後,或當不能不試學營 爲微臣往事,伏願必垂降許。伏見以諸王舉貨,屢降嚴旨,少拙營生,已應上簡。 成第屋,安之不疑。陛下若不照體臣心,便當永廢不脩。臣自謂今啓非但是自處宜然,實 言者,太子亦不知臣有此屋,政以東宮無,而臣自處之,體不宜爾爾。所啓蒙允,臣便當敢 爲異論,不審可有垂許送東府齋理否。臣公家住止,率爾可安,臣之今啓,實無意識,亦無 拙,內中無此齋,臣乃欲壞取以奉太子,非但失之於前,且補接旣多,不可見移,亦恐外物或 啓榮內許作小眠齋,始欲成就,皆補接爲辦,無乖格製,要是檉柏之華,一時新淨。 東府又 第舊邸,本自甚華,臣改脩正而已,小小製置,已自仰簡。 往歲收合得少雜材,幷蒙賜故板, 意慮不周,或有乖當。[14]且臣五十之年,爲翫幾時,爲此亦復不能以理內自(剝)[制]。[15]北 臣石頭所啓,無生閒縫。比閑侍無次,略附茹亮口宣。臣由來華素,已具上簡,每欲存衷, 捉御刀,因此更嚴,度情推理,必不容爾,爲復上啓知耳。但風塵易至,和會實難,伏願猶憶 即賜垂敕;不爾,臣終不知屠貽此累。比日禁斷整密,此自常理,外聲乃云起臣在華林,輒 便互競啓(閉)(聞), 「ほ」云臣車逼突黄屋麾旄,如欲相中。推此用意,亦何容易。仰賴慈明, 有齋,亦爲華屋。而臣頓有二處住止,下情竊所未安。訊訪東宮玄圃,乃有柏屋,製甚古 府州郡邸

也。宜有敕事,吾亦必道,頃見汝自更委悉,書不欲多及。屋事愼勿彊厝此意,白澤亦當不 及見別紙,汝勞疾亦復那得不動,何意爲作煩長啓事!凡諸普敕,此意可尋,當不關汝一人

解何意爾。」

寄。」疑常慮盛滿,又因(言)[宮]宴,[10]求解揚州授寬陵王子良。上終不許,曰:「畢汝一世, 德惟行,無所厝餚。且魯且衞,其誰與二。方式範當時,流聲史籍。豈容屢秉撝謙,以乖期 無所多言。」 三年,文惠太子講孝經畢,〔嶷〕求解太傅,〔云〕不許。皇孫婚竟,又陳解。詔曰:「公惟

伍,直兵執牛推問,不許,取絹一疋橫繫牛角,放歸其家。爲治存寬厚,故得朝野歡心。 世祖即位後,頻發韶拜陵,不果行。遺處拜陵,還過延陵季子廟,觀沸井,有水牛突部

室之中,尚不可精,寓宙之內,何可周(親)〔洗〕。〔邑〕公家何嘗不知民多欺巧,古今政以不可 籍檢工巧,「言己督卹簡小塘,藏丁匿口,凡諸條制,實長怨府。此目前交利,非天下大計。一 惡者衆。陛下曲垂流愛,每存優旨。但頃小大士庶,每以小利奉公,不顧所損者大,(達)〔擿〕 安樂,公私情願,於此可見。濟有天下,歲月未久,澤沾萬民,其實未多,百姓猶險, 幸可不爾,比藉聲聽,「引」皆云有由而然。豈得不仰啓所懷,少陳心款。山海崇深,臣獲保 四年,唐寓之賊起,啓上曰:「此段小寇,出於兇愚,天網宏罩,理不足論。但聖明御世,

列

侍無因,謹陳愚管,伏願特留神思。」上荅曰:「欺巧那可容! 宋世混亂,以爲是不? 蚊蟻何 細碎,故不爲此,實非乖理。但識理者百不有一,陛下弟兒大臣,猶不皆能伏理,況復天下 足爲憂,已爲義勇所破,官軍昨至,今都應散滅。吾政恨其不辦大耳,亦何時無亡命邪。」後 悠悠萬品。 怨積聚黨,兇迷相類,止於一處,何足不除,脫復多所,便成紜紜。久欲上啓,閑

東府。 疑謂 耳。」妃庾氏常有疾,瘳,上幸〔嶷邸〕,〔壹〕後堂設金石樂,宮人畢至。每臨幸,輒極日盡歡。 乃詔聽復籍注。五年,進位大司馬。八年,給阜輪車。尋加中書監,固讓。 永明末,車駕數游幸,唯處陪從,上出新林苑,同輦夜歸,至宮門,處下輦辭出,上曰:「今夜 闕騏麟於東崗上。騏驎及闕,形勢甚巧,宋孝武於襄陽致之,後諸帝王陵皆模範而莫及也。 位隆重,深懷退素,北宅舊有園田之美,乃盛脩理之。七年,啓求還第,上令世子子廉代鎭 北伐,以虜所獻氈車賜嶷。 行,無使爲尉司所呵也。」嶷對曰:「京輦之內,皆屬臣州,願陛下不垂過慮。」 上大笑。 上謀 亦足矣。」上曰:「百年復何可得,止得東西一百,於事亦濟。」 上曰:「古來言願陛下壽偕南山,或稱萬歲,此殆近貌言,如臣所懷,實願陛下極壽百年 嶷身長七尺八寸,善持容範,文物衞從,禮冠百僚,每出入殿省,皆瞻望嚴肅。自以地 上數幸嶷第。宋長寧陵璲道出第前路,上曰:「我便是入他冢墓內尋人。」乃徙其表 每幸第清除,不復屛人。上敕外監曰:「我往大司馬第,是還家

事一依漢東平王故事,大鴻臚持節護喪事,大官朝夕送奠。大司馬、太傅二府文武悉停過 奈何!今便臨哭。九命之禮,宜備其制。斂以衮冕之服,溫明祕器,命服一具,衣一襲,喪 韶曰:「處明哲至親,勳高業始,德懋王朝,道光區縣,奄至薨逝,痛酷抽割,不能自勝,奈何 許,賜錢百萬營功德。嶷又啓曰:「臣自嬰今患,亟降天臨,醫徙術官,CIKJ泉開藏府,慈寵優 命違昌數,奄奪恩憐,長辭明世,伏涕嗚咽。」薨,年四十九。其日,上再視疾,至薨,乃還宮。 渥,備極人臣。生年疾迫,遽陰無幾。願陛下審賢與善,極壽蒼旻,彊德納和,爲億兆御。臣 十年,上封嶷諸子,舊例千戶,嶷欲五子俱封,啓滅人五百戶。其年疾篤,表解職,不

寬猛 靜默,絕馳競之聲。 齊闕令終之美,猶饗褒贈之榮;況故大司馬仁和著於天性,孝悌終於立身,節義表於勤王, 不異,凡有變革隨時之宜者,政緣恩情有輕重,德義有厚薄,若事籌前規,禮無異則。 故致衮章之典,廢而不傳,寔由人缺其位,非禮虧省。齊王故事,與今不殊,締構王業,功迹 命崇異,在漢則梁王備出警入蹕之儀,在晉則齊王具殊服九命之贈。江左以來,尊親是闕, 一彰於御物,奉上無艱劬之貌,接下無毀傷之容,淡矣止於淸貞,無喜慍之色,悠然栖於 竟陵王子良啓上曰:「臣聞春秋所以稱王母弟者,以尊其所重故也。是以禮秩殊品,爵 詩云『靡不有初,鮮克有終』。夫終之者,理實爲難,在於今行,無廢斯 且梁、

列傳第三

豫

章文獻王

衣,俱登天貴,生平遊處,何事不同,分甘均味,何珍不等,未常觀貌而天心不懽, 見形而聖 協贊皇基,經綸霸始,功業高顯,淸譽逾彰,富貴隆重,廉潔彌峻,等古形今,孰類茲美。臣 德。東平樂於小善,河閒悅於詩書,勳績無聞,艱危不涉,尙致卓爾不羣,英聲萬代;況今 下,物有遺恨。其德不具美者,尚荷嘉隆之命;況事光先烈者,寧可缺茲盛典。臣恐有識 載。旣有若斯之大德,實不可見典服之贈不彰,〔言〕如其脫致虧忘,追改爲煩,不令千載之 儀不悅。爰及臨危捨命,親瞻喘息,萬分之際,沒在聖目,號哭動乎天地,感慟驚乎鬼神,乃 愚忖度,未有斯例。凡庶族同氣,愛睦尙少,豈有仰覩陛下垂友于之性若此者乎。共起布 至撤膳移寢,坐泣遷旦,神儀損耗,隔宿改容,奉瞻聖顏,誰不悲悚,歷古所未聞,記籍所不

孝睦著於鄉閭,忠諒彰乎邦邑。及秉德論道,總牧神甸,七敎必荷,六府咸理,振風潤雨,無 誥。故使持節、都督揚南徐二州諸軍事、大司馬、領太子太傅、揚州刺史、新除中書監、豫章 之人,容致其議。且庶族近代桓溫、庾亮之類,亦降殊命,伏度天心,已當有在。」 王嶷,體道秉哲,經仁緯義,挺淸譽於弱齡,發韶風於早日,締綸覇業之初,翼讚皇基之始, 友于之深,情兼家國,方授以神圖,委諸廟勝,緝頌九紘,陪禪五岳。天不憗遺,奄焉薨逝, **疊於時候,卹民拯物,有篤於矜懷,雍容廊廟之華,儀形列郡之觀,神凝自遠,具瞻允集。 朕** 又詔曰:「寵章所以表德,禮秩所以紀功。愼終追遠,前王之盛策,累行疇庸,列代之通

鸞輅,黃屋左纛,虎賁班劒百人,輼輬車,前後部羽葆鼓吹,葬送儀依東平王故事。」 中外諸軍事、丞相、揚州牧、綠綟綬、具九服錫命之禮、侍中、大司馬、太傅、王如故。 哀痛傷惜,震慟乎厥心。 今先遠戒期,

龜謀襲吉,

宜加茂典,以協徽猷。 可贈假黃鉞、都督 給

宮及司徒、服飾衣裘、悉爲功德。」子廉等號泣奉行。 棺器及墓中,勿用餘物爲後患也。朝服之外,唯下鐵鐶刀一口。作冢勿令深,一一依格,莫 小弟未婚,諸妹未嫁,凡應此用,本自茫然,當稱力及時,率有爲辦。事事甚多,不復甲乙。 朔望菜食一盤,加以甘菓,此外悉省。葬後除靈,可施吾常所乘譽扇繖。朔望時節,席地香 勉厲,篤睦爲先。才有優劣,位有通塞,運有富貧,此自然理,無足以相陵侮。若天道有靈, 過度也。 火、槃水、酒脯、干飯、檳榔便足。雖才愧古人,意懷粗亦有在,不以遺財爲累。主衣所餘, 儲皇及諸親賢,亦當不以吾沒易情也。三日施靈,唯香火、槃水、干飯、ᠬ言之酒脯、檳榔而已。 汝等各自脩立,灼然之分無失也。勤學行,守基業,治閨庭,尚閑素,如此足無憂患。聖主 心期所及。性不貪聚,自幼所懷,政以汝兄弟累多,損吾暮志耳。無吾(欲)〔後〕,〔言〕當共相 嶷臨終,召子子廉、子恪曰:「人生在世,本自非常,吾年已老,前路幾何。 居今之地,非 後堂樓可安佛,供養外國二僧,餘皆如舊。與汝遊戲後堂船乘,吾所乘牛馬,送二

世祖哀痛特至,至冬乃舉樂宴朝臣,上歔欷流涕。 諸王邸不得起樓臨瞰宮掖,上後登

傅

景陽,望見樓悲感,乃敕毀之。薨後,第庫無見錢,世祖敕貨雜物服飾得數百萬,起集善寺,

月給第見錢百萬,至上崩乃省。

火,燒荆州還資,評直三千餘萬,主局各杖數十而已。 〔嶷〕性汎愛,〔80〕不樂聞人過失,左右有投書相告,置鞾中,竟不視,取火焚之。 齋庫失

州鳩集所資,託中書侍郞劉繪營辦。」 傳聲,風流以浸遠揮稱。四四雖復青簡締芳,未若玉石之不朽,飛翰圖藻,豈伊雕篆之無沫。 鉅平遺烈,墮淚漢南,況道尊前往,惠積聯綿者哉。下官今便反假,無由躬事刊斷,須至西 哀,輒欲率荆、江、湘三州僚吏,建碑壟首,庶徽猷有述,茂則方存。昔子香淳德,留銘江介, 則哲。神輝眇邈,叡算不追,感纏奉車,恨百留滯。下官夙禀名節,恩義軫慕,回旦望遂結 丞相沖粹表於天眞,淵照殆乎機象。經邦緯民之範,體國成務之規。故以業茂惟賢,功高 羣吏中南陽樂藹、彭城劉繪、吳郡張稷最被親禮。 藹與竟陵王子良牋曰:「道德以可久

表,俾我荆南,閱感無地。且作紀江、漢,道基分陝,衣冠禮樂,咸被後昆。若其望碑盡禮, 絕照載。若夫日用闃寂,雖無取於錙銖,歲功宏達,諒有寄於衡石。竊承貴州士民,或建碑 獨秀生民,傍照日月。標勝丘園,素履穆於忠義,譽應華衮,功迹著於彌諧。無得而稱,理 |嬴又與右率沈約書曰:「夫道宣餘烈,竹帛有時先朽,德孚遺事,金石更非後亡。 丞相 顏,已不覺汗之沾背也。」建武中,第二子子恪託約及太子詹事孔稚珪爲文。 寓內,自非一世辭宗,難或與此。 約閶閈鄙人,名不入第,歘酬今旨,便是以禮許人,聞命慙 不足以偶三絕,謝安石素族之台輔,時無麗藻,迄乃有碑無文。況文獻王冠冕彝倫,儀形 誰?豈能騁無愧之辭,酬式瞻之望。吾西州窮士,一介寂寥,恩周榮譽,澤遍衣食,永惟道 少,並欲各率毫釐,少申景慕。斯文之託,歷選惟疑,必待文蔚辭宗,德僉茂履,非高明而 我州之舊俗,傾壥罷肆,鄙(士)[土]之遺風,[晉] 庶幾弘烈或不泯墜。 荆、江、湘三州策名不 野同悲。 廕,日月就遠,緬尋遺烈,觸目崩心。 常謂福齊南山,慶鍾仁壽,吾儕小人,貽廛帷蓋。 豈圖 旦遂投此請。」約荅曰:「丞相風道弘曠,獨秀生民,凝猷盛烈,方軌伊、旦。 整遺之感,朝 承當刊石紀功,傳華千載,宜須盛述,實允來談。 郭有道漢末之匹夫,非蔡伯喈

侍中,諡哀世子。 子。除寧朔將軍、淮陵太守,太子中(書)舍人,[魯]前軍將軍。[魯]善撫諸弟子。十一年卒,贈 子廉字景藹。初,嶷養魚復侯子響爲世子,子廉封永新侯,千戶。 子響還本,子廉爲世

操解褐爲給事中,自此齊末皆以爲例。永泰元年,南康侯子恪爲吳郡太守,避王敬則難奔 第三子子操,泉陵侯。王侯出身官無定,准素姓三公長子一人爲員外郞。建武中,子

列

傳第三

豫章文獻王

校勘記

歸,以子操爲寧遠將軍、吳郡太守。 永元中,爲黄門郎。 義師圍城,子操與弟宜陽侯子光卒

於尙書都座。

第四子子行,洮陽侯,早卒。

王元琳、故巴陵王昭(秀)胄子(周)[同],[智]齊氏宗國,高、武嫡胤,宜祚井邑,以傳世祀。 子元琳嗣,[87] 今上受禪,詔曰:「裹隆往代,義炳彝則。 朕當此樂推,思弘前典。 豫章

新淦縣侯,五百戶。」

勝、詭,安平心隔晉運。 誠有天眞,因心無矯,率由遠度,故能光贊二祖,內和九族,實同周氏之初,周公以來,則未 知所匹也。 史臣曰:楚元王高祖亞弟,無功漢世,東平憲王辭位永平,未及光武之業,日公梁孝惑於 蕃輔貴盛,地實高危,持滿戒盈,鮮能全德。〔豫章〕宰相之器,〔熙〕

我王彌縫。 贊曰:堂堂烈考,德邁前蹤。 道深日用,事緝民雍。 移忠以孝,植友惟恭。 愛傳餘祀、聲流景鍾。 帝載初造,我王奮庸。 邦家有闕,

校勘記

- [一] 邃(反)[及]五溪 據|毛本、局本改。
- [嶷] 遣隊主張莫兒率將吏擊破之 之「嶷」字、疑皆後人所加。又按「張莫兒」南史及通鑑宋明帝泰豫元年並作「張英兒」。 顯此卷雖不諱其父名,然儘量避免,此「嶷」字及下「嶷務在省約」、「嶷求解太傅」、「嶷性泛愛」 「嶷」字據南監本、殿本及南史齊豫章文獻王嶷傳補。 按一子
- 入爲宋從帝車騎諮議參軍府掾 按順帝作「從帝」,乃蕭子顯避梁諱改,南監本、殿本並已改爲
- 嶷居(淸)[靑]溪宅 據殿本改。 按下王儉傳亦云「我今日以青溪爲鴻溝」。

「順帝」。

- [A] 嶷[令]左右儛刀戟於中庭 據南監本、殿本補。
- 鎭軍府長史蕭順之 「順之」二字原作「諱」、蓋子顯原文如此、今據殿本改。
- **「七**」 必先人受禍 「禍」原譌「福」,今據南監本、殿本、局本及齊史改正。
- スピ 丹陽 丞王遜告變 「丹陽」,百衲本作「丹楊」,今據南監本、殿本改。
- . ≯. ∪ 仍徙都督荆湘雍益梁寧南北秦八州諸軍事 「湘」原譌「湖」,據局本及元龜二百六十七改正。
- [疑]務 在省約 據殿 本補。 按「在」南史及远龜六百八十九並作「存」。
- 更定楊 是。」按「鳩 格 」即「梟」字)「梟格」疑指稅收牌示之類 張 森楷校 勘記云:「殿本作『鳩 格』, 南監本、毛本、局本作『楊格』,二字形似,未知孰

列

傅

第

Ξ

- [1三] 二千石官長不得與人爲(公)[市](宜)[諸]曹吏聽分番假 據南監本、殿本、局本改。
- 嶷先下令蠲除(國)〔部〕內昇明二年以前逋負 各本並譌,據南史改。
- 神牧總司王畿 同卷有「非止於帶神州者」、「總牧神甸」等語,「神州」、「神甸」,皆指揚州。 按時疑為揚州刺史,揚州帝畿,所謂「京輦神皋」者,故稱揚州刺史爲「神牧」。 文選任昉齊竟陵文宣

<u>汪行狀「舊唯淮海,今則神牧」,義並同此。殿本依北監本改「神牧」爲「西關」,譌。</u>

「遺」原譌「遣」,據南監本、殿本及南史、元龜六百九十五改正。

- 建元(年)中 據殿本刪。按南史無「年」字。

二吾

厚爲禮遺

- **豈當獨臣鍾其隆遇** 「獨」原譌「不」,據南監本、殿本改正。
- 得預人位 「人位」元龜二百九十四作「人伍」,義較長。
- 州郡秩俸及[雜]供給 據南史及通典食貨典補
- 急 治在(風)(夙)均 據南監本、殿本及通典食貨典改。
- 一皆(乙)(止)却 據南監本、毛本、殿本、局本改。
- 唯出太極四(廟)[廂]乃備朝服 據南監本、毛本、殿本、局本及通鑑齊武帝永明二年改。
- 自(此)[比]以來 據南監本、毛本、殿本、局本改。
- 三四 (治)[沾]飲過量 據南監本、毛本、殿本、局本改。

- 至 前侍幸順之宅 「順之」二字原作「諱」、蓋子顯原文如此。 今從殿 本改。
- 便互競啓(聞)[聞] 「閒」當作「聞」,各本並譌。 今據元龜二百七十四改。
- 二艺 或有乖當 「乖當」各本並作「乖常」。按远鑑二百七十四作「乖當」。
- [云] 爲此亦復不能以理內自(剝)(制) 據南監本改。
- [元] [嶷]求解太傅 據南監本、殿本補。
- 又因(言)(宮)宴 據南監本、殿本改。 元龜二百九十四作「宴言」。
- 比藉聲聽 「比」原譌「此」,今據殿本改正。 按南史及远龜二百八十八並作「比」。
- 三] 百姓猶險 「猶」南監本、局本作「恃」。
- [川三] (雄) [擿]籍檢工巧 各本並譌,據远龜二百八十八改正。
- 何可周(親)〔洗〕「視」南史及元龜二百八十八作「洗」,是。今據改。
- 上幸〔嶷邸〕 各本並奪「嶷邸」二字,今據御覽六百八十七引及南史齊豫章文獻王嶷傳補
- 醫徙術官 「徙」毛本作「徒」,南監本、殿本、局本作「走」,元龜二百七十六作「降」。 南監本「實」作「而」,無「不可見」三字。
- 實不可見曲服之贈不彰
- 無吾(欲)〔後〕 據毛本、殿本、局本改。按無吾後言吾亡後也
- 干飯 「干」南監本作「盂」,下同。據張元濟校勘記,知原本「干」作「于」,影印時據殿本改爲

列

傅第

三

校

勘

記

「干」,毛本亦作「干」。

[80] [嶷]性汎愛 據殿本及南史齊豫章文獻王嶷傳補。

風流以浸遠揮稱 「揮」南監本、殿本作「隳」,元龜二百七十二作「摽」。

恩義軫慕 「恩義」南監本、局本作「思義」,元龜二百七十二作「懷恩」。

鄙(士)(土)之遺風 據毛本、殿本、局本及元龜二百七十七改。

[BD] 太子中(書)舍人 據南史刪。按百宜志,齊東宮職僚有太子中舍人、太子舍人,無太子中書舍人。

[[吾] 前軍將軍 南史作「前將軍」。

G 二子元琳嗣 子,而嗣封洮陽矣。子顯,嶷之第八子,述其家事,不宜有誤,蓋文簡而意不達爾。」 封者,嶷孫元琳也。南史以元琳爲子廉之子,今乃係元琳於洮陽侯子行之下,似元琳爲子行之 錢大町廿二史考異云:「按嶷子十六人,長子子廉,諡哀世子,未及嗣爵。嗣豫章之

故巴陵王昭(秀)胄子(周)[同]「秀」字據南史刪。按寬陵王子良子昭胄,襲封寬陵王,改封巴陵 王,校書者不知,以文惠太子第三子昭秀封巴陵王,遂妄添一「秀」字耳。昭胄子同,梁受禪,降 封監利侯,見竟陵王子良傳,此作「周」,譌。今據南監本、殿本及南史改。

未及光武之業 「未」原譌「本」,今據南監本、殿本、局本改正。

[82] [豫章]宰相之器 據南監本、殿本補

南齊書卷二十三

列傳第四

褚淵 淵弟澄 徐嗣 王儉

褚淵字彥回,河南陽翟人也。祖秀之,宋太常。父湛之,驃騎將軍,尚宋武帝女始安哀

公主。

中,知東宮事。轉東部尚書,尋領太子右衞率,固辭。司徒建安王休仁南討義嘉賊,屯鵲 侯。〔歷〕中書郞, 回司徒右長史, 吏部郎。宋明帝卽位, 加領太子屯騎校尉, 不受。遷侍 尾,遺淵詣軍,選將帥以下勳階得自專決。事平,加驍騎將軍。 太子舍人,太宰參軍,太子洗馬,祕書丞。湛之卒,淵推財與弟,唯取書數千卷。襲爵都鄉 淵少有世譽,復尚文帝女南郡獻公主,[1] 姑姪二世相繼。 拜駙馬都尉,除著作佐郎,

薛安都以徐州叛,虜頻寇淮、泗,遣淵慰勞北討衆軍。淵還啓帝言:「盱眙以西,戎備單

傳第四 褚淵

列

寡,宜更配衣。 汝陰、荆亭並已圍逼,安豐又已不守,壽春衆力,止足自保,同若使遊騎擾

壽陽,則江外危迫,歷陽、瓜步、鍾離、義陽皆須實力重戍,選有幹用者處之。」帝在藩,與淵

以(風) [風]素相善,四及即位,深相委寄,事皆見從。 改封雩都縣伯,邑五百戶。轉侍中,

領右衞將軍,專遷散騎常侍,丹陽尹。 出爲吳興太守,至常侍如故,增秩千石,固辭增秩。

領常侍、衞尉如故,不受,乃授右僕射,衞尉如故。 明帝疾甚,馳使召淵,付以後事。 帝謀誅建安王休仁,淵固諫,不納。復爲吏部尚書, 淵以母年高羸疾,晨昏須養,固幹衞尉,

不言

心 一共理庶事,當奢侈之後,務弘儉約,百姓賴之。 明帝崩,遺詔以爲中書令、護軍將軍,加散騎常侍,與尚書令袁粲受顧命,輔幼主。 接引賓客,未嘗驕倦。 王道隆、阮佃夫

用事,姧賂公行,淵不能禁也。

同

[K] 韶斷哭,禁弔客。 遭庶母郭氏喪, 有至性,數日中,毀頓不可復識。 葬畢,起爲中軍將軍,本官如故。 **春年不盥櫛,惟泣淚處乃見其本質**

謂之曰:「即」「此人材貌非常,將來不可測也。」及顧命之際,引太祖豫焉 炤同載出,道逢太祖,淵舉手指太祖 元徽二年,桂陽王休範反,淵與衞將軍袁粲入衞宮省,鎭集衆心。 車謂炤曰:「此非常人也。」出 爲吳興,太祖餉物別,淵又 淵初爲丹陽,與從弟

官,寧吝身命。履冒鋒炭,報効恒理,而裹嘉之典,偏見甄沐,貴登端戎,秩加爵土,瞻言霄 常人,志不及遠。 逆倉卒,終古未聞,常時懼惑,當慮先定,結壘新亭,枕戈待敵,斷決之策,寔有由然。鋒鏑 當 貴,斯實國家之恥, 非臣子所忍也。 且榮不可濫, 寵不可昧, 乞蠲中候, 請停增邑, 庶保止 以銜恩先旨,義兼陵闕,識蔽防萌,宗戚構禍,引誚歸咎,旣已靦顏,乃復乘災求幸,藉亂 衢,魂神震墜。 序,愧在未優,就加沖損,特虧朝制。 今以近侍禁旅, 進昇中候, 乘平隨牒, 取此非叨。 抱無已。 足,輸効淮湄。 初交,元惡送首,總律制奇,判於此舉。 國家費廣 信足書紳。 可稍脩廉退不?求之懷抱,實謂不可。了其不可,理無固執。且勍寇窮凶,勢過原燎,釁 太祖旣平桂陽,遷中領軍,領南兖州,增戶邑。太祖固讓,與淵及衞軍袁粲書曰:「下官 ,府藏須備,北狄侵邊,憂虞交切。 謙貶居心,深承非飾,此誠此旨,久著言外,況復造席舒衿,迂翰緒意,推情顧己, 但今之所宜商搉,必以輕重相推。世惟多難,事屬雕弊,四維恇擾,邊氓未安, 下官奉上以誠,率性無矯,前後忝荷,未嘗固讓。至若今授,特深恒迫。 如使伐匈奴,凱歸反旆,以此受爵,不復固辭矣。」淵、粲荅曰:「來告穎亮,敬 隨運推斥,妄踐非涯,才輕任重,夙宵冰惕。 奉職數載,同舟無幾,劉領軍峻節霜明,臨危不顧,音 裂邑萬戶,登爵槐鼎,亦何足少酬勳勞,粗塞物聽。 寓內含識,尚爲天下危心,相與共荷任寄若此, 濟、河昔所履牧,鎮軍秩不逾本,詳校階 近值國危,含氣同奮,況在下

韶攝職,固辭。又以春祭禮及,[表]解職,[公並不許。 改授中書監,侍中、護軍如故,給皷吹一部。明年,淵後嫡母吳郡公主薨,毀瘠如初。 其年,淵加尙書令、侍中,給班劍二十人,固讓令。 三年,進爵爲侯,增邑千戶。 服闋, 葬畢,

究,無而後可。想體殊常,深思然納。」太祖乃受命。

辭!」事乃定。順帝立,[ll]改號衞將軍、開府儀同三司,侍中如故。 甲仗五十人入殿。 槃、劉秉旣不受任,淵曰:「非蕭公無以了此。」手取書授太祖。太祖曰:「相與不肯,我安得 [季]代所行,[t]縱使功成,亦終無全地。」淵默然,歸心[太祖]。[10]及廢<u></u>蒼梧,羣公集議,袁 蒼梧酷暴稍甚,太祖與淵及哀粲言世事,粲曰:「主上幼年微過易改,伊、霍之事,非

耳。」太祖密爲其備。事平,進中書監、司空,本官如故。 沈攸之事起,袁粲懷貳,太祖召淵謀議,淵曰:「西夏釁難,事必無成;公當先備其內

位司徒、侍中、中書監如故。封南康郡公、邑三千戶。淵固讓司徒。與僕射王儉書,欲依蔡 齊臺建、淵白太祖引何曾自魏司徒爲晉丞相,求爲齊官,太祖謙而不許。建元元年,進

謨事例。儉以非所宜言,勸淵受命,淵終不就。

宋明帝嘗歎曰:「褚淵能遲行緩步,便持此得宰相矣。」 尋加尚書令,本官如故。 二年,重申 淵美儀貌,善容止,俯仰進退,咸有風則。每朝會,百僚遠國〔使〕莫不延首目送之。〔三〕

前命爲司徒,又固讓。

亦當不言我應得天子。」王儉等未及答,淵斂板曰:「陛下不得言臣不早識龍顏。」 [18] 上笑 朝廷機事,多與諮謀,每見從納,禮遇甚重。上大宴集,酒後謂羣臣曰:「卿等並宋時公卿, 日:「吾有愧文叔,知公爲朱(祐) [祜]久矣。」[lē] 是年虜動,上欲發王公已下無官者爲軍,曰別淵諫以爲無益實用,空致擾動,上乃止。

眼多白精,謂之「白虹貫日」,言爲宋氏亡徵也。 動,宅嘗失火,煙焰甚逼,左右驚擾,淵神色怡然,索轝來徐去。輕薄子頗以名節譏之,以淵 淵涉獵談議,善彈琵琶。世祖在東宮,賜淵金鏤柄銀柱琵琶。性和雅有器度,不妄舉

官品第二,策而不優。優者褒美,策者兼明委寄。尚書職居天官,政化之本,〔故〕尚書令品 以爲「見居本官,別拜錄,推理應有策書,而舊事不載。中朝以來,三公王侯,則優策並設, 雖第三,[14]拜必有策。錄尚書品秩不見,而總任彌重,前代多與本官同拜,故不別有策。 太祖崩,遺詔以淵爲錄尚書事。江左以來,無單拜錄者,有司疑立優策。尚書王儉議,

劒爲三十人,五日一朝。

即事緣情,不容均之凡僚,宜有策書,用申隆寄。旣異王侯,不假優文」。從之。 尋增淵班

軍,侍中、錄尙書如故。 之,曾何足說。伏願恢闡宏猷,賜開亭造,則臣死之日,猶生之年。」乃改授司空,領驃騎將 書行劾,刑綱是肅。[15]臣赤誠不能行,亦幽明所不宥。區區寸心,歸啓以實。自吝寸陰,寔 少,萬物耳目,皎然共見,寧足仰延聖慮,稍垂矜惜。臣若內飾廉譽,外循謙後,曰己此則憲 願方倍撓世。[10] 昔王弘固請,乃於司徒爲衞將軍,宋氏行之不疑,當時物無異議,以臣方 總錄之任,江左罕授,上隣亞台,升降蓋微。[1刊]今受祿弗辭,退絀斯願,於臣名器,非曰貶 **僉議同異,此出於留慈每過,愛欲其榮。 臣年四十有八,叨忝若此,以疾陳遜,豈駭聽察。** 刻難推。叨職未久,首歲便嬰疾篤,爾來沈痼,頻經危殆,彌深憂震。陛下曲存遲回,或謂 不許。又啓曰:「臣顧惟凡薄,福過災生,未能以正情自安,遠慙彥輔。旣內懷耿介,便覺晷 頃之寢疾。上相星連有變,淵憂之,表遜位。又因王儉及侍中王晏口陳於世祖,世祖

逝,痛怛慟懷,比雖尫瘵,便力出臨哭。給東園祕器,朝服一具,衣一襲,錢二十萬,布二百 上遣侍中王晏黄門郎王秀之問疾。薨,家無餘財,負債至數十萬。詔曰:「司徒奄至薨

疋,蠟二百斤。」

應上服以不?儉又議:「依中朝士孫德祖從樂陵遷爲陳留,未入境,〔卒〕,〔三〕樂陵郡吏依見 个掾屬雖未服勤,而吏節稟於天朝,宜申禮敬。」司徒府史又以淵旣解職,而未恭後授,府猶 時司空掾屬以淵未拜,疑應爲吏敬不。王儉議:「依禮,婦在塗,聞夫家喪,改服而入。

君之服,陳留迎吏依娶女有吉日齊衰弔,司徒府宜依居官制服。」

絡,自淵始也。又韶淵妻宋故巴西主獎隧蹔啓,宜贈南康郡公夫人。 宋太保王弘故事。 其贈公太宰,侍中、錄尚書、公如故。 降挹,權從高旨,用虧大猷。 化,契闊屯夷,綢繆終始。 齡, 司徒、錄尙書事、新除司(徒)[空]、[三]領驃騎將軍、南康公淵,履道秉哲,鑒識弘曠。 清風 又詔曰:「夫裹德所以紀民,愼終所以歸厚。 夙舉。 登庸應務,具瞻允集。 孝友著於家邦,忠貞彰於亮采。 諡曰文簡。」先是庶姓三公轜車,未有定格。 總錄機衡,四門惟穆,諒以同規往古,式範來今。謙光彌遠,屢陳 將登上列,永翼聲敎。天不愁遺,奄焉薨逝,朕用震慟于厥心。 給節,加羽葆鼓吹,增班劍爲六十人。葬送之禮,悉依 前王(習但)盛典,[三] 咸必由之。故侍中、 王儉議官品第一 佐命先朝,經綸王 ,皆加幢 爱初弱

屬,黃門郞,領羽林監,齊世子中庶子,領翊軍校尉。 長子賁,字蔚先。 解褐祕書郎。 昇明中,爲太祖太尉從事中郎,司徒右長史,太傅戶曹 建元初,仍爲宮官,歷侍中。 淵薨,服

侍,祕書監,不拜。六年,上表稱疾,讓封與弟燾,世以爲實恨淵失節於宋室,故不復仕。永 **闋,見世祖,賁流涕不自勝,上甚嘉之,以爲侍中,領步兵校尉,(長史)左民尚書,[云] 散騎常**

明七年卒,韶賜錢三萬,布五十匹。

贈太常,諡穆。淵弟澄。 年,表讓封還實子屬,詔許之。 蓁字茂緒。 永明中,解褐爲員外郎,出〔爲〕義興太守。〔三〕八年,改封巴東郡侯。〔三〕明 建武末,爲太子詹事,度支尚書,領軍將軍。 永元元年,卒,

其年卒。澄女爲東昏皇后。永元元年,追贈金紫光祿大夫。 牛,永明元年,爲御史中丞袁彖所奏,免官禁錮,見原。遷侍中,領右軍將軍,以勤謹見知。 錢萬一千,就招提寺贖太祖所賜淵白貂坐褥,壞作裘及纓,又贖淵介幘犀導及淵常所乘黃 醫術,建元中,爲吳郡太守,豫章王感疾,太祖召澄爲治,立愈。尋遷左民尚書。 孝謹,主愛之,湛之亡,主表淵爲嫡。澄尚宋文帝女廬江公主,拜駙馬都尉。 澄字彥道。初,湛之尚始安公主,薨,納側室郭氏,生淵,後尚吳郡公主,生澄。 歷官淸顯。 淵薨,澄以 淵事主 善

作治,盛冬月,令傖父髁身坐石,啓以百瓶水,從頭自灌。初與數十瓶,寒戰垂死,其子弟相 時東陽徐嗣,曰為醫術妙。 有一億父冷病積年,重茵累褥,牀下設鑪火,猶不差。 嗣爲

大熱病 投牀 乃往 垂泣,嗣令滿數。 者 視 無數,須 也。 姥稱舉體痛,而處處有緻黑無數,嗣還煑升餘湯送令服之,姥服竟,痛愈甚,跳 又春月出南籬門戲,聞笪屋中有呻吟聲,嗣曰:「此病甚重,更二日不治,必死。」 , 與,所৲處皆拔出長寸許,<a>[三]乃以膏塗諸瘡口,三日而復,云此名釘疽也。 得七八十瓶後,舉體出氣如雲蒸,嗣令徹牀去被,明日立能起行,云此

事

驗

甚

多

一,過於澄矣。

綽遇害,爲叔父僧虔所養。 王儉字仲寶,琅琊臨沂人也。 數歲、襲爵豫(章)[寧]侯、三三拜受茅土、流涕嗚咽 祖曇首,宋右光祿。父僧綽,金紫光祿大夫。 儉生而僧

馬 都 尉。 幼 有 帝以 神彩,專心篤學,手不釋卷。 儉嫡 母 武 康公主同太初 巫蠱 丹陽 事,[[6] 尹袁粲聞其名,言之於明帝,尚陽羨 不可以爲婦姑,欲開塚離葬, 公主,拜駙 | 歯 因 人自

陳,密以死請,故事不行。

之,表辭甚典。 解褐秘書 郎, 又撰定元徽四部書目 太子舍人,超遷秘 書丞。 母 憂, 上表求校墳籍,依七略撰七志四十卷,上表獻 服 闋 爲 司 徒右長史。 晉令,公府長史著朝服

|朱大明以來著朱衣。儉上[言]宜復舊,[計]時議不許。

ĮĮĮ.

門郎,轉吏部郎。昇明二年,遷長兼侍中,曰三以父終此職,固讓。 蒼梧暴虐,儉憂懼,告袁粲求出,引晉新安主婿王獻之爲吳興例,補義興太守。 還爲黃

禮儀韶策,皆出於儉,褚淵唯爲禪韶文,〔晉〕使儉參治之。齊臺建,遷右僕射,領吏部,時年 事。」建元元年,改封南昌縣公,食邑二千戶。明年,轉左僕射,領選如故。 左長史。及太傅之授,儉所唱也。少有宰相之志,物議咸相推許。時大典將行,儉爲佐命, 二十八。太祖從容謂儉日:「我今日以青溪爲鴻溝。」對曰:「天應民從,〔壹〕庶無楚、漢之 |儉察||太祖雄異,先於領府衣裾, [三]||太祖爲太尉,引爲右長史,恩禮隆密,專見任用。

所磨謬合,請付外施行。」上手韶酬納。宋世外六門設竹籬,是年初,有發白虎樽者,言「白 方。且又三農在日,千畛咸事,輟望歲之勤,興土木之役,非所以宣昭大猷,光示遐邇。若 侯,或守文中主,尚使諫諍在義卽悅,況陛下聖哲應期,臣等職司隆重,敢藉前誥,竊乃有 以門居宮南,重陽所屬,年月稍久,漸就淪胥,自可隨宜脩理而合度,改作之煩,於是乎息。 故材,爲宣陽門,臣等未譬也。 夫移心疾於股肱,非良醫之美; 畏影迹而馳騖,豈靜處之 心。陛下登庸宰物,節省之敎旣昭,龍袞琁極,簡約之訓彌遠。乾華外構,采椽不斵,紫極 者身之基,儉者德之輿。春臺將立,晉卿秉議,北宮肇構,漢臣盡規。彼二君者,或列國常 上壞宋明帝紫極殿,以材柱起宣陽門。儉與褚淵及叔父僧虔連名上表諫曰:「臣聞德

門三重門,竹籬穿不完」。〔言〕上感其言,改立都墻。儉又諫,上答曰:「吾欲令後世無以加 也。」朝廷初基,制度草創,儉識舊事,問無不答。上歎曰:「詩云:『維嶽降神,生甫及申。』今

亦天爲我生儉也。」

其在代來, [元] 何爲於今, 非臣不可。傾心奉國, 匪復退讓之與, 預同休戚, 寧俟位任爲親。 之遇漢后,公達之逢魏君,史籍以爲美談,君子稱其高義。二臣才堪王佐,理非曲私,兩主 陛下若不以此理賜期,豈仰望於殊眷。頻冒嚴威,分甘尤戾。」見許。 要,風猷所先,玉石朱素,〔三〕由斯而定。臣亦不謂文案之閒都無徼解,至於品裁臧否,特所 如使傾宗殞元,有益塵露,猶當畢志驅馳,仰詶萬一,豈容稍在形飾,〔言〕以徇常事。 專杖威武,有傷寬裕,豈與庸流之人,憑含弘之澤者,同年而語哉? 預在有心,胡寧無感。 未閑。雖存自勗,識不副意,兼竊而任,彼此俱壅,專情本官,庶幾髣髴。且前代掌選,未必 其年,儉固請解選,表曰:「臣遠尋終古,近察身事,邀恩幸藉,未見其倫。何者?子房 加侍中,固讓,復散騎 九流任

事,吾何以堪之。」後上使陸澄誦孝經,自「仲尼居」而起。 儉曰:「澄所謂博而寡要,臣請誦 王敬則拍張。儉曰:「臣無所解,唯知誦書。」因跪上前誦相如封禪書。上笑曰:「此盛德之 一曲宴羣臣數人,各使効伎藝,褚淵彈琵琶,王僧虔彈琴,沈文季歌子夜,張敬兒舞,

列

之。」乃誦「君子之事上」章。上曰:「善!張子布更覺非奇也。」

又領太子少傅,本州中正,解丹陽尹。舊太子敬二傅同,至是朝議接少傅以賓友之禮。 祭酒、丹陽尹,本官如故。給鼓吹一部。三年,領國子祭酒。叔父僧虔亡,儉表解職,不許。 軍。四世祖即位,給班劍二十人。永明元年,進號衞軍將軍,四三參掌選事。二年,領國子 尋以本官領太子詹事,加兵二百人。[80]上崩,遺詔以|儉爲侍中、尚書 [令]、(左)鎭軍將

儀容甚盛。 官領吏部。 謝安。」蓋自比也。 史諮事,賓客滿席,儉應接銓序,傍無留滯。十日一還學,監試諸生,巾卷在庭, 是歲,省總明觀,於檢宅開學士館,悉以四部書充檢家,又詔儉以家爲府。四年,以本 作解散髻,斜插幘簪,朝野慕之,相與放効。 儉長禮學, 語究朝儀, 每博議, 證引先儒, 罕有其例。八坐丞郎, 無能異者。令 世祖深委仗之,士流選用,奏無不可。 險常謂人曰:「江左風流宰相,唯有 劒衞令史

踐康衢。 未垂矜納。 乃上表曰:「臣比年辭選,具簡天明,「邑」款言彰於侍接,丹誠布於朝野,物議不以爲非,聖心 出 .外諮事,上以往來煩數,復詔儉還尚書下省,月聽十日出外。 五 |年,即本號開府儀同三司,固讓。 六年,重申前命。 秋葉辭條,不假風飆之力;太陽躋景,無俟螢爝之暉。晦往明來,五德遞運,聖不 臣聞知慧不如明時,求之微躬,實允斯義。 妄庸之人,沈浮無取,命偶休泰,遂 先是詔儉三日一還朝,尚書令史 儉啓求解選,不許。 七年,

列傳第四 王儉

獨治,八元亮采。 希天照。至敬無文,不敢煩黷。」見許。改領中書監,參掌選事 悔吝在身,故乃惟塵及國。方今多士盈朝,羣才競爽,選衆而授,古亦何人。 **猶可勉勵**。 (其之刺,方興於來日。若夫珥貂衣衮之貴,四輔六教之華,誠知匪服,職務差簡,端揆雖重, 巾冠。 至於品藻之任,尤懼其阻。夙宵罄竭,屢試無庸。 人物徂遷,逝者將半。 臣逢其時,而叨其位,常總端右,亟管銓衡。 三考無聞,九流寂寞。 歲月之久,近世罕比。 事涉兩朝, 歲綿一紀。 能官之詠,輟響於當時,大 冒陳微翰,必 非唯 盛年

用方隆,豈意暴疾,不展救護,便爲異世,奄忽如此,痛酷彌深。 轉悲切,不能自勝。 其年疾,上親臨視,薨,年三十八。吏部尚書王晏啓及儉喪,上答曰:「儉年德富盛,志 痛矣奈何!往矣奈何」詔衞軍文武及臺所兵仗可悉停待葬。[2] 其契闊艱運,義重常懷,言

遠。 領 國子祭酒、衛軍將軍、開府儀同三司南昌公儉,體道秉哲,風字淵曠。 忠圖 、公如故。 登朝應務,民望斯屬。草昧皇基,協隆鼎祚;宏謨盛烈,載銘彝篆。 又詔曰:「愼終追遠,列代通規,襃德紀勳,彌峻恒策。故侍中、中書令、[閏] 太子少傅、 ,弼茲景化,以贊隆平。天不憖遺,奄焉薨逝,朕用震慟于厥心。可追贈太尉,侍中、中 一令範,造次必彰。 給節,加羽葆鼓吹,增班劍爲六十人。葬禮依故太宰文簡公褚淵故事。 四門允穆,百揆時序。宗臣之重,情寄兼常。 肇自弱齡,清猷 方正位論道,永釐 及贊朕躬,徽績 自

墓材官營辦。諡文憲公。」

服集記幷文集,並行於世。今上受禪,下詔爲儉立碑,降爵爲侯,千戶。 儉寡嗜慾,唯以經國爲務,車服塵素,家無遺財。手筆典裁,爲當時所重。 少撰古今喪

遠。」徙永嘉郡,道伏誅。 爲禍,因褚淵啓聞。中丞陸澄依事舉奏。 儉弟遜, 昇明中, 爲丹陽丞, 告劉秉事, 不蒙封賞。 韶曰:「儉門世載德,竭誠佐命,特降刑書,宥遜以 建元初,爲晉陵太守,有怨言,儉慮

也。 陵闕雖殊,顧眄如一。中行、智伯,未有異遇。 由門慶,平流進取,坐至公卿,則知殉國之感無因,保家之念宜切。 如初。自是世祿之盛,習爲舊準,羽儀所隆,人懷羨慕,君臣之節,徒致虛名。貴仕素資,皆 短促,服祸前代,宦成後朝。晉氏登庸,與之從事,名雖魏臣,實爲晉有,故主位雖改,臣任 臣請論之:夫陽、武之迹,異乎嫴、舜,伊、呂之心,亦非稷、契。 自金、張世族、袁、楊鼎貴、委質服義、皆由漢氏、膏腴見重、事起於斯。 史臣曰:褚淵、袁粲,俱受宋明帝顧託,粲旣死節於宋氏,而淵逢興運,世之非責淵者衆 褚淵當泰始初運,清塗已顯,數年之閒,不患 市朝亟革,寵貴 降此風規,未足爲證 魏氏君臨,年祚 方來,

無位,旣以民望而見引,亦隨民望而去之。夫爵祿旣輕,有國常選,恩非己獨,責人以死,斯

故人主之所同謬,世情之過差也。

輔相之體。稱述霸王,綱維典禮。 贊曰:猗歟褚公,德素內充。 民譽不爽,家稱克隆。 期寄兩朝,綢繆宮陛 從容佐世,貽議匪躬。文憲濟濟,

校勘記

(二)復倘文帝女南郡獻公主 按文選卷五十八王儉褚淵碑文云「選尚餘姚公主」,而本傳下文又云

『淵妻宋故巴西主」。 初封餘姚公主,進封南郡,齊受禪,又例降封巴西,封號雖異,其實一人也。」 南史褚彦回傳亦云「又韶彦回妻宋故巴西主」。 錢大昕廿二史考異云:「蓋

(歷)中書郞 據南監本、毛本、殿本、局本補。按「中書郎」文選王儉褚淵碑文作「中書侍郎」。

止足自保「止」原譌「王」,據毛本、殿本、局本改正。

. 23 U 與淵以(夙)(風)素相善 據南監本、殿本及南史褚彦回傳改。 按通鑑宋明帝泰始七年亦作「風

素」,胡注云「風素相善者,以其風標雅素而與之善也。 蕭子顯齊書 『風』作『夙』」。 是胡氏所見

本亦作「夙」也。

万五 出爲吳興太守 「吳興太守」南史、通鑑、元龜二百並作「吳郡太守」。 通鑑胡注云:「蕭子顯齊書

傳第四 校勘記

列

出守吳興,非獨褚淵也。文選王儉褚淵碑文云:「丹陽京輔,遠近攸則,吳興襟帶,實惟股肱,頻 守品俱第五,胡氏大郡次郡之說不足據。 是。」殿本考證據通鑑胡注,亦以作「吳興」爲誤。今按梁、陳之制,丹陽尹與會稽、吳郡、吳興太 淵傳云爲吳興太守。 按吳郡,近畿大郡也,吳興,次郡也,淵以大尚書出守,當得大郡,吳郡爲 且齊世如王敬則、張褒、何戢、謝朏等皆以尚書、侍中

作二守,並加蟬冕。」足證作「吳興」之不誤。

7 惟泣淚處乃見其本質焉 「泣淚」毛本、局本作「沾淚」,殿本作「哭泣」。

淵又謂之日 「謂之日」南監本、殿本作「謂人日」,南史作「語人日」。

[八] [表]解職 據殿本、局本及南史補。

[10] 歸心[太祖] 據南監本、殿本補。 [10] 歸心[太祖] 據南監本、殿本補。

順帝立 按蕭子顯避梁武帝父順之諱,順字皆爲從,此「順帝」原文必作「從帝」,後來校書者以

百僚遠國〔使〕莫不延首目送之,據南監本、殿本及南史、元龜八百八十三補。

意改易耳。

[三] 上欲發王公已下無官者爲軍 按兩史「爲軍」作「從軍」。

(10) 陛下不得言臣不早識龍顏 「得」原譌「待」,據南監本、殿本、局本及南史改正。

二吾 知公爲朱(前)[祜]久矣 據局本改。按今本後漢書朱祐傳章懷注云:「東觀記『祐』作『福』,避安

帝諱。」劉攽刋誤云:「案注引東觀記安帝諱,則此人當名祜。」

二 [故]尚書令品雖第三 據元龜四百七十一、通典職官典補

[17] 升降蓋微 远龜三百三十一作「升降紫微」。

[14] 外循謙後 远龜三百三十一作「外脩謙德」。

[1 凸] 刑綱是肅 元龜三百三十一作「刑網是嬰」。

寔願方倍堯世 「方」南監本、殿本、局本及元龜三百三十一作「萬」,毛本作「万」。

[三] 未入境(卒) 據沅龜五百七十七補。

[三] 前王(智但)盛典 據元龜三百十八刪。

至 新除司(徒)[空] 據南監本改。 殿本考證萬承蒼云:「按褚淵新除之官乃司空,非司徒也。 諸本

並誤。」 按萬氏未核對南監本,故云「諸本並誤」。 元龜三百十八亦作「司空」。

張森楷校勘記云:「長史官無所繫,南史無之,疑是衍文。」今據刪。

至 出[爲]義興太守 據南監本、殿本、局本補。

領步兵校尉(長史)左民尚書

改封巴東郡侯 以南康爲王國,而改案爲巴東公,見齊武帝諸子傳。 南史褚蓁傳同。 錢大昕廿二史考異云:「彦回本封南康郡公,秦初襲父爵,至是 此云郡侯、恐誤。」

列傳第四 校勘記

- 時東陽徐嗣 張森楷校勘記云:徐嗣郎徐嗣伯,南史附張劭傳。 按『東陽』當作『東海』。」
- 所瞰處皆拔出長寸許 按南史張邵傳附徐嗣伯傳述徐嗣伯醫術甚詳,云「所職處皆拔出釘長寸

許」,此脱一「釘」字。

- 侯。按宋書州郡志,豫章太守領縣十二,有豫寧侯相,作「豫寧」是,今據改。 襲爵豫(章) 〈寧〕侯 南史王曇首傳云儉襲爵豫寧縣侯,文選任昉王文憲集序亦云儉襲封豫寧
- 帝以儉嫡母武康公主同太初巫蠱事 王鳴盛十七史商権云、「按儉父僧綽傳尚東陽獻公主,此 耳。 豈改封敷。」今按文選任昉汪文憲集序及元龜七百五十三並作「武康」,蓋始封武康,進封東陽 云武康,恐誤。」張森楷校勘記云:「宋書王僧綽傳及二凶傳並云僧綽尚東陽獻公主, 此稱武康,
- C□□ 儉上
 (三)宜復舊 據南監本、
 (毛本、殿本、局本補。
- CIII 遷長兼侍中 殿本「長」下有「史」字,考證云:「監本脱『史』字,從南史增人。」按南史王儉傳:「昇 本無此字,或轉據南史增益之,不獨昧於官制,亦大非闕疑之旨。」 者,何府之長史乎。此傳前後多有『長史』字,當由後人轉寫相涉而誤,非延壽本文也。,南齊書 長兼侍中』,孔愉傳『長兼中書令』,是長兼之名,自晉已有之矣。南史添一『史』字,試問儉所授 明二年,爲長史兼侍中。」錢大昕廿二史考異云:「長兼者,未正授之稱。晉書劉隗傳『太興初,

- 先於領府衣裾 錢大昕廿二史考異云:「時齊祖爲中領軍,故曰領府。」洪頤煊諸史考異云:「衣
- 裾致敬,禮無明文,以南史王儉傳證之,此下當有脫文。」
- [18] 褚淵唯爲禪韶文 按南史「文」作「又」,屬下讀。

意改易也。

- (三三) 天應民從 「民從」殿本作「民順」。按蕭子顯避梁諱,順字皆改作從,殿本作「順」,乃校書者以
- 白門三重門竹籬穿不完 「三重門」通鑑齊高帝建元二年作「三重關」。按關與完古韵同部,作
- 「關」是。
- 至3 玉石朱素(元龜四百六十四作「玉石朱紫」。(1973 豈容稍在形飾)「在」元龜四百六十四作「存」。
- [f.] 未必其在代來 「其」南監本、殿本、局本作「具」。
- [80] 加兵二百人 南監本及南史作「三百人」。

左右之號。

- 遺韶以儉爲侍中尚書[令](左)鎮軍將軍 據南史及文選任昉王文憲集序增刪。 按鎭軍將軍無
- 將軍」。 進號衛軍將軍 按百官志有衞將軍,無衞軍將軍。 「衞軍將軍」南央及元龜三百十八、三百三十一、文選任昉王文憲集序並作「衞 然下文領國子祭酒、衞軍將軍,元魏三百十八亦作

列

「衞軍將軍」。

《图1〕具簡天明 「天明」各本並作「天朝」,惟元魏四百六十四同作「天明」。 按具簡天明即簡在帝心

之意,作「天朝」者譌。

[82] 詔衞軍文武及臺所兵仗可悉停待葬 按「衞軍」元龜三百十八作「衞將軍」。頭史「所」下有「給」

字,「仗」下無「可」字。

[EE] 中書令 張森楷校勘記云:「上云領中書監,不云領中書令,『令』當是"監』之譌。」

南齊書卷二十四

列傳第五

柳世隆 張瓌

以授世隆,使卿門世不絕公也。」元景爲景和所殺,世隆以在遠得免。 軍法曹行參軍,出爲虎威將軍、〔〕上庸太守。帝謂元景曰:「卿昔以虎威之號爲隨郡,今復 召見,帝曰:「三公一人,是將來事也。」海陵王休茂爲雍州,辟世隆爲迎主簿。 柳世隆字彥緒,河東解人也。祖憑,馮翊太守。父叔宗,早卒。 世隆少有風器,伯父元景,宋大明中爲尚書令,獨賞愛之,異於諸子。

言於孝武帝,得

除西陽王撫

閒,事平乃出。還爲尚書儀曹郎,明帝嘉其義心,發詔擢爲太子洗馬,出爲寧遠將軍、巴西 亦聚衆應之。收合萬人,奄至襄陽萬山,爲孔道存所破,衆皆奔散,僅以身免,逃藏民 秦始初,諸州反叛,世隆以門禍獲申,事由明帝,乃據郡起兵,遣使應朝廷。弘農人劉

傳 第 五 柳 世 湰

列

梓潼太守。 還爲越騎校尉,轉建平王鎭北諮議參軍,領南泰山太守,轉司馬、東海太守,入

爲通直散騎常侍。

陵也,令世祖率衆下,同會京邑,世隆與長流蕭景先等戒嚴待期,事不行 尋爲晉熙王安西司馬,加寧朔將軍。 時世祖爲長史,與世隆相遇甚懽。 太祖之謀渡廣

汝意合者,委以後事,世隆其人也。」世祖舉世隆自代。 日:「夏口 是時朝廷疑憚沈攸之,密爲之防,府州器械,皆有素蓄。 是兵衝要地,宜得其人。」太祖納之,與世祖書曰:「汝旣入朝, 轉爲武陵王前軍長史、江夏內史、行 世祖將下都,劉懷珍白太祖 當須文武兼資 人與

野州事

洲,坐胡床以望其軍,有自驕色。 軍外兵參軍楊景穆二千匹騎分兵出夏口,據魯山。 兵參軍朱君拔、寧朔將軍沈惠眞、龍驤將軍騎兵參軍王道起三萬人爲前驅,三 軍劉攘兵領寧朔將軍外兵參軍公孫方平、龍驤將軍騎兵參軍朱靈眞、「司 高茂二萬人次之,又遣輔國將軍王靈秀、四丁珍東、寧朔將軍中兵參軍王彌之、 昇明元年冬,攸之反,遣輔國將軍中兵參軍孫同、寧朔將軍中兵參軍武寶、龍驤將軍 卿旣相與奉國,想得此意。」世隆使人答曰:「東下之師,久承聲問。 旣至郢,以郢城弱 攸之乘輕舸從數百人先大軍下 小不足攻,遺人告世隆曰:「被太后令, 沈僧敬 又遣 、龍驤 郢城小鎮, E 住 寧朔將 司馬 將

拔。卿爲其內,我爲其外,乃無憂耳。」至是世祖遣軍主桓敬、陳胤叔、苟元賓等八軍據西塞, 顧謂人曰:「以此攻城,何城不剋」」晝夜攻戰,世隆隨宜拒應,衆皆披却。 令堅壁以待賊疲。 慮世隆危急,遣腹心胡元直潛使入郢城通援軍消息,內外並喜。 別,日:「攸之一旦爲變,焚夏口舟艦沿流而東,則坐守空城,不可制也。雖留攻城,不可卒 自守而已。」攸之將去,世隆遣軍於西渚挑戰,攸之果怒,令諸軍登岸燒郭邑,樂長圍攻道, 世祖 初下,與世隆 尙書

酈寄賣友,方之斯人,未足爲酷。 泰始開闢,網漏吞舟,略其凶險,取其搏噬,故階亂獲 與譚金、童泰壹等暴寵狂朝,並爲心膂,同功共體,世號「三侯」。當時親昵,情過管、鮑, 昇官次。景和昏悖,猜畏柱臣,而攸之凶忍,趣利樂禍,請銜韶旨,躬行反噬。又攸之 仰遭革運,凶黨懼戮,攸之反善圖全,用得自免。云旣殺從父,又虐良朋,雖呂布販君, 全,(三)因禍興福。 沈攸之出自曨畝,寂寥累世。故司空沈公,以從父宗廕,愛之若子,羽翼吹嘘,得

內端戎禁,外綏萬里。聖去鼎湖,遠頒顧命,託寄崇深,義感金石。而攸之始奉國諱, 王師,四久應肆法,值先帝宥其回溪之恥,冀有封崤之捷,故得幸會推遷,頻煩顯授。 攸之稟性空淺,躁而無謀,濃湖土崩,本非己力,彭城、下邳,望旗宵遁,再(紹)〔棄〕

甲。[10]遂四野百縣,路無男人,耕田載租,皆驅女弱。 自古酷虐,未聞於此 喜形于顏,普天同哀,己以爲慶。 迫羣蠻,騷擾山谷,揚聲討伐,盡戶上丁。[5]蟻聚郭邑,伺國衰盛,從來積年,求不解 十不遺一。專恣鹵奪,罔顧國典。 重,攸之斷割候迎,肆意陵略。 料擇士馬,簡算器械,權撥精銳,並取自隨。 郢城所留, 累登蕃岳,自郢遷荆。 踐荆已來,恆用姦數,旣懷異志,興造無端。 晉熙王以皇弟代鎭, 地尊望 乃蹙

疽之日。幕府過荷朝寄,義百常憤,董御元戎,襲行天罰。 隔彼州,人懷怨望,十室而九。今乃舉兵內侮,姦回外熾,斯寔惡熟罪成之辰,決癰潰 刑,鞭箠國士,全用虜法,一人逃亡,闔宗捕逮。〔11〕皇朝赦令,初不遵奉,曠蕩之澤,長 叛入境,輒加擁護,逋亡出界,必遣窮追。 視吏若讎,遇民如草,峻太半之賦,暴參夷之 贏弱,不滿三千,至郢州稟受節度,欲令判否之日,委罪晉熙。 昔歲桂陽內壘,宗廟阽危。攸之任官上流,兵彊地廣,勤王之舉,寔宜悉行。裁遣 招誘劍客,羈絆行侶,竄

邰宰,[]三精甲二萬,衝其首旆。又遣散騎常侍游擊將軍(臨)湘[南]縣開國男呂安 軍主王宜興、屯騎校尉陳承叔、右軍將軍葛陽縣開國男彭文之、驃騎行參軍振武 員外散騎常侍輔國將軍驍騎將軍重安縣開國子軍主王敬則、屯騎校尉 个遣新除使持節郢州司州之義陽諸軍事平西將軍郢州 刺 史聞喜縣開國侯黃回 長壽 i 縣 開 將軍 國男

敬 州 軍 新 里 王 又遣屯騎校尉尚元賓、撫軍參軍郭文考、撫軍 國 司 一建族,一 亭侯 兒 洪 萬, 蕭 刺 州 範 之隨 史、 順 른 截其(精)[津]要。[三驍騎將軍周盤龍、後將軍成買、 志 ·等 持節 任 之、二旦新除 領 節 四 郡 候 方飛旆,莫不 、鐵騎五 義 慷 伯 諸軍 寧朔將 陽 慨,卷甲樊、鄧,水步俱 龍 太守、范陽 事、征虜將軍、寧蠻校尉、雍州 一千,步道 驤將軍 寧朔將軍游擊將軍下邳 軍越州 總率衆 虎賁中 縣 **】繼進,先據陸路,斷其走伏。** 刺史孫曇瓘 侯姚 師、雲翔 郎將尹略 道 、馳、破 和 屯屯 義 雷 騎校 動。 烈 其巢窟。 縣 屯騎 梗 中 開 以尉寧朔將軍崔慧景、寧朔將軍左軍 人神 刺 槩,投袂方 國子 兵參軍 校尉 史、襄陽 持節 同憤、遠 垣 南 崇祖等, 持節、 程隱儁、奉朝請諸襲光等,輕艓 城令曹虎頭、 隅 督 縣 輔 運弁 司 開 國將 風 州 督雍梁二州 或 馳 舳 諸軍 心 侯、 電 軍王 艫 掩,襲其輜 輔 新除鎭 二萬,駱驛繼 事 一勑勤 征 國 郢 將 で屯 虜 州 軍 軍 災將軍 騎 驍 將 之 竟 校 騎將 將 軍 尉 司 陵

澤,下 郢 艾 其 難 易 城 取 旣 分 今皇上 無樂亂 ?,去就 含識 不 可 攻,而 主聖明, 判其 之心。 在 機,望 成 平西將軍黃回軍至西陽,乘三層艦,作羌胡伎,泝流 將相 禽。 攸之不識 一思先 仁愛, 彼 院,無 土 約法 天時 士 使 民、罹毒 · 安圖 三章,寬刑 人 迷 大 日 疑, 人, 逆, 緩賦, 而 舉無 今復 九族 年登 相 名之師 就 逼 禍 迫, 歲 也。 阜, 投赴 驅 弘 家給 讎 宥 鋒 怨 之典,有 功。 人足, 之衆,是以 而 進。 交戦 上有 如 攸之素失 之日 皎 朝 惠 日 民之 野 蘭 審

列

倳

第

五

柳

世

隆

|||城中大有錢,可相與還取,以爲資糧。」 |||城未有追軍,而散軍畏蠻抄,更相聚結,可二萬 賜、女壻張平虜斬之。□召軍旅大散。攸之渡魯山岸,猶有數十匹騎自隨。宣令軍中曰:「荆 世隆許降,世隆開門納之。攘兵燒營而去,火起乃覺。攸之怒,銜鬚咀之。收攘兵兄子天 者,軍主任其罪。」於是一人叛,遣十人追,並去不反。莫敢發覺,咸有異計。 廷自誅我百口,不關餘人。比軍人叛散,皆卿等不以爲意。我亦不能問叛身,自今軍中有叛 |攸之大怒,召諸軍主曰:「我被太后令,建義下都,大事若剋,白紗帽共著耳;如其不振,朝 人,隨攸之,將至江陵,乃散。 人情,本逼以威力,初發江陵,已有叛者,至是稍多。攸之日夕乘馬歷營撫慰,而去者不息。 世隆乃遺軍副劉僧驎道追之。 劉攘兵射書與

守,加秩中二千石。丁母憂。太祖踐阼,起爲使持節、都督南豫司二州諸軍事、平南將軍、南 憂,杖而後起,立人之本,二理同極,加榮增寵,足以厲俗敦風。」 豫州刺史,進爵爲公。 人惻然,實亦世珍國寶也。」淵答曰:「世隆至性純深,哀過乎禮。 攸之已死,徵爲侍中。 上手詔與司徒褚淵曰:「向見世隆毀瘠過甚,殆欲不可復識,非直 仍遷尚書右僕射,封貞陽縣侯,邑二千戶。 專陛下在危盡忠, 喪親居 出爲左將軍、吳郡太 使

斷隔之,深爲保固。處分百姓,若不將家守城,單身亦難可委信也。」尋又敕曰「吾更歷陽 建元二年,進號安南將軍。 是時虜寇壽陽,上敕世隆曰:「歷陽城大,恐不可卒治,正宜

外城,若有賊至,即勒百姓守之,故應勝割棄也。」

省一足一,於事爲便。吾謂非乃乖謬。卿以爲云何?可具以聞。」尋授後將軍、尚書右僕 射,不拜。世隆性愛涉獵,啓太祖借祕閣書,上給二千卷。 垣崇祖旣破虜,上欲罷併二豫,敕世隆曰:「比思江西蕭索,二豫兩辦爲難。 議者多云

成,非疑也。」又敕曰:「昨夜得北使啓,鍾離閒賊已渡淮,旣審送死,便當制加剿撲。 之,無嫌。若作三千人食者,已有幾米?可指牒付信還。民閒若有丁多而細口少者,悉令 不可以理推,爲備或不可懈。彼郭旣無關要,用宜開除,使去金城三十丈政佳耳。 者,定攻壽陽,吾當遣援軍也。」又遣軍助世隆,幷給軍糧。 參候之,有急令諸小戍還鎮,不可賊至不覺也。 賊旣過淮,不容邇退散, [11] 要應有處送死 搔動不安。上敕世隆曰:「比有北信,賊猶治兵在彭城,年已垂盡,或當未必送死。 三年,出爲使持節、督南兖兖徐青冀五州軍事、安北將軍、南兖州刺史。江北畏虜寇, 發民治 然豺狼 卿好

|挖部中可行此事不? 若無所擾,春便就手也。」其見親委如此。 無驚恐。近又令垣豫州斷其州內,商得崇祖啓事,已行竟,近無云云,殊稱前代舊意。卿視 <u></u>
虜退,上欲土斷江北,又敕世隆曰:「呂安國近在西,土斷郢、司二境上雜民,大佳,民殆

世祖即 位,加散騎常侍。 世隆善卜,別龜甲,價至一萬。 永明建號,世隆題州齋壁日

五

柳世隆

「永明十一年」。 謂典籤|李黨曰:「我不見也。」入爲侍中、護軍將軍,遷尚書右僕射,領太子

右率,雍州大中正,不拜,改授散騎常侍,尚書左僕射,中正如故。

州刺史,常侍如故。 湘州蠻動,遣世隆以本官總督伐蠻衆軍,仍爲使持節、都督湘州諸軍事、鎮南將軍、湘 世隆至鎭,以方略討平之。在州立邸治生,爲中丞庾杲之所奏,韶原不

問。

復入爲尚書左僕射,領衞尉,不拜。

仍轉尙書令。

授侍中,衞將軍,不拜,轉左光祿大夫,侍中如故。 第一 一,清談第二,彈琴第三。在朝不干世務,垂簾鼓琴,風韻淸遠,甚獲世譽。 世隆少立功名,晚專以談義自業。 善彈琴,世稱柳公雙璅,爲士品第一。常自云馬矟 以疾遜位,改

翼教崇闥,朝稱元正。忠謨嘉猷,簡于朕心,雅志素履,邈不可踰。 部尚書王晏曰:「世隆雖抱疾積歲,志氣未衰,冀醫藥有効,痊差可期。 不謂一旦便爲異世, 至薨殞,震慟良深。贈司空,班劍三十人,「云鼓吹一部,侍中如故。 入參內禁,出贊西牧,專寄野郊,剋挫巨猾,超越前勳,功著一代。及總任方州,民頌寬德, 痛怛之深,此何可言。其昔在野,誠心夙(閒)[悃],[云]全保一蕃,勳業克著。 又韶曰:「故侍中左光祿大夫貞陽公世隆,秉德居業,才兼經緯。 九年,卒,時年五十。 韶給東園秘器,朝服一具,衣一襲,錢一十萬,布三百匹,蠟三百 將登鉉味,用變鴻化,奄 少播淸徽,長弘美譽。 諡曰忠武。」上又敕吏 尋准契闊,增

泣悲咽。 卿同在情,亦當無已已耶!」

世隆曉敷術,於倪塘創墓,與賓客踐履,十往五往,常坐一處。 及卒,墓正取其坐處

焉。[ilo]著龜經祕要二卷行於世。

長子悅,早卒。

張壤,字祖逸,吳郡吳人也。 祖裕、宋金紫光祿大夫。父永、右光祿大夫。 **曉**音律,宋

書郎,驃騎從事中郎,司徒右長史。 初,永拒桂陽賊於白下,潰散,阮佃夫等欲加罪,太祖固 孝武問永以太極殿前鍾聲嘶,永答「鍾有銅滓」。乃扣鍾求其處,鑿而去之,聲遂淸越 · 康解褐江夏王太尉行參軍,署外兵,隨府轉爲太傅五官,爲義恭所遇。 遷太子舍人,中

申明之,壤由此感恩自結。轉通直散騎常侍,驍騎將軍。遭父喪,還吳持服

走,壤部曲顧憲子手斬之,郡內莫敢動者。獻捷,太祖以告領軍張沖,〔三〕沖曰:「壤以百口 讓,讓僞受旨,與叔恕領兵十八人入郡,與防郡隊主彊弩將軍郭羅雲進中齋取遐,遐踰窻而 太祖密遣殿中將軍下白龍令壞取遐。諸張世有豪氣,瓌宅中常有父時舊部曲數百。遐召 昇明元年,劉秉有異圖,弟遐爲吳郡,潛相影響。因沈攸之事難,聚衆三千人,治攻具。

擲,出手得盧矣。」即授輔國將軍、吳郡太守,封懷義成縣侯,邑千戶。太祖故以嘉名錫之。

|王北中郎長史、襄陽相、行雍州府州事,隨府轉征虜長史。 四年,仍爲持節、督雍梁南北 年,鳥程令顧昌玄有罪,壞坐不糾,免官。明年,爲度支尚書。 四州郢州之竟陵司州之隨郡軍事、輔國將軍、雍州刺史,尋領寧蠻校尉。 遷侍中,加領步兵校尉。 右軍將軍,遷冠軍將軍、大司馬長史。 除 冠軍將軍、東海東莞二郡太守,不拜。建元元年,增邑(爲)二百戶。[三]尋改封平都。 二年,遷都官尙書,領校尉如故。 出爲征虜將軍、吳興太守。 世祖即位,爲冠軍將軍、鄱陽 還爲左民尙書,領

月加給錢二萬。 廢,朝臣到宮門參承高宗,壞託脚疾不下。曰司海陵立,加右將軍。高宗疑外蕃起兵,以褒鎭 稱疾,還爲散騎常侍、光祿大夫。 嚷,乃以爲後將軍、南東海太守,秩中二千石,行南徐州府州事,又行河東王國事。 石頭,督衆軍事。 十年,轉太常。 二年,虜盛,韶壤以本官假節督廣陵諸軍事、行南兖州事,虜退乃還。 壞見朝廷多難,遂恆臥疾。 自陳衰疾,願從閑養,明年,轉散騎常侍、光祿大夫。頃之,上欲復用 鬱林即位,加金章紫綬。 建武元年,轉給事中、光祿大夫,親信如故。 隆昌元年,給親信二十人。 到官,復 鬱林

吳,見許。 優游自樂,或有譏懷衰暮畜伎,嚷曰:「我少好音律,老而方解。 平生嗜欲,無復 | 躟居室豪富,伎妾盈房,有子十餘人,常云 「其中要應有好者」。 建武末,屢啓高宗還

敬則反,壞遣將吏三千人迎拒於松江,聞敬則軍鼓聲,一時散走,壞棄郡逃民閒。 高宗疾甚,防疑大司馬王敬則,以壤素著幹略,授平東將軍、吳郡太守,以爲之備。 事平, 躨

復還郡,爲有司所奏,免官削爵。

義師至新亭,壞棄城走還宮。梁初復爲光祿。天監四年卒。 永元初,爲光祿大夫。尋加前將軍,金章紫綬。 三年,義師下,東昏假壞節,戍石頭。

德,不是過也。及世道淸寧,出牧內佐,體之以風素,居之以雅德,固興家之盛美也。 城挑攻,臨埤授策,曾無汗馬,勍寇乖沮,力屈於高墉,亂轍爭先,降奔郢路,〔三〕陸遜之破玄 上流,方江東下。斯驅除之巨難,帝王之大敵。柳世隆勢居中夏,年淺位輕,首抗全師,孤 史臣曰:文以附衆,武以立威,元帥之才,稱爲國輔。沈攸之十年治兵,白首舉事,荆楚,

贊曰:忠武匡贊,實號兼資。廟堂析理,高壘搴旗。游藝善術,安絃拂龜。 義成祚土,

功立帝基。

校勘記

- 出爲虎威將軍 錢大昕廿二史考異云:「『虎威』監本作『武威』。」今按南史亦避唐諱作「武威」。
- 龍驤將軍騎兵參軍王道起三萬人爲前驅 「騎兵」宋書沈攸之傳作「中兵」。
- 龍驤將軍騎兵參軍朱靈眞 「朱靈眞」宋書沈攸之傳作「朱靈寶」。
- 又遺輔國將軍王靈秀 張熠讚史舉正云:「南史作中兵參軍王靈秀,此失『中兵參軍』四字。」
- 寧朔將軍中兵參軍王彌之 「王彌之」宋書沈攸之傳作「王珍之」。 疑當從宋書

宋書沈攸之傳作「攸之狡猾用數,圖全賣禍」。

故階亂獲全 宋書沈攸之傳「故」下有「得」字,文義較充。

ハベン

攸之反善圖全用得自発

- [5] 再(紹)(藥]王師 據南監本、毛本、殿本、局本改。
- へたし 盡戶上丁 南監本作「盡戶發上」,宋書沈攸之傳同。 殿本作「盡戶土丁」,「土」乃「上」之形認。
- 局本作「盡戶發丁」。
- (10) 求不解甲 「求」宋書沈攸之傳作「永」。
- [11] 闔宗捕逮 「捕逮」宋書沈攸之傳作「補代」。
- 驃騎行參軍振武將軍邰宰 「邰宰」南監本、殿本作「邵宰」。 按宋書沈攸之傳作「召宰」。
- 又遣散騎常侍游擊將軍(臨)湘〔南〕縣開國男呂安國 據宋書沈攸之傳改。按呂安國傳,安國於

宋泰始四年改封湘南縣男。

- 大昕廿二史考異云:「今以宋書沈攸之傳考之,乃蕭順之,非齊明帝也。」今改作「順之」。 輔國將 軍驍騎將軍蕭順之 「順之」二字原作「諱」,毛本注「鸞」字,殿本依北監本改爲「鸞」。 錢
- 二吾 截其(精)[津]要 據宋書沈攸之傳改。
- 女壻張平虜 「張平虜」南監本、毛本、殿本、局本並作「張平慮」。按通鑑宋順帝昇明二年亦作

「張平虜」,疑作「慮」者誤。

- 二己 不容邇退散 「邇」元龜二百作「爾」。按邇與爾通,然此當作「爾」,謂不容便爾退散也。
- 班劒三十人「三十人」南史柳元景傳弟子世隆附傳及元龜四百六十一並作「二十人」。

- 誠心夙(閒)[悃] 據南監本、毛本、殿本、局本改。
- 墓正取其坐處焉 云『墓工圖墓,正取其坐處焉』,文義較明,此省『墓工圖』三字,未合。」 御覽五百五十八引作「墓工圖墓,取其坐處焉」。殿本考證王祖庚云:「南史
- 太祖以告領軍張沖 按沖本傳但言沖爲左軍將軍,不云曾爲領軍將軍,疑作「左軍」爲是。 「領軍」南史作「左軍」,通鑑宋順帝昇明二年云「以告瓌從父領軍沖」。今
- 增邑(為)二百戶 爲二百戶,疑『爲』字衍文。」 據元龜三百七十九刪。 按張森楷校勘記云:「上既云邑千戶,此增邑,不當云

[lil] 瓊託脚疾不下 「不下」各本並作「不至」。

[三] 降奔郢路 周星詒校勘記云…「『降奔』下奪一字。」按上云「力屈於高墉」,此當云「降奔於郢路」,

疑奪一「於」字。

南齊書卷二十五

列傳第六

垣崇祖 張敬兒

吏部尚書。 垣崇祖字敬遠,下邳人也。 祖苗,宋武征廣固,率部曲歸降,仍家下邳,官至龍驤將軍、汝南新蔡太守。父 族姓豪疆,石虎世,自略陽徙之於鄴。 曾祖敞,爲慕容德僞

詢〔之〕,〔1〕積射將軍,宋孝武世死事,贈冀州刺史。

刺史劉道隆辟爲主簿,厚遇之。除新安王國上將軍。 崇祖年十四,有幹略,伯父豫州刺史護之謂門宗曰:「此兒必大成吾門,汝等不及也。」 景和世,道隆求出爲梁州,啓轉崇祖

爲義陽王征北行參軍,與道隆同行,使還下邳召募。

明帝立,道隆被誅。薛安都反,明帝遣張永、沈攸之北討,安都使將裴祖隆、李世雄據

下邳。 祖隆引崇祖共拒戰,會靑州援軍主劉(珍)[彌]之背逆歸降,[三] 祖隆士衆沮敗,崇祖

列傳

第六

都之女,故虜信之。 淮陰,板爲朐山戍主,送其母還京師,明帝納之。 **虜不能制。** 與親近數十人夜救祖隆,與俱走還彭城。 密遺人於彭城迎母,欲南奔,事覺,虜執其母爲質。 肅仍將家屬及崇祖母奔朐山,崇祖因將部曲據之,遣使歸命。 **虜旣陷徐州,崇祖仍爲虜將游兵琅邪閒不復歸,** 崇祖妹夫皇甫肅兄婦,薛安 太祖在

謂其軍備甚盛,乃退。 退』。」船中人果喜,爭上岸,崇祖引入據城,遣羸弱入島。令人持兩炬火登山鼓叫。 不可斂集。 擬來,本非大舉,政是承信一說,易遣誑之。今若得百餘人還,事必濟矣。 要,去朐山城二十里。 以告虜。虜偽國城都將東徐州刺史成固公始得靑州,聞叛者說,遣步騎二萬襲崇祖,屯洛 朐山邊海孤險,人情未安。 卿等可急去此二里外大叫而來,唱『艾塘義人已得破虜,須戍軍速往, 崇祖出送客未歸,城中驚恐,皆下船欲去。 崇祖常浮舟舸於水側,有急得以入海。 崇祖還,謂腹心曰:「賊比 軍將得罪亡叛,具 但人情一 虜參騎 相助逐 駭,行言 州郡,

斬之。數陳計算,欲剋復淮北 門族布在北邊,百姓所信,一朝嘯咤,事功可立。〔第〕名位尚輕,回不足威衆,乞假名號,以 示遠近。」明帝以爲輔國將軍、北琅邪蘭陵二郡太守。亡命司馬從之謀襲郡,爲一崇祖討捕 崇祖啓明帝曰:「淮北士民,力屈胡虜,南向之心,日夜以冀。崇祖父伯並爲淮北

爲」於是衆情離阻,一時奔退。崇祖謂左右曰:「今若俱退,必不獲免。」乃住後力戰,大敗 動郡縣。廣率大衆攻之,其別將梁湛母在虜,虜執其母,使湛告部曲曰:「大軍已去,獨住何 動,退可絕其窺窬之患」。帝許之。崇祖將數百人入虜界七百〔里〕,「尽〕據南城,固蒙山,扇 時虜聲當寇淮南,明帝以間崇祖,崇祖因啓「宜以輕兵深入,出其不意,進可立不世之

鄭司馬,復爲東海太守。 雨十餘日,虜乃退。龍沮竟不立。歷盱眙、平陽、東海三郡太守,將軍如故。 絕廣馬。帝以問劉懷珍,云可立。崇祖率將東塞之,未成。虜主謂偽彭城鎭將平陽公曰 「龍沮若立,國之恥也,以死爭之。」數萬騎掩至。崇祖馬槊陷陣不能抗,乃築城自守。會天 泰豫(九)[元]年,[公]行徐州事,徙戍龍沮,在朐山南。 崇祖啓斷水(淸)[注]平地,[五]以 轉邵陵王南中

[追者]而歸。[告]以久勞,封下邳縣子。

勒數百人將入虜界、更聽後旨。會蒼梧廢,太祖召崇祖領部曲還都,除游擊將軍 逢主矣,所謂千載一時。」遂密布誠節。元徽末,太祖憂慮,令崇祖受旨即以家口託皇甫肅, 初,崇祖遇太祖於淮陰,太祖以其武勇,善待之。崇祖謂皇甫肅曰:「此眞吾君也,吾今

阼,謂崇祖曰:「我新有天下,夷虜不識運命,必當動其蟻衆,以送劉昶爲辭。 沈攸之事平,以崇祖爲持節、督兖靑冀三州諸軍事,累遷冠軍將軍、兖州刺史。太祖踐 賊之所衝,必

列

望蔡縣侯,[10]七百戶。

能制此寇,非卿莫可。」徙爲使持節、監豫司二州諸軍事、豫州刺史,將軍如故。 封

溺。此豈非小勞而大利邪。」」虜衆由西道集堰南,分軍東路肉薄攻小城。 此堰。見塹狹城小,謂一往可剋,當以蟻附攻之。放水一激,急踰三峽,事窮奔透,自然沈 宜。」 崇祖曰:「卿見其一,不識其二。 若捨外城,賊必據之,外脩樓櫓,內築長圍,四周 衆我寡,當用奇以制之。當脩外城以待敵,城旣廣闊、非水不固,今欲堰肥水却淹爲三面之 千人,衆皆退走。 舉上城,手自轉式。至日晡時,決小史埭。水勢奔下, 虜攻城之衆, 漂墜塹中, 人馬溺死數 小城,周爲深塹,使數千人守之。崇祖謂長史封延伯曰:「虜貪而少慮,必悉力攻小城,圖破 礙,表裏受敵,此坐自爲擒。守郭築堰,是吾不諫之策也。」乃於城西北立堰塞肥水,堰北 事,十倍於前。古來相承,不築肥堰,皆以地形不便,積水無用故也。 險,諸君意如何。〕衆曰:「昔佛狸侵境,宋南平王士卒完盛,以郭大難守,退保內城。 建元二年,廣遺僞梁王郁豆眷及劉昶,馬步號二十萬,寇壽春。崇祖召文武議曰:「賊 若必行之,恐非事 崇祖著白紗帽,肩 今日之 起 無

虜啓至,上謂朝臣曰:「崇祖許爲我制虜,果如其言。 其恆自擬韓、白,今眞其人也。」進爲都 初,崇祖在淮陰,見上,便自比韓信、白起,咸不信,唯上獨許之,崇祖再拜奉旨。 及破

號平西將軍,增封爲千五百戶。崇祖聞陳顯達李安民皆增給軍儀,啓上求鼓吹橫吹。上

敕曰:「韓、白何可不與衆異。」給鼓吹一部。

故城 奔走殺之不盡耳。」虜軍果夷掘下蔡城,崇祖自率衆渡淮與戰,大破之,追奔數十里,〔一〕殺 崇祖 衆疑 慮 、廣當於故城立戍,崇祖曰:「下蔡去鎭咫尺,虜豈敢置戍;實欲除此故城。 虜復寇淮北,啓徙下蔡戍於淮東。 其冬, 虜果欲攻下蔡, 旣聞內徙, 乃揚聲平除 政恐

田 ,自然平殄殘醜。」敕崇祖脩治(苟)[芍]陂田。[三] 遺使入關參廣消息還,敕崇祖曰:「卿視吾是守江東而已邪?所少者食,卿但努力營

將 軍。 世 祖 初,豫章王有盛寵,世祖在東宮,崇祖不自附結。及破虜,詔使還朝,與共密議,世祖 即位,徵爲散騎常侍、左衞將軍。 俄韶留本任,加號安西。仍遷五兵尚書,領驍騎

拜謝。 實,自己銜之。 彌廣。日恩去歲在 躁,少無行業。 疑之,曲 崇祖去後, [加禮待,酒後謂崇祖曰:「世閒流言,我已豁諸懷抱,自今已後,富貴見付也。」 崇祖 太祖 昔因軍 西, 崩,慮崇祖 上復遺荀伯玉 連謀境外, 國多虞,採其 爲異,便令內轉。 無君之心,已彰遐邇。 口敕,以邊事受旨夜發,不得辭東宮,世祖以崇祖心誠不 一夫之用。 大運光啓,頻煩升擢,溪壑靡厭,(恐)[浸]以 永明元年四月九日, 詔曰:「垣崇祖 特加遵養、庶或悛革。 而猜貳滋甚, 凶詬險

列

傳

第

六

垣

崇

祖

張

敬

禺卒。

計,具以啓聞。 志興亂階,隨與荀伯玉驅合不逞,窺窬非覬,構扇邊荒,互爲表裏。 除惡務本,刑茲罔赦。 便可收掩,肅明憲辟。」死時年四十四。 寧朔將軍孫景育究悉姦 子惠隆,徙番

張敬見,南陽冠軍人也。本名苟見,宋明帝以其名鄙,改焉。 **父醜,爲郡將軍,官至節**

府參軍。

者數千人,敬見單馬在後,衝突賊軍,數十合,殺數十人,箭中左腋,賊不能抗。 同郡人劉胡領軍伐襄陽諸山蠻,深入險阻,所向皆破。又擊湖陽蠻,曰為官軍引退,蠻賊追 力,求入隊爲曲阿戍驛將,州差補府將,還爲郡馬隊副,轉隊主。 敬兒年少便弓馬,有膽氣,好射虎,發無不中。 南陽新野風俗出騎射,而敬兒尤多膂 稍官寧蠻府行參軍。[1五]隨

陰,敬兒至郡,復還冠軍。 鵠尾洲,啓明帝乞本郡,事平,爲<u>南陽太守,將軍如故。初,王玄謨爲雍州,</u>土斷敬兒家屬舞 白直隊。秦始初,除寧朔將軍,隨府轉參驃騎軍事,署中兵。領軍討義嘉賊,與劉胡相拒於 平西將軍山陽王休祐鎮壽陽,求善騎射人。敬兒自占見寵,爲長(史)兼行參軍,[12]領

三年,薛安都子柏令、環龍等竊據順陽、廣平,日乙略義成、扶風界,刺史巴陵王休若遣

敬見及新野太守劉攘兵攻討,合戰,破走之。 徙爲順陽太守,將軍如故

兒 降,休範喜,召至轝側,回陽致太祖密意,休範信之。 之,此必可擒也。」太祖曰:「卿若能辦事,當以本州相賞。」敬見相與出城南,放仗走,大呼稱 **範首,休範左右數百人皆驚散,敬兒馳馬持首歸新亭。** 城中望見其左右人兵不多,敬見與黃回白太祖曰:「桂陽所在,備防寡闕,若詐降而 [寧朔將軍、越騎校尉。<u>|桂陽事起,隸|太祖頓|新亭,賊矢石旣交,</u>|休範白服乘轝往勞樓 南陽蠻動,復以敬兒爲南陽太守。 遭母喪還家,朝廷疑桂陽王休範,密爲之備,乃起敬 回目敬見,敬見奪取休範防身刀,斬休 除驍騎將軍,加輔國 將軍 取

之在 所持節,更給之。 下, 沔 爲 持 П 叫 荆州, 節、督雍梁 太祖 呼 敬兒 二官」, 以敬見人位旣輕,江北不欲便使爲襄陽重鎭,敬兒求之不已,乃微動太祖曰:「沈攸 公知其欲何所作?不出敬兒以防之,恐非公之利也。」太祖笑而 乘舴艋 敬兒兩掖挾之,隨船覆仰,常得在水上, 二州郢司二郡軍事、雍州刺史,至司將軍如故,封襄陽縣侯,二千戶。部伍 過江,詣晉熙王燮。 中江遇風船覆, 左右丁壯者各泅走,餘二小 如此飜覆行數十里,方得迎接。 無言,乃以敬見 吏沒綸 泊

沈攸之聞 敬兒 上,遣人伺覘。 見雍州迎軍儀甚盛,慮見掩襲,密自防備。 敬兒至鎭,厚

列

傳

第

見,以爲反閒,敬兒終無二心。元徽末,襄陽大水,平地數丈,百姓資財皆漂沒,襄陽虛耗。 結攸之,信饋不絕。得其事迹,密白太祖。攸之得太祖書翰,論選用方伯密事,輒以示敬

太祖與攸之書,令賑貸之,攸之竟不歷意。

攸之下,「三」當襲江陵。 爲設酒食,謂之曰:「沈公那忽使君來,君殊可命。」乃列仗於廳事前斬之,集部曲,傾〔傾〕 所言,寄敬兒馬鐙一隻,敬兒乃爲之備。昇明元年冬,攸之反,遣使報敬兒,敬兒勞接周至, 敬兒與攸之司馬劉攘兵情款,及蒼梧廢,敬兒疑攸之當因此起兵,密以問攘兵,攘兵無

時攸之遺太祖書曰:

之必死。 飛, 諸人皆爲鬼矣。 苦,寧可言盡。吾自分碎首於閣下,足下亦懼滅族於舍人。爾時盤石之心旣固,義無 侍衞,情存契闊,義著斷金,乃分帛而衣,等粮而食。 值<u>景</u>和昏暴,心爛形燋,若斯之 臨崩之日,吾豫在遺託,加榮授寵,恩深位高。 貳計,贓迫時難,相引求全。 吾聞 魚相忘於江湖,人相忘於道術,彼我可謂通之矣。大明之中,謬奉聖主,忝同 此誠志竟未申遂,先帝登遐,微願永奪。 吾與足下,得蒙大造,親過夙眷,週若代臣,錄其心迹,復忝驅使, 天道矜善, 此理不空。 雖復情謝古人,粗識忠節,誓心仰報,期 自爾已來,與足下言面殆絕,非唯 結姻之始,實關於厚。 及明帝龍

分張形跡,自然至此,脫枉一告,未常不對紙流涕,豈願相謂於今哉。苟有所懷,不容

並居時望,若此不與議,復誰可得共披心胷者哉? 昏明改易,自古有之,豈獨大宋 人耳。凡廢立大事,不可廣謀,但處、褚遺寄,劉又國之近戚,數臣地籍實爲膏腴,人位 可承足,蓋共尊高故耳。足下交結左右,親行殺逆,以免身患。卿當謂龍逢、比干,癡 人所能信也。俄奉皇太后假令,云足下潛構深略,獨斷懷抱,一何能壯。 初得賢子賾疏,自己云得家信,云足下有廢立之事,安國寧民,此功巍巍,非吾等常 但冠雖弊,不

華夷扣心,行路泣血。乃至不殯,使流蟲在戶,自古以來,此例有幾?衞國微小,故有 首分離,生自可恨,死者何罪。且有登齋之賞,此科出於何文。凡在臣隸,誰不惋駭。 父以事君」。縱爲宗社大計,不爾,寧不識有君親之意邪。乃復慮以家危,啗以爵賞,小 弘演,不圖我宋,獨無其人。 撫膺惆悵,不能自已。 足下與向之殺者何異。 人情易反, 人無狀,遂行弑害。吾雖寡識,竊求古比,豈有爲臣而有近日之事邪?使一旦荼毒,身 出第。足下乃可不通大理,要聽君子之言,豈可罔滅天理,一何若茲。孝經云「資於事 前代盛典,煥盈篇史,請爲足下言之。羣公共議,宜啓太后,奉令而行,當以王禮

還成嗟悲,爲子君者,無乃難乎!蹊田之譬,豈復有異。管仲有言,君善未嘗不諫。足 下諫靜不聞,甘崔杼之罪,〔三〕何惡逆之苦!〔三〕

豈待指掌。 卿常言比跡夷、叔,如何一旦行過傑、**跖**邪。 之者。伊尹、霍光,名高於臣節,桓氏亦得免於脅奪,凡是諸事,布於書策,若此易曉, 盡,廢之以公,猶禮處之。當溫彊盛,誰能相抗,尙畏懼於形跡,四海不愜,未嘗有樂推 由有湯沐之施,至一論者不以劫主爲名。桓溫之心,未忘於篡,海西失道,人倫頓 昔太甲還位,伊不自疑;昌邑之過,不可稱數,霍光荷託,尚共議於朝班,然後廢

管籥,悉關家人。吾不知子孟、孔明遺訓如此。王、謝、陶、庾行此舉止。 大收宮妓,劫奪天藏,器械金寶,必充私室,移易朝舊,布置私黨,被甲入殿,內外宮閤 聖明啓運,蒼生重造,普天率土,誰不歌抃,實是披心罄節、奉公忘私之日。而卿

心,吾寧捐申包之節邪。 吳起有云:「義禮不脩,舟中之人皆讎也。」足下旣無伍員之痛,苟懷貪惏,而有賊宋之 夷貊猶可推心共處,如其失理乖道,金城湯池無所用也。文長以戈戟自衞,何解滅亡。 家兩錄,何以異此。知卿防固重複,猜畏萬端,言以禦遠,實爲防內。若德允物望, 且朱方帝鄉,非親不授,足下非國戚也,一旦專縱自樹,云是兒守臺城,父居東府,

放筆增歎,公私灣淚,想不深怪往言。 與足下敍平生舊款。吾聞前哲絕交,不出惡言,但此自陳名節於胷心,因告別於千載。 不感,識者不知,不能遏姦折謀,誠節慨惋。隔硋數千,無因自對,不能知復何情顏,當 以結人情,且授非其理,合我則賞,此事已復不可恆用,用之旣訖,恐非忠策。且受者 聞求忠臣者必出孝子之門,卿忠孝於斯盡矣!今竊天府金帛以行姦惠,盜國權爵 然天下耳目,豈伊可誣。 抑亦當自知投杖無疆

太祖出頓新亭,報攸之書曰:

爲必先及

啓臆 賞;及孝武之朝,復蒙英主顧眄。因此感激,未能自反。及與足下斂袂定交,款著分 臣子鉗口 姻,志相然諾,義信之篤,誰與閒之。又乃景和陵虐,事切憂畏,明帝正位, 好,何嘗不勸慕古人國士之心,務重前良忠貞之節。 封送相示。 論心,安危豈貳。 吾結髮入仕,豈期遠大,蓋感子路之言,每不擇官而宦。逮文帝之世,初被聖明鑒 辱足下韒書,交道不終,爲恥已足。欲下便來,何故多罔君子。 ,道路以目。 豈不畏威, 念周旋之義耳。 元徽之季,聽高道慶邪言,欲相討伐,發威施敕,已行外內。于時 吾以分交義重,患難宜均,犯陵白刃,以相任保。 推此陰惠,何愧懷抱,不云足下猥含禍詖。 至於契闊杯酒,殷勤擕袖,薦女成 悖主手敕,今 運同休顯, 前

第 六 張 敬 兒

四六九

列

本,契然遠要,方固金石。今日舉錯,定是誰愿久言邪? 遭王思文所牒朝事,蓋情等家國,共詳衷否,虛心小大,必以先輸。 問張雍州遷代之 相阻,傷負心期,自誰作故?先時足下遺信,尋盟敦舊,厲以篤終,吾止附還白,申罄情 情而往,每思虛達。事之相接,恆必猜離。反謂無故遺信,此乃覘察。平諒之襟,動則 雍州啓事,稱彼中蠻動,兼民遭水患,敕令足下思經拯之計。吾亦有白,論國如家,布 怨恨,事負雅素,君子所不可爲,況張之奉國,忠亮有本,情之見與,意契不貳邪?又張 日,將欲誰擬。本是逆論來事,非欲代張,乃封此示張,激使見怒。若張惑一言,果興

譏,將以何語。封爲郡王,寧爲失禮。 景和無名,方之不愈乎。 龍逢自匹夫之美,伊、 霍則社稷之臣,同異相乘,非吾所受也。登齋有賞,壽寂已蒙之於前;同謀獲功,明皇 事屬鄙躬。黜昏樹明,實惟前則,寧宗靜國,何愧前脩。廢立有章,足下所允,冠弊之 亦行之於昔。此則接踵成事,誰敢異之。 元徽末德, 埶亡禋祀, [云]足下備聞, 無待亟述。太后惟憂, 式遵前誥, 興毀之略,

任鎭邦家,勳經定主,而可得出入輕單,不資寵衞!斯之患慮,豈直身憂。祗奉此恩, 言;若以此詐民,天下豈患無眼。心苟無瑕,非所耿介。甲杖之授,事旣舊典,豈見有 謂其大收宮女,劫奪天臟,器械金寶,必充私室。必若虛設市虎,亦可不翅此

職惟事理。

豫州必曹,司州必馬。折膠受柱,在體非愧。 朱方之牧,公卿僉意,吾亦謂徼勳之次,無忝一州。且魏、晉舊事,帝鄕蕃職,何嘗 袁粲據石頭,足下無不可,吾之守東

府,來告便謂非。動容見疾,頻笑入戾,乃如是乎!

叔,論吾則可,行過傑、蹠,無乃近誣哉! 沮。 寸,古列共言,[lel] 乃以陶、庾往賢,大見譏責,足下自省,詎得以此見貽邪。 比蹤 夷 社稷。幸天未長亂,宗廟有靈,即與褚衞軍協謀義斷,以時殄滅。想足下聞之,悵然孤 小兒忝侍中,代來之澤,遇直上臺,便呼一家兩錄。發不擇言,良以太甚。吾之方 袁粲、劉秉,受遇深重,家國旣安,不思撫鎭,遂與足下表裏潛規,據城之夜,豈顧

之日,率土載奔,而宴安中流,酣飲自若,卽懷狼望,陵侮皇朝。晉熙殿下,以皇弟代 飲食耳。桂陽之難,坐觀成敗,自以雍容漢南,西伯可擬。賴原卽天世,〔三〕非望亦消。 品?良馬勁卒,彼中不無,良皮美罽,商賂所聚,前後貢奉,多少何如?唯聞太官時納 弱。[云] 昔徵茅不入,猶動義師;況荆州物產,確、幡、咬、梁之會,自足下爲牧,薦獻何 鎭,而斷割候迎,罔蔑宗子,驅略士馬,(志)[悉]以西上,[云] 點中所遺,(示)[僅]餘劣 謂吾不朝,此則良誨,朝之與否,想更問之。足下受先帝之恩施,擁戎西州,鼎湖

第

張敬兒

妃遣使市馬,齎寶往蜀,足下悉皆斷折,以爲私財,此皆遠邇共聞,暴於視 代,罷官去職,禁還京師。 臣者,固若是邪 又招集逋亡,斷遏行侶,治舟試艦,恆以朝廷爲旗的,秣馬桉劔,常願天下有風塵,爲人 :! 至乃不遵制書,敕下如空,國恩莫行,命令擁隔,詔除郡縣,輒自板 凶人出境,無不千里尋躡,而反募臺將,來必厚加給賞。

發遣 往難咎。 以指魏闕,不亦爲忠臣孝子之所痛心疾首邪。賢子元琰獲免虎口,及凌波西邁,吾所 往,於此可徵。不朝如此,誰應受謂。反以見呵,非所反側。 主上叡明當璧,寓縣同慶,絕域奉贄,萬國通書,而盤 **猶推素懷,不畏嗤嗤。** 今六師西向,爲足下憂之。 足下尙復滅君臣之紀,況吾布衣之交乎。遂事不諫,旣 桓百日,始有單騎,事存送 今乃勒兵以闚 象館,長戟

义 沒入其 夜,乂、宣開門出奔,城潰,元琰奔寵洲,見殺。 以青繖,徇諸市郭,乃送京師。 軍 · 將軍 別駕傅宣等守江陵城。 攸之與兼長史江义別駕傅宣等守江陵城敬兒軍中力授因以爲別)敬見告變使至,太祖大喜,進號鎮 財物數十萬, 加散騎常侍, 悉以入私。 改爲都督,給鼓吹一部。〔三〕攸之於郢城敗走,其子元琰〔與兼長史江 敬見〕軍至白水,〔三〕元琰聞城外鶴唳,謂是叫聲,心懼欲走。 進號征西將軍,爵爲公,增邑爲四千戶。 攸之於湯渚村自經死,居民送首荆州,敬兒使楯擎之,蓋 百姓旣相抄斂,敬兒至江陵,誅攸之親黨,

中,與居民不異。敬兒呼納之甚厚,恭兒月一出視敬兒,輒復去。恭兒本名猪兒,隨敬兒改 傅遺德,不宜遷動。」敬兒曰:「太傅是誰?我不識也。」敬兒弟恭兒,不肯出官,常居上保村 敬兒於襄陽城西起宅,聚財貨。 又欲移羊叔子墮淚碑,於其處立臺,綱紀諫曰:「羊太

賊有功,爲撫軍司馬,出爲司州,疑怯無斷,故及於誅。 史。常誑人云:「祖天子,父天子,身經作皇太子。」元徽中爲游擊將軍,隨太祖新亭破桂陽 壽,僞鎭東大將軍,降宋武帝,卒於散騎侍郎。道和出身爲孝武安北行佐,有世名,頗讀書 兒具以啓聞。 不殺攸之使,密令道宗罷軍。及攸之圍郢,道和遣軍頓堇城爲郢援,事平,依例蒙爵賞。敬 初,敬兒旣斬沈攸之,使報隨郡太守劉道宗,聚衆得千餘人,立營頓。 建元元年,太祖令有司奏道和罪,誅之。道和字敬邕,羌主姚興孫也。父萬 司州刺史姚道和

見秩 泣 人學揖讓答對,空中俯仰,如此竟日,妾侍竊窺笑焉。 其妓妾曰:「我拜後,應開黃閤。」因口自爲皷聲。 ::「官家大老天子,可惜!太子年少,向我所不及也。」遺詔加敬兒開府儀同三司,將拜, 窮五等,一仍前封。 三年,徵敬兒爲護軍將軍,常侍如故。敬兒武將,不習朝儀,聞當內遷,乃於密室中屏 建元二年,遷散騎常侍,車騎將軍,置佐史。 既拜,王敬則戲之,呼爲褚淵。 太祖卽位、授侍中,中軍將軍。以敬 太祖崩,敬見於家竊

列傳第

「我馬上所得,終不能作華林閤勳也。」敬則甚恨。

敬見始不識書,晚既爲方伯,乃習學讀孝經、論語。 於新林慈姥廟爲妾乞兒呪神,自稱

三公。然而意知滿足,初得鼓吹,羞便奏之。

見而泣 本州 脩。 疑其 本州。 孰 假託妖巫,用相震惑,妄設徵祥,潛圖問鼎。 義所感,本質 迄今,嫌貳 旭 陽宅不自隨,敬兒盧不復外出,乃迎家口悉下至都。啓世祖,不蒙勞問,敬兒心疑。及垣崇 不可容!天道禍淫,逆謀顯露。 死, 屬值宋季多難,頗獲野戰之力。拔迹行伍,超登非分。 ,久苞異志。 有異志。 初 愈恐懼,妻謂敬兒曰:「昔時夢手熱如火,而君得南陽郡。」元徽中,夢半身熱,而君 今復夢舉體熱矣。」有閹人聞其言,說之。 娶前妻毛氏,生子道文。後娶尚氏,尚氏有美色,敬兒棄前妻而納之。尚氏猶居襄 敬兒脫冠貂投地曰:「用此物誤我。」少日,伏誅。 、滋甚。 可移。 永明元年,敕朝臣華林八關齋,於坐收敬兒。 鎮東將軍敬則、丹陽尹安民每侍接之日,陳其凶狡,必圖反噬。 在昔含弘,庶能懲革。 頃者已來,釁戾逐著,自以子弟在西,足動殊俗,招扇羣蠻,規擾變、夏。 建康民湯天獲商行入蠻,備覩姦計,信驛書翰,證驗炳 位班三槐,秩窮五等,懷音靡聞,姦回屢構。 履霜於開運之辰,堅冰於嗣業之世,此而可忍, 事達世祖。 而愚躁無已,矜伐滋深。 詔曰:「敬兒蠢茲邊裔,昏迷不 敬兒又遣使與蠻中交關,世 敬兒左右雷仲顯知有變,抱敬 朕 猶 去歲 往莅 調恩 得

明。 弟道休,並伏誅。少子道慶,見宥。後數年,上與豫章王嶷三日曲水內宴,舴艋船流至御坐 便可收掩,式正刑辟;同黨所及,特皆原宥。」子道文,武陵內史,道暢,征虜功曹,道固

前覆沒,上由是言及敬兒,悔殺之。

恭見官至員外郎。 在寒陽、聞敬兒敗、將數十騎走入蠻中,收捕不得。 後首出,上原其

罪。

祖恨結東朝,敬兒情疑鳥盡,嗣運方初,委骨嚴憲。 史臣曰:平世武臣,立身有術,若非愚以取信,則宜智以自免,心迹無阻,乃見優容。崇 若情非發憤,事無感激,功名之閒,不足

爲也。

實興師旅。 贊日: 崇祖爲將,志懷馳逐。 烹犬藏弓,同歸異緒。 規搔淮部,立勳豫牧。 敬兒莅雍,深心防楚。 **豈不劬勞**,

賴原卽大世」,疑。

傳第六 張敬兒 校勘記

列

校勘記

[一] 父詢[之] 據南監本、毛本、殿本、局本補。

(三)會青州援軍主劉(珍)[彌]之背逆歸降 據南監本、殿本改。洪頤煊諸史考異云:「案宋書薛安都

傳『靑州刺史沈文秀遣劉彌之、張靈慶、崔僧琁三軍應安都,彌之等至下邳,改計歸順』。『珍』是

『彌』字之譌。」

(三) 但人情一駭 原作「但一人情駭」,據各本並參考通鑑宋明帝泰始三年及元龜三百六十三乙正。

[1] [第] 名位尚輕 據南監本、局本補。

[五] 亡命司馬從之謀襲郡 張森楷校勘記云:「此即司馬順之也,蕭子顯避梁諱改。」

[六]崇祖將數百人入虜界七百(里) 據南監本、殿本、局本及通鑑宋明帝泰始七年補。

[4]大敗[追者]而歸 據南監本、殿本、局本補。

[八]泰豫(九)[元]年 按泰豫止一年,明「九」乃「元」字之譌,今改正。

[九]崇祖啓斷水(清)[注]平地 各本並譌,據元龜四百三十六改。

[10] 封望蔡縣侯 「蔡」原譌「秦」,各本不譌,今改正。

追奔數十里 「里」原譌「百」,今據南監本、殿本、局本改正。

[II] 敕崇祖脩治(苟)[芍]陂田 據局本改。按錢大昕廿二史考異云「苟」當作「芍」,局本據錢說改。

又按御覽三百三十三引及元龜五百三並作「芍陂」。

- 世祖以崇祖心誠不實「心誠不實」南監本、局本作「不盡誠心」。
- [四](恐)[浸]以彌廣 據南監本、殿本改。
- [1吾]稍官寧蠻府行參軍「官」原譌「宦」,各本不譌,今改正。
- (二六) 又擊湖陽蠻 「湖陽」南史張敬皃傳、元龜三百九十五作「胡陽」。
- [14] 爲長(史)兼行參軍 據南史張敬兒傳刪。參閱卷二十三王儉傳校勘記第三十二條。
- [13] 薛安都子柏令環龍等竊據順陽廣平 張森楷校勘記云:「據子顯齊書避諱例」『順陽』疑原作『從

陽」。」

- [12] 太祖以敬見人位旣輕 「位」原譌「依」,各本不譌,今改正。
- (三0) 乃以敬見爲持節督雍梁二州郢司二郡軍事雍州刺史 錢大昕廿二史考異云:「按雍州刺史常兼

州之隨郡諸軍事、征虜將軍、寧蠻校尉、雍州刺史、新除鎭軍將軍張敬兒」,蓋得其實。 督郢州之竟陵,司州之隨郡,非盡督司、郢二州也。 柳世隆傳稱『持節督雍梁二州郢州之竟陵司 此傳但云

郢、司二郡、殊未核也。 敬見初鎭雍州,官征虜將軍,本傳亦未之及。」

[三] (傾)[偵]攸之下 「傾」南監本、殿本作「頓」,皆「偵」字之形譌。今據通鑑改。按通鑑問注云:

「偵,候也。」

列傳第六 桉勘記

- [三] 初得賢子賾疏 「賾」原作「諱」,據殿本改。
- [三]] 甘崔杼之罪 「甘」字原闕,據各本補。
- [三] 何惡逆之苦 「苦」南監本、局本作「甚」。
- 〔三〕由有湯沐之施 「由」南監本作「獪」。按由獪通。
- 云 埶亡禋祀 「執」原譌「執」,今據南監本、殿本、局本改正。

張森楷校勘記云:「『古列』疑當作『古烈』。」

[IK] (志)[悉]以西上 據南監本、殿本、局本改。

宝

古列共言

- [1元] (示)[僅]餘劣弱 據南監本、殿本、局本改。
- 賴原卽大世「大世」殿本作「夭世」,百衲本作「天世」,卷末曾鞏校語又作「大世」。按「大世」如 云「大命」、「大故」之類。「賴原卽大世」,猶言幸賴桂陽王休範已死。
- (攸之與兼長史江乂別駕傅宣等守江陵城敬兒軍中力授因以爲別)至給 鼓吹 一部 南監本無「攸之與兼長史江
- 义」至「給鼓吹一部」五十七字,今參照南史張敬兒傳删去「攸之與兼長史江义」至「因以爲別」
- 二十七字。
- [與兼長史江乂別駕傅宣等守江陵城敬兒]軍至白水 據南監本補

南齊書卷二十六

列傳第七

王敬則 陳顯達

景和。 則年長,兩腋下生乳各長數寸。夢騎五色師子。 軍,封重安縣子,邑三百五十戶。敬則少時於草中射獵,有虫如烏豆集其身,擿去乃脫,其 敬則跳刀,高與白虎幢等,如此五六,接無不中。 處皆流血。 王敬則,晉陵南沙人也。 明帝卽位,以爲直閤將軍。坐捉刀入殿啓事,繫尙方十餘日,乃復直閤。 敬則惡之,詣道士卜,道士曰:「不須憂,此封侯之瑞也。」敬則聞之喜,故出都自 母爲女巫,生敬則而胞衣紫色,謂人曰:「此兒有鼓角相。」敬 。年二十餘,善拍張。 補俠轂隊主,領細鎧左右。 補刀戟左右。 與壽寂之同斃 除奮武將 景和使

泰始初,以敬則爲龍驤將軍、軍主,隨寧朔將軍劉懷珍征壽春,殷琰遣將劉從樂四壘於

効,至是如言。

死虎,[1]懷珍遺敬則以千人繞後,直出橫塘,賊衆驚退。 除奉朝請,出補(東武)暨陽令。[三]

鳥 漆棺。 敬則初出都,〔至〕陸主山下,〔三〕宗侶十餘船同發,敬則船獨不進,乃令弟入水推之,見 敬則曰:「爾非凡器。若是吉善,使船速進。吾富貴,當改葬爾。」船須臾去。

則旣入縣,收此棺葬之。

遷員外郎。 收縛,曰:「吾先啓神,若負誓,還神十牛。今不違誓。」即殺十牛解神,并斬諸劫,百姓悅之。 治下廟神甚酷烈,百姓信之,敬則引神爲誓,必不相負。 軍荒之後,縣有一部劫逃紫山中爲民患,四敬則遣人致意劫帥,可悉出首,當相申論。 劫帥旣出,敬則於廟中設會,於座

江中迎戰,大破賊水軍,焚其舟艦。事寧,帶南泰山太守,右俠轂主,轉越騎校尉,安成王車 元徽二年,隨太祖拒桂陽賊於新亭,敬則與羽林監陳顯達、寧朔將軍高道慶乘舸紹於

騎參軍。至

則於門外大呼曰:「是敬則耳。」門猶不開。乃於牆上投進其首,太祖索水洗視,視竟,乃戎 等危急殞帝,敬則時在家,玉夫將首投敬則,敬則馳詣太祖。太祖慮蒼梧所誑,不開門。 青衣,扶匐道路,爲太祖聽察蒼梧去來。太祖命敬則於殿內伺機,未有定日。 蒼梧王狂虐,左右不自保,敬則以太祖有威名,歸誠奉事。每下直,輒往領府。

[5] 夜著 旣而楊玉夫

者」昇明元年,遷員外散騎常侍、輔國將軍、驍騎將軍、領臨淮太守,增封爲千三百戶,知殿 敬則隨太祖入殿。 內宿衞兵事 衞 尉 丞顏靈寶窺見太祖乘馬在外,竊謂親人曰:「今若不開內領軍,天下會是亂耳。」門開, 敬 則從入宮,至承明門,門郎疑非蒼梧還,敬則慮人覘見,以刀環塞室孔,呼開門甚急。 明旦,四貴集議,敬則拔白刃在床側跳躍曰:「官應處分,誰敢作同異

伯興等於宮內相應,戒嚴將發。 右衞將軍,常侍如故。增封爲二千五百戶,尋又加五百戶。又封敬則子元遷爲東鄕侯,邑 二百七十戶。齊臺建,爲中領軍 沈攸之事起,進敬則號冠軍將軍。太祖入守朝堂,袁粲起兵夕,領軍劉韞、直閤將軍卜 敬則開關掩襲,皆殺之。殿內竊發盡平,敬則之力也。遷

宮內。敬則將轝入迎帝,啓譬令出。帝拍敬則手曰:「必無過慮,當餉輔國十萬錢。」 太祖將受禪,材官薦易太極殿柱,從帝欲避土,不肯出宮遜位。明日,當臨軒,帝又逃

潍、泗,敬則恐,委鎭還都,百姓皆驚散奔走,上以其功臣,不問,以爲都官尙書、撫軍 封尋陽郡公,邑三千戶。 建元元年,出爲使持節、散騎常侍、都督南兖兖徐青冀五州軍事、平北將軍、南兖州刺 加敬則妻懷氏爵爲尋陽國夫人。二年,進號安北 將軍。 虜寇

列傳第

王

敬則

物,殺之以徇,自此道不拾遺,郡無劫盜。又錄得一偸,召其親屬於前鞭之,令偸身長掃街 `久之乃令偸舉舊偸自代,諸偸恐爲其所識,皆逃走,境內以淸。 出行,從市過,見屠肉 尋遷使持節、散騎常侍、安東將軍、吳興太守。 郡舊多剽掠,有十數歲小兒於路取遺

稽東陽新安臨海永嘉五郡軍事、鎭東將軍、會稽太守。 改授侍中、 遷護軍將軍,常侍如故,以家爲府。 撫軍將軍。 太祖遺韶敬則以本官領丹陽尹。 三年,以改葬去職,詔贈敬則母尋陽公國太夫人。 永明二年,給鼓吹一部。 專**遷爲使持節、散騎常侍、都督會**

桥, [t] 歎曰:「吳興昔無此桥,是我少時在此所作也。」

便宜,上許之。 會土邊帶湖海,民丁無士庶皆保塘役,敬則以功力有餘,悉評斂爲錢,〔5〕爰臺庫以爲 竟陵王子良啓日:

復完者,公家所受,必須員大,以兩代一,因於所貿,鞭捶質繫,益致 富者稍增其饒,貧者轉鍾其弊,可爲痛心,難以辭盡。 者,實亦 類,莫不如茲。 伏尋三吳 有由。 內地,國之關輔,百度所資。民庶彫流,日有困殆,蠶農罕獲,饑寒尤甚, 年常歲調,旣有定期,僮卹所上,咸是見直。 稼穡難劬,〔4〕 斛直數〔十〕,〔10〕(今) 機杼勤苦,〔11〕 匹裁三百。 頃錢貴物賤, 東閒錢多剪鑿,「」一一 無聊 殆欲兼倍, 凡在觸 所以然

臣昔忝會稽,粗閑物俗,塘丁所上,本不入官。

良由陂湖宜壅,橋路須通,均夫訂

直,民自爲用。若甲分毀壞,則年一脩改;若乙限堅完,則終歲無役。 悉以還臺,租賦之外,更生一調。致令塘路崩蕪,湖源泄散,害民損政,實此爲劇 **今郡通課此直**,

路愁窮,不可聞見。所逋尙多,收上事絕,臣登具啓聞,自即蒙蠲原。而此年租課,三 不必(其)[一]應送錢,[三於公不虧其用,在私實荷其渥。 分逋一,明知徒足擾民,實自弊國。 凡應受錢,不限大小,仍令在所,折市布帛。若民有雜物,是軍國所須者,聽隨價准直, 建元初,狡虜游魂,軍用殷廣。、浙東五郡,丁稅一千,乃有質賣妻兒,以充此限,道 愚謂塘丁一條,宜還復舊,在所逋邺,優量原除。

依舊制。昔爲刻上,今爲刻下,氓庶空儉,豈不由之。 官受則匹准五百,所以每欲優民,必爲降落。今入官好布,匹堪百餘,其四民所送,猶 匹,直錢一千,而民閒所輸,聽爲九百。漸及元嘉,物價轉賤,私貨則束直六千,日於 昔晉氏初遷,江左草創,絹布所直,十倍於今,賦調多少,因時增減。永初中,官布

取其長久大益,無患民貲不殷,國財不阜也。宗臣重寄,咸云利國,竊如愚管,未見可 以東,深關朝廷根本。夫股肱要重,不可不邺。宜蒙寬政,少加優養。略其目前小利, 實基三輔,東都全固,寔賴三河,歷代所同,古今一揆。石頭以外,裁足自供府州,方山 救民拯弊,莫過減賦。時和歲稔,尚爾虛乏,儻值水旱,寧可熟念。且西京熾強,

安。

上不納。

後有節,便言應得殺人。」劉岱亦引罪,上乃赦之。敬則免官,以公領郡 敬則曰:「人命至重,是誰下意殺之。都不啓聞。」敬則曰:「是臣愚意。臣知何物科法,見背 則,日也敬則付山陰獄殺之,路氏家訴,爲有司所奏,山陰令劉岱坐棄市刑。 三年,進號征東將軍。 宋廣州刺史王翼之子妾路氏,剛暴,數殺婢,翼之子法明告敬 敬則入朝,上謂

事、會稽太守,本官如故。 高宗輔政,密有廢立意,隆昌元年,出敬則爲使持節、都督會稽東陽臨海永嘉新安五郡軍 軍、豫州刺 七年,出爲使持節、散騎常侍、都督豫州郢州之西陽同州之汝南二郡軍事、征西 明年,遷侍中、中軍將軍。 史,開府如故。 海陵王立,進位太尉。 進號驃騎。十一年,遷司空,常侍如故。 尋與王儉俱即本號開府儀同三司,儉旣固讓,敬則亦 世祖崩,遺詔改加侍中。 大將 不即

小。」長耀日:「虜中以爲甘棠。」|敬則笑而不答。 初爲散騎使虜,於北館種楊柳,後員外郞虞長耀北使還,敬則問:「我昔種楊柳樹,今若大 敬則名位雖達,不以富貴自遇,危拱傍湟,略不嘗坐, [15]接士庶皆吳語,而殷勤周悉。

世祖御座賦詩,敬則執紙曰:「臣幾落此奴度內。」世祖問:「此何言。」敬則曰:「臣若知

書,不過作尙 ·書都令史耳,那得今日。」敬則雖不大識書,而性甚警點,臨州郡,令省事讀辭,

曰:「公由來如此,昔拜丹陽吳興時亦然。」敬則大悅,曰:「我宿命應得雨。」乃列羽儀,備朝 下教判決,皆不失理 明帝 即位,進大司馬,增邑千戶。 臺使拜授日,雨大洪注,敬則文武皆失色,一客在傍

服,道引出聽事拜受,意猶不自得,吐舌久之,至事竟。

||歌日:「常歎負情儂,郞今果行許」] 帝愈猜愧。 當時新絕。 武進陵。 則飲食體幹堪宜,聞其衰老,且以居內地,故得少安。三年中,遣蕭坦之將齋仗五百人,行 帝旣多殺害,敬則自以高、武舊臣,心懷憂恐。帝雖外厚其禮,而內相疑備,數訪問敬 敬則諸子在都,憂怖無計。上知之,遣敬則世子仲雄入東安慰之。 江左有蔡邕焦尾琴,在主衣庫,上敷五日一給仲雄。 仲雄於御前鼓琴作懊儂曲 仲雄善彈琴,

局參軍徐 正員將軍徐嶽密以情告徐州行事謝朓爲計,若同者,當往報敬則。 傳言當有異處分。敬則聞之,竊曰:「東今有誰?秖是欲平我耳」諸子怖懼,第五子幼隆遣 公林勸敬則 永泰元年,帝疾,屢經危殆。以張瓊爲平東將軍、吳郡太守,置兵佐,密防敬則。 庶家在京口,其子密以報庶,庶以告敬則五官王公林。 急送啓賜兒死,單舟星夜還都。 敬則令司馬張思祖草啓,旣而曰:「若爾, 公林,敬 朓執嶽馳啓之。 則族子, 常所委 敬 則城 內外

列

傳

第

王 敬 則

乃起兵 諸郎在都,要應有信,且忍一夕。」其夜,呼僚佐文武樗蒲賭錢,謂衆曰:「卿諸人欲令我作何 是事皆可悔,惟此事不可悔!官詎不更思!敬則唾其面曰:「小子!我作事,何關汝小子!」 計。」莫敢先荅。防閤丁興懷曰:「官秖應作耳。」敬則不作聲。 「縣丁卒不可上」。 [傳]御史鍾離祖願,[14]敬則横刀跂坐,問詢等「發丁可得幾人? 祖願稱「傳物多未輸入」。 敬則怒,將出斬之。王公林又諫敬則曰:「官 明旦,召山陰令王詢、臺(侍) 傳庫見有幾錢物。」詢荅

其父子而已; 之朝,履霜 隆、太子舍人少安等,於宅殺之。長子黃門郎元遷,爲寧朔將軍,領千人於徐州擊虜,敕徐 相望,軒冕成陰。 登衣衮,固以風雅作刺,〔回〕縉紳側目。 膂力之用,驅獎所至,遂升榮顯。 之美未聞,韓、彭之釁已積。 兄弟,中萃淵藪,姦契潛通,將謀竊發。 上詔曰:「謝朓啓事騰除嶽列如右。」王敬則稟質凶猾,本謝人綱。直以宋季多艱,頗有 有漸,隆昌之世,堅冰將著,從容附會,朕有力焉。及景歷惟新,推誠 凡諸詿誤,一從蕩滌。」收敬則子員外郎世雄、〔三〕記室參軍季哲、太子洗馬幼 廼嫌跡愈興,禍圖茲構,收合亡命,結黨聚羣,外候邊警,內伺國隙。 此而可容,孰寄刑典!便可即遣收掩, 皇運肇基,預聞末議,功非匡國,賞實震主。 朓即姻家,嶽又邑子,取據匪他,昭然以信。 而溪谷易盈,鴟梟難改,猜心內駭,醜辭外布。 肅明 國憲。 爵冠執 盡禮 大辟所加, 方、邵 注,身 元遷 中使 永明

州刺史徐玄慶殺之。

則乃止。

備京口路

止之。乃率實甲萬人過浙江,謂思祖曰:「應須作檄。」思祖曰:「公今自還朝,何用作此。」敬 敬 則招集配衣,二三日便發,欲劫前中書令何胤還爲尚書令,長史王弄璋、司馬張思祖

將軍 直閣將軍馬軍主胡松三千餘人,築壘於曲阿長岡,右僕射沈文季爲持節都督,屯湖頭 朝廷遣輔國將軍前軍司馬左興盛、後軍將軍直閤將軍崔恭祖、輔國將軍劉山陽、 龍驤

六策,走是上計。 興盛使軍人遙告敬則曰:「公兒死已盡,公持許底作?」官軍不敵欲退,而圍不開,各 欲叛,使人上屋望,見征虜亭失火,謂敬則至,急裝欲走。 胡松領馬軍突其後,白丁無器仗,皆驚散,敬則軍大敗。 令公上延孫以應之。 [容]袁文曠斬之,至 傳首。 封左興盛新吳縣男,崔恭祖遂興縣男,劉山陽湘陰縣男,胡松沙陽縣男,各四百戶,賞 敬則「以」舊將舉事,「三」百姓檐篙荷鍤隨逐之,十餘萬衆。 汝父子唯應急走耳。」敬則之來,聲勢甚盛,裁少日而敗,時年七十餘。[18] 敬則至武進陵口,慟哭乘肩轝而前。 是時上疾已篤,敬則倉卒東起,朝廷震懼。 敬則索馬,再上不得上,興盛軍(客) 有告敬則者,敬則曰:「檀公三十 遇興盛、山陽二砦,盡力 至晉陵,南沙人范脩化殺縣 東昏侯在東宮,議 攻之。 死

列傳第七

王敬

則

平敬則也。又贈公上延孫爲射聲校尉。

以軍主隸徐州刺史劉懷珍北征,累至東海王板行參軍,員外郞。秦始四年,封彭澤縣子,邑 三百戶。歷馬頭、義陽二郡太守,羽林監,濮陽太守。 陳顯達,南彭城人也。宋孝武世,爲張永前軍幢主。景和中,以勞歷驅使。泰始初,〔三〕

作氣,釘卽時出,乃禁顯達目中鏃出之。封豐城縣侯,邑千戶。轉游擊將軍。 達出杜姥宅,大戰破賊。矢中左眼,拔箭而鏃不出,地黃村潘嫗善禁,先以釘釘柱,嫗禹步 敬祖自查浦渡淮緣石頭北道入承明門,屯東堂。宮中恐動,得顯達(乃)至,[乃]稍定。[長]顯 諫 太祖曰:「桂陽雖死,賊黨猶熾,人情難固,不可輕動。」太祖乃止。遣顯達率司空參軍高 隸太祖討桂陽賊於新亭壘,劉勔大桁敗,賊進杜姥宅,及休範死,太祖欲還衞宮城,或

冠軍。 負之勢未可知,不如保境蓄衆,分遣信驛,密通彼此。」顯達於座手斬之,遣表疏歸心太祖。 進使持節、左將軍。軍至巴丘,而沈攸之平。除散騎常侍、左衞將軍,轉前將軍、太祖太尉 尋爲使持節、督廣交越三州湘州之廣興軍事、輔國將軍、平越中郎將、廣州刺史,進號 沈攸之事起,顯達遣軍援臺,長史到遁、司馬諸葛導謂顯達曰:「沈攸之擁衆百萬,勝

護軍 君臣邪? 無以相加。 左司馬。 將軍 過明,與汪、李俱祗召也。」上卽位後,御膳不宰牲,顯達上熊烝 齊臺建,爲散騎常侍,左衞將軍,領衞尉。 此而不賞,典章何在。若必未宜爾,吾終不妄授。 顯達啓讓,上答曰:「朝廷爵人以序。 卿忠發萬里,信誓如期,雖屠城殄國之勳 太祖即位,遷中護軍,增邑千六百戶,轉 於卿數士,意同家人,豈止於 一盤,上即以充飯。

徐青冀五州諸 據彼地,吾未能決。 司空亦以孝建初鎭彼,政當以淮上要於廣陵耳。 復犯關理。 建元二年,虜寇壽陽,淮南江北百姓搔動。 但國家邊防,自應過存備豫。 軍事、平北將軍、南兖州刺史。 乃當以擾動文武爲勞。若是公計,不得憚之。」事竟不行。 宋元嘉二十七年後,江夏王作南兖,徙鎮盱眙,沈 之鎭,虜退。 上以顯達爲使持節、散騎常侍、都督南兖兖 卿謂前代此處分云何? 今僉議皆云卿應 上敕顯達曰:「虜經破散後,當無

進號 皆斬之。 鎭西。 兩眼刺史尙不敢調我!」遂殺其使。 遷都督益寧二州軍事、安西將軍、益州刺史,領宋寧太守,持節、常侍如故。 自此山夷震服。 益部山險,多不賓服。 廣漢賊司馬龍駒據郡反,顯達又討平之。 大度村獠,前後刺史不能制,顯達遺使責其租赕, 顯達分部將吏,聲將出獵,夜往襲之,男女無少長 世祖 即位, 獠帥

亦泣,心甚嘉之。 |永明二年、徴爲侍中、護軍將軍。 顯達累任在外,經太祖之憂,及見世祖,流涕悲咽,上

列傳第七 陳顯達

陰,殷公愍破之,天生還竄荒中,遂城、平氏、白土三城賊稍稍降散。[lk] 顯達進據舞陽城,遣僧靜等先進,與天生及虜再戰,大破之,官軍還。數月,天生復出攻舞 騎常侍、都督雍梁南北秦郢州之竟陵司州之隨郡軍事、鎭北將軍,領寧蠻校尉、雍州刺史。 舞陰,舞陰戍主輔國將軍殷公愍擊殺其副張麒麟,天生被瘡退走。仍以顯達爲使持節、散 假節,率征虜將軍戴僧靜等水軍向宛、葉,雍、司衆軍受顯達節度。〔川〕天生率虜衆萬餘人攻 五年,荒人桓天生自稱桓玄宗族,與雍、司二州界蠻虜相扇動,據南陽故城。 上遺顯達

顯折角,江瞿曇白鼻。顯達謂其子曰:「麈尾扇是王謝家(許)〔物〕,〔三〕汝不須捉此自逐。」 家既豪富,諸子與王敬則諸兒,並精車牛,麗服飾。當世快牛稱陳世子青,王三郎烏,呂文 侍、都督江州諸軍事、征南大將軍、江州刺史,給鼓吹一部。顯達謙厚有智計,自以人微位 重,每遷官,常有愧懼之色。有子十餘人,誠之曰:「我本志不及此,汝等勿以富貴陵人!」曰記 八年,進號征北將軍。其年,仍遷侍中、鎭軍將軍,尋加中領軍。出爲使持節、散騎常

車。建武二年,虜攻徐、司,詔顯達出頓,往來新亭白下,以爲聲勢。 騎將軍,開府如故,置兵佐。豫廢鬱林之勳,延興元年,爲司空,進爵公,增邑千戶,甲仗五 十人入殿。 高宗即位,進太尉,侍中如故,改封鄱陽郡公,邑三千戶,加兵二百人,給油絡 十一年秋,虜動,詔屯樊城。世祖遺詔,即本號開府儀同三司。隆昌元年,遷侍中、車

老,富貴已足,唯少枕枕死,特就陛下乞之。」上失色曰:「公醉矣。」以年禮告退,[三]不許。 不安,深自貶匿,車乘朽故,導從鹵簿,皆用羸小,不過十數人。侍宴,酒後啓上曰:「臣年已 上欲悉除高、武諸孫,微言問顯達,荅曰:「此等豈足介慮。」上乃止。 顯達建武世心懷

號。 業,踵武前王,靜言隆替,思乂區夏。但多難甫夷,恩化肇洽,興師擾衆,非政所先,用戢遠 微,宋德將謝,蕃臣外叛,要荒內侮,天未悔禍,左衽亂華,巢穴神州,逆移年載。 且中原士庶,久望皇威,乞師請援,結軌馳道。 自來之資,撫其天亡之會,軍無再駕,民不重勞,傳檄以定三秦,一麾而臣禹迹,在此舉矣。 圖,權緩北略,冀戎夷知義,懷我好晉。 而凶醜剽狡,專事侵掠,驅扇異類,蟻聚西偏,乘彼 侍中太尉顯達,可蹔輟槐陰,指授羣帥。」中外纂嚴。 是時虜頻寇雍州,衆軍不捷,失沔北五郡。 信不可失,時豈終朝。 永泰元年,乃遣顯達北討。詔曰:「晉氏中 加顯達使持節,向襄陽 宜分命方嶽,因茲大

追。 十月月 烏布幔盛顯達,數人檐之,逕道從分磧山出均水口,臺軍緣道奔退,死者三万餘人。 十餘萬騎奄至,顯達引軍渡水西據鷹子山築城,人情沮敗。 顯達 ,虜食盡,噉死人肉及樹皮,外圍旣急,虜突走,斬獲千計。 永元元年,顯達督平北將軍崔慧景衆軍 入據其城,遣軍主莊丘(累)〔黑〕進取南鄉縣,〔三〕故從陽郡治也。〔三〕虜主元宏自領 ·四萬,圍南鄉堺馬圈城,去襄陽 虜兵甚急,軍 官軍競取城中絹,不復窮 主崔恭祖 三百里,攻之四 、胡松 左軍將 以

列

舉,期寄兼深、見可知難,無損威略。 張千戰死,〔言〕追贈游擊將軍。 表解職,不許,求降號,又不許。 免顯達官,朝議優韶荅曰:「昔衞、霍出塞,往往無功,馮、鄧入關,有時虧喪。 顯達素有威名,著於蠻虜,至是大損喪焉。御史中丞范岫奏 方振遠圖,廓淸朔土。雖執憲有常,非所得議。」顯達 況公規謨肅

遙光啓明帝慮顯達爲變,欲追軍還,事尋平,乃寢。顯達亦懷危怖。及東昏立,彌不樂還京 師,得此授,甚喜。尋加領征南大將軍,給三望車。 以顯達爲都督江州軍事、江州刺史,鎭盆城,持節本官如故。初,王敬則事起,始安王

日,舉兵。令長史庾弘遠、司馬徐虎龍與朝貴書曰: 顯達聞京師大相殺戮,又知徐孝嗣等皆死,傳聞當遣兵襲江州,顯達懼禍,十一月十五

荷。明帝英聖,紹建中興。至乎後主,行悖三才,琴橫山席,繡積麻筵,淫犯先宮,穢興 此基業。世祖武皇帝昭略通遠,克纂洪嗣,四關罷嶮,三河靜塵。 閨**闧**,皇陛爲市廛之所,雕房起征戰之門。任非華尚,寵必寒厮。 諸君足下:我太祖高皇帝叡哲自天,超人作聖,屬彼宋季,綱紀自頓,應禪從民,遘 鬱林海陵,頓孤負

海路,家門之釁,一起於中都。蕭、劉二領軍,並升御座,共禀遺詔,宗戚之苦,諒不足 江僕射兄弟, 忠言屬薦, 正諫繁興, 覆族之誅, 於斯而至。 故乃犴噬之刑, 四剽於

使紫臺之路,絕縉紳之儔;纓組之閤,罷金、張之胤。悲哉!蟬冕爲賤寵之服。嗚呼! 沈僕射年在懸車,將念机杖,歡歌園藪,絕影朝門,忽招陵上之罰,何万古之傷哉。遂 談,渭陽之悲,何辜至此。 徐司空歷葉忠榮,清簡流世,匡翼之功未著,傾宗之罰已彰。

廢;吳郡蹔震,步生以爲姦倖。況事隆於往怪,釁倍於前虐,此而未廢,孰不可與? 且天人同怨,乾象變錯,往歲三州流血,今者五地自動。昔漢池異色,胥王因之見

皇陛列劫竪之坐。

家,共傷時嶮。先朝遺舊,志在名節,同列丹書,要同義舉。建安殿下秀德沖遠,寔允 分見迎合,總勒偏率,殿我而進;蕭雍州、房僧寄並已纂邁,旌鼓將及;南兖州司馬崔 平,不亦佳哉!裴豫州宿遣誠言,久懷慷慨,計其勁兵,已登淮路,申司州志節堅明, 風,橫戈待節;關畿蕃守之儔,孰非義侶。 神器。昏明之舉,往聖流言。今忝役戎驅,亟請乞路。須京塵一靜,西迎大駕,歌舞太 王僕射、王領軍、崔護軍,中維簡正,逆念剖心。蕭衞尉、蔡詹事、沈左衞,各負良

抗社稷。本欲鳴笳細錫,無勞戈刃。但忠黨有心,節義難遣。 我太尉公體道合聖,杖德脩文,神武橫於七伐,雄略震於九綱。是乃從彼英序,還 信次之閒,森然十萬。

列

飛旍咽於九派,列艦迷於三川,此蓋捧海澆螢,烈火消凍耳。吾子其擇善而從之,無令

竹帛空爲後人笑也。

悦。是冬連大雪,梟首於朱雀,而雪不集之。諸子皆伏誅。 守備。顯達馬稍從步軍數百人,於西州前與臺軍戰,再合,大勝,手殺數人,稍折,官軍繼 平旦,數千人登落星崗,新亭軍望火,謂顯達猶在,旣而奔歸赴救,屯城南。宮掖大駭,閉門 血湧湔籬,似淳于伯之被刑也。 時年七十二。 顯達在江州,遇疾不治,尋而自差,意甚不 至,顯達不能抗,退走至西州(從)[後]烏榜村,[是]為騎官趙潭注矟刺落馬,斬之於籬側, 軍爲拒戰之計。其夜,顯達多置屯火於岸側,潛軍渡取石頭北上襲宮城,遇風失曉,十四日 陽,與胡松戰於採石,大破之,京邑震恐。十二月十三日,顯達至新林築城壘,左興盛率衆 軍,督前鋒軍事,屯新亭;輔國將軍驍騎將軍徐世摽領兵屯杜姥宅。顯達率衆數千人發專 朝廷遣後軍將軍胡松、驍騎將軍李叔獻水軍據梁山,左衞將軍左興盛假節,加征虜將

乎上,臣習乎下。汪、陳拔迹奮飛,則建元、永明之運;身極鼎將,則建武、永元之朝。勳非 史臣曰:光武功臣所以能終其身名者,非唯不任職事,亦以繼奉明、章,心尊正嫡,君安

戈旣用,誠淪犯上之跡,敵國起於同舟,況又疏於此者也。 往時,位踰昔等,禮授雖重,情分不交。加以主猜政亂,危亡慮及,舉手扞頭,人思自免。干

贊曰:糾糾敬則,臨難不惑。 功成殿寢,誅我蝥賊。 **顯達孤根,應義南蕃。威揚寵盛,**

鼎食高門。汪虧河、兖,陳挫攘、樊。

鳴笳細錫疑

校勘記

[]] 殷琰遣將劉從築四壘於死虎 洪頤煊諸史考異云:「宋書殷琰傳『以殿中將軍劉順爲司馬』,又

『是月,劉順、柳倫、皇甫道烈、龐天生等馬步八千人,東據宛唐,去壽陽三百里』。 劉從卽劉順,

蓋避梁諱而改。」

〔三〕出補(東武)暨陽令 據南監本刪。

敬則初出都(至)陸主山下 據南監本、殿本、毛本、局本補。

[N] 縣有一部劫逃紫山中爲民患 「紫」南監本作「入」。

Ħ. 安成王車騎參軍 「安成」原作「安城」,據南史改。 按宋順帝初封安成王,元徽二年進號車騎

將軍,敬則時爲其參軍。

列傳第七 校勘記

- 八六山 每下直輒往領府 「領府」各本並作「領軍府」。 按領軍府可省稱領府,王儉傳「儉察太祖雄異,
- 先於領府衣裾」,垣樂祖傳「領府去臺百步」,皆其例也。
- フャン 見屠肉枬 以承衡。」 桂馥札樸云:「廣韻枡,承衡木也。 按南齊書王敬則傳云云,馥以爲屠家稱肉,用枡
- [八] 悉評斂爲錢 「評」通典作「課」。
- [元] 稼穡難劬 「難」通典作「艱」。
- 倍」而 射直數(十) 譌。 **據通典補**。 按南監本、毛本、殿本、局本作「斛直數倍」,「倍」字蓋涉上「殆欲兼
- [11] (今)機杼勤苦 據通典刪。
- (三) 僮卹所上咸是見直「僮卹」通典作「僮賃」。
- 東閒錢多剪鑿 「東閒」南監本、殿本、局本作「民閒」。 按通典亦作「東閒」, 五朝人稱會稽諸郡
- 爲東,此東閒指東五郡也。
- 臣登具啓聞 字之義,以意改之耳。 「登」殿本譌「等」。 按登具啟聞,謂登時具啓以聞也。 殿本作「等」,殆後人不曉登
- ┌1五〕 不必(其)┌一〕應送錢 據南監本、毛本、殿本、局本改。 通典作「盡」,元龜二百八十八作「更」。

- 口 私貨則束直六千 通典作「私貨則匹直六百」。
- 翼之子法明告敬則 「法明」南史、元龜二百九作「法朗」。
- 危拱傍遑略不嘗坐 「嘗坐」南監本、毛本、殿本、局本作「衿裾」。
- [1元] 臺(侍)[傳]御史鍾離祖願 「臺侍御史」通鑑齊明帝永泰元年作「臺傳御史」,胡注云「臺傳御史,

臺所遣督諸郡錢穀者」。今據改。

- [110] 固以風雅作刺 「固」原作「故」,各本並作「固」,今改正。
- 收敬則子員外郎世雄 通鑑胡注云:「此即敬則世子仲雄也。『仲』『世』二字必有一誤。」
- 〔三〕敬則〔以〕舊將舉事 各本並有「以」字,此脫,今據補。
- 興盛軍(客)[容]袁文曠斬之 陳叔陵,蓋皆簡拔魁健有武藝之士,使之前驅,以壯軍馬之容,故以爲名。」 云:「齊書王敬則傳作『軍容』。南史有軍容、馬容,如桓康爲齊高帝軍容,蕭摩訶馬容陳智深斬 據南監本、毛本、殿本、局本及南史改。按通鑑亦作「軍客」,胡注
- [18] 時年七十餘 按<u>南</u>史作「時年六十四」。
- [三] 泰始初 「泰始」原譌「太始」,今據殿本改正。
- 得顯達(乃)至[乃]稍定 據南監本、毛本、殿本、局本及远龜三百四十四改。
- 雍司衆軍受顯達節度 「受」原譌「授」,各本不譌,今改正。

列傳第七

校

勘

記

- 遂城平氏白土三城賊稍稍降散 「遂城」原譌「萃城」,據南監本、殿本、局本改正。 「平氏」原譌
- 「平民」,據局本改正。「白土」原譌「日土」,據局本改正。
- 三式 我本志不及此汝等勿以富貴陵人 「此汝」二字原譌倒,各本不譌,今乙正。
- [110] 麈尾扇是王謝家(許)[物] 據殿本及元龜八百十七改。
- 以年禮告退 作「醴」不譌,作「老」者,後人妄改也。 「禮」殿本作「老」。按通鑑胡注云:「禮,大夫七十而致事,時顯達年已七十矣。」是
- 遣軍主莊丘(累)[黑]進取南鄉縣 莊丘複姓、黑其名也。 據南監本、殿本、局本及南史、通鑑齊東昏侯永元元年改。 按
- 故從陽郡治也「從陽」殿本作「順陽」。按此蕭子顯避梁諱改。
- 左軍將張千戰死 「張千」各本並作「張干」。按通鑑齊東昏侯永元元年:「左將軍張千戰死。」
- [三] 佇聽烽諜 「佇」原譌「所」,今據南監本、局本改正。 考異云:「魏書作『張千達』,今從齊書。」
- 退走至西州(從)(後)烏榜村 無「烏榜村」三字。胡注云:「據蕭子顯齊書,顯達走至西州後烏榜村。」 據南監本、殿本、局本及南央、通鑑改。 按通鑑作「走至西州後」,

南齊書卷二十七

列傳第八

劉懷珍 李安民 王玄載 弟玄邈

外常侍。伯父奉伯,宋世爲陳南頓二郡太守。懷珍幼隨奉伯至壽陽,豫州刺史趙伯符出 劉懷珍字道玉,平原人,漢膠東康王後也。日祖昶,宋武帝平齊,以爲靑州治中,至員

獵,百姓聚觀,懷珍獨避不視,奉伯異之,日:「此兒方興吾宗。」

之。〔三宋文帝召問破賊事狀,懷珍讓功不肯當,親人怪問焉,懷珍曰:「昔國子尼恥陳河閒 本州辟主簿。 元嘉二十八年, 亡命司馬順則聚黨東陽, 州遺懷珍將數千人掩討平

之級,吾豈能論邦域之捷哉!時人稱之。

武將軍、長廣太守。 江夏王義恭出鎮盱眙,道遇懷珍,以應對見重,取爲驃騎長兼墨曹行參軍。 孝建初,爲義恭大司馬參軍、直閤將軍。懷珍北州舊姓,門附殷積,啓 尋除振

列傳第八

劉

懷珍

上門生千人充宿衞,孝武大驚,召取靑、冀豪家私附得數千人,士人怨之。四隨府轉太宰

湖 孝武荅曰:「邊維須才,未宜陳請。」竟陵王誕反,郡豪民王弼勸懷珍應之,懷珍斬弼以聞,孝 與虜戰,破七城。拜建武將軍、樂陵河閒二郡太守,賜爵廣晉縣侯。 大明二年,房圍泗口城,青州刺史顏師伯請援。 孝武遣懷珍將步騎數千赴之,於麋溝 明年,懷珍啓求還,

武大喜,除豫章王子尚車騎參軍,加龍驤將軍

決。 仲虯步卒萬人救之,懷珍遣馬步三千人襲擊仲虯,大破之於莫邪山,遂進壽陽。 軍主段僧愛等馬步三百餘人掩擊斬之。 陽。至廬江太守王仲子南奔,於賊遣僞廬江太守劉道蔚五千人頓建武澗,築三城。懷珍遣 羽林監、屯騎校尉,將軍如故。 則破殷琰將劉從等四壘於橫塘死虎,懷珍等乘勝逐北,頓壽春長邏門。 明帝召懷珍還,拜前將軍,加輔國將軍,領軍向青山助擊劉胡,事平,除游擊將軍,輔國 泰始初,除寧朔將軍、東安東莞二郡太守,率龍驤將軍王敬則、姜產步騎五千討壽 懷珍請先平賊,辭讓不受。建安王休仁濃湖與賊相持,久未 。引軍至晉熙,僞太守閻湛拒守,[t]劉子勛遣 宋明帝嘉其功,除 又遣王敬 將王

青州刺史沈文秀拒命,明帝遣其弟文炳宣喻,使懷珍領馬步三千人隨文炳俱行。 未

將軍

·如故。

等,而官軍爲虜所逐,相繼奔歸,懷珍乃還。三年春,敕懷珍權鎭山陽。 至,薛安都引虜,徐、兖已沒,張永、沈攸之於彭城大敗。勑懷珍步從盱眙自淮陰濟淮救永

平胡中郎將、徐州刺史,封艾縣侯,邑四百戶,督水步四十餘軍赴救。二城旣沒,乃止。 史劉休賓告急。休賓,懷珍從弟也。朝廷以懷珍爲使持節、都督徐兖二州軍事、輔國將軍 襲陷其城,桃根走。偽東萊太守鞠延僧數百人據城,劫留高麗獻使。懷珍又遣寧朔將軍明 堅壁伺隙。」懷珍曰:「今衆少糧單,我懸彼固,政宜簡精銳,掩其不備耳。」遣王廣之將百騎 桃根領數(十)[千]人戍不其城,至一懷珍引軍次洋水,衆皆曰:「文秀今遊騎〔滿〕境內,[10]宜 懷珍達朝廷意,送致文炳,文秀終不從命,焚燒郭邑。百姓聞懷珍至,皆喜。僞長廣太守劉 馳,東萊可飛書而下,何容阻軍緩邁止於此邪。」遂進至黔陬。爲高密、平昌二郡太守潰走, 秀所破,仍進攻僧暠。 慶符與廣之擊降延僧,遣高麗使詣京師。文秀聞諸城皆敗,乃遣使張靈碩請降,懷珍乃還。 |秀厚賂||胡師,規爲外援,察其徒黨,何能必就左衽。 海,而僧暠已退保東萊,懷珍進據朐城,衆心忷懼,或欲且保郁州。 其秋,虜遂侵齊,圍歷城、梁鄒二城,游騎至東陽,擾動百姓。冀州刺史崔道固、兖州刺 先是明帝遣青州刺史明僧暠北征,僧暠遣將於王城築壘,以逼沈文秀,壍壁未立,爲文 帝使懷珍率龍驤將軍王廣之五百騎,步卒二千人,沿海救援,至東 齊士庶見於(民)[名]義積葉,[公聲介一 懷珍謂衆曰:「卿等傳文

列傳第

之。」懷珍奉旨。帝寢疾,又詔懷珍曰:「卿不應乃作景素佐,才舊所寄,今徵卿參二衞直。」 會帝崩,乃爲安成王撫軍司馬,領南高平太守。 徙右軍司馬,遷南郡太守,加寧朔將軍。 明帝手詔懷珍曰:「卿性忠讜,平所(葬)[仗]賴。[11] 在彼與年少共事,不可深存受益。 改授寧朔將軍、竟陵太守,轉巴陵王征西司馬,領南義陽太守。 景素(而)[兒]乃佳,[三]但不能接物,頗亦墮事,卿每諫 建平王景素爲荆州,仍

京師。昇明元年,進號征虜將軍。 督豫司二州郢州之西陽軍事、冠軍將軍、豫州刺史。建平王景素反,懷珍遣子靈哲領兵赴 就,乃除黃門郎,領虎賁中郎將、青州大中正。桂陽反,加懷珍前將軍,守石頭。爲使持節、 曰:「休範雖有禍萌,安敢便發,若終爲寇,必請奉律吞之。[le]今者賜使,恐成猜迫。」固請不 朝廷疑桂陽王休範,中書舍人〔王〕道隆宣旨,〔111〕以懷珍爲冠軍將軍、豫章太守。

城,懷珍遺建寧太守張謨、游擊將軍裴仲穆〔統〕蠻漢軍萬人出西陽,〔三〕破賊前鋒公孫方平 斬之,送首於太祖。太祖送示攸之。進號左將軍,徙封中宿縣侯,增邑六百戶。攸之圍郢 主,不敢長驅決勝明矣。」遣子靈哲領馬步數千人衞京師。攸之遣使許天保說結懷珍,懷珍 起兵,衆謂當沿流直下,懷珍謂僚佐曰:「攸之矜躁夙著,虐加楚服,必當阻兵中流,聲劫幼 沈攸之在荆楚,朝議疑惑,懷珍遣冗從僕射張護使郢,致誠於世祖,幷陳計策。及攸之

軍數千人,收其器甲。進平南將軍,增督南豫、北徐二州,增邑爲千戶。

報百匹,不亦多乎。」懷珍曰:「蕭君局量堂堂,寧應負人此絹。吾方欲以身名託之,豈計錢 不可騎,送與懷珍別。懷珍報上百匹絹。或謂懷珍曰:「蕭君此馬不中騎,是以與君耳。君 物多少。」 初,孝武世,太祖爲舍人,懷珍爲直閤,相遇早舊。 懷珍假還靑州,上有白騘馬,齧人,

還,仍授相國右司馬。建元元年,轉左衞將軍,加給事中,改霄城侯,〔增〕邑二百戶。〔18〕明 見代爲豫州刺史。或疑懷珍不受代,太祖曰:「我布衣時,懷珍便推懷投款,況在今日,寧當 年,加散騎常侍。 有異。」見發經日,而疑論不止。上乃遣軍主房靈民領百騎追送晃,謂靈民曰:「論者謂懷珍 必有異同,我期之有素,必不應爾。卿是其鄉里,故遺卿行,非唯衞新,亦以迎故也。」懷珍 太祖輔政,以懷珍內資未多,二年冬,徵爲都官尚書,領前軍將軍,以第四子寧朔將軍

官如故,領兵救援。未至,事寧,解安北、持節 以禁旅辛勤,求爲閑職,轉光祿大夫,常侍如故。其冬,虜寇朐山,授使持節、安北將軍,本 虜寇淮、肥,以本官加平西將軍,假節,西屯巢湖,爲壽春勢援,虜退乃還。懷珍年老,

四年,疾篤,上表解職,上優詔答許,別量所授。其夏,卒。年六十三。遺言薄葬。 世

列傳

祖追贈散騎常侍、鎭北將軍、雍州刺史、諡曰敬侯。

子靈哲,字文明。解褐王國常侍、行參軍,尚書直郎,齊臺步兵校尉,建元初,歷寧朔將

軍,臨川王前軍諮議,廬陵內史,齊郡太守,前軍將軍。

靈哲所生母嘗病,靈哲躬目祈禱,夢見黃衣老公曰:「可取南山竹笋食之,疾立可愈。」

靈哲驚覺,如言而疾瘳。

能得。 辭以兄子在虜中,存亡未測,無容越當茅土,朝廷義之。靈哲傾產私贖嫡母及景煥,累年不 嫡母崔氏及兄子景煥,泰始中沒虜,靈哲爲布衣,不聽樂。及懷珍卒,當襲爵, 世祖哀之,令北使告虜主,虜主送以還南,襲懷珍封爵。 靈哲固

西陽王左軍司馬。隆昌元年,卒,年四十九。 靈哲永明初歷護軍長史,東中郎諮議,領中直兵,出爲寧朔將軍、巴西梓潼二郡太守,

李安民,蘭陵承人也。 祖嶷,江沿衛軍參軍。 父欽之,殿中將軍,補薛令。 安民隨父之

縣,元嘉二十七年沒虜,率部曲自拔南歸。

太(祖)初逆,[14]使安民領支軍。降義師,板建威將軍,補魯爽左軍。 及爽反,安民遁還

京師,除領軍行參軍,遷左衞殿中將軍。 大明中,虜侵徐、虎,以安民爲建威府司馬、無鹽

令。除殿中將軍,領軍討漢川互螫賊。

貴,與天子交手共戲。」至是安民尋此人,不知所在。 目安民曰:「卿面方如田,封侯狀也。」安民少時貧窶,有一人從門過,相之曰:「君後當大富 鶴尾、江城、皆有功。事平、明帝大會新亭、勞接諸軍主、樗蒲官賭、安民五擲皆盧、帝大驚、 越賊五城,送米與興世。係軍主沈仲、王張引軍自饋口欲斷江,安民進軍合戰破之。 荻浦、獺窟,皆捷,除積射將軍、軍主。 張興世據錢溪,糧盡,爲賊所逼。 晉安王子勛反,明帝除安民武衞將軍、領水軍,補建安王司徒城局參軍,擊赭圻、湖白 安民率舟乘數百,

寧遠將軍、京兆太守,又除寧朔將軍、司州刺史,領義陽太守,並不拜,重除本職,又不拜,改 守、行南兖州 淮游防,至壽春。 虜遣偽長社公連營十餘里寇汝陰,豫州刺史劉勔擊退之, 虜荆亭戍主昇 豫。淮北既沒,明帝敕留安民戍(甬)[角]城。[1七]除寧朔將軍、冗從僕射。 陽城。論饋口功,封邵武縣子,食邑四百戶。復隨吳喜、沈攸之擊虜,達睢口,戰敗,還保宿 《棄城歸降,[110]安民率水軍攻前,破荆亭,絕其津逕。 從張永、沈攸之討薛安都於彭城,軍敗,安民在後拒戰,還保下邳。除寧朔將軍,戌淮 事。 太祖在淮〔陰〕,〔三〕安民遙相結事,明帝以爲疑,徙安民爲劉韞 遷寧朔將軍、冠軍司馬、廣陵太 戍泗口,領舟軍緣 冠 軍 ·司馬、

列傳

授寧朔將軍 、山陽太守。 泰始末,淮北民起義欲南歸,以安民督前鋒軍事,又請援接,不克,

還。除越騎校尉,復爲寧朔將軍、山陽太守。

敕 安民回軍至魏興,事寧,還至夏口。 三巴擾亂,太守張澹棄涪城走,以安民假節、都督討蜀軍事、輔師將軍。五獠亂漢中,

州事。 豫州 日 輔國將軍曹欣之等皆密遭致誠,而游擊將軍高道慶領衆出討,太祖慮其有變,使安民及南 軍援京師。 須防,邊備宜重,今有此授,以增鄢郢之勢,無所致辭也。」及桂陽王休範起事,安民出頓,遣 犯王法,此乃卿負我也。」於軍門斬之,厚爲斂祭,軍府皆震服 刺史段佛榮行以防之。安民至京「口」,「三破景素軍於葛橋。 元徽初,除督司州軍事、司州刺史,領義陽太守,假節、將軍如故。別敕安民曰:「九江 城局參軍王迥素爲安民所親,〔一言〕盜絹二匹,安民流涕謂之曰:「我與卿契闊備嘗,今 徵〔授〕左將軍,〔三〕加給事中。 建平王景素作難,冠軍黃四、游擊將軍高道慶、 景素誅,留安民行南徐

太祖 事、冠軍將軍、南兖州刺史。 白太祖欲於東奉江夏王躋起兵,太祖不許,乃止。 與別宴語,淹留 授冠軍將軍,驍衞將軍,三三不拜。 日夜。 安民密陳宋運將盡,曆數有歸。 沈攸之反,太祖召安民以本官鎮白下,治城隍。 轉征虜將軍、東中郎司馬、行會稽郡事。 蒼梧廢, 太祖徵安民為使持節督北討軍 蒼梧縱虐,太祖憂迫 加征虜將軍。 無計,安民 安民將東,

持節 進軍西討,又進前將軍。 將軍 如故。 昇明三年,遷左衞將軍,領衞尉。 行至盆城,沈攸之平,仍授督郢州司州之義陽諸軍事、郢州刺史, 太祖即位,爲中領軍,封康樂侯,邑千

時王敬則以勳誠見親,至於家國密事,上唯與安民論議,謂安民曰:「署事有卿名,我便不復 非淮北常備,其外餘軍,悉皆輸遣,若親近宜立隨身者,聽限人數。」上納之,故詔斷衆募。 宋泰始以來,內外頻有賊寇,將帥已下,各募部曲,屯聚京師,安民上表陳之,以爲「自

禽元初,斬建康市。 命王元初聚黨六合山僭號,自云垂手過膝。 虜寇壽春,至馬頭。 加散騎常侍。 韶安民出征,加鼓吹一部。虜退,安民沿淮進壽春。 州郡討不能擒,積十餘年。 安民遺軍偵候,生 先是宋世亡

細覽也。」尋爲領軍將軍

伏兵,乃遣族弟馬軍主長文二百騎爲前驅,自與軍副周盤龍、崔文仲係其後,分軍隱林。曰己 及長文至宿豫,虜見衆少,數千騎遮之。長文且退且戰,引賊向大軍,安民率盤龍等趨 安民頓泗口,分軍應赴。三年,引水步軍入淸,於淮陽與虜戰,曰司破之。虜退。 至,合戰於孫溪渚戰父彎側,虜軍大敗,赴淸水死不可勝數。 虜遣其遠頭公送攻車材至市 其年,廣又南侵,韶安民持節履行緣淮淸泗諸戍屯軍。 虜攻朐山、連口、(甬)[角]城,[1]8] 安民知有 兵

丘,左軍將軍孫文顯擊破走之,燒其車材。

柴險求援。「是」太祖詔曰:「靑徐四州,「ᠬの〕義舉雲集。」安民可長轡遐馭,指授羣帥。」安民赴 淮北四州聞太祖受命,咸欲南歸。至是徐州人桓摽之、兖州人徐猛子等,合義衆數萬,

救留遲,虜急兵攻摽之等皆沒,上甚責之。

官,年五十八。賻錢十萬,布百匹。 退,改授散騎常侍、金紫光祿大夫,將軍如故。四年,爲安東將軍、吳興太守,常侍如故。卒 軍如故。安民時屢啓密謀見賞,又善結尚書令王儉,故世傳儉啓有此授。尋上表以年疾求 太祖崩,遺詔加侍中。世祖卽位,遷撫軍將軍、丹陽尹。永明二年,遷尙書左僕射,將

與神牛,著屐上聽事。又於聽上八關齋。〔三〕俄而牛死,葬廟側,今呼爲「李公牛冢」。及安民 吳興有項羽神護郡聽事,太守不得上。太守到郡,必須祀以軛下牛。安民奉佛法,不

卒,世以神爲祟。

殞喪,痛傷于懷。 贈鎭東將軍,鼓吹一部,常侍、太守如故。 諡曰肅侯。」 詔曰:「安民歷位內外,庸績顯著。 忠亮之誠,每簡股心。 敷政近畿,方申任寄。

王玄載字彥休,下邳人也。如三祖字,僞北地太守。如三父麩,東莞太守。

秦二州刺史。進號征虜將軍。尋徙督益寧二州、益州刺史、建寧太守,將軍、持節如故。 敗,玄載全軍據下邳城拒虜,假冠軍將軍。官軍新敗,人情恐駭,以玄載士望,板爲徐州刺 刺史,太守如故。遷撫軍司馬。出爲持節、督梁南北秦三州軍事、冠軍將軍、西戎校尉、梁 郎將如故。遷左軍將軍。仍爲寧朔將軍、歷陽太守,改持節、都督二豫、冠軍將軍、南豫州 年、督青、兖二州刺史、將軍、東海郡如故。 史、持節、監徐州豫州梁郡軍事、寧朔將軍、平胡中郞將,尋又領山陽、東海二郡太守。 玄載解褐江夏王國侍郎、太宰行參軍。 七年,復爲徐州,督徐兖二州、鍾離太守,將軍 泰始初,爲長水校尉。 隨張永征彭城,臺軍大 五

拜,建元元年,爲左民尚書,鄂縣子如故。會虜動,南兖州刺史王敬則奔京師,上遣玄載領 廣陵,加平北將軍、假節、行南兖州事,本官如故。 四年,爲持節監兖州緣淮諸軍事、平北將軍、兖州刺史。六年,卒,時年七十六。諡烈子。 沈攸之〔之〕難、延固玄載起義送誠,進號後軍將軍,封鄂縣子。徵散騎常侍,領後軍,未 事寧,爲光祿大夫、員外散騎常侍。永明

玄載夷雅好玄言,脩士操,在梁益有清績,西州至今思之。

「帳中物亦復隨人寢興。」世祖銜之,未嘗形色。建元元年,爲冠軍將軍、永嘉太守,詣闕跪 從弟玄謨子瞻,至宗明帝世,為黃門郎,素輕世祖。世祖時在大牀寢,瞻謂豫章王曰:

拜不如儀,爲守寺所列。 上曰:「父辱子死,王瞻傲慢朝廷,臣輒以收治。」太祖曰:「語郎,此何足計」、旣聞瞻已死,乃 有司以啓世祖,世祖召瞻入東宮,仍送付廷尉殺之。 遣左右口啓

元初,為散騎常侍、光祿大夫,領前軍將軍。 執,請得西行。遂襲破隨郡,斬僞太守劉師念,拔其母。 光祿大夫。 三年,卒。 方反,父玄謨在都,寬棄郡歸,明帝加賞,使隨張永討薛安都。 瞻兄寬,宋世與瞻並爲方伯,至是瞻雖坐事,而寬位待如舊也。寬泰始初爲隨郡,值西 永明元年,爲太常。 事平,明帝嘉之,使圖畫寬形。 寬辭以母猶存, 在西為賊所 坐於宅殺牛,免官。 後爲

建

追不復及。明帝以爲持節、都督青州、青州刺史,將軍如故。 國將軍、淸河廣(平)[川]二郡太守、[景]幽州刺史。靑州刺史沈文秀反,玄邈欲向朝廷,慮見 掩襲,乃詣文秀求安軍頓。文秀令頓城外,玄邈即立營壘,至夜拔軍南奔赴義,比曉,文秀 玄載弟玄邈,字彥遠,初爲驃騎行軍參軍,太子左積弩將軍,射聲校尉。 泰始 和,遷 輔

祖以經途[令]人要之,[計]玄邈雖許,旣而嚴軍直過,還都啓帝,稱太祖有異謀,太祖不恨 太祖鎮淮陰,爲帝所疑,遣書結玄邈。 玄邈長史房叔安勸玄邈不相答和。 罷州還,太

也。 昇明中,太祖引爲驃騎司馬、冠軍將軍、太山太守,玄邈甚懼,而太祖待之如初。

騎常侍、驍騎將軍,冠軍如故。

方伯。 走。 棄伎 玄邈率東從七八百人討之,不克,慮不自保,乃使人僞降鳥奴,告之曰:「王使君兵衆羸弱 《妾於城內,攜愛妾二人去已數日矣。. |鳥奴喜,輕兵襲州城,玄邈設伏擊破之,鳥奴挺身 太祖聞之,曰:「玄邈果不負吾意遇也。」 出爲持節、都督梁南秦二州軍事、征虜將軍、西戎校尉、梁南秦二州刺史,兄弟同時爲 封河陽縣侯。 建元元年,進號右將軍,侯如故。 亡命李烏奴作亂梁部,陷 白馬戍

馬、「三加後將軍。 軍、「三」徐州刺史。 章王太尉司馬,出爲冠軍將軍、臨川內史,秩中二千石。還爲前軍司徒司馬、散騎常侍、太 還爲征虜將軍、長沙王後軍司馬、南東海太守。 永明七年,爲持節、都督究州緣淮軍事、平北將軍、兖州刺 八年,轉太常,遷散騎常侍、右衞將軍,出爲持節、監徐州軍事、平北將 遷都官尙書。 世祖即位,轉右將軍、豫 史,未之任, 轉

登城便門,奮擊,生擒法智、盤龍等。」玄邈坐免官。鬱林卽位,授撫軍將軍,遷使持節、安西 城,射殺城局參軍唐穎,遂入城內。軍主耿虎、徐思慶、董文定等拒戰,至曉,玄邈率百餘人 十一年,建康蓮華寺道人釋法智與州民周盤龍等作亂,四百人夜攻州城西門,登梯上

列傳

第八

王

玄

載

將軍、歷陽南譙二郡太守。延興元年,加散騎常侍,尋轉中護軍。

軍、南兖州刺史,轉護軍將軍,加散騎常侍。四年,卒,年七十二。贈安北將軍、雍州刺史。 諡日壯侯 玄邈不得已奉旨。給鼓吹置佐。 高宗使玄邈往江州殺晉安王子懋,玄邈苦辭不行,及遣王廣之往廣陵取安陸王子敬, 建武元年,遷持節、都督南兖兖徐青冀五州軍事、平北將

中,歷靑、冀、兖、益四州刺史,平北將軍。 去。昇明中,爲巴陵內史。 奔虜,部曲皆散,文和獨送至界上。一般謂之曰:「諸人皆去,卿有老母,何不去邪!」文和乃 同族汪文和,宋鎭北大將軍仲德兄孫也。 沈攸之事起,文和斬其使,馳白世祖告變,棄郡奔郢城。 景和中,爲義陽王昶征北府主簿。昶於彭城 永明

此知樂推之非妄,信民心之有歸。玄載兄弟門從,世秉誠烈,不爲道家所忌,斯今之耿氏也。 此數子皆宿將舊勳,與太祖比肩爲方伯,年位高下,或爲先輩。而薦誠君側,奉義萬里,以 贊曰:霄城報馬,分義先推。 靈哲守讓,方軌丁、韋。 |李佐東土,謀發天機。 |王爲清政, 史臣曰:宋氏將季,離亂日兆,家懷逐鹿,人有異圖,故蕃岳阻兵之機,州郡觀釁之會。

校勘記

- [1]漢膠東康王後也 「康王」下南監本、殿本有「寄」字。
- CII) 亡命司馬順則聚黨東陽州遣懷珍將數千人掩討平之 「東陽」原謂「東揚」,令據局本及蔣史、元

龜四百三十一改正。按東陽,城名,「州」字屬下讀。晉書地理志云羊穆之爲靑州刺史,築東陽

城而居之,元帝渡江,始置北青州,鎮東陽城。司馬順則聚黨東陽,即此東陽城也。 「陽」爲「揚」,而萬承蒼作考證又誤以「州」字屬上讀,遂謂「司馬順則作亂在元嘉二十八年,不應 殿本旣譌

有東揚州之稱,未詳所謂」,愼矣。洪頤煊諸史考異亦云「東揚」當作「東陽」,即晉書地理志所云

之東陽城。然洪氏亦以「州」字屬上讀,則猶未達一閒也。

取為驃騎長兼墨曹行參軍 授之稱,參閱卷二十三王儉傳校勘記第三十二條。 各本「長」下衍「史」字,兩史、元龜七百二十七同。按長兼者,未正

- [8] 士人怨之 南監本、殿本作「土人怨之」。
- / 五 率龍驤將軍王敬則姜產步騎五千討壽陽 張森楷校勘記云:「『姜產』宋書恩倖傳作『姜產之』。」
- 廬江太守王仲子南奔 張森楷校勘記云:"『王仲子』宋書鄧琬傳作『王子仲』。」

列傳第八 校勘記

- 偽太守閻湛拒守 張森楷校勘記云:「『閻湛』宋書鄧琬傳作『閻湛之』。」
- 齊士庶見於(民)[名]義積葉 據南監本、局本及元龜三百六十三改。
- [4] 偽長廣太守劉桃根領數(+)[千]人戍不其城 據殿本及元龜三百六十三改。 按殿本「不」爲

守。

- [10] 文秀今遊騎[滿]境內 據南監本、局本及元龜三百六十三補。
- []] 平所(葬)[仗]賴 據南監本、殿本、局本改。按远龜二百作「委賴」。
- \equiv 景素(而)[見]乃佳 據南監本、殿本、局本改。按元龜無「而」字。
- 中書舍人〔王〕道隆宣旨 據南監本、殿本、局本補。 按王道隆於宋明帝泰始中爲通事舍人,見

宋書恩倖傳。

- [12] 必請奉律吞之 按「奉」字下元龜四百四有「命」字。
- (三) (統)蠻漢軍萬人出西陽 「統」字各本並脫,據远龜三百五十一補。 按元龜「出」上有「步」字。
- (二六) (增)邑二百戶 據南監本、殿本補。
- CH) 錢大昕廿二史考異云:「子顯父名嶷,此書於『嶷』字亦不避。」
- 太(祖)初逆 「宋武帝伐太初」,王奐傳殷叡祖元素「坐染太初事誅」,顧歡傳「後太初弑逆」,皆是也。南監本、 據局本刪。按宋劉劭即位,改元太初,史敍劉劭時事,多稱「太初」。 如周山圖傳

殿本作「太子劭逆」,乃後人以意改耳。 參閱卷四十四徐孝嗣傳校記第一條引錢大昕說。

明帝敕留安民戍(甬)[角]城 各本並作「甬」、據通鑑胡注改、參閱卷十四州郡志上校記第九條。

虜荆亭戍主昇乞奴棄城歸降 「荆亭戍主昇乞奴」宋書吳喜傳作「長社戍主帛乞奴」。

太祖在淮〔陰〕 據南史補。

徴〔授〕左將軍 **據南監本、毛本、殿本、局本補。**

安民至京「口」 據南監本、殿本、局本及远龜三百五十一補。

御覽二百九十六引作「迴」,元龜四百一同。

「迥」南史作「回」。

至 驍衛將軍 張森楷校勘記云:「按百官志有驍騎將軍、衞將軍、衞軍將軍,而無驍衞將軍,此必有

城局參軍王迥素爲安民所親

会 虜攻朐山連□(甬)〔角〕城 據通鑑胡注改。

引水步軍入清於淮陽與虜戰 「淸」南監本、局本作「屯」,連下讀。「於」殿本作「至」。

吕 分軍隱林 「林」字下元鑑四百二十有「中」字。

柴險求援 張森楷校勘記云::「毛本、局本作『柴』,南監本、殿本作『砦』,按柴砦古今字。」

青徐四 州 「四」原譌「泗」,各本並誤,今據元龜四百四十五改正。 按州郡志無「泗州」。

又於聽上八關齋 「上」字下御覽六百五十四、八百八十二引並有「設」字。

列 傳 第

八

校 勘

記

下邳人也 張森楷校勘記云:「宋書王玄謨傳云太原祁人,後徙新興,不云下邳人。 玄謨自稱

老傖,即是玄載從兄,宗從兄弟,不應郡地各異。」

祖宰偽北地太守「宰」宋書王玄謨傳作「牢」,爲上谷太守。

[IE] 沈攸之[之]難 **據**南監本、殿本、局本補。

[三 從弟玄謨子瞻 |載以永明六年卒,年七十六。是玄載後玄謨二十年死,且少於玄謨二十五歲,當云『從兄』,不當 張森楷校勘記云:「宋書王玄謨傳云玄謨以泰始四年卒,年八十一。 此書云玄

[h] 清河廣(平)[川]二郡太守 冀州有廣川郡,作『廣川』是,今據改。 張森楷校勘記云::「『廣平』宋書沈文秀傳作『廣川』。」按宋書州郡志,

云『從弟』也。」

[h] 太祖以經途[命]人要之 據南監本、殿本、局本補。按元龜二百十二、三百七十一並作[太祖以

轉大司馬 張森楷校勘記云:「『大司馬』下有奪文。時豫章王嶷爲大司馬,玄邈蓋爲其參佐。」

經途又要之」。

5 空 平 北 將 軍 此與下「遷持節都督南兖兖徐青冀五州軍事平北將軍」之「平北將軍」,原並譌「北平

將軍」,各本不譌,今乙正。

南齊書卷二十八

列傳第九

崔祖思 劉善明 蘇侃 垣榮祖

崔祖思字敬元,清河東武城人,崔琰七世孫也。 祖諲,宋冀州刺史。父僧護,州秀才。

懷珍曰:「堯聖人,而與雜神爲列,欲去之,何如。」祖思曰:「蘇峻今日可謂四凶之五也。」懷

初州辟主簿,與刺史劉懷珍於堯廟祠神,〔1〕廟有蘇侯像。

珍遂令除諸雜神。

祖思少有志氣,好讀書史。

年,轉長兼給事黃門侍郞。 撫軍行參軍,員外正員郎,冀州中正。宋朝初議封太祖爲梁公,祖思啓太祖曰:「讖書云『金 刀利刃齊刈之』。今宜稱齊,實應天命。」從之。轉爲相國從事中郞,遷齊國內史。 太祖在淮陰,祖思聞風自結,爲上輔國主簿,甚見親待,參豫謀議。除奉朝請,安成王 建元元

列傳第九

崔

租思

序;回司農以北,廣開武校。臺「府」州國,回限外之職,問其所樂,依方課習,各盡其能。 教,不得以夷(褟)[險]革慮,[ē]儉泰移業。今無員之官,空受祿力。三載無考績之効,九年 教學爲先。世不習學,民忘志義, 〔三 悖競因斯而興,禍亂是焉而作。 闕登黜之序。國儲以之虛匱,民力爲之凋散。能否無章,涇渭混流。宜大廟之南,弘脩文 識其利,能無勉勵。」 月供僮幹,如先充給。 上初卽位,祖思啓陳政事曰:「禮誥者,人倫之襟冕,帝王之樞柄。 若有廢墮,遣還故郡。 殊經奇藝,待以不次,士脩其業,必有異等,民 故篤俗昌治,莫先道 自古開物成務,必以

矣。然教信雖子,氓染未革,宜加甄明,以速歸厚。詳察朝士,有柴車蓬館,高以殊等,雕 墻華輪,卑其稱謂。馳禽荒色,長違淸編,嗜音酣酒,守官不徙。物識義方,且懼且勸,則調 以繡衣賜死,王景興以淅米見謂。〔t〕宋武節儉過人,張妃房唯碧綃蚊幬,三齊苮席,五盞盤 饍器則陶瓢充御。 瓊簪玉筯,碎以爲麈,珍裘繡服,焚之如草。 斯實風高上代,民偃下世 桃花米飯。殷仲文勸令畜伎,荅云『我不解聲』。仲文曰『但畜自解』,又荅『畏解,故不畜』。 十家之產,日不爲露臺。劉備取帳鉤銅鑄錢以充國用。魏武遣女,阜帳,婢十人,東阿婦 歷觀帝王,未嘗不以約素興,侈麗亡也。伏惟陛下,體唐成儉,踵虞爲樸。寢殿則素木卑構, 又曰:「漢文集上書囊以爲殿帷,身衣弋綈,以韋帶劍,愼夫人衣不曳地,惜中(艮)[人]

風變俗,不俟終日。」

輝。今廷尉律生,乃令史門戶,族非咸、弘,庭缺于訓。刑之不措,抑此之由。如詳擇篤厚 氏,絜譽文、宣之世;陳、郭兩族,流稱武、明之朝。決獄無冤,慶昌枝裔,槐衮相襲,蟬紫傳 寧失不經,靡愧周書。「亞漢來治律有家,子孫並世其業,聚徒講授,至數百人。故張、于二 而欲善其事,未之有也。若劉累傳守其業,庖人不乏龍肝之饌,斷可知矣。」 之士,[10]使習律令,試簡有徵,擢爲廷尉僚屬。苟官世其家而不美其績,[1]]鮮矣;廢其職 習律令,删除繁苛。詔獄及兩縣,一月三訊,觀貌察情,欺枉必達。使明愼用刑,無忝大易, 『溱有十失,其一尚在,治獄之吏是也』。寔宜淸置廷尉,茂簡三官,寺丞獄主,彌重其選,研 又曰:「憲律之重,由來尙矣。 故曹參去齊,「八」唯以獄市爲寄,餘無所言。 路溫舒言

傷敗風俗。今欲撥邪歸道,莫若罷雜伎,王庭唯置鍾簴、羽戚、登歌而已。如此,則官充給 今戶口不能百萬,而太樂雅、鄭,元徽時校試千有餘人,後堂雜伎,不在其數,糜廢力役,曰曰 方八百二十九人,孔光等奏罷不合經法者四百四十一人,正樂定員,唯置三百八十八人。 又曰:「樂者動天地,感鬼神,正情性,立人倫,其義大矣。桉前漢編戶千萬,太樂伶官

又曰:「論儒者以德化爲本;談法者以刻削爲體。道教治世之粱肉,刑憲亂世之藥石,

養,國反淳風矣。」

第九

崔祖思

矣。[1三]是賞罰空行,無當乎勸沮。將令見罰者寵習之臣,受賞者仇讎之士,戮一人而萬國 故以教化比雨露,名法方風霜。是以有恥且格,敬讓之樞紐;令行禁止,爲國之關楗。然 則天下治者,賞罰而已矣。賞不事豐,所病於不均;罰不在重,所困於不當。如令甲勳少, 乙功多,賞甲而捨乙,天下必有不勸矣; 丙罪重,丁眚輕,罰丁而赦丙,天下必〔有〕不 悛

委儲。今將掃闢咸、華,題鏤龍漠,宜簡役敦農,開田廣稼。時罷山池之威禁,深抑豪右之 數。日日湯憑分地之積,以勝流金之運。近代魏置典農,而中都足食;晉開汝、潁,而 **兼擅,則兵民優贍,可以出師。**」 又曰:「籍稅以厚國,國虛民貧;廣田以實廩,國富民瞻。 **善養用天之儲,實拯懷山之**

懼,賞匹夫而四海悅。」

綸。今者著作之官,起居而已;述事之徒,裹諛爲體。世無董狐,書法必隱;時闕南史,直 又曰:「古者左史記言,右史記事,故君舉必書,盡直筆而不汚; 上無妄動,知如絲之成

筆未聞。」

中丞雖謝咸、玄,未有全廢劾簡;廷尉誠非釋之,寧容都無訊牒。故知與其謬人,寧不 夫越任于事,在言爲難;當官而行,處辭或易。物議旣以無言望己,己亦當以吞默慙 又[日]:「廢諫官, [則]聽納靡依。[三雖課勵朝僚, 徵訪芻輿, 莫若推舉質直, 職思其

廢職,目前之明効也。漢徵貢禹爲諫大夫,矢言先策,夏侯勝狂直拘繫,出補諷職,伐柯非

遐,行之卽善。」

重郭隗而招劇辛,任鮑叔以求夷吾,則天下之士,不待召而自至矣。」上優詔報答。 夫有賢而不知,知賢而不用,用賢而不委,委賢而不信,此四者,古今之通患也。 又曰:「天地無心,賦氣自均,寧得誕秀往古,而獨寂寥一代,將在知與不知,用與不用

淮上。二年,進號征虜將軍,軍主如故。仍遷假節、督靑冀二州刺史,將軍如故。少時,卒。 上數曰:「我方欲用祖思,不幸,可惜。」詔賻錢三萬,布五十匹。 專遷寧朔將軍、冠軍司馬,領齊郡太守、本官如故。 是冬, 虜動,遷冠軍將軍、軍主:·屯

房攻殺 徐州刺 都,又遣軍主崔延叔攻偽淮陽太守梁惡,並殺之。三年,淮北義民桓磊磈於抱犢固與虜戰, 等過 於新亭拒桂陽賊,著誠効,除游擊將軍。沈攸之事起,助豫章王鎭東府,歷驃騎諮議,出爲 淮 祖思宗人文仲,初辟州從事。秦始初,爲薛安都平北主簿,拔難歸國。元徽初,從太祖 攻拔 史。 馬頭太守劉從,日於上曰:「破茬眉,足相補。」文仲又遣軍主陳靖攻虜竹邑戍主白仲 文仲馳啓,上敕曰:「北閒起義者衆,深恐良會不再至,卿善獎沛中人,若能一時攘 房茬眉戍,殺戍主龍得侯及偽陽平太守郭杜羝,館陶令張德,濮陽令王明。 建元初,封建陽縣子,三百戶。二年,虜攻鍾離,文仲擊破之。又遣軍主崔孝伯

列

傳第

九

崔祖思

劉善

秧,當遣一佳將直入也。」文仲在政,爲百姓所憚。除黃門郎,領越騎校尉,改封隨縣。嘗獻 太祖纏鬚繩一枚,上爲納受。 永明元年,爲太子左率,累至征虜將軍、冠軍司馬、汝陰太守。

四年,卒。贈後將軍、徐州刺史。

諡襄子。

劉善明,平原人。鎭北將軍懷珍族弟也。父懷民,宋世爲齊北海二郡太守。

元嘉末,

青州飢荒, 人相食,善明家有積栗,躬食饘粥,開倉以救鄉里,多獲全濟,百姓呼其家田爲

續命田」。

父懷民謂善明曰:「我已知汝立身,復欲見汝立官也。」善明應辟。仍舉秀才。 少而靜處讀書,刺史杜驥聞名候之,辭不相見。年四十,刺史劉道隆辟爲治中從事。 宋孝武見其

對策強直,甚異之。

能自拔。伯父彌之詭說文秀求自効,文秀使領軍主張靈慶等五千援安都。彌之出門,密謂 明密契收集門宗部曲,得三千人,夜斬關奔北海。族兄乘民又聚衆渤海以應朝廷。而彌之 部曲曰:「始免禍坑矣。」行至下邳,起義背文秀。 善明從伯懷恭爲北海太守,據郡相應。 善 泰始初,徐州刺史薛安都反,青州刺史沈文秀應之。時州治東陽城,善明家在郭內,不

降,除善明爲屯騎校尉,出爲海陵太守。 長史、北海太守,除尚書金部郎。 尋爲薛安都所殺,明帝贈輔國將軍、靑州刺史。以乘民爲寧朔將軍、冀州刺史,善明爲寧朔 乘民病卒, [12] 仍以善明為綏遠將軍、冀州刺史。 文秀旣 郡境邊海,無樹木,善明課民種榆檟雜菓,遂獲其

紹使房,贖得母還。 固請,見許。朝廷多哀善明心事。 爲之歎息,時人稱之。 還爲後軍將軍、直閣 五年,靑州沒屬,善明母陷北,虜移置桑乾。 轉寧朔將軍、巴西梓潼二郡太守。 元徽初,遣北使,朝議令善明舉人,善明舉州鄉北平田 善明布衣蔬食,哀戚如持喪。明帝每見, 善明以母在虜中,不願西行,涕泣

海太守垣崇祖曰:「多人見勸北固廣陵,恐一旦動足,非爲長算。 安成王撫軍參軍。日日蒼梧肆暴,太祖憂恐,常令僧副微行何察聲論。 初,虜暴淮北,僧副將部曲二千人東依海島,太祖在淮陰,壯其所爲,召與相見,引(至)[爲] **青冀二州刺史。至鎭,表請北伐,朝議不同。** 東海微 公神武世出,唯當靜以待之,因機奮發,功業自定。不可遠去根本,自貽猖蹙。」「己遺部曲健 幼主新立,羣公秉政,善明獨結事太祖,委身歸誠。二年,出爲輔國將軍、西海太守、行 共動房,則我諸計可立。」善明曰:「宋氏將亡,愚智所辨。 善明從弟僧副,與善明俱知名於州里。 。今秋風行起,卿若能 故胡虜若動,反爲公患。 使僧副密告善明及東

太守、行南徐州事

兒數十人隨僧副還詣領府,太祖納之。蒼梧廢,徵善明爲冠軍將軍、太祖驃騎諮議、南東海

郎,領後軍將軍、太尉右司馬。齊臺建,爲右衞將軍,辭疾不拜。 還都,謂之曰:「卿策沈攸之,雖復張良、陳平,適如此耳。」仍遷散騎常侍,領長水校尉,黃門 施。且袁粲、劉秉,賊之根本,根本旣滅,枝葉豈久。此是已籠之鳥耳。」事平,太祖召善明 疑其輕速,掩襲未備。今六師齊奮,諸侯同舉。昔謝晦失理,不鬭自潰;盧龍乖道,雖衆何 舟仗,苞藏賊志,於焉十年。性旣險躁,才非持重,而起逆累旬,遲回不進。豈應有所待也? 一則闇於兵機,二則人情離怨,三則有掣肘之患,四則天奪其魄。本慮其剽勇,長於一戰, 沈攸之反,太祖深以爲憂。善明獻計曰:「沈攸之控引八州,縱情蓄歛,收衆聚騎,營造

濟,自己鄙懷旣申,不敢昧於富貴矣。」太祖踐阼,以善明勳誠,欲與善明祿,召謂之曰:「淮南 邪。」善明曰:「我本無宦情,[110] 旣逢知己,所以勠力驅馳,願在申志。 今天地廓清,朝盈濟 近畿,國之形勢,「三」自非親賢,不使居之。卿爲我臥治也」」代高宗爲征虜將軍、淮南宣城 二郡太守,遣使拜授,封新淦伯,曰三邑五百戶。 司空褚淵謂善明曰:「高尙之事,乃卿從來素意。 今朝廷方相委待, 詎得 便 學 松、 僑

善明至郡,上表陳事曰:「周以三聖相資,再駕乃就。漢值海內無主,累敗方登。魏挾

辨,北使匈奴」。其十一,以爲「交州險夐,要荒之表,宋末政苛,遂至怨叛。今大化創始,宜 貞孝悌,宜擢以殊階,清儉苦節,應授以民政」。其十,以爲「革命惟始,天地大慶,宜時擇才 苛政細制,〔三以崇簡易」。 其六,以爲「凡諸土木之費,且可權停」。 其七,以爲「帝子王姬 嚴備,特簡雄略,以待事機,資實所須,皆宜豫辦」。其五,以爲「宜除宋氏大明泰始以來諸 宜令事實相副」。其四,以爲「匈奴未滅,劉昶猶存,秋風揚塵,容能送死。境上諸城,宜應 及六疾不能自存者,隨宜量賜」。其三,以爲「宋氏赦令,蒙原者寡。愚謂〔今〕下赦書,〔回〕 問遠方,宣廣慈澤」。其二,以爲「京師浩大,遠近所歸,宜遣醫藥,問其疾苦。年九十以上 謹陳愚管,瞽言芻議,伏待斧鉞。」所陳事凡十一條:其一,以爲「天地開創,人神慶仰,宜存 仰齊蘇振。臣早蒙殊養,志輸肝血,徒有其誠,曾闕埃露。 勞,無半辰之棘,苞池江海,籠苑嵩岱,神祗樂推,普天歸奉,二三年閒,允膺寶命,胄臨皇 湛神極,睿周萬品,道洽無垠。故能高嘯閑軒,鯨鯢自翦,垂拱雲帝,九服載晏,靡一戰之 宜崇儉約」。其八,以爲「宜韶百官及府州郡縣,各貢讜言,以弘唐虞之美」。其九,以爲「忠 <u>姬</u>旦作誥;安不忘危,尼父垂範。今皇運草創,萬化始基,乘宋季葉,政多澆苛,億兆倒懸, 曆,正位宸居,開闢以來,未有若斯之盛者也。夫常勝者無憂,恒成者好怠。 主行令,實踰二紀。晉廢立持權,遂歷四世。景祚攸集,如此之難者也。 夙宵慙戰,如墜淵谷,不識忌諱, 陛下凝暉自天,照 故雖休勿休,

懷以恩德,未應遠勞將士,搖動邊氓。 且彼土所出,唯有珠寶,實非聖朝所須之急。 討伐之

,謂宜且停」。

犪。 卿能憲章先範,纂鏤情識,忠款旣昭,淵誠肅著,當以周旋,無忘聽覽也。」又諫起宣陽門; 表陳宜明守宰賞罰; 立學校,制齊禮; 夫賞罰以懲守宰,飾館以待遐荒。皆古之善政,吾所宜勉。更撰新禮,或非易制。 又撰賢聖雜語奏之,託以諷諫。 上答曰:「省所獻雜語,並列聖之明規,衆智之深軌。 廣開賓館,以接荒民。[云]上又答曰:「具卿忠讜之 或

學之美,已敕公卿。 中,委吾留任。旣不辦有抽劍兩城之用,橫槊搴旗之能,徒以挈瓶小智,名參佐命,常恐朝 外,察、秉復爲異識所推;行之唯有京鎮,創爲聖基。遂乃擢吾爲首佐,授吾以大郡,付吾關 秋澗,逐清風於林杪,追素月於園垂,如何故人,徂落殆盡。足下方擁旄北服,吾剖竹南甸, 祖思友善,祖思出爲靑、冀二州,善明遺書曰:「昔時之遊,于今邈矣。或攜手春林,或負杖 露一下,深思不酬。憂深責重,轉不可據,還視生世,倍無次緒。臺羹布被,猶篤鄙好,惡色 相去千里,閒以江山,人生如寄,來會何時。嘗覽書史,數千年來,略在眼中矣。歷代參差, 善明身長七尺九寸,質素不好聲色,所居茅齋斧木而已,床楊几案,不加剗削。 夫龍虎風雲之契,亂極必夷之幾,古今豈殊,此實一揆。

日者沈攸之擁長蛇於 宣陽門今敕停。寡德多闕,思復有聞。」 少與崔

歸業,自己稷下還風,君欲誰讓邪?聊送諸心,敬申貧贈。」 泰,河朔倒懸之苦方須救拔。遣遊辯之士,爲鄕導之使,輕裝啓行,經營舊壞,(今)[令]泗上 以忠,事親以孝,臨民以潔,居家以儉。足下今鳴笳舊鄉,衣繡故國,宋季荼毒之悲已蒙蘇 **懀聲,暮齡尤甚。 出蕃不與台輔別,入國不與公卿遊,孤立天地之閒,無猜無託,唯知奉主**

滌嗣。 幹力兼宣,豫經夷嶮,勤續昭著。不幸殞喪,痛悼于懷。贈左將軍、豫州 建元二年卒,年四十九。 善明家無遺儲,唯有書八千卷。太祖聞其清貧,賜滌家葛塘屯穀五百斛。 遺命薄殯。贈錢三萬,布五十匹。又詔曰:「善明忠誠夙亮, 刺史,諡烈伯。」子

善明從弟僧副,官至前將軍,封豐陽男,三百戶。永明四年,爲巴西梓潼二郡太守,曰己

卒。

蘇侃字休烈,[10]武邑人也。祖護,本郡太守。父端,州治中。

降虜,侃自拔南歸。 軍錄事參軍。 侃涉獵書傳,出身正員將軍,補長城令。薛安都反,引侃爲其府參軍,使掌書記。安都 是時張永、沈攸之(反)[敗]後、[三]新失淮北,始遣上北戍,不滿千人,每歲秋 除積射將軍。遇太祖在淮上,便自委結。 上鎮淮陰,以侃詳密,取爲冠

列傳第九 蘇侃

Щ 蓬飛。 武。直髮指索關,凝精越漢渚。秋風起,塞草衰,至三鵰鴻思,邊馬悲。平原千里顧,但見轉 以府事、深見知待。 寰中之逸鑒,審雕陵之迷泉。悟樊籠之或累,悵遐心以栖玄。」侃達上此旨,更自勤勵。 綿而方遠,思裊裊而逐多。 粤擊秦中之筑,因爲塞上之歌。歌曰:朝發兮江泉,日夕兮陵 乃作塞客吟以喻志曰:「寶緯紊宗,神經越序。德晦河、晉,力宣江、楚。雲雷兆壯,天山繇 冬閒,邊<u>淮騷動,恒恐</u>虜至。 上廣遺偵候,安集荒餘,又營繕城府。 上在兵中久,見疑於時, 孤弄,想庭藿之餘馨。青關望斷,白日西斜。恬源靚霧,壟首暉霞。戒旋鷁,躍還波,情綿 枻松洲而悼情。 驚鶵兮瀄汨,淮流兮潺湲。胡埃兮雲聚,楚旆兮星懸。愁墉兮思宇, 惻愴兮何言。 星嚴海淨,月澈河明。清輝映幕,素液凝庭。金笳夜厲,羽轉晨征。 **蘭涵風而瀉豔,菊籠泉而散英。** 曲繞首燕之歎,吹軫絕越之聲。 斡晴潭而悵泗, 欷 園 琴 之

除侃游擊將軍,遷太祖驃騎諮議,領錄事,除黃門郎,復爲太祖太尉諮議 難,上復以侃爲平南錄事,領軍主,從頓新亭,使分金銀賦賜諸將。事寧,除步兵校尉,出爲 綏虜將軍、山陽太守,清脩有治理,百姓懷之。進號龍驤將軍,除前軍將軍。沈攸之事起, 元徽初,巴西人李承明作亂,太祖議遣侃銜使慰勞,還除羽林監,加建武將軍。 桂陽之

侃事上旣久,備悉起居,乃與丘巨源撰蕭太尉記,載上征伐之功。以功封新建縣侯,五

百戶。齊臺建,爲黃門郎,領射聲校尉,任以心膂。 上即位,侃撰聖皇瑞命記一卷奏之。 建

袁粲起事,太祖先遣烈助防城,仍隨諸將平石頭,封吉陽縣男。 |元元年,卒,年五十三。 上惜之甚至,追贈輔國將軍、梁南秦二州刺史,諡質侯。 弟烈,字休文,初爲東莞令,張〔永〕鎭軍中兵,〔三〕累至山陽太守,寧朔將軍,游擊將軍。 建元中,爲假節、督巴州軍

事、巴州刺史、巴東太守,寧朔將軍如故。永明中,至平西司馬、陳留太守,卒官。

武以事徙之嶺南,護之不食而死。帝疾篤,又遣使殺襲祖,襲祖臨死,與榮祖書曰:「弟常勸 槊,下馬談論,此於天下可不負飲食矣。君輩無自全之伎,何異犬羊乎!」 宋孝建中,州辟主簿,〔爲〕後軍參軍。〔三〕伯父豫州刺史護之子襲祖爲淮陽太守,宋孝 樂祖少學騎馬及射,或謂之曰:「武事可畏,何不學書。」樂祖曰:「昔曹操、曹丕上馬橫 垣榮祖字華先,自己下邳人,五兵尚書崇祖從父兄也。父諒之,宋北中郎府參軍

使君今不同八百諸侯,如民所見,非計中也。」安都曰:「天命有在,今京都無百里地,莫 明帝初卽位,四方反,除榮祖冗從僕射,遣還徐州說刺史薛安都曰:「天之所廢,誰能興

我危行言遜,今果敗矣。」

之。及明帝崩,太祖書送榮祖詣僕射褚淵,除寧朔將軍、東海太守。淵謂之曰:「蕭公稱卿 榮祖被拘不得還,因收集部曲,爲安都將領。假署冠軍將軍。安都引虜入彭城,榮祖攜家 論攻圍取勝,自可拍手笑殺。且我不欲負孝武。」榮祖曰:「孝武之行,足致餘殃。今雖天下 幹略,故以此郡相處。」 雷同,正是速死,無能爲也。」安都曰:「不知諸人云何,我不畏此。大歸馬在近,急便作計。」 屬南奔朐山,虜遣騎追之不及。榮祖懼得罪,乃逃遁淮上。太祖在淮陰,榮祖歸附,上保持

樂祖善彈,彈鳥毛盡而鳥不死。海鵠羣翔,榮祖登城西樓彈之,無不折翅而下。

將軍、太祖驃騎諮議,輔國將軍、西中郞司馬、汝陰太守,除冠軍將軍,給事中,驍騎將軍。 牀,便恐卽有扣臺門者,公事去矣。」及蒼梧廢,除寧朔將軍、淮南太守,進輔國將軍,除游擊 預佐命勳,封將樂縣子,三百戶,以其祖舊封封之。〔三〕出爲持節、督靑冀二州刺史,冠軍如 去臺百步,公走,人豈不知。若單行輕騎,廣陵人一旦閉門不相受,公欲何之。公今動足下 除晉熙王征虜、安成王車騎中兵,左軍將軍。元徽末,太祖欲渡廣陵,榮祖諫曰:「領府

道期載渡江北。監奴有罪,告之,有司奏免官削爵付東冶,案驗無實見原。爲安陸王平西 永明二年,爲冠軍將軍、尋陽相、南新蔡太守。作大形棺材盛仗,〔言〕使鄉人田天生、王

遷黄門郞

諮議,帶江陵令,仍遷司馬、河東內史。 遷持節、督緣淮諸軍事、冠軍將軍、兖州刺史,領東

严太守、 兖州 大中正。

逼迫巴康,使至於此。」時諸啓皆不得通,事平後,上乃省視,以榮祖爲知言。九年,卒,年五 巴東王子響事,方鎭皆啓稱子響爲逆,榮祖曰:「此非所宜言。政應云劉寅等孤負恩獎,

夫。四二年七十六,永明五年,卒,諡定(子)。四三 殿省,遷右衞將軍。 封西都縣子。累遷龍驤將軍、司州刺史。 [標],[記]破之。封樂鄕縣男,[80]三百戶。昇明初,爲散騎常侍,領長水校尉,與豫章王對直 (子)〔從父〕閎, [示] 宋孝建初,爲威遠將軍、汝南新蔡太守,據梁山拒丞相義宣賊,以功 太祖即位,以心誠封爵如舊,加給事中,領驍騎將軍。 義嘉事起,明帝使閎出守盱眙,領兵北討薛道(樹) 累遷金紫光祿大

時請假還北,謀殺祖隆,舉城應朝廷,事發奔走。 安王遙光同反,伏誅。 榮祖從弟歷生,亦爲驍騎將軍。 宋泰始初,薛安都反,以女婿裴祖隆爲下邳太守,歷生 歷官太子右率。 性苛暴,好行鞭捶。 與始

覩人雄,希風結義。 夫諫江都之略,似任光之言,雖議不獨興,理成合契,蓋帷幙之臣也。 史臣曰:太祖作牧淮、兖、始基霸業、恩威北被、感動三齊。青、冀豪右、崔、劉望族、先

贊曰:淮鎭北州,獲在崔、劉。 獻書上議,帝念忠謀。 侃奉潛躍,皇瑞是鳩。 垣方帶礪,

削免虛尤。

校勘記

與刺史劉懷珍於堯廟祠神 殿本考證云:「『刺史劉懷珍』南史作『刺史垣護之』。」

(三) 民忘志義 「宼」殿本作「罔」。按远龜五百二十九亦作「忘」。

(三)不得以夷(渦)(險)革慮 據元龜五百二十九改。按下云「儉泰移業」,夷與險,儉與泰,皆相對成

文

[四] 弘脩文序 「弘」原譌「引」,各本皆由宋諱缺筆而譌,今據南史及沅龜五百二十九改正。

臺(府)州國 據通鑑齊高帝建元元年補。 按南監本、殿本作「臺州列國」,亦譌

[六] 惜中(民)[人]十家之產 張森楷校勘記云:"『中民』原作『中人』,此後人妄改。」 按"張說是,各本

皆未正,个據改。

(七) 王景興以淅米見誚 「淅米」南史作「析米」,元龜五百二十九作「折米」。按景興,王朗字,三國

魏志王朗傳養松之注引魏畧,太祖啁朗曰「不能效君昔在會稽折稅米飯也」云云,字亦作「折」。

- 「ハ」故曹參去齊 「去」原譌「云」,今據南監本、殿本及元龜五百二十九改正。
- 「九」寧失不經靡愧周書 殿本考證云「寧失不經乃虞書文,非周書也。」
- (10) 如詳擇篤厚之士 「厚」字原闕,今據各本補。
- [11] 苟官世其家 「家」

 「本、局本作「守」。
- (三) 糜廢力役 「廢」元龜五百二十九作「費」。
- [1] 天下必[有]不悛矣 「有」字各本不脫,今補。
- [三] 實拯懷山之數 「拯」原譌「極」,今據毛本、殿本、局本改正。
- (三) 又(日)廢諫官(則)聽納靡依 字,則條例明晳矣。 據元龜五百二十九補。 按上條論史官,此條論諫官,補一「曰」
- 時虜攻殺馬頭太守劉從 按劉從卽劉順,子顯避梁諱改。
- (1七) 乘民病卒 錢大昕廿二史考異云:「按劉懷慰傳云父乘民死於義嘉事難,與此互異,當有一誤。」
- (14)引(至)(為)安成王撫軍參軍、據南監本、殿本、局本改。
- 〔14〕自貽猖蹙 「蹙」南監本、殿本作「獗」。
- 我本無宦情 「宦」原譌「官」,今據南監本、殿本、局本改正。

列

傳第九

校

勘記

朝盈濟濟 按此「朝盈」二字疑譌倒。

呈 國之形勢 「形勢」御覽二百五十九引作「形勝」,元龜二百亦作「形勝」,疑作「形勝」是

封新淦伯 「新淦」原作「新塗」,據局本改。廿二史考異云「塗」當作「淦」。 然按南史、元龜二百

並作「新塗」。 洪頤煊諸史考異云:「案宋書恩倖傳李道兒新塗縣侯,梁書簡文帝紀新塗公大成

爲山陽郡公,南史袁顗傳景和元年封新塗縣子,此必有新塗縣,而宋、齊志失書。」今用錢說。

〔三〕愚謂〔今〕下赦書 據殿本及元龜四百七補

宣吾 以爲宜除宋氏大明泰始以來諸苛政細制 「泰始」原譌「太始」,今據毛本、殿本、局本改正。

[1]

| 廣開賓館以接荒民 「荒民」南監本作「鄰國」,南史同。

至出 粲秉復爲異識所推 「秉」字下原本闕「復爲異」三字,「推」譌「祖」,今據各本補改。

[三八] (今)[令]泗上歸業 據南監本、殿本改。

三艺 爲巴西梓潼二郡太守 「潼」原譌「橦」,今據南監本、局本改正。

蘇侃字休烈 錢大昕廿二史考異云:「祥瑞志『侃』作『偘』,侃即侃之俗體。 侃字休烈,而弟名

烈,亦可疑也。」

是時張永沈攸之(反)[敗]後 據南監本、殿本、局本及元龜二百改。

[]三] 塞草衰 「塞」原譌「寒」、今據南監本、殿本、局本改正。

垣榮祖字華先 「垣」原譌「桓」,今據南監本、殿本、局本改正。

[三五] [為]後軍參軍 據南監本、殿本、局本補。

[15] 以其祖舊封封之 「以其」二字原本漫漶,**个據各本**補。

呈 作大形棺材盛仗 「仗」原譌「伏」,今據南監本、殿本、局本改正。

[三八] (子)[從父]閎 據南監本、殿本、局本改。

[元] 領兵北討薛道(樹)[標] 據[毛本、殿本、局本改。

封樂鄉縣男 張森楷校勘記云:「宋書殷琰傳作『樂鄉縣侯』。據上已封西都縣子,進爵應爲縣

侯,當依宋書爲是。」

累遷金紫光祿大夫 王懋 故讀書記疑云:「齊書、南史敍垣閎事,自金紫光祿大夫外,所歷官無

一同者。」

誤。」今刪「子」字。

諡定(子) 張森楷校勘記云:「南史作『諡定,子僖伯襲爵』,『子』字屬下句,南史是,此文有脫

列傳第九 校勘記

南齊書卷二十九

列傳第十

呂安國 全景文 周山圖 周盤龍 王廣之

守。 同州失守,以安國爲督司州諸軍事、寧朔將軍、司州刺史。六年,義陽立州治,仍領義陽太 封鍾武縣,加邑爲四百戶。累至寧朔將軍、義陽太守。四年,又改封湘南縣男。虜陷汝南, 安國與輔國將軍垣閎屯據城南,於是衆軍繼至。安國勳第一,封彭澤縣男,未拜,明年,改 國抄斷賊糧道,燒其運車,多所傷殺。琰衆奔退,勔遣安國追之,先至壽春。琰閉門自守, 二年,勔征殷琰於壽春,安國以建威將軍爲勔軍副。衆軍擊破琰長史杜叔寶軍於橫塘,安 稍遷右軍將軍,假輔師將軍。元徽二年,爲晉熙王征虜司馬,輔師將軍如故。 呂安國,廣陵廣陵人也。宋大明末,安國以將領見任,隱重有幹局,爲劉勔所稱。 三年,出爲持節、都督靑兖冀三州緣淮前鋒諸軍事、輔師將軍、兖州刺史。 明年,進 轉游擊 泰始

列

傳第

+

呂安國

號冠軍將軍,還爲游擊將軍,加散騎常侍、征虜將軍。

防州。 赴, 年, [三] 進爵, [四] 增邑六百戶。轉右衞將軍,加給事中。 候伯行湘州事,又殺佩玉。 王翽未之鎭,蘊寧朔長史庾佩玉權行州事,朝廷先遣南中郎將中兵參軍臨湘令韓幼宗領軍 會衆軍已至,不得入。 沈攸之事起,太祖以安國爲湘州刺史,征虜將軍如故。 沈攸之〔之〕難,〔〕二人各相疑阻,佩玉輒殺幼宗。平西將軍黃回至郢州,遣軍主任 太祖令安國至鎮,收候伯誅之。尋進號前將軍。(太)[建]元元 候伯與回同[衛將]軍袁粲謀石頭事,[三]回令候伯水軍乘舸往 先是王蘊罷州,南中郎將南陽

常侍、平西將軍、同州刺史,領義陽太守。 北將軍、南兖州刺史,仍爲都督、湘州刺史。四年,湘川蠻動,安國督州兵討之。 事,屯義陽西關。屬未至,安國移屯沔口以俟應接。改封湘鄉。世祖即位,授使持節、散騎 判,定其隸屬。參詳兩州,事無專任,安國可蹔往經理。」以本官使持節、總荆郢諸軍北討 二年,虜寇邊,上遺安國出司州,安集民戶。詔曰:「郢、司之閒,流雜繁廣,宜竝加區 永明二年,徙都督南究院徐青冀五州 諸軍事、平

勿致難也。」明年,遷都官尚書,領太子左率。 衣猶恨不稱,當爲朱衣官也。」上遣中書舍人站法亮敕安國曰:「吾恒憂卿疾病,應有所須, 有疾,徵爲光祿大夫,加散騎常侍。安國欣有文授,謂其子曰:「汝後勿作袴褶驅使,單 六年,遷領軍將軍。 安國累居將率,在朝以宿

疾狀,自不宜勞,且脚中旣恒惡,扶人至吾前,於禮望殊成有虧,吾難敕之。其人甚諱病,卿 舊見遇。 北 可作私意向,其若好差不復須扶人,依例入,幸勿牽勉。」八年,卒,年六十四。贈使持節、鎭 將軍、南兖州刺史,常侍如故。給鼓吹一部。諡肅侯。 專遷散騎常侍、金紫光祿大夫、兖州中正,給扶。 上又敕茹法亮曰:「吾見呂安國

外郎,積射將軍。 此殆妄言也。」景文仍得將領爲軍主。孝建初,爲寬陵王驃騎行參軍,以功封漢水侯。除員 息,有人相之:「君等皆方伯人,行當富貴也。」景文謂攸之曰:「富貴或可一人耳,今言皆然, 時舊將帥又有吳郡全景文,字弘達。少有氣力,與沈攸之同載出都,到齊牛埭,於岸上

驍騎 皆有 寧縣侯,邑六百戶。 水校尉,假輔國將軍。 二郡太守、軍主,尋加散騎常侍。 將軍。 功。 泰始二年,爲假節、寧朔將軍、亢從僕射、軍主。 南賊相持未決,敕景文隸劉亮拒劉胡,攻圍力戰,身被數十創,除前軍將軍,封孝 元徽末,出爲南豫州刺史、歷陽太守,輔國將軍如故。 除寧朔將軍,游擊將軍,假輔師將軍,高平太守,鎭軍、安西二府司馬, 北討薛索兒於破釜,領水軍斷賊糧運。仍隨太祖於葛冢石梁,再戰 隨前將軍劉亮討破東賊於晉陵,除長 遷征虜將軍、南琅邪濟陰

軍、臨川王征西司馬、南郡太守。 建元元年,以不預佐命,國除,授南琅邪太守,常侍、將軍如故。 還,累遷爲給事中,光祿大夫。 永明九年,卒。 遷光祿大夫,征虜將

悅,使領百舸爲前驅。(舉)〔與〕軍主佼長生等攻破賊湖白、赭圻二城。〔K〕除員外郎,加振武 書含人戴明寶所抑。 建武府參軍。 宋孝武伐太初,山圖豫勳,賜爵關中侯。 周山圖字季寂,義興義鄉人也。 豫平濃湖,追賊至西陽還,明帝賞之,賜苑西宅一區。 **竟陵王誕據廣陵反,僧榮遣山圖領二百人詣沈慶之受節度,事平論勳,爲中** 泰始初,爲殿中將軍。四方反叛,僕射王彧舉山圖將領,呼與語,甚 少貧微,傭書自業。 兖州刺史沈僧榮鎭瑕丘,與山圖有舊,以爲己 有氣幹,至為吳郡晉陵防郡隊

閣將軍 呼爲「武原將」。及永軍大敗,山圖收散卒得千餘人,守下邳城。還除給事中、冗從僕射、直 所傷殺。虜圍轉急,山圖據城自固,然後更結陣死戰,突圍出,虜披靡不能禁。衆稱其勇, 鎮軍將軍張永征薛安都於彭城,山圖領二千人迎運至武原,[t] 為虜騎所追,合戰,多

山圖好酒多失,明帝數加怒謂,後遂自改。 出爲錢唐新城戍。 是時豫州淮西地新沒

虜,更於歷陽立鎭,五年,以山圖爲龍驤將軍、歷陽令,領兵守城**。**

暨挐所殺,別帥杜連、梅洛生各擁衆自守。 [5] 至明年,山圖分兵掩討,皆平之。 掠而反。 不能討。 臨海亡命田流,自號「東海王」,逃竄會稽鄞縣邊海山谷中,立屯營,分布要害,官軍 是冬,殺鄞令耿猷,東境大震。六年,敕山圖將兵東屯浹口,廣設購募。 明帝遣直後聞人襲說降之,授流龍驤將軍,流受命,將黨與出,行達海鹽,放兵大 流爲其副

餘人東首降。[弘]除寧朔將軍、漣口戍主。 嗣厚遺鳳,要出會聚,聽以兵自衞,鳳信之。 軍 主毛寄生與鳳戰於豫章江,大敗。 豫章賊張鳳,聚衆康樂山,斷江劫抄。 明帝復遣山圖討之。 山圖遏漣水築西城,斷虜騎路,幷以漑 臺軍主李雙、蔡保數遺軍攻之,連年不禽。 行至望蔡,山圖設伏兵於水側,擊斬鳳首,衆百 山圖至,先羸兵偃衆,遣幢主龐 田 至是

准 南 太守。 太祖 元徽三年,遷步兵校尉,加建武 輔政,山圖密啓曰:「沈攸之久有異圖,公宜深爲之備。」太祖笑而 **盗發桓溫** 塚,大獲寶物。 以將軍。 客竊取以遺山圖,山圖不受,簿以還官。 轉督高平下邳淮陽淮西四郡諸軍 納之。 ·事、寧朔將軍、 遷左中郎將。 武陵王贊

據中流,爲四方勢援,大衆致力,川岳可爲。 爲 爲 野州 西討都督,啓山圖 太祖令山圖 爲軍副。 領兵衞送。 世祖留據盆城、衆議以盆城城小難固、不如還都。山圖曰:「今 世祖 與晉熙王燮自郢下,以山圖 城隍小事,不足難也。」世祖使城局參軍劉皆、 爲後防。 攸之事起,世祖

列

傳

第

+

陳淵 委山圖 以處分事。 山圖斷取行旅船板,以造樓櫓,立水栅,旬日皆辦。世祖甚嘉之。授

前軍將軍, 加寧朔將軍,進號輔國將軍

度。 性度險刻,無以結固士心。 圖曰:「周公前言,可謂明於見事矣。」還都,太祖遣山圖領部曲,鎭京城,鎭戍諸軍,悉 回 乘輕舸從白服百餘人在軍前下緣流叫,盆城中恐,須臾知是回凱歸,乃安。 遷游擊將軍,輔國如故。 攸之攻郢城,世祖令山圖量其形勢。 如頓兵堅城之下,適所以爲離散之漸耳。」攸之旣敗, 建元元年,封廣晉縣男,邑三百戶。 山圖曰:「攸之見與隣鄉,亟同征伐,悉其爲人。 世祖 平西將軍 受節 謂 Ш

非丈夫也。 若後冷然無 黄 紹之所破。[10] 虜於淮陽。[11] 是時淮北四州起義,上使山圖 東海郡治漣口,又於石鱉立陽平郡,皆見納。 應變算略,悉以相委。 進號輔國將軍。 曰:「卿當盡相帥馭理,每存全重,天下事,唯同心力,山 出爲假節、督究靑冀三州徐州東海朐山軍事、寧朔將軍、兖州刺史。 努力自運,勿令他人得上功。」會義衆已爲虜所沒,山圖拔三百家還淮陰。 横 來處,閉目痛打,無不摧碎。 其秋,廣動,上策廣必不出淮陰,乃敕山圖 恐列醜未必能送死,卿丈夫無可藉手耳。」虜果寇朐山,爲玄元度、盧 吾政應鑄 金,待卿成勳耳。 岳可摧。 日:「知卿綏 自淮入淸,倍道應赴。 然用兵當使背後無憂慮; 邊撫戎, 若不藉此平 百姓附之。 甚有次第, 敕 ·四州, 二年, 表移 圖

疾,上手敕參問,遺醫給藥。永明元年,卒,年六十四。詔賜朝服一具,衣一襲。 曰:「足狗肉便了事,何用階級爲。」轉黃門郎,領羽林四廂直衞。 信。 世祖踐阼,遷竟陵王鎭北司馬,帶南平昌太守,將軍如故。以盆城之舊,出入殿省,甚 上謂之曰:「卿罷萬人都督,而輕行郊外。自今往墅,可以仗身自隨,以備不虞。」及 義鄉縣長風廟神姓鄧,先經爲縣令,死遂發靈。 山圖啓乞加神位輔國將軍。 山圖於新林立墅舍,晨夜

將軍 刺史,未之官,預平石頭。二年,沈攸之平,同州刺史姚道和懷貳被徵,以盤龍督同州軍事、 司 [騎]校尉黃回 州 隨軍討赭圻賊,躬自鬭戰,陷陣先登。累至龍驤將軍,積射將軍,封晉安縣子,邑四百 刺史、假節、自己將軍如故。 稍 元徽二年,桂陽賊起,盤龍時爲冗從僕射、騎官主、領馬軍主,隨太祖頓新亭,與屯(麋) 周盤龍,北蘭陵蘭陵人也。 至驍騎將軍。 出城南、江司與賊對陣,專引還城中,合力拒戰。 昇明元年,出爲假節、督交廣二州軍事、征虜將軍、平越中郞將、廣州 宋世土斷,屬東平郡。日日盤龍膽氣過人,尤便弓馬。泰始 改封沌陽縣。 太祖即位,進號右將軍。日西 事寧,除南東莞太守,加前軍

建元二年,虜寇壽春,以盤龍爲軍主、假節,助豫州刺史垣崇祖決水漂漬。[18]盤龍率輔 列 傳 第 + 周 盤 龍

杜氏,上送金釵鑷二十枚,手敕曰「餉周公阿杜」。轉太子左率。 改授持節,軍主如故。 實將率用命之功,文武爭伐之力。[12]凡厥勳勤,宜時銓序,可符列(言)[上]。」[15]盤龍愛妾 敢寇壽春,崇祖、盤龍正勒義勇,乘機電奮,水陸斬擊,塡川蔽野。師不淹晨,西蕃剋定。斯 國將軍張倪馬步軍於西澤中奮擊,殺傷數萬人,獲牛馬輜重。上聞之喜,詔曰:「醜虜送死,

賊,卿可率馬步下淮陰就李領軍。[三]鍾離船少,政可致衣仗數日糧,軍人扶淮步下也。」買 能使虜不敢南向。我若不沒虜,則應破虜。兒不作孝子,便當作世子也。」至虜圍買數重, 作(甬) [角] 城戍,我兒當得一子。」或問其故? 買曰:「(甬) [角] 城與虜同岸,危險具多,我豈 與虜拒戰,手所傷殺無數。晨朝早起,手中忽見有數升血,其日遂戰死。 上遣領軍將軍李安民爲都督救之。敕盤龍曰:「(甬)[角]城連口,賊始復進,三三西道便是無 明年,廣寇淮陽,圍(南)〔角〕城。〔1九先是上遣軍主成買戍(甬)〔角〕城,〔10〕謂人曰:「我今

時奉叔已大殺虜,得出在外,盤龍不知,乃衝東擊西,奔南突北,賊衆莫敢當。奉叔見其父 甚羸訥,而臨軍勇果,諸將莫逮。 久不出,復躍馬入陣。父子兩匹騎,縈攪數萬人,虜衆大敗。盤龍父子由是名播北國。形 盤龍方食,棄筯,馳馬奮矟,直奔「虜陣,自稱「周公來」」「三」」」」」「馬素畏盤龍驍名,即時披靡。 盤龍子奉叔單馬率二百餘人陷陣,虜萬餘騎張左右翼圍繞之,一騎走還,報奉叔已沒,

後以疾爲光祿大夫。尋出爲持節、都督究州緣淮諸軍事、平北將軍、兖州刺史。 馬,自己加征虜將軍、濟陽太守。 永明元年,遷征虜將軍、南琅邪太守。 世祖數講武,(帝)[常]令盤龍領[馬]軍,校(尉)騎 三年,遷右衞將軍,加給事中。 五年,轉大司 膀稍。[三] 進爵「爲」

位。 勞下,**只**可直向城東門,防門不禁,仍登岸拔白爭門。 戍主皇甫仲賢率軍主孟靈寶等三十餘 主王僧(虔)[慶]等領五百人赴救,[長]虜衆乃退。坐爲有司所奏,詔白衣領職。八座尋奏復 人於門拒戰,斬三人,賊衆被創赴水,而虜軍馬步至城外已三千餘人,阻塹不得進。淮陰軍 加領東平太守。 甬)[角]城戍將張蒲,[l]與虜潛相構結,因大霧乘船入清中採樵,載虜二十餘人,藏仗

卿著貂蟬,何如兜鍪。」」盤龍曰:「此貂蟬從兜鍪中出耳。」十一年,病卒,年七十九。贈安北 盤龍表年老才弱,不可鎭邊,求解職,見許,還爲散騎常侍、光祿大夫。世祖戲之曰:

將軍、兖州刺史。

嚴,檢勒部下,不敢侵斥。 子奉叔,勇力絕人,隨盤龍征討,所在爲暴掠。世祖使領軍東討唐萬之,奉叔畏上威 爲東宮直閤。 鬱林在西州,奉叔密得自進。及卽位,與直閤將軍

傳第十

周盤龍

王廣

之

道剛中軍司馬、青冀二州中正,本官如故。 出爲持節、都督靑冀二州軍事、冠軍將軍、靑州刺史。時帝謀誅宰輔,故出奉叔爲外援,除 入後宮。 曹道剛爲 少日,仍遷道剛爲黃門郎,高宗固諫不納。 心膂。 尋加領淮陵太守、兖州中正。

道剛加南濮陽太守。

隆昌元年,除黄門郎,未拜,仍 道剛驍騎將軍,加冠軍將軍; 奉叔游擊將軍,加輔國將軍: 奉叔善騎馬,帝從其學騎射,尤見親寵,得 並監殿內直

之,洞胷死,(同)[因]進宮內廢帝。[10] 蕭諶謀,稱敕召奉叔於省內殺之,勇士數人拳擊久之乃死。啓帝云:「奉叔慢朝廷。」帝不獲 已,可其奏。高宗廢帝之日,道剛直閤省,瀟諶先入戶,若欲論事,兵人隨後奄進,以刀刺 中攘刀厲目,高宗說喩之,乃受。奉叔辭畢將之鎭,部伍已出。高宗慮其一出不可復制,與 奉叔就帝求千戶侯,許之。高宗輔政,以爲不可,封曲江縣男,三百戶,奉叔大怒,於衆

逆,送首京師。廣州刺史顏飜討殺之。 奉叔弟世雄,永元中,爲西江督護。 陳顯達事後,世雄殺廣州刺史蕭季敞,稱季敞同

王廣之字林之,沛郡相人也。少好弓馬,便捷有勇力。 初爲馬隊主。宋大明中,以功

補本縣令,殿中,龍驤,強弩將軍,驃騎中兵,南譙太守。

騎 主會議。廣之日:「請得將軍所乘馬往平之。」動以馬與廣之,廣之去三日,攻剋合肥賊。 餘人,遂退,燒其運車。 黄回、千道連等要擊於橫塘。寶結營拒戰,廣之等肉薄攻營,自晡至日沒,大敗之,殺傷千 軍相守移日。[11] 琰遣長史杜叔寶領五千人運車五百乘援從。 軍還,封安蠻縣子,三百戶。尋改蒲圻。除建威將軍、南陽太守,不之官。除越騎校尉,龍 將軍、鍾離 三千餘人,緣海救之,俱引退。廣之又進軍襲文秀所置長廣太守劉桃根,桃根棄城走。 泰始初,除寧朔將軍、軍主,隸寧朔將軍劉懷珍征殷琰於壽春。 仍隨懷珍討淮北。時明帝遣靑州刺史明僧暠北征至三城,爲沈文秀所攻。 太守。遷爲左軍將軍,加寧朔將軍、高平太守。又除游擊將軍,寧朔如故。 從聞之,藥壘奔走。時合肥城反,官軍前後受敵,都督劉勔召諸軍 懷珍遺廣之及軍主辛慶祖 **琰將劉從樂壘拒守,臺** 廣之將步 加

啓請御大小二 回弟駟及從弟馬、兄子奴亡逸。 沈攸之事起,廣之留京師,豫平石頭,仍從太祖頓新亭,進號征虜將軍。太祖誅黃回。 奥 爲刺史服飾。 吾乃不惜爲其啓聞,政恐得輿,復求畫輪車。 太祖與廣之書曰:「黃回雖有微勳,而罪過轉不可容。 近遂 此外罪不可勝

給

事中

- , 冠軍

一將軍。

討宋建平,先登京口,改封寧都縣子,五百戶。太祖廢蒼梧,出廣之爲

假節、督徐州

軍事、徐州刺史、鍾離太守,冠軍如故。

驤

列 傳 第

Ť

王

廣

之

戶。轉散騎常侍、左軍將軍。

數,弟自悉之。今啓依法。」令廣之於江西搜捕駟等。 建元元年、〔進〕爵〔爲〕侯,食邑(爲)千

剋獲,坐免官。 故。 城,上許之。 遷右衞將軍,轉散騎常侍,前將軍。〔圖〕 東海太守,司徒司馬,尋陽相,至三南新蔡太守,安陸王北中郎左軍司馬、廣陵太守,將軍如 出為持節、都督徐州諸軍事、徐州刺史,將軍如故。還爲光祿大夫、左將軍、司徒司馬。 北虜動,明年,詔假廣之節,出淮上。 以廣之爲使持節、都督淮北軍事、平北將軍、徐州刺史。廣之引軍過淮,無所 尋除征虜將軍,加散騎常侍、太子右率。

世祖即位,遷長沙王鎭軍司馬,南 廣之家在彭、沛,啓上求招誘鄉里部曲,北取彭

世祖見廣之子珍國應堪大用,謂廣之曰:「卿可謂老蜯也。」廣之曰:「臣不敢辭。」上大

笑。除游擊將軍,不拜。

陽,給鼓吹一部。 事平,仍改授使持節、散騎常侍、都督江州諸軍事、鎮南將軍、江州刺史。 密與虜通,有異志。延興元年,以廣之爲持節、督豫州郢州之西陽司州之汝南二郡軍事、平 西將軍、豫州刺史。預廢鬱林勳,增封三百戶。高宗誅害諸王,遣廣之征安陸王子敬於江 進封應城縣公,食邑二千戶。建武二年,虜圍司州,遣廣之持節督司州征討,解圍。廣之未 十一年,虜動,假廣之節,招募。隆昌元年,遷給事中、左衞將軍。時豫州刺史崔慧景

侍、車騎將軍,諡曰莊公。[臺] 至百餘里,虜退,乃還。明年,遷侍中、鎭軍將軍,給扶。 四年,卒。年七十三。追贈散騎常

勤克舉,並識時變,咸知附託。盤龍驍勇,獨冠三軍,匈奴之憚飛將,曾不若也。壯矣哉 史臣曰:公侯扞城,守國之所資也。必須久習兵事,非一戰之力。安國等致効累朝,聲

贊曰:安國舊將,協同遷社,同裨九江,翊從中夏。盤龍殺敵,洞開胡馬。 廣之末年,旌

旄驟把。

校勘記

[二] 沈攸之[之]難 張森楷校勘記云:「『難』字上奪『之』字。」按元龜四百四十九叠「之」字,今據補。

候伯與回同〔衞將〕軍袁粲謀石頭事 據元龜四百四十七補。按時袁粲爲尚書令、衞將軍。

[月](太)[建]元元年 據南史及元龜三百七十九改。

五 進爵 有氣幹 南史下有「爲侯」二字。按安國前封鍾武縣男,進爵則爲侯矣,無「爲侯」二字,義亦自明。 「氣」毛本、局本作「器」。

列傳第十 校勘記

- [< \] (舉)[與]軍主佼長生等攻破賊湖白赭圻二城 據元龜三百五十一改。
- 山圖領二千人迎運至武原 「運」御覽四百三十五引作「軍」,元龜三百九十二、三百九十五亦作
- 別帥杜連梅洛生各擁衆自守 「軍」。疑作「軍」是。 「杜連」毛本、局本作「杜運」。
- [元]衆百餘人東首降 「東首」南監本、局本作「東手」。
- C10D 爲玄元度盧紹之所破 按通鑑齊高帝建元二年「朐山戍主玄元度嬰城固守」,胡注引孫愐曰「玄,姓也」。 「玄元度」原譌「元玄度」,各本同譌,今據魏虜傳及魏書蕭道成傳乙正。
- [11] 虜於淮陽 按下有脫文。
- 北蘭陵蘭陵人也宋世土斷屬東平郡 脫漏矣。宋泰始以後,淮北陷沒,僑立淮南,土斷改屬東平,故齊志無北蘭陵之名也。」 也,稱北蘭陵者,徐州之蘭陵也。宋志徐州蘭陵郡領昌盧、承、合鄉三縣,不見蘭陵縣,疑志有 錢大昕廿二史考異云:「按史稱南蘭陵者,南徐州之蘭陵
- [1]] 與屯(驤)[騎]校尉黃回出城南 當從之。」今據改。 殿本考證云:「百官志無屯驤校尉,南史黄回傳作『屯騎校尉』,
- 一門 假節 「假」字原闕,據各本補。
- 〇三 進號右將軍 「右」字原闕,據各本補。

- 助豫州刺史垣崇祖决水漂漬「漬」局本及元龜三百五十一並作「潰」。
- [1古] 文武爭伐之力 「伐」原譌「乏」,各本不譌,今改正。
- 〔1<〕可符列(言)[上] 據南監本、殿本、局本改。
- [1元] 圍(南)[角]城 據南史及沅龜三百九十五、四百二十五、八百四十七、九百五十一改。
- [110] 上遭軍主成買戍(甬)[角]城 「甬城」南史及沅龜並作「角城」,通鑑胡注亦云「甬城」當作「角
- 城」,今據改。下同。
- [三] (甬)[角]城漣口賊始復進 「賊始復」三字原闕,據各本補。
- 卿可率馬步下淮陰就李領軍 「淮陰」韓史作「淮陽」。「就李領」三字原闕,據元龜四百二十五 補。 按李安民爲領軍將軍,故稱李領軍,各本作「就安民軍」,恐非子顯原文,今從元龜。
- 馳馬奮矟直奔[虜陣自稱周公來] 據御覽四百三十五引補。
- 轉大司馬 代之,蓋爲處府之僚佐,史脫其文耳。」 南史云「爲大司馬」。 錢大昕廿二史考異云:「此時豫章王嶷爲大司馬,盤龍何以得
- [三三] (帝)[常]令盤龍領[馬]軍校(尉)騎騁矟 據南監本、殿本、局本改。
- [h] 進爵[為]侯 據局本、南史補。
- [字](角)(角)城戍將張蒲 據远龜四百五十改。

列傳

第十

校

勘

記

藏仗勞下 「仗」南監本、殿本作「伏」。殿本考證云:「『伏』汲古閣本作『仗』。

器,但可藏仗,未可藏人,似當以仗爲是。」

淮陰軍主王僧(虔)[慶]等領五百人赴救 據局本及远龜四百五十改。

[110] (同)[因]進宮內廢帝 據南監本、殿本、局本改。

[1]] 臺軍相守移日 「守」南監本、毛本、殿本、局本作「拒」。

[lil] [進] 爵[爲]侯食邑(爲)千戶 據南監本、殿本、局本改。

尋陽相 「相」原譌「柏」,各本並譌,今改正。按王敬則封尋陽郡公,故改太守爲相。 曹虎傳「領

(三) 轉散騎常侍前將軍 「前將軍」南史作「前軍將軍」。

CII. 三 諡曰莊公 「莊公」南監本、殿本、局本作「壯公」。

南齊書卷三十

列傳第十一

薛淵 戴僧靜 桓康尹略 焦度 曹虎

降虜,親族皆入北。 袁粲據石頭,豫章王嶷夜登西門遙呼淵,淵驚起,率軍赴難,先至石頭焚門攻戰。事平,明 帳內,從征伐。元徽末,以勳官至輔國將軍,右軍將軍,驍騎將軍、軍主,封寬陵侯 朔將軍,驍騎將軍如故。 門開,淵方得入見太祖,且喜且泣。太祖卽位,增邑爲二千五百戶。 旦衆軍還集杜姥宅,街路皆滿,宮門不開,太祖登南掖門樓處分衆軍各還本頓,至食後,城 薛淵,河東汾陰人也。宋徐州刺史安都從子。本名道淵,避太祖偏諱改。 沈攸之難起,太祖入朝堂,豫章王嶷代守東府,使淵領軍屯司徒左府,[1]分備京邑。 太祖鎮淮陰,淵遁來南,委身自結。果幹有氣力。 專爲直閤將軍,冠軍將軍。仍轉太子左率。 除淮陵太守,三加寧 太祖使領部曲,備衞 安都以彭城

第十一 薛淵

列傳

來,其見婦並在都,與諸弟無復同生者,凡此類,無爲不多方悞之,縱不全信,足使豺狼疑 惑。」令爲淵書與道摽示購之之意,虜得書,果追道摽,遣他將代之。 **虜遣偽將薛道摽寇壽春,太祖以道摽淵之親近,敕齊郡太守劉懷慰曰:「聞道摽分明**

後虜使至,上爲淵致與母書。 至,依附前例,不容申許。便可斷表,速還章服。」淵以贖母旣不得,又表陳解職,詔不許。 隔殊方,聲問難審。淵憂迫之深,固辭朝列。昔東關舊典,猶通婚宦,況母出有差,音息時 改授散騎常侍、征虜將軍。淵母南歸事竟無實。永明元年,淵上表解職送貂蟬。詔曰:「遠 州刺史崔慧景報淵云:「索在界首,遺信拘引,已得拔難。」淵表求解職至界上迎之,見許。 世祖卽位,遷左衞將軍。初,淵南奔,母索氏不得自拔,改嫁長安楊氏,淵私遣購贖,梁

乘車,去車脚,使人舉之而去,爲有司所糾,見原。 故,轉大司馬,濟陽太守,四將軍如故。七年,爲給事中、右衞將軍,以疾解職。歸家,不能 年,出爲持節、督徐州諸軍事、徐州刺史,將軍如故。明(帝)[年],遷右軍司馬,[三]將軍如 車駕幸安樂寺,淵從駕乘虜橋,先是勑羌虜橋不得入仗,爲有司所奏,免官,見原。四

十餘種賂淵自逃,淵匿之軍中,爲有司所奏,詔原。十年,爲散騎常侍,將軍如故。世祖崩, 八年,爲右將軍、大司馬,至領軍討巴東王子響。子響軍主劉超之被捕急,以眠褥雜物

位,方有韶賻錢五萬,布五百匹,剋日舉哀。 朝廷慮虜南寇,假淵節,軍主、本官如故。 持節、督司州軍事、司州刺史,右將 軍如故。 尋加驍騎將軍,假節、本官如故。 延興元年,進號平北將軍,未拜,卒。 隆昌元年,出爲 明帝卽

戴僧靜,會稽永興人也。 祖飾、宋景平中,與富陽孫法先謀亂伏法,任家口徙青州

在左 其家貧,年給穀千斛。 魚腹中。 右。 僧靜少有膽力,便弓馬。 僧靜於都載錦出,爲歐陽戍所得,繁兖州獄,守太祖遣薛淵餉僧靜酒食,以刀子 僧靜 與獄吏飲酒,旣醉,以刀刻械,手自折鏁,發屋而出。 **房圍角城,遣僧靜戰盪,數捷,補帳內軍主。** 事刺史沈文秀,俱沒虜。 後將家屬叛還淮陰,太祖 隨還京師,勳階至積射 歸,太祖 匿之齋內,以 撫畜之,常

將軍、羽林監

餘人。 之,火乃滅,回 時蘇烈據倉城,僧靜射書與烈,夜縋 沈攸之事 軍主王天生殊死拒戰, ,起,太祖入朝堂,僧靜爲軍主從,袁粲據石頭。 登東門。其黨輔 故得相持。 國將軍 入城。粲登城西南門,(烈)〔列〕燭火處分,〔<〕臺軍 孫曇瓘 自亥至丑,有流星赤色照地墜城中, 驍勇善戰,每盪一合,輒大殺傷,官軍死者百 太祖遣僧靜將腹心先至石頭 僧靜率力攻 至,射

五五五五

歸。」粲最後日:「當至三公而不終也。」僧靜以功除前軍將軍,寧朔將軍。 行,逢大桁開,駐車共語。 惠開取鏡自照日:「(元)[無]年可仕。」 〔五] 朗執鏡良久日:「視死如 爲歛祭焉。 倉門,身先士卒,衆潰,僧靜手斬粲,於是外軍燒門入。初,粲大明中與蕭惠開、

周朗同車 將士戰亡者,太祖

將軍,加員外常侍,轉太子左衞率。 位,增邑千二百戶。除南濟陰太守,本官如故。 **昇明二年,除游擊將軍。沈攸之平,論封諸將,以僧靜爲興平縣侯,邑千戶。** 除輔國將軍,改封建昌。建元二年,遷驍騎 太祖即

守。 城外,僧靜又擊破之,天生閉門不復出,僧靜力疲乃退。除征虜將軍、南中郎司馬、淮南太 引虜步騎十萬奄至, 僧靜合戰大破之, 殺獲萬計。 天生退還比陽, 僧靜進圍之。 天生軍出 於比陽。 得荒情。 世祖踐阼,出爲持節、督徐州諸軍事、冠軍將軍、北徐州刺史。 僧靜與平西司馬韓孟度、華山太守康元隆前進,未至比陽四十里,頓深橋。 遷給事中、太子右率。尋加通直常侍。 永明五年,隸護軍陳顯達,討荒賊桓天生 買牛給貧民令耕種,甚

史捉之太急,忿不思難故耳。天子兒過誤殺人,有何大罪。官忽遺軍西上,5103人情惶懼, 八年,巴東王子響殺僚佐,世祖召僧靜使領軍向江陵,僧靜面啓上曰:「巴東王年少,長

無所不至,僧靜不敢奉敕。」上不荅而心善之。

徙爲廬陵王中軍司馬、高平太守,將軍如故。 九年,卒。 韶曰:「僧靜志懷貞果,誠著艱

難。 僧靜同郡餘姚人陳胤叔,本名承叔,避宣帝諱改。彊辯果捷,便刀楯。初爲左夾轂隊 剋殄西墉,勳彰運始。 奄致殞喪,惻愴傷懷。 賻錢五萬,布百匹。諡壯侯。」

左率。啓世祖以鍜箭鏃用鐵多,不如鑄作。東治令張候伯以鑄鏃鈍,不合用,事不行。永 泰始初,隨太祖東討,遂歸身隨從征伐,小心愼事,以功見賞。封當陽縣子。官至太子

明三年,卒。

武騎常侍,出補襄賁令。 郡追兵急,康等死戰破之。隨世祖起義,摧堅陷陣,膂力絕人,所經村邑,恣行暴害。 負置山中。 人畏之,以其名怖小兒,畫其形以辟瘧,無不立愈。 世祖起義,爲郡所繫,衆皆散。康裝檐,一頭貯穆后,一頭貯文惠太子及竟陵王子良,自 桓康,北蘭陵承人也。勇果驍悍。宋大明中,隨太祖爲軍容。從世祖在贛縣。 與門客蕭欣祖、楊瑑之、皐分喜、潛三奴、向思奴四十餘人相結,破郡獄出 桂陽事起,康棄縣還都就太祖,會事平,除員外郞。 見擢爲世祖冠軍府參軍,除殿中將軍, 世祖。

列

帝曰:「我今夕欲一處作適,待明日夜。」康與太祖所養健兒盧荒、向黑於門閒聽得其語。 夕,王敬則將帝首至,扣門,康謂是變,與荒、黑曉下,拔白欲出。[11]仍隨入宮。[15]太祖鎮 元徽 五年七月六日夜,少帝微行至領軍府,帝左右人曰:「一府人皆眠,何不緣牆入。」 明

東府,除康武陵王中兵、寧朔將軍,帶蘭陵太守,常衞左右。

付回 反覆。 數十人數回罪,然後殺之。回初與屯騎校尉王宜與同石頭之謀,日四太祖隱其事,猶以重兵 妾見赤光冠其頭至足,苦捉留,回不肯止。 時人爲之語曰:「欲侜張,問桓康。」 乃先撤其軍將,宜與不與,回發怒不從處分,擅斬之。諸將因此白太祖,以回握彊兵,必遂 加 太祖誅黃回,回時將爲南兖州,部曲數千,遣收,恐爲亂。曰司召入東府,停外齋,使康將 康請獨往刺之,太祖曰:「卿等何疑(其使)[甚,彼]無能爲也。」「三及回被召上車,愛 配以腹心。 宜與拳捷,善舞刀楯,回嘗使十餘人以水交灑,不能著。旣慮宜與反己,

未 轉輔 青冀二州東徐之東莞琅邪二郡朐山戍北徐之東海連口戍諸軍事、青冀二州 刺 史,冠軍 如 廣戰,大破之,進兵攻陷<u>屬</u>樊諧城。 我意 國將軍,左軍將軍,游擊將軍,太守如故。 除 後軍 ,政欲與卿先共滅虜耳。」虜動,遺康行,假節。 ·將軍,直閤將軍,南濮陽太守,寧朔如故。建元元年,封吳平縣伯, [1K] 五百戶。 太祖喜,敕康迎淮北義民,不剋。 太祖謂康曰:「卿隨我日久,未得方伯,亦當 專進冠軍將軍。

三年春,於淮陽與 明年,以康爲持節、督

故。 世祖 即位,轉驍騎將軍,復前軍郡。 其年,卒。 韶曰:「康昔預南勳, 義兼常懷, 倍深惻

凶事所須,厚加料理。」年五十七。

將軍 尉。 、梁州刺史。 建元初,封平固男,江北三百戶。 淮南人尹略,少伏事太祖,晚習騎射,以便捷見使爲將。 冰明八年,爲游擊將軍,討巴東王子響,見害。 昇明中,爲虎賁中郎、 贈輔 越騎校

國

<u>焦度字文續,[12]南安氏人也。</u> 祖文珪,避難至襄陽,宋元嘉中,僑立天水郡略陽縣,乃

屬焉。

青州 清水公拾賁敕文寇清口,度又領軍救援,刺虜騎將豹皮公墮馬,獲其具裝鎧矟,手殺數十 度以歸國,補北館客。 師伯遣度領軍與虜戰於沙溝杜梁,度身破陣, 孝武初,青州 刺史顏師伯 大捷。 出鎮,臺差度領幢主送之。[12]索虜寇 師伯板爲己輔國府參軍 虜遣

師伯啓孝武稱度氣力弓馬並絕人,帝召還充左右。 列 傳 第 + 焦 度 見度身形黑壯,謂師伯曰:「眞健物

文以爲己鎭南參軍, 尋領中直兵, 厚待之。 中爲寇賊。 驤 也。」除西陽王撫軍長兼行參軍,補晉安王子勛夾轂隊主,隨鎭江州。子勛起兵, (將軍,領三千人爲前鋒,屯赭圻。每與臺軍戰,常自排突,所向無不勝。 朝廷聞其勇,甚憂患之,使江州刺史王景文誘降度等,〔度〕將部曲出首,〔110〕景 明帝不知也。 隨景文還都,常在府州內。 景文被害夕,度大 事敗,逃宮亭湖 以度爲龍

怒,勸景文拒命,景文不從。

將軍 蒙楯 語。 樓上肆言罵辱攸之,至自發露〔形體穢辱之〕,〔三〕故攸之怒,改計攻城。度親力戰,攸之衆 遣使假度輔國將軍、屯騎校尉。 州 [戚]、[三]說郢城事、宣露 尋除游擊將軍。 度仍留鎮,爲贊前軍〔參軍〕。〔三〕沈攸之事起,轉度中直兵,加寧朔將軍、軍主。 [將登,度令投以穢器,賊衆不能冒,至今呼此樓爲「焦度樓」。 ,封東昌縣子,東宮直閤將軍。爲人朴澀,欲就太祖求州,比及見,意色甚變,竟不得一 太祖以其不閑民事,竟不用。 .以〕度武勇,<a>[三]補晉熙王燮防閣,除征虜鎧曹行參軍,隨鎭夏口。 武陵王贊代燮爲郢 永明元年,卒,年六十一。 如初。 攸之大衆至夏口,將直下都,留偏兵守郢城而已。 好飲酒,醉輒暴怒。 建元四年,乃除淮陵太守,本官如故。 贈輔國將軍、梁秦二州刺 上常使人節之。年雖老,而氣力如故。 事寧,度功居多,轉後軍 度見朝廷貴(賤) 度於城

子世榮,永明中爲巴東王防閤。 子響事,世榮避奔雍州,世祖嘉之,以爲始興中兵參

明日,虎欲出外避難,遇太祖在東中華門,問虎何之。虎因曰:「故欲仰覔明公耳。」仍留直 **墨出戰,先斬一級持還,由是識太祖。** 曹虎字士威,下邳下邳人也,本名虎頭。 太祖爲領軍,虎訴勳,補防殿隊主,直西齋。 宋明帝末,爲直廂。 桂陽賊起,隨太祖出新亭 蒼梧廢

衞。

東莞太守。 封羅江縣男,除前軍將軍。上受禪,增邑爲四百戶。 游擊將軍,本官如故。 太祖鎮東府,以虎與戴僧靜各領白直三百人。 建元元年冬,虎啓乞度封侯官,尚書奏侯官戶數殷廣,乃改封監利縣。 直閤將軍,領細仗主。 累至屯騎校尉,帶南城令。 尋除寧朔將軍、 豫平石頭 二年,除

久不至,与是虎乃攻虜別營破之。將士貪取俘執,反爲虜所敗,死亡二千人。 及彭、沛義民起,遣虎領六千人入渦。沈攸之橫吹一部,京邑之絕,虎啓以自隨。

成王 |征虜司馬,餘官如故。明年,江州蠻動,敕虎領兵戍||尋陽,板輔國將軍,伐||蠻軍主。 世祖即位,除員外常侍,遷南中郎司馬,加寧朔將軍、南新蔡太守。永明元年,徙爲安 又

列

領尋陽相。 尋除游擊將軍,輔國、軍主如故。世祖以虎頭名鄙,敕改之。

響爲荆州,備軍容西上,以虎爲輔國將軍、鎭西司馬、南平內史。十一年,收雍州刺史王奐, 其走路,須臾,候騎還報虜援已至,尋而天生率馬步萬餘人迎戰,虎奮擊大敗之,獲二千餘 竟陵司州之隨郡軍事、冠軍將軍、雍州刺史。建武元年,進號右將軍。二年,進督爲監,任民 刺史,將軍如故。尋進號征虜將軍。鬱林卽位,進號前將軍。隆昌元年,遷督雍州郢州之 敕領步騎數百,步道取襄陽。仍除持節、督梁南北秦沙四州諸軍事、西戎校尉、梁南秦二州 陵太守。上敕虎曰:「廣陵須心腹,非吾意可委者,不可得處此任。」隨郡王子隆代巴東王子 人。明日,遂攻隔城拔之,斬偽虎威將軍襄城太守帛烏祝,復殺二千餘人,賊棄平氏城退走。 百 匹及前行踏伏,值賊遊軍,因合戰破之。遂進至隔城。 賊黨拒守,虎引[兵]圍栅,[宗] 絕 (十一)[七]年,遷冠軍將軍,[三]驍騎如故。明年,遷太子左率,轉西陽王冠軍司馬、廣 六年四月,荒賊桓天生復引虜出據隔城,遣虎督數軍討之。虎令輔國將軍朱公恩領騎

主元宏遺虎書曰:「皇帝謝僞雍州刺史:神運兆中,皇居闡洛。 有未賓之吳,治爲兩主之隔。幽顯含嗟,人靈雍(泰)〔閼〕。〔云〕且漢北江邊,密爾乾縣,故先 四年,虜寇沔北,虎聚軍襄陽,與南陽太守房伯玉不協,不急赴救,末乃移頓樊城。 虜 化總元天, 方融八表。 而南

進號平北將軍,爵爲侯,增邑三百戶。

格,遂 云 侵, 遵 往 開 女 脩 兩 動 養,庶 不 運 困 爾 缺 鳳 五 匪宅 克。 於 略 復 光 胡 何 虔劉 宅 以 遊 代 其 能 是 主 魂 俟 懷 起 嗟 品 我 上每 1 一,顧 夏, 義臨 音。 哉。 神邑。 不 與 , 戢 而 m 矜 彼 瞻 若遂 鄰是ト 肸 率 乾 蠢 式 中 虎 卿進 此 左 沒 原, 亂 土,哀 迷 使 乃 逋 孔 共爲 。」樊、漢無幸,咫尺殊 欲 無陳平歸漢之智,退闕 復, 人答書 毎 熾 逃, 彼民黎,使不 造 用 (COM) 知進忘 卿 棄 唇 弔焉。 齒 同 日「自 孤 逼冗未果,且還 卽 退 總 異。 知 一當 義 連 l 金精 棄皐 戰 率 弗 金 毎 ·,任屬 聞, 屈敵 欲 失道 鉦 蘭 岢 戒 出 風 兵 關羽殉節之忠, ?,皇居: 一,折 暴 新 路 方 隨 車 了。雲旗 都,饗 邵 鞠 先 水 無 膠 露。 瀍澗, 血 旅 徙 組 入 刃。 以 塞, 厥六戎, 北 縣,喬木 甲 乃 十萬, 征 掃 伊 故部 復 乘 ",長 不 JII嬰閉 改 秋 庭,所 之象 多氈 空存 驅 雄 勒 入 犯 燕代, 小 戟 彼 窮 邊, , . , 茂草 冀 裘 千 戍, 城, 春 爱 う妄 親 羣, 干 月 在 倂 閉 憂 戚 屬 茲 方鬱。 自 覊 壁 以 頓 兩 窮 遲 算大。 日。 名 淸 此 長 階 於 遲 野, 戡 沔 叛 斬 揚 古人 七 難 旆 抗 使 狄 命 我 皇 善 小 有 交 威 來 勇 何 士

頗 立 鄧 營 相 地 傷 頓 大敗,虜追 永 設 殺 泰 元 氈屋,復 年 東昏 • 遷 至 卽 給 沔北 位, 再 事 圍 Ó 中 遷前 樊城 ·, 右 元宏 將 衞 率 臨 軍 將 , 沔水 軍 鎭 萬 持節, 軍 衆 , 望襄陽 司 從羽 馬。 隸 都督 儀 岸 永元 華 乃 陳 蓋 去。 元年,始安王遙光反, 顯 達 重 虎遣 樊城 停 襄陽 軍 ō 主 伐虜。 虎 田 閉 安之等十 門 度 固 支尚 子。 虎領軍 餘 書崔 虜 軍 屯 去 出 慧景 青溪中 城 逐之, 數 里 於

卿

忽

諸

頭

曼

不

祀

兵

交

無遠,

相

爲

憫

然。」

列

傳

第

+

曹

虎

校

勘

記

橋。「三」事寧,轉散騎常侍、右衞將軍。

拜,見殺。時年六十餘。和帝中與元年,追贈安北將軍、徐州刺史。 萬,伎女食醬菜,無重肴。每好風景,輒開庫拍張向之。帝疑虎舊將,兼利其財,新除未及 虎形幹甚毅,善於誘納,日食荒客常數百人。晚節好貨賄,吝嗇,在雍州得見錢五千

史臣曰:解厄鴻門,資舞陽之氣;納降饗旅,仗虎侯之力。 觀茲猛毅,藉以風威,未必

投車挾輈,然後勝敵。 故恒康之聲,所以震懾江蠡也。

贊曰:薜辭親愛,歸身淮涘。 戴類千秋,興言帝子。 桓勇焦壯,爪牙之士。 虎守西邊,

校勘記

功虧北鄙。

- [一] 使淵領軍屯司徒左府 「左府」孺史作「右府」。
- [1]除淮陵太守 「淮陵」頭史作「淮陰」。
- [三]明(帝)[年]遷右軍司馬 據殿本改。錢大昕廿二史考異云:「此時明帝尚未卽位,當有舛譌。考

明帝紀,永明五年爲右將軍、豫州刺史,淵殆爲其府司馬耳。 永明五年,正蕭鸞爲右將軍豫州刺史時,與錢說合。殿本據北監本作「明年」,錢氏殆未校北監 說改爲「遷明帝右軍司馬」。今按上云「四年,出爲持節督徐州諸軍事徐州刺史」,下云「明年」,即 當云遷明帝右軍司馬。」局本依錢

本,故不悟「帝」字爲「年」字之譌耳。

[日]轉大司馬濟陽太守 錢大昕廿二史考異云:「按齊世除大司馬者,唯豫章王嶷、王敬則二人,非

淵所得授此。蓋蒙上右軍司馬之文,由右軍司馬轉爲大司馬府之司馬也。」

按當亦爲大司馬參佐,史有奪文。元龜四百五十五作「右將軍左司馬」,然下

文有「將軍如故」、「右將軍如故」語,則不當爲右將軍左司馬也。

(五) 爲右將軍大司馬

[六] 與富陽孫法先謀亂伏法 「孫法先」宋書文帝紀作「孫法光」,褚淡之傳作「孫法亮」。

[4]繫兖州獄 「兖州」南史作「南兖州」。

[5](烈)[列]燭火處分 據殿本、局本及南史改。

[九](元)[無]年可仕 **據**殿本、局本改。按南監本作「无年可仕」,元與无形近而譌也。

[10] 官忽遣軍西上 「官」南監本、毛本、殿本、局本作「今」、譌。 (二) 拔白欲出 得,不必加『刃』字。」 南監本、毛本、殿本、局本作「拔白刃欲出」。張元濟校勘記云:「拔白爭門,見周盤龍

列

傳第

+

校勘

記

- [三] 仍隨入宮 「隨」字下南監本有「太祖」二字。
- [1]] 遣收恐爲亂 「遣」南監本、毛本、殿本、局本作「欲」。
- 回 初與屯騎校尉王宜與同石頭之謀 「王宜與」南監本、局本作「王宜興」,宋書袁粲傳亦作「王

宜興」。

- 至 卿等何疑(其使)[甚彼]無能爲也 據南監本、殿本、局本改。
- [1六] 封吳平縣伯 「吳平縣伯」南史作「吳平縣侯」。
- 侯相,若平周 封平固男 「平固」南監本、毛本、殿本、局本並作「平周」,譌。 ,則爲梁州北巴西太守所領縣矣。 按宋書州郡志江州南康郡領平固
- [1] 焦度字文續 「文續」頭史作「文績」。
- 二台 青州刺史顏師伯出鎭臺差度領幢主送之 青州不當治滑臺,顏師伯亦無出鎭滑臺事,作「滑臺」譌。 「臺差」二字各本並作「滑臺」,屬上爲句,南史同。

按

- (三10) (度)將部曲出首 據元龜四百二十二補。
- [三] [以]度武勇 據南監本、毛本、殿本、局本補。
- 爲贊前軍「參軍」 據南監本、殿本、局本補。 按远龜三百五十一及南史焦度傳並有「參軍」二

- 至自發露「形體穢辱之」 據南監本、殿本、局本及南史補。
- [IB] 度見朝廷貴(賤)[成] 據南監本、毛本、殿本、局本改。
- [le] 義民久不至 「至」原譌「望」,各本不譌,今改正。
- (三六) 虎引(兵)圍栅 據元龜三百五十一補。
- [17] (十二)[七] 年遷冠軍將軍 張森楷校勘記:「按下有十一年收王與云云、則此不得云是十一年,

疑是七年之譌。」按張說是。下云明年隨郡王子隆代巴東王子響爲荆州,備軍容西上,以虎爲輔

國將軍云云、子隆代子響爲荆州在永明八年,明此爲「七年」之譌,今據改。

- 二年進督爲監 錢大昕廿二史考異云:「宋書百官志,晉世都督諸軍爲上,監諸軍次之,督諸軍
- [元] 人靈雍(泰)[閼] 改。 據南監本、殿本、局本改。按「雍」南監本、殿本、局本作「壅」,雍與壅通,今不
- 乾沒孔熾 「乾沒」南監本、局本作「亂猾」。按「乾沒」見史記酷吏張湯傳。
- [li] 虎領軍屯靑溪中橋 「靑溪中橋」南史作「靑溪大橋」。

南齊書卷三十一

列傳第十二

江謐 苟伯玉

帝常召見狎侮之。 濟稱職。宋明帝爲南豫州,曰謐傾身奉之,爲帝所親待。即位,以爲驃騎參軍。弟濛貌醜 吳令,爲太初所殺。 謐繫尙方,孝武平京邑,乃得出。 江謐字令和,濟陽考城人也。祖秉〔之〕,〔〕臨海太守,宋世淸吏。父徽,尚書都官郎, 解褐奉朝請,輔國行參軍,于湖 令,強

未笄。 者也。[1] 其未許嫁者,則二十而筓。 射慈云 太常以下結免贖 諡轉尚書度支郎,俄遷右丞,兼比部郎。秦始四年,江夏王義恭第十五女卒,年十九, 禮官議從成人服,諸王服大功。 論; 左丞孫夐重奏:「禮記女子十五而笄,鄭云應年許嫁 十九猶爲殤。 禮官違越經典,於禮無據。」博士

列

傳第十

江

謐

例,亦宜及咎。」夐又結免贖論。詔「可」。

得免。 出 爲正員郞,右軍將軍 爲建平王景素冠軍長史、長沙內史,行湘州事。 政治苛刻。 僧遵道人與謐情款,隨

留事 證寒士,誠當 新縣伯,四百戶。 臺建,爲右衞將軍。 起,議加太祖黃鉞,謐所建也。 惑,謐獨竭誠歸事太祖,以本官領尚書左丞。昇明元年,遷黃門侍郎,左丞如故。 末、朝野咸屬意建平王景素、謐深自委結、景素事敗、僅得免禍。 ,先遣之鎭,旣而驃騎豫章王嶷領湘州,以謐爲長史,將軍、內史、知州留事如故。 太祖領南兖州,謐爲鎭軍長史、廣陵太守,入爲游擊將軍。 不得競等華儕。 三年,爲左民尙書。 建元元年,遷侍中,出爲臨川王平西長史、冠軍將軍、長沙內史、行湘 然甚有才幹,堪爲委遇,可遷掌吏部。」 事平,遷吏部郎,稍被親待。遷太尉諮議,領錄事參軍。 諸皇子出閤用文武主帥,[四]皆以委證。 性流俗,善趨勢利。 蒼梧王廢後,物情尚懷疑 尋敕日:「江 沈攸之事 元徽 封 齊 永 孙

欲作何計。」世祖知之,出謐爲征虜將軍、鎭北長史、南東海太守。 又不遷官,以此怨望。 時世祖 事辦。 不豫, 證詣豫章王嶷請閒曰:「至尊非起疾, 東宮又非才, 公今 太祖崩,謐稱疾不入,衆頗疑其怨不豫顧命也。 未發,上使御史中丞沈沖 世祖 即位,謐

仰指天,俯畫地,希幸災故,以申積憤。犯上之跡旣彰,反噬之情已著。請免官削爵土,收 機,坐構嚻論。復敢貶謗儲后,不顧辭端,毀折宗王,每窮舌杪。皆云誥誓乖禮,崇樹失宜, 旨。以身列朝流,宜蒙兼帶,先顧不逮,舊位無加,遂崇飾惡言,肆醜縱悖,譏誹朝政,訕毀 疾彌留,人神憂震。諡〔託〕病私舍,〔弘〕曾無變容。國諱經旬,甫蹔入殿,參訪遺詔,覘忖時 事宜貶退者,並稱中旨。謂販鬻威權,姦自不露,[刊]欺主罔上,(奸)[誇]議可掩。[八]先帝寢 衡,肆意受納。連席同乘,皆詖黷舊侶;密筵閑讌,必貨賄常客。理合升進者,以爲己惠; 山,任忝出入。輕險之性,在貴彌彰;貪昧之情,雖富無滿。重莅湘部,顯行斷盜;及居銓 効,加以非分之寵,推以不次之榮,列迹勳良,比肩朝德。

以往者微勤,刀筆小用,賞廁 網漏,得全首領。太祖匡飭天地,方(知)[弘]遠圖,[三]薄其(顯)[難]洗之瑕,[弘]許其革音之 當得志,委心託身,歲暮相結。以劉景素親屬望重,物應樂推,獻誠薦子,窺窬非望。時艱 奏謐前後罪曰:「謐少懷輕躁,長習諂薄,交無義合,行必利動。 皇猷,逼蚩忠賢,歷詆台相。至於蕃岳入授,列代恆規,勳戚出撫,前王彝則。而謐妄發樞 而阿諛內外,貨賂公行,咎盈憲簡,戾彰朝聽,輿金輦寶,取容近習。以沈攸之地勝兵強,終 特以奕世更局,見擢宋朝,

子介,建武中,爲吳令,治亦深切。 第十二 江 謐 伯 玉 民閒榜死人髑髏爲諡首、[介]棄官而去。[10] 送廷尉獄治罪。」詔賜死,時年五十二。

荀伯玉字弄璋,廣陵人也。祖永,南譙太守,父闡之,給事中。

舉事,伯玉友人孫沖爲將帥,伯玉隸其驅使,封新亭侯。事敗,伯玉還都賣卜自業。建平王 伯玉少為柳元景撫軍板行參軍,南徐州祭酒,晉安王子勛鎭軍行參軍。 泰始初,子勛

景素聞而招之,伯玉不往。

不與、馳以聞。太祖曰:「卿執之是也。」轉太祖平南府,晉熙王府參軍。太祖爲南兖州,伯 都,除奉朝請。令伯玉看宅,知家事。世祖罷廣興還,立別宅,遣人於大宅掘樹數株,伯玉 深懷憂慮。伯玉勸太祖遣數十騎入虜界,安置標榜,於是虜游騎數百履行界上,太祖以聞, 玉轉爲上鎭軍中兵參軍,帶廣陵令。除羽林監,不拜。 **猶懼不得留,令伯玉卜,伯玉斷卦不成行,而明帝詔果復太祖本任,由是見親待。從太祖還** 太祖鎮淮陰,伯玉歸身結事,爲太祖冠軍刑獄參軍。太祖爲明帝所疑,及徵爲黃門郎,

見上兩掖下有翅不舒。伯玉問何當舒,上曰:「却後三年。」伯玉夢中自謂是呪師,向上唾咒 肅,九五相追逐。」伯玉視城下人頭上皆有草。一秦始七年,伯玉又夢太祖乘船在廣陵北渚, 初,太祖在淮南,伯玉假還廣陵,夢上廣陵城南樓上,有二青衣小兒語伯玉云:「草中

之,凡六咒,有六龍出,兩掖下翅皆舒,還而復斂。一一徽二年,而太祖破桂陽,威名大震。五

年而廢蒼梧。太祖謂伯玉曰:「卿時乘之夢,今且効矣。」

司馬,轉豫章王司空諮議,太守如故。 元元年,封南豐縣子,四百戶。轉輔國將軍,武陵王征虜司馬,太守如故。徙爲安成王冠軍 建,伯玉忠勤盡心,常衞左右。加前軍將軍。隨太祖太尉府轉中兵,將軍、太守如故。 昇明初,仍爲太祖驃騎中兵參軍,除步兵校尉,不拜。 仍帶濟陽太守,中兵如故。 霸業 建

啓上曰:「官有天下日淺,太子無事被責,人情恐懼,願官往東宮解釋之。」太祖乃幸宮,召諸 門籥待之,二更盡,方入宮。 著御衣。 太子令,收景眞殺之。 世祖還至方山, 知,豈得顧死蔽官耳目。 艋,坐胡 皆御所服用。 世祖在東宮,專斷用事,頗不如法。任左右張景眞,使領東宮主衣食官穀帛,賞賜什 床,觀者咸疑是太子。內外祗畏,莫敢有言。 伯玉謂親人曰:「太子所爲,官終不 又度絲錦與崐崘舶營貨,輒使傳令防送過南州津。世祖拜陵還,景眞白服乘畫舴 日暮將泊。 景眞於南澗寺捨身齋,有元徽紫皮袴褶,餘物稱是。於樂遊設會,伎人皆 世祖憂懼,稱疾月餘日。上怒不解。 我不啓聞,誰應啓者。」因世祖拜陵後密啓之。上大怒,檢校東宮。 豫章王於東府乘飛鶒東迎,具白上怒之意。 上明日遣文惠太子、聞喜公子良宣敕,以景眞罪狀示世祖。稱 畫臥太陽殿,王敬 世祖夜歸,上亦停 則直 入,叩頭

列

傳第

+

_

荀

伯

玉

王以下於玄圃園爲家宴,致醉乃還。

玉命。」世祖深怨伯玉。上臨崩,指伯玉謂世祖曰:「此人事我忠,我身後,人必爲其作口過, 上嘉伯玉盡心,愈見親信,軍國密事,多委使之。時人爲之語曰:「十敕五令,不如荀伯

汝勿信也。可令往東宮長侍白澤,小却以南兖州處之。」

善,慮相扇爲亂,加意撫之,伯玉乃安。永明元年,垣崇祖誅,伯玉并伏法。 太尉諮議,太守如故。俄遷散騎常侍,太守如故。伯玉憂懼無計,上聞之,以其與垣崇祖 伯玉遭父憂,除冠軍將軍、南濮陽太守,未拜,除黃門郎,本官如故。世祖轉爲豫章王

夕死可矣。」死時年五十。 初,善相墓者見伯玉家墓,謂其父曰:「當出暴貴而不久也。」伯玉後聞之,曰:「朝聞道,

自別,則偏黨爲論,豈或傍啓。察江、荀之行也,雖異術而同亡。以古道而居今世,難乎免 史臣曰:君老不事太子,義烈之遺訓也。欲夫專心所奉,在節無貳,雖人子之親,尙宜

贊曰: 謐口禍門, 荀言亟盡。時淸主異, 并合同殞。

校勘記

- [一]祖秉[之] 據南監本、殿本、局本補。按江東之宋書、南史並有傳。
- (三) 宋明帝為南豫州 節都督徐兖二州豫州之梁郡諸軍事,永光元年又出爲南豫州刺史,其年卽位。 「南豫州」南史江秉之傳孫謐附傳作「兖州」。按宋明帝於大明元年出爲使持 謐傾身奉之,當

在明帝爲南豫州 時。

鄭云應年許嫁者也 「應年」二字原譌倒,各本同,今據南史乙正。按禮內則「十有五年而筓」,鄭

注云「謂應年許嫁者」。

諸皇子出閤用文武主帥

「帥」原譌「師」,今據南監本、殿本、局本改正。

(五)方(知)(弘)遠圖 據元龜四百七十九改。

へ六し 薄其(艱)〔難〕洗之瑕 據元龜四百七十九、四百八十二改。

姦自不露 元龜四百八十二作「姦回不露」,四百八十九作「奸狀不露」。

[八](奸)[謗]議可掩 據元龜四百八十二改。

ヘガリ 諡(託)病私舍 據南監本及远龜四百七十九補。

[介]棄官而去 據南史及元龜七百七補。

列

傳 第

+ =

校

勘

記

南齊書卷三十二

列傳第十三

王 琨 張岱 褚炫 何戢 王延之 阮韜

王琨,琅邪臨沂人也。 祖薈,晉衞將軍。 父懌,不慧,侍婢生琨,名爲崑崙。 懌後娶南

陽樂玄女,無子,改琨名,立以爲嗣。

治中。 朝請。 義恭嘗屬現用二人,後復遣屬現,答不許。 太守,轉吏部郎。 爲北中郞長史,黃門郞,寧朔將軍,東陽太守。 琨 少謹篤,爲從伯司徒謐所愛。 累至左軍諮議,領錄事,出爲宣城太守,司徒從事中郎,義興太守。 元嘉初,從兄侍中華有權寵,以門戶衰弱,待琨如親,數相稱薦。 吏曹選局,貴要多所屬請,現自公卿下至士大夫,例爲用兩門生。 宋永初中,武帝以其娶桓脩女,除郎中,駙馬都尉,奉 孝建初,遷廷尉卿,竟陵王驃騎長史,加 爲尙書儀曹郎,州 歷任皆廉約。 江夏王 臨淮

還

列

南土沃實,在任者常致巨富,世云「廣州刺史但經城門一過,便得三千萬」也。 買宅百三十萬,餘物稱之。」帝悅其對。爲廷尉,加給事中,轉寧朔將軍長史、歷陽內史。 表獻祿俸之半。州鎭舊有鼓吹,又啓輸還。及罷任,孝武知其清,問還資多少? 出 爲持節、都督廣交二州軍事、建威將軍、平越將軍、「一平越中郎「將」、「一廣州刺史。 現無所取納, 現日「臣

遷度支尚書,尋加光祿大夫。 出爲永嘉王左軍、始安王征虜二府長史,加輔國將軍、廣陵太守,皆孝武諸子。 上以琨忠實,徙爲寵子新安王東中郎長史,〔三〕加輔國將軍,遷右衞將軍,度支尚書。 泰始元年,

祿更搆。」 祀;而長負釁承封,將傾基緒。嗣小息佟閑立保退,不乖素風,如蒙拯立,則存亡荷榮,私 左衞將軍嗣息,少資常猥,猶冀晚進。頃更昏酣,業身無檢。故衞將軍華忠肅奉國,善及世 初,從兄華孫長襲華爵爲新建侯,嗜酒多諐失。 琨上表曰:「臣門姪不休,從孫長是故

襖奉獻軍用,[左]遷光祿大夫,[6] 尋加太常及金紫,加散騎常侍。 廷尉虞龢議社稷合爲一 出爲冠軍將軍、吳郡太守,遷中領軍。坐在郡用朝舍錢三十六萬營餉二宮諸王及作絳 時蘇深被親寵,朝廷多琨強正。

明帝臨崩,出爲督會稽東陽新安臨海永嘉五郡軍事、左軍將軍、會稽太守,常侍如故。

特進。 坐誤竟囚,降號冠軍。元徽中,遷金紫光祿,(引)[弘]訓太僕,(三)常侍如故。本州中正,加 從帝卽位,至進右光祿大夫,常侍餘如故。 從帝遜位,琨陪位及辭廟,皆流涕。

方小郡,當乞寒賤,省官何容復奪之。」[²] 遂不過其事。 時王儉爲宰相,屬琨用東海郡迎吏。琨謂信人曰:「語郞,三臺五省,皆是郞用人;外

|祖即位,領武陵王師,加侍中,給親信二十人。

現性旣古愼,而儉嗇過甚,家人雜事,皆手自操執。 公事朝會,必夙夜早起,簡閱衣裳,

料數冠幘,如此數四,世以此笑之。 尋解王師。

宜待 !車,有損國望。」|琨日:「今日奔赴,皆應爾。」遂得病,卒。 建元 四年,太祖崩,琨聞國諱,牛不在宅,去臺數里,遂步行入宮。朝士皆謂琨曰:「故 贈左光祿大夫,餘如故。 年八

十四。

張岱字景山,吳郡吳人也。 祖敞,晉度支尚書,父茂度,宋金紫光祿大夫。

氏五龍。 低少與兄太子中舍人寅、[c] 新安太守鏡、征北將軍永、弟廣州 鏡少與光祿大夫顏延之鄰居,顏談議飲酒,喧呼不絕;而鏡靜翳無言聲。 刺史辨俱知名, 謂之張 後延之

列

於籬邊聞其與客語,云取胡床坐聽,辭義清玄,延之心服,謂賓客曰:「彼有人焉。」由此不

復酣叫。寅、鏡名最高,永、辨、岱不及也。

時殷沖爲吳興,謂人曰:「張東遷親貧須養,所以栖遲下邑。然名器方顯,終當大至。」 郡舉岱上計掾,不行,州辟從事。累遷南平王右軍主簿,尚書水部郎。 出補東遷令。

仁,不須案也。」累遷撫軍諮議參軍,領山陰令,職事閑理。 八十,籍注未滿,岱便去官從實還養,有司以岱違制,將欲糾舉。宋孝武曰:「觀過可以知 隨王誕於會稽起義,以低爲建威將軍,輔國長史,行縣事。 事平,爲司徒左西曹。母年

明闇短長,更是才用之多少耳。」 何致此。」。临日:「古人言一心可以事百君。我爲政端平,待物以禮,悔吝之事,無由而及。 事,與典籤主帥共事,事舉而情得。 或謂低曰:「主王旣幼,執事多門,而每能緝和公私,云 後臨海王爲征虜廣州,豫章王爲車騎揚州,晉安王爲征虜南兖州,岱歷爲三府諮議、三王行 巴陵王休若爲北徐州,未親政事,以岱爲冠軍諮議參軍,領彭城太守,行府、州、國事。

史之任,無謂小屈,終當大伸也。」帝尉,累遷吏部郞。 高選佐史,孝武帝召岱謂之曰:「卿美效夙著,[10]兼資宦已多。今欲用卿爲子鸞別駕,總刺 入爲黃門郎,遷驃騎長史,領廣陵太守。新安王子鸞以盛寵爲南徐州,割吳郡屬焉。

史。 徽中,遷使持節、督益寧二州軍事、冠軍將軍、益州刺史。 水校尉,度支尚書,領左軍,遷吏部尚書。王儉爲吏部郎,時專斷曹事,岱每相違執,及儉爲 尋徙爲冠軍將軍、北徐州刺史,都督北討諸軍事,並不之官。 泰始末,爲吳興太守。 明帝初,四方反,帝以岱堪幹舊才,除使持節、督西豫州諸軍事、輔國將軍、西豫州刺 數年,益土安其政。徵侍中,領長

濫裁。」太祖曰:「恕爲人,我所悉。且又與壤同勳,自應有賞。」岱曰:「若以家貧賜祿,此所 不論;語功推事,臣門之恥。」 兄子褒、弟恕,誅吳郡太守劉遐。 太祖欲以恕爲晉陵郡,岱曰:「恕未閑從政,美錦不宜

宰相,以此頗[不]相善。[11]

敕岱曰:「大邦任重,乃未欲回換,但總戎務殷,宜須望實,今用卿爲護軍。」加給事中。 竟,韶以家爲府。 尋加散騎常侍。 建元元年,出爲左將軍、吳郡太守。 陳疾。明年,遷金紫光祿大夫,領鄱陽王師。 太祖知岱歷任清直,至郡未幾,手 岱 拜

年七十一。岱初作遺命,分張家財,封置箱中,家業張減,隨復改易,如此十數年。 遷使持節監南兖兖徐青冀五州諸軍事、自己後將軍、南兖州刺史,常侍如故。 世祖卽位,復以岱爲散騎常侍、吳興太守,秩中二千石。 岱晚節在吳興,更以寬恕著 未拜,卒。 贈本官,

諡貞子。

秉高節,一目眇,官至國子博士,不拜。 常非從兄淵身事二代,聞淵拜司徒,歎曰:「使淵作 褚炫字彥緒,河南陽翟人也。祖秀之,宋太常。父法顯,鄱陽太守。兄炤,字彥宣,少

中書郞而死,不當是一名士〔邪!名〕德不昌,〔三〕遂令有期頤之壽。」

陽王昶爲太常,板炫補五官,累遷太子舍人,撫軍車騎記室,正員郞。 |炫少淸簡,爲從舅王景文所知。從兄淵謂人曰:「從弟廉勝獨立,乃十倍於我也。」宋義

笑。」座者莫荅。炫獨曰:「今節候雖適,而雲露尙疑,〔18〕故斯翬之禽,驕心未警。但得神 駕游豫,羣情便爲載權。」帝意解,乃於雉塲置酒。遷中書侍郎,司徒右長史。 從宋明帝射雉,至日中,無所得。帝甚猜羞,召問侍臣曰:「吾旦來如皐,遂空行,可

守,加秩中二千石。還,復爲侍中,領步兵。凡三爲侍中。出爲寬陵王征北長史,加輔國將 軍,尋徙爲冠軍長史、江夏內史,將軍如故。 長史,遷侍中,復爲長史。齊臺建,復爲侍中,領步兵校尉。以家貧,建元初,出補東陽太 昇明初,炫以清尚,與劉俁、謝朏、江敷入殿侍文義,號爲「四友」。遷黃門郎,太祖驃騎

永明元年,爲吏部尚書。炫居身淸立,非弔問不雜交遊,論者以爲美。及在選部,門

庭蕭索,賓客罕至。出行,左右捧黃紙帽箱,風吹紙剝僅盡。罷江夏還,得錢十七萬,於石 士,未拜,卒,無以殯斂。時年四十一。贈太常,諡曰貞子。 頭幷分與親族,病無以市藥。表自陳解,改授散騎常侍,領安成王師。 國學建,以本官領博

鄓。 尚山陰公主,拜駙馬都尉。解褐祕書郎,太子中舍人,司徒主簿,新安王文學,祕書丞,中書 何戢字慧景,廬江灊人也。祖尚之,宋司空。父偃,金紫光祿大夫,被遇於宋武。 選戦

以年未三十,苦解內侍,表疏屢上,時議許之。改授司徒左長史。 郎,出爲宣威將軍、東陽太守,吏部郎。元徽初,褚淵參朝政,引戢爲侍中,時年二十九。」戢 日,由是特申情好。 景和世,山陰主就帝求吏部郎褚淵入內侍己,淵見拘逼,終不肯從,與戢同居止月餘 。明帝立,遷司徒從事中郎,從建安王休仁征赭圻,板轉戢司馬,除黃門

復爲侍中,遷安成王車騎長史,加輔國將軍、濟陰太守,行府、州事。 出爲吳郡太守,以疾 爲侍中,祕書監,仍轉中書令,太祖相國左長史。建元元年,遷散騎常侍,太子詹事,尋 太祖爲領軍,與戢來往,數置歡讌。上好水引麩,戢令婦女躬自執事以設上焉。久之,

列

傳第十三

何戢

王延

之

少。」乃以戰爲吏部尚書,加驍騎將軍。 以蟬冕不宜過多,臣與王儉旣已左珥,若復加戢,則八座便有三貂。若帖以驍、游,亦爲不 從侍中中書令單作吏部尙書,資與戢相似。頃選職方昔小輕,口己不容頓加常侍。 改侍中、詹事如故。 上欲轉聞領選,問尚書令褚淵,以戢資重,欲加常侍。淵曰:「宋世王球 聖旨每

戰美容儀,動止與褚淵相慕,時人呼爲「小褚公」。家業富盛,性又華侈,衣被服飾,極爲

奢麗。三年,出爲左將軍、吳興太守。

其巧絕。」战因王晏獻之,上令晏厚酬其意。 上頗好畫扇,宋孝武賜戢蟬雀扇,善畫者顧景秀所畫。時陸探微、顧彦先皆能畫,江江歎

四年,卒。時年三十六。贈散騎常侍、撫軍,太守如故。諡戲子。 女爲鬱林王后,又贈

侍中、光祿大夫。

王延之字希季,琅邪臨沂人也。 祖裕、江忠宋左光祿儀同三司。父昇之,都官尙書。 延

之出繼伯父秀才粲之。

延之少而靜默,不交人事。 州辟主簿,不就。 舉秀才。〔除〕北中郎法曹行參軍,〔1〕〕轉

安遠護軍,武陵內史,不拜。宋明帝爲衞軍,延之轉爲長史,加宣威將軍。 府、轉祕書丞、西陽王撫軍諮議,州別駕、尋陽王冠軍、安陸王後軍司馬,加振武將軍,出爲 署外兵尚書外兵部,口引司空主簿,並不就。 除中軍建平王主簿、記室,仍度司空、北中郎二 司徒建安王休仁

轉左僕射。 會稽太守。轉侍中,祕書監,晉熙王師。遷中書令,師如故。未拜,轉右僕射。昇明二年, 右軍,並不拜。復爲吏部尚書,領驍騎將軍,出爲後軍將軍、吳興太守。 遷侍中,領射聲校尉,未拜,出爲吳郡太守。罷郡還,家產無所增益。 征赭圻,轉延之爲左長史,加寧朔將軍 延之清貧,居宇穿漏。 褚淵往候之,見其如此,具啓明帝,帝卽敕材官爲起三閒齋屋。 除吏部尚書,侍中,領 遷都督浙東五郡、

察晉熙二郡諸軍事、安南將軍、江州刺史。建元二年,C110〕進號鎭南將軍。 爲之語曰:「二王持平,不送不迎。」太祖以此善之。三年,出爲使持節、都督江州豫州之新 宋德旣衰,太祖輔政,朝野之情,人懷彼此。延之與尚書令王僧虔中立無所去就,時人

第一,延之爲次也。」延之甚不平。每致餉下都,韜與朝士同例。 曰:「韜云卿未嘗有別意,當緣劉家月旦故邪。」在州祿俸以外,一無所納,獨處齋內,吏民罕 延之與金紫光祿大夫阮韜,俱宋領軍劉湛外甥,並有早譽。湛甚愛之,曰:「韜後當爲 太祖聞其如此,與延之書

得見者。

師。 十四。追贈散騎常侍,右光祿大夫、特進如故。 永明二年,陳疾解職,世祖許之。轉特進,右光祿大夫,王師、中正如故。其年卒,年六 四年,遷中書令,右光祿大夫,本州大中正。轉左僕射,光祿、中正如故。 諡簡子。 尋領竟陵王

都官尚書,領游擊將軍,卒。 韶倫之親爲陪侍之職,而同外惰慢,曰曰免官,景文等贖論。建武中,至侍中,領前軍將軍, 中,爲侍中。 延之家訓方嚴,不妄見子弟,雖節歲問訊,皆先克日。子倫之,曰己見兒子亦然。 世祖幸琅邪城,倫之與光祿大夫全景文等二十一人坐不參承,爲有司所奏。

夏王劉義恭逆求資費錢,韜曰:「此朝廷物。」執不與。 阮韜字長明,陳留人,晉金紫光祿大夫裕玄孫也。 韜少歷清官,為南兖州別駕,刺史江

始末,爲征南江州長史。 金紫光祿大夫,領始興王師。永明二年,卒。 宋孝武選侍中四人,並以風貌。 桂陽王休範在鎭,數出行遊,韜性方峙,未嘗隨從。 王彧、謝莊爲一 雙,韜與何偃爲一雙。常充兼假。 至散騎常侍, 泰

姿,簪貂冠冕,基蔭所通,後才先貌,事同謁者,以形骸爲官,斯違舊矣。辟強之在漢朝,幼 有妙察;仲宣之處魏國,見貶容陋。何戢之讓,雖未能深識前古之美,與夫尸官靦服者,何 史臣曰:內侍樞近,世爲華選,金璫潁耀,朝之麗服,久忘儒藝,專授名家。 加以簡擇少

贊曰:萬石祗愼, 琨旣爲倫。 五龍一氏,張亦繼荀。 炫清褚族, 戢遺何姻。 延之居簡,

等級哉!

名峻王臣。

校勘記

[一] 平越將軍 按宋書百官志有四平將軍,無平越將軍。廣州刺史往往帶平南將軍軍號,「平越」疑

「平南」之譌。

(三) 平越中郎(將) 晉武帝置,理廣州,主護南越」。此脫一「將」字,今補。 **張森楷校勘記云:「有平越中郞將,無平越中郞。」按通典職官典「平越中郞將,**

(三) 徙爲寵子新安王東中郎長史 列 傳 第十三 校 勘 記 「東中郞」南史作「北中郞」。按宋書始平孝敬王子鸞傳,大明四 五八七

年爲東中郎將、吳郡太守。五年,遷北中郎將、南徐州刺史。琨蓋並歷二府。

據南監本、局本及南史、元龜六百七十九補。 按殿本作「乃左遷光祿大夫」。

[1] [左]遷光祿大夫 按宋明恭王皇后,元徽初爲皇太后,稱弘訓宮。「引訓」當作「弘訓」,各本並由

宋諱缺筆而譌,今據改。

〔至〕(引)[弘]訓太僕

從帝卽位 順帝作「從帝」,乃子顯避深諱改,南監本、殿本已改爲「順帝」。下同。

[ヤ] 省官何容復奪之 「容」字原闕,據南監本、匡本、殿本、局本補。 按「容」元龜四百五十九作

岱少與兄太子中舍人寅 「寅」宋書張茂度傳、張敷傳並作「演」。 此蓋子顯避梁武帝嫌名改。

後延之於籬邊聞其與客語 「聞」原譌「間」,今據南監本、殿本、局本改正。

卿美效夙著 「效」獨覽二百五十九引作「望」。

以此頗「不」相善 據南監本、毛本、殿本、局本及南史、元龜四百七十八補。

遷使持節監南兖兖徐青冀五州諸軍事 「徐」字原闕,今據各本補

不當是一名士[邪名]德不昌 據南監本、毛本、殿本、局本及南史、通鑑齊高帝建元元年補。

而雲露尙凝 「露」南監本、殿本、局本作「霧」。

(1吾) 頃選職方昔小輕 「頃」御覽六百八十八引作「領」,南史亦作「領」。

時陸探微顧彦先皆能畫 「顧彦先」御覽九百四十四引梁書 按當作齊書作「顧寶先」。 按顧實先,

顧琛次子,見宋書、南史顧琛傳。 南史云寶先大明中爲尚書水部郎。又南史王曇首傳子僧虔附

傳云:「吳郡顧寶先卓越多奇,自以伎能,僧虔乃作飛白以示之。」蓋僧虔善書,寶先能書畫,故作

飛白以示之也。或又作「顧寶光」,見法書要錄卷五寶泉述書賦注及歷代名畫記卷一、卷六。

代名畫記云:「宋有陸探微、顧寶光。」又云:「顧寶光,吳郡人。善書畫,大明中爲尚書水部郞。」 是實先、實光實一人也。疑此當依御覽引作「顧寶先」。或作「顧寶光」者,殆光與先形近致譌

耳。若顧彥先,名榮,乃晉初人,陸機有代顧彥先贈婦詩,見文選,不得與陸探微同時也。

[11] 祖裕 按王延之祖南史有傳,作「王裕之」。

[1<] [除]北中郎法曹行參軍 據元龜六百五十補。

轉署外兵尚書外兵部 按轉署外兵謂轉爲北中郎將府外兵曹參軍也。「尚書外兵部」不可解,

疑是衍文。

三二子倫之「倫之」南史作「綸之」。

江三〕而同外惰慢 「外」南監本、殿本、局本作「衆」。

南齊書卷二十二

列傳第十四

王僧虔 張緒

諱,弘曰:「身家諱與蘇子高同。」父曇首,右光祿大夫。曇首兄弟集會諸子孫,弘子僧達下 王僧虔,琅邪臨沂人也。祖珣,晉司徒。伯父太保弘,宋元嘉世爲宰輔。 賓客疑所

地跳戲,僧虔年數歲,獨正坐採蠟燭珠爲鳳凰。弘曰:「此兒終當爲長者。」

僧虔弱冠,弘厚,善隸書。宋文帝見其書素扇,歎曰:「非唯跡逾子敬,方當器雅過之。」

除 秘書郎,太子舍人。退默少交接,與袁淑、謝莊善。轉義陽王文學,太子洗馬,遷司徒左

列

傳 第 + 四

> 王 僧

虔

今日之事, 苦不見及耳。 兄僧綽,爲太初所害,親賓咸勸僧虔逃。僧虔涕泣曰:「吾兄奉國以忠貞,撫我以慈愛, 若同歸九泉,猶羽化也。」孝武初,出爲武陵太守。兄子儉於中途

復遊(官)[宦]之興矣。」[1]還為中書郎,轉黃門郎,太子中庶子。 得病,僧虔爲廢寢食。同行客慰喩之。僧虔曰:「昔馬援處兒姪之閒一情不異,鄧攸於弟子 更逾所生,吾實懷其心,誠未異古。亡兄之胤,不宜忽諸。若此兒不救,便當回舟謝職,無

撫軍長史,遷散騎常侍,復爲新安王子鸞北中郎長史、南東海太守,行南徐州事,二蕃皆帝 孝武欲擅書名,僧虔不敢顯跡。大明世,常用掘筆書,曰以此見容。出爲豫章王子尚

愛子也、

興郡,及僧虔工書,又爲郡,論者稱之。 侍中,領屯騎校尉。 以分枝居鳥衣者,位官微減,僧虔爲此官,乃曰:「此是鳥衣諸郎坐處,我亦可試爲耳。」復爲 專遷豫章內史。入爲侍中,遷御史中丞,領驍騎將軍。甲族向來多不居憲臺,<

三王氏 泰始中,出爲輔國將軍、吳興太守,秩中二千石。王獻之善書,四爲吳

東歸。 惡,當拂衣去耳。」佃夫言於宋明帝,使御史中丞孫夐奏:「僧虔前莅吳興,多有謬命,檢到郡 至遷,凡用功曹五官主簿至二禮吏署三傳及度與弟子,合四百四十八人。又聽民何係先等 一百十家爲舊門。委州檢削。」坐免官。 徙爲會稽太守,秩中二千石,將軍如故。 客勸僧虔以佃夫要倖,宜加禮接。 僧虔曰:「我立身有素, 豈能曲意此輩。 中書舍人阮佃夫[家]在會(下)[稽], 至 請假 彼若見

轉 輔 國將軍,湘州刺史。所在以寬惠著稱。 尋以白衣兼侍中,出監吳郡太守,遷使持節、都督湘州諸軍事、建武將軍、行湘州事 巴峽流民多在湘土,僧虔表割益陽、羅、湘西三 ", 仍

縣緣江民立湘陰縣,從之。

物。 見侵抑。」僧虔報書曰: 乃爾見苦? 軍 沙景王; 才,有何見勝。 噬 曝 荷二敕,旣無中人,屢見蹉奪。 乃忝武達。 っ離 與僧虔書曰:「五常之始,文武爲先,文則經緯天地,武則撥亂定國。 尙 元徽中,遷吏部尙書。 爲落毛。 ,書同堂姊爲江夏王妃,檀珪同堂姑爲南譙王妃;尚書婦是江夏王女,檀珪祖姑嬪長 九流繩 僕於尚 尚 書 伯 羣從姑叔,三媾帝室,祖兄二世,糜軀奉國,而致子姪餓死草壤。 泰始之初,八表同逆, 平,自不宜獨苦一物,蟬腹龜腸,爲日已久。飢虎能嚇,人遽與肉;餓麟不 若以貧富相奪,則分受不如。〔身〕雖孤微,云百世國士,姻媾位宦,亦不後 去冬乞豫章丞,爲馬超所爭;今春蒙敕南昌縣,爲史偃所奪。 書,人地本懸,至於婚宦,不肯殊絕。〔4〕今通塞雖異,猶忝氣類,尙書何事 爲江州,檀珪 「征北板比歲處遇小優,殷主簿從此府入崇禮,何儀曹卽代殷,亦不 高平檀珪罷沅南令,僧虔以爲征北板行參軍。 祖 經涉五朔,踰歷四晦,書牘十二,接覲六七,遂不荷潤,反更 |亦爲||江州;尚書從兄出身爲後軍參軍,檀珪父釋褐亦爲中 一門二世,粉骨衞主,殊勳異績, 已不能甄,常階舊途,復 僕一 訴 去冬个春,頻 僧虔 門雖謝文通, 二子勳蔭人 求 禄不

列

傳

第

+

74

王.

僧虔

僧虔乃用爲安城郡丞。珪,宋安南將軍韶孫也。 悠悠之人同口而語。 使僕就此職,尚書能以郎見轉不。 若使日得五升祿,則不恥執鞭。」 參軍非王官之謂。質非匏瓜,實羞空懸。殿、何二生,或是府主情味,或是朝廷意旨,豈與 命,存亡披迫,本希小禄,無意階榮。自古以來有沐食侯,近代有王官。府佐非沐食之職, 子孫。似不以世代遠而被棄,年世疎而見遺。檀珪百罹六極,造化罕比,五喪停露,百口轉 國難,至興寧末,方崇禮秩,官其子孫。蜀郡主簿田混,黃初末死故君之難,咸康中方擢其 族。羊叔子以晉秦始中建策伐吳,至咸寧末,方加襃寵,封其兄子。卞望之以咸和初殞身 之功臣,晉武帝方爵其玄孫。夏侯惇魏氏勳佐,金德初融,亦始就甄顯,方賞其孫,封樹近 亦何可遂。 吾與足下素無怨憾,何以相侵苦,直是意有佐佑耳。」 珪又書曰:「昔荀公達漢 足下積屈,一朝超升,政自小難。 秦始初勤苦十年,自未見其賞,而頓就求稱,

乖雅體,將來知音,或譏聖世。若謂鍾舞已諧,重違成憲,更立歌鍾,不參舊例。四縣所奏, 又歌鍾一肆,克諧女樂,以歌爲務,非雅器也。大明中,即以宮懸合和髀、拂,節數雖會,慮 僧虔上表曰:「夫懸鍾之器,〔<〕以雅爲用;凱容之禮,八佾爲儀。今總章羽佾,音服舛異。 尙書令。僧虔好文史,解音律,以朝廷禮樂多違正典,民閒競造新聲雜曲,時 太祖輔政, 僧虔尋加散騎常侍,轉右僕射。昇明元年,遷尚書僕射,尋轉中書令,左僕射,二年,爲

迭相開曉,所經漏忘,悉加補綴。曲全者祿厚,藝妙者位優。利以動之,則人思刻厲。反本 共聞。故喧醜之制,日盛於廛里;風味之響,獨盡於衣冠。宜命有司,務懃功課,緝理遺逸, 流宕無崖,未知所極,排斥正曲,崇長煩淫。士有等差,無故不可去樂;禮有攸序,長幼不可 變聽移,稍復銷落,十數年閒,亡者將半。自頃家競新哇,人尙謠俗,務在噍殺,不顧音紀, 江左彌貴。諒以金石干羽,事絕私室,桑、濮、鄭、衞,訓隔紳冕,中庸和雅,莫復於斯。 謹依雅條,即義沿理,如或可附。又今之淸商,實由銅爵,三祖風流,遺音盈耳,京、洛相高, 而情

或以肆忿。若罪必入重,自有正刑;若去惡宜疾,則應先啓。豈有死生大命,而潛制下邑。 夫,侍中、尹如故。郡縣獄相承有上湯殺囚,僧虔上疏言之曰:「湯本以救疾,而實行寃暴, 不恨,生者無怨。」上納其言。 愚謂治下囚病,必先刺郡,求職司與醫對共診驗;遠縣,家人省視,然後處理。[f] 可使死者 建元元年,轉侍中,撫軍將軍,丹陽尹。二年,進號左衞將軍,固讓不拜。改授左光祿大

還源,庶可跂踵。」事見納。

不可全誣也。 書曰:「古語云『中國失禮,問之四夷』。計樂亦如。 苻堅敗後,東〔晉〕始備金石樂,〔10〕故知 僧虔留意雅樂,昇明中所奏,雖微有釐改,尙多遺失。是時上始欲通使,僧虔與兄子儉 北國或有遺樂,誠未可便以補中夏之闕,且得知其存亡,亦一理也。但鼓吹

傳第

十四四

王僧虔

限。 之。」事竟不行。 舊有二十一曲,今所能者十一而已,意謂北使會有散役,得今樂署一人粗別同異者,充此使 雖復延州難追,其得知所知,亦當不同。若謂有此理者,可得申吾意上聞否?試爲思

書令珉、張芝、索靖、衞伯儒、張翼十二卷奏之。曰又上羊欣所撰能書人名一卷。 第一,陛下亦第一。」上笑曰:「卿可謂善自爲謀矣。」示僧虔古迹十一袠,就求能書人名。 僧虔得民閒所有,袠中所無者,吳大皇帝、景帝、歸命侯書,桓玄書,及王丞相導、領軍洽、中僧虔得民閒所有,袠中所無者,吳大皇帝、景帝、歸命侯書,桓玄書,及王丞相導、領軍洽、中 太祖善書,及卽位,篤好不已。與僧虔賭書畢,謂僧虔曰:「誰爲第一。」僧虔曰:「臣書

之。日言 爵,方貽官謗邪!兄子**險爲朝宰,起長梁齋,制度小過,僧虔視之不悅,竟不入戶,儉即毀** 虔曰:「君子所憂無德,不憂無寵。 可畏懼。」乃固辭不拜,上優而許之。 欲,不營財產,百姓安之。一世祖即位,僧虔以風疾欲陳解,會遷侍中、左光祿大夫、開府儀同 及授,僧虔謂兄子檢曰:「汝任重於朝,行當有八命之禮,我若復此授,則一 三司。僧虔少時羣從宗族竝會,客有相之者云:「僧虔年位最高,仕當至公,餘人莫及也。」 其年冬, 遷持節、都督湘州諸軍〔事〕、 [11] 征南將軍、湘州刺史, 侍中如故。 吾衣食周身,榮位已過,所慙庸薄無以報國,豈容更受高 改授侍中、特進、左光祿大夫。客問僧虔固讓之意,僧 門有二台司,實 清簡無所

史,慮其有公事。少時,僧虔薨,慈棄郡奔赴。僧虔時年六十。追贈司空,侍中如故。 永明三年,薨。僧虔頗解星文,[夜]坐見豫章分野當有事故,[四時僧虔子慈爲豫章內 諡簡

種

話同師羊欣,後小 於二王,緊媚〔過〕其父。〔15〕桓玄自謂右軍之流,論者以比凡琳之。謝安亦入能書錄,亦自 唯右軍、領軍,不爾,至今猶法鍾、張。亡從祖中書令書,子敬云『弟書如騎騾,駸駸恆欲度 南奧,右軍叔,過江之前以爲最。〔三〕亡曾祖領軍書,右軍云『弟書遂不減吾』。變古制,今 減,筆力恨弱。 放縱,極有筆力,規矩恐在羊欣後。丘道護與羊欣俱面受子敬,故當在欣後。范暈與蕭思 重,爲子敬書嵆康詩。 以辨其優劣,唯見其筆力驚異耳。張澄當時亦呼有意。郗悟章草亞於右軍。郗嘉賓草亞 軍當時不別,久後方悟,云『小人幾欲亂眞』。張芝、索靖、韋誕、鍾會、二衞並得名前代,無 兒輩賤家雞,皆學逸少書,須吾下,當比之。」張翼,王右軍自書表,晉穆帝令翼寫題後答,右 驊騮前』。 其論書曰:「宋文帝書,自云可比王子敬,時議者云『天然勝羊欣,功夫少於欣』。 王平 庾征西翼書,少時與右軍齊名,右軍後進,庾猶不分,在荆州與都下人書云:『小 謝綜書,其舅云 '叛,旣失故步,爲復小有意耳。蕭思話書,羊欣之影,風流趣好,殆當不 羊欣書見重一時,親受子敬,行書尤善,正乃不稱名。孔琳之書天然 緊生起,是得賞也,恨少媚好。 謝靈運乃不倫,遇其合時,

列傳

第十

四

王

僧虔

五九八

亦得入流。賀道力書亞丘道護。庾昕學右軍,[1刊亦欲亂眞矣。]又著書賦,傳於世。

建武初,欲獻中興頌,兄志謂之曰:「汝膏粱年少,何患不達,不鎭之以靜,將恐貽譏。」寂乃 第九子寂,字子玄,性迅動,好文章,讀范滂傳,未常不歎挹。王融敗後,賓客多歸之。

初爲祕書郎,卒,年二十一。

僧虔宋世嘗有書誠子曰:

近彷佛。 也。 樂,皆言家口實,如客至之有設也。 叔何所說,馬、鄭何所異,指例何所明,而便盛於麈尾,自呼談士,此最險事。 注,自少至老,手不釋卷,尚未敢輕言。汝開送子卷頭五尺許,CIOJ未知輔嗣何所道,平 窮生。但亟聞斯唱,未覩其實。 請從先師聽言觀行,冀此不復虛身。 吾未信汝,非徒然 哉?就如張衡思侔造化,郭象言類懸河,不自勞苦,何由至此?汝曾未窺其題目,未辨 前人得破,後人應解,不解卽輸賭矣。且論注百氏,荆州八袠,又才性四本,聲無哀 命汝言易,謝中書挑汝言莊,張吳興叩汝〔言〕尧,〔三〕端可復言未嘗看邪。談故如射, 往年有意於史,取三國志聚置床頭,百日許,復徙業就玄,自當小差於史,日之猶未 知汝恨吾不許〔汝〕學,〔1○〕欲自悔厲,或以闔棺自欺,或更擇美業,且得有慨,亦慰 曼倩有云:「談何容易。」見諸玄,志爲之逸,腸爲之抽,專一書,轉誦數十家 汝皆未經拂耳瞥目。豈有庖廚不脩,而欲延大賓者 設令袁令

鄭,亦必甚勝;復倍不如今,亦必大減。致之有由,從身上來也。〔汝〕今壯年,〔三〕自 稱,以何爲長。 其指歸;六十四卦,未知何名;莊子衆篇,何者內外;八袠所載,凡有幾家;四本之 自課讁?幸及盛時逐歲暮,何必有所減。」汝見其一耳,不全爾也。設令吾學如馬、 放勳無令子,亦各由己耳。汝輩竊議亦當云:「何日不學? [三] 在天地閒可嬉戲,何忽 而終日欺人,人亦不受汝欺也。由吾不學,無以爲訓。然重華無嚴父,

懃敷倍許勝,劣及吾耳。世中比例舉眼是,[回]汝足知此,不復具言。

化之後,若自無調度,誰復知汝事者?舍中亦有少負令譽弱冠越超淸級者,于時王家 境,方應從官,自己兼有室累,牽役情性,何處復得下帷如王郞時邪。爲可作世中學,取 知當有益否?各在爾身己切,(身)豈復關吾邪?[云]鬼唯知愛深松茂栢,寧知子弟毀譽 過一生耳。試復三思,勿諱吾言。猶捶撻志輩,冀脫萬一,未死之閒,望有成就者,不 異。何也? 體盡讀數百卷書耳。吾今悔無所及,欲以前車誠爾後乘也。 努力耳。或有身經三公,蔑爾無聞;布衣寒素,卿相屈體。或父子貴賤殊,兄弟聲名 門中,優者則龍鳳,劣者猶虎豹,失蔭之後,豈龍虎之議。況吾不能爲汝蔭,政應各自 因汝有感,故略敍胸懷矣。〔日〕 吾在世,雖乏德素,要復推排人閒數十許年,故是一舊物,人或以比數汝等耳。即 汝年入立

列傳

第

四

張緒字思曼,吳郡吳人也。祖茂度,會稽太守。父寅,至云太子中舍人。

緒少知名,清簡寡欲,叔父鏡謂人曰:「此兒,今之樂廣也。」

二府功曹,尚書倉部郎。都令史諮郡縣米事,緒蕭然直視,不以經懷。除巴陵王文學,太子 州辟議曹從事,舉秀才。建平王護軍主簿,右軍法曹行參軍,司空主簿,撫軍、南中郞

洗馬,北中郞參軍,太子中舍人,本郡中正,車騎從事中郞,中書郞,州治中,黃門郞。

宋明帝每見緒,輒歎其淸淡。轉太子中庶子,本州大中正,遷司徒左長史。吏部尚書

袁粲言於帝曰:「臣觀張緒有正始遺風,宜爲宮職。」復轉中庶子,領翊軍校尉,轉散騎常侍, 領長水校尉,尋兼侍中,遷吏部郎,參掌大選。元徽初,東宮罷,選曹擬舍人王儉格外記室,

緒以儉人地兼美,宜轉祕書丞,從之。緒又遷侍中,(中)郞如故。[宗]

緒言告樑、淵者,即出緒爲吳郡太守,緒初不知也。遷爲祠部尚書,復領中正,遷太常,加散 騎常侍,尋領始安王師。〔三〕]昇明二年,遷太(子)[祖]太傅長史,〔三〕加征虜將軍。 緒忘情榮祿,朝野皆貴其風,嘗與客閑言,一生不解作諾。時袁粲、褚淵秉政,有人以

濟臺建,轉散騎常侍,世子詹事。 建元元年,轉中書令,常侍如故。 緒善言,素望甚重。

之不耳。」車駕幸莊嚴寺聽僧達道人講,至三座遠,不聞緒言,上難移緒,乃遷僧達以近之。 太祖深加敬異。僕射王儉謂人曰:「北士中覔張緒,過江未有人,不知陳仲弓、黃叔度能過

尋加驍騎將軍。欲用緒爲右僕射,以問王儉,儉曰:「南士由來少居此職。」褚淵在座,

啓上曰:「儉年少,或不盡憶。 江左用陸玩、顧和,皆南人也。」儉曰:「晉氏衰政,不可以爲准 則。」上乃止。四年,初立國學,以緒爲太常卿,領國子祭酒,常侍、中正如故。緒旣遷官,上

緒長於周易,言精理奧,見宗一時。常云何平叔所不解易中七事,[1] 諸卦中所有時

以王延之代緒爲中書令,時人以此選爲得人,比晉朝之用王子敬、王季琰也。

羲,是其一也。

酒,世祖敕王晏日:「吾欲令司徒辭祭酒以授張緒,物議以爲云何?」子良竟不拜。以緒領國 佐固請之,緒正色謂晃信曰:「此是身家州鄉,殿下何得見逼」」七年,竟陵王子良領國子祭 十人。復領中正。長沙王晃屬選用吳興聞人邕爲州議曹,緒以資籍不當,執不許。晃遣書 郡王師,加給事中,太常如故。三年,轉太子詹事,師、給事如故。緒每朝見,世祖目送之。 謂王儉曰:「緒以位尊我,我以德貴緒也。」遷散騎常侍,金紫光祿大夫、師如故。 給親信二 世祖即位,轉吏部尚書,祭酒如故。永明元年,遷金紫光祿大夫,領太常。 明年,領南

子祭酒,光祿、師、中正如故。

親兄,齎酒於赭靈前酌飲,慟哭曰:「阿兄風流頓盡」」追贈散騎常侍、特進、金紫光祿大夫。 也。卒時年六十八。遺命作蘆葭轜車,靈上置杯水香火,不設祭。從弟融敬重緒,事之如 緒口不言利,有財輒散之。清言端坐,或竟日無食,門生見緒飢,爲之辨飡,然未嘗求

諡簡子。

子克,〔邑〕蒼梧世,正員郎,險行見寵,坐廢錮。

克弟允,永明中,安西功曹,淫通殺人,伏法。

允兄充,永明元年,爲武陵王友,坐書與尚書令王儉,辭旨激揚,爲御史中丞到撝所奏,

免官禁錮。論者以爲有恨於險也。

引者,別是一理,仰由裁照」。詔「更量」。說者旣異,今兩記焉。 案建元初,中詔序朝臣,欲以右僕射擬張岱。褚淵謂「得此過優,若別有忠誠,特進升

實平世之良相。張緒凝衿素氣,自然標格,搢紳端委,朝宗民望。夫如緒之風流者,豈不謂 史臣曰:王僧虔有希聲之量,兼以藝業。戒盈守滿,(發)[屈己]自容,[壹]方軌諸公,[張]

之名臣!

物允清才。

校勘記

- 無復遊(官)(宦)之興矣 據局本及元龜八百五十一改。
- 常用掘筆書 「掘」各本並作「拙」。按古「拙」字亦作「掘」,見史記貨殖列傳徐廣注,今不改。
- 甲族向來多不居憲臺 「向來」殿本作「由來」。 按御覽二百二十六、永樂大典六千八百三十二

引並作「由來」,南史、通典食貨典亦作「由來」。

- . ⊠ ** 王獻之善書 「王」字上南史有「始」字。
- \sqcap 中書舍人阮佃夫〔家〕在會(下)〔稽〕 據南監本、殿本、局本補改。
- ベン [身]雖孤微 據南監本、毛本、殿本、局本補。
- 不肯殊絕 「肯」南監本、殿本、局本作「至」。
- 夫懸鍾之器 「懸鍾」元龜五百六十六、宋書樂志作「鍾懸」。按汪僧虔此表宋書樂志引全文,此
- 有刪節,文句亦多異。
- 列 傳 第 + 四 「理」元鑢四百七十一作「治」。 校 勘 記

↑ た 凵

然後處理

- [10] 東[晉]始備金石樂 據南監本、毛本、殿本、局本補。
- [11] 吳大皇帝至十二卷奏之 卷』爲是。」今按法書要錄引此,無桓玄,有晉安帝,張芝前又列章仲將名,正爲十二人也。 張森楷校勘記云:「南史作『十一卷』,以上所述有十一人,疑作『十
- [II] 都督湘州諸軍[事] 據
[本、局本補。
- [1] 儉即毀之 「卽」下南監本有「日」字
- [12] [夜]坐見豫章分野當有事故 據南監本、殿本、局本補
- 過江之前以爲最 王廙爲最也。 按法書要錄云:「王平南廙,是右軍叔,自過江東,右軍之前,惟廙爲最。」文較明 元龜八百六十一「江」下有「右軍」二字,是。蓋謂在過江之後,右軍之前,以

析

- [1六] 緊媚[過]其父 據元龜八百六十一及法書要錄補。
- [1+] 庾昕學右軍 「庾昕」法書要錄作「康昕」。 又要錄引羊欣所撰古來能書人名,亦云「胡人康昕, 工隸草」。按自漢以來,康居人之留居中國者,皆以康爲氏。 既云「胡人康昕」,疑作「康」是。
- 知汝恨吾不許〔汝〕學 據南監本、殿本、局本及远龜八百十七補。
- [1元] 復徙業就玄自當小差於史 按远龜八百十七叠「玄」字。
- 至 公司 公開老子卷頭五尺許 按下云「馬鄭何所異」。 梁玉繩瞥記云:「馬、鄭未嘗注老。 王西莊光祿

云『老子』當作『老易』,蓋是也。」

三〕張吳興叩汝[言]老 據南監本、殿本、局本補。

何日不學 「何日」南監本、殿本及南史、元龜八百十七作「阿越」。

[三] [汝]今壯年 據南史及元龜八百十七補。

(三四)世中比例舉眼是「是」字上元龜八百十七有「皆」字。

三 方應從官 「官」<u>兩</u>史作「宦」。

三六 (身) 豈復關吾邪 據南史刪。按元龜八百十七、永樂大典六千八百三十二皆無「身」字。

(三古) 故略敍胸懷矣 南監本、殿本無「矣」字、元鵝八百十七作「耳」。

三公 父寅 「寅」南監本、局本及南史並作「演」。此子顯避梁武帝嫌名改。

[元] (中)郎如故 張森楷校勘記云:「上文未言爲中郎,疑衍『中』字, 郎如故謂吏部郎如故也。」按張

說是,今據刪。

[m0] 專領始安王師 「安」原譌「建」,各本不譌,今改正。

[三]] 昇明二年遷太(子)[祖]太傅長史 成諡高皇帝,廟號太祖,明「太子」乃「太祖」之譌,各本皆未正,今改。 南史云:「昇明二年,自祠部尚書爲齊高帝太傅長史。」按蕭道

[三]聽僧達道人講 「講」字下頭或有「維摩」二字。

六〇五

列

傳第

十四四

校

勘

記

[三] 常云何平叔所不解易中七事 書自言不解易九事』,南史伏曼容傳亦云『何晏疑易中九事』,此云七事,未知孰是。」 南史同。錢大町廿二史考異云:「三國志注引管輅別傳,云『何尚

[三](發)[屈己]自容 據南監本、毛本、殿本、局本改。

宣心 方軌諸公 「軌」原譌「埶」,今據匡本、殿本、局本改正。 按南監本作「之」。

南齊書卷三十四

列傳第十五

虞玩之 劉休 沈沖 庾杲之 王諶

玩之少閑刀筆,汎涉書史,解褐東海王行參軍,鳥程令。路太后外親朱仁彌犯罪,依法 虞玩之字茂瑶, 會稽餘姚人也。祖宗, 晉庫部郎。父政, 通直常侍。

錄治。〔太后〕怨訴孝武,〔1〕坐免官。秦始中,除晉熈國郞中令,尚書起部郞,通直郞。

闕,吾賢居右丞,已覺金粟可積也。」玩之上表陳府庫錢帛,器械役力,所懸轉多,〔三與用漸 廣,慮不支歲月。朝議優報之。遷安成王車騎錄事,轉少府。 元徽中,爲右丞。 時太祖參政,與玩之書曰:「張華爲度支尙書,事不徒然。 今漕藏有

問曰:「卿此屐已幾載。」」玩之曰:「初釋褐拜征北行佐買之,著已二十年,貧士竟不辦易。」」太 太祖鎭東府,朝野致敬,玩之猶躡屐造席。太祖取屐視之,訛黑斜銳,羹斷,以芒接之。

列

傳第十

五.

奧玩之

祖善之,引為驃騎諮議參軍。 應對有席上之美,齊名見遇。 遐字景遠,好學,有義行,兼與太祖素游,褚淵、王儉並見親 霸府初開,賓客輻凑,太祖留意簡接,玩之與樂安任遐,俱以

疵。 愛。官至光祿大夫,永元初卒。 死(板)[叛], [6] 停私而云隸役,身強而稱六疾。編戶齊家,少不如此。皆政之巨蠹,敎之深 治天下,唯良二千石,今欲求治取正,其在勤明令長。凡受籍,縣不加檢合,但封送州,州檢 蓋 嘉中,故光禄大夫傅隆,年出七十,猶手自書籍,躬加隱校。隆何必有石建之慎,高柔之勤, 革斯弊邪?」玩之上表曰:「宋元嘉二十七年八條取人,孝建元年書籍,衆巧之所始也。 元 寡。然國經未變,朝紀恆存,相揆而言,隆替何速。此急病之洪源,晷景之切患,以何科算, 宋元嘉以前,茲役恆滿,大明以後,樂補稍絕。或緣寇難頻起,軍蔭易多,民庶從利,投坊者 卿諸賢並深明治體,可各獻嘉謀,以振澆化。又臺坊訪募,此制不近,優刻素定,閑劇有常。 已久,至乃竊注爵位,盜易年月,增損三狀,貿襲萬端。或戶存而文書已絕,或人在而反託 傳堅意檢定簿籍。建元二年,詔朝臣曰:「黃籍,民之大紀,國之治端。 自頃氓俗巧僞,爲日 |以世屬休明,服道脩身故耳。今陛下日旰忘食,未明求衣,詔逮幽愚,謹陳妄說。 古之共 玩之遷驍騎將軍,黃門郎,領本部中正。〔三上患民閒欺巧,及卽位,敕玩之與驍騎將軍 比年雖却籍改書,終無得實。 若約之以刑,則民僞已遠; 若綏之以德,則勝殘未易。

皆然。或抱子幷居,竟不編戶,遷徙去來,公違土斷。屬役無滿,流亡不歸。寧喪終身,疾 辭籍,浮遊世要,非官長所拘錄,復爲不少。 尋蘇峻平後,庾亮就溫嶠求勳簿,而嶠不與,以 亦有以。自孝建已來,入勳者衆,其中操干戈衞社稷者,三分殆無一焉。 明洗,然後上州,永以爲正。若有虛昧,州縣同咎。今戶口多少,不減元嘉,而板籍頓闕,弊 久,今建元元年書籍,宜更立明科,一聽首悔,迷而不反,依制必戮。使官長審自檢校,必令 百里之所以單也。今但使募制明信,滿復有期,民無逕路,則坊可立表而盈矣。爲治不患 媼比肩,彌山滿海,皆是私役。 行貨求位,其塗甚易,募役卑劇,何爲投補。 坊吏之所以盡, 病長臥。法令必行,自然競反。又四鎭戍將,有名寡實,隨才部曲,無辨勇懦,署位借給,巫 入仕流、(苦)[昔]爲人役者、至今反役人。又生不長髮,便謂爲道[人],〔於」塡街溢巷,是處 爲祿,實潤甚微,而人領數萬,如此二條,天下合役之身,已據其太半矣。 爲陶侃所上,多非實錄。尋物之懷私,無世不有,宋末落紐,此巧尤多。 得實,方却歸縣。吏貪其賂,民肆其姦,姦彌深而却彌多,賂愈厚而答愈緩。自泰始三年至 神州奧區,尙或如此,江、湘諸部,倍不可念。 愚謂宜以元嘉二十七年籍爲正。 民惰法旣 元徽四年,揚州等九郡四號黃籍,共却七萬一千餘戶。于今十一年矣,而所正者猶未四萬。 無制,患在不行,不患不行,患在不久。」上省玩之表,納之。乃別置板籍官,守置令史,限 又將位旣衆,舉卹 勳簿所領,而詐注 又有改注籍狀,詐

之諐,不足追咎。自宋昇明以前,皆聽復注。 年,謫巧者戍緣准各十年,百姓怨望。 世祖乃詔曰:「夫簡貴賤,辨尊卑者,莫不取信於黃 豈有假器濫榮,竊服非分。故所以澄革虛妄,式允舊章。然釁起前代,過非近失,旣往 日得數巧,以防懈怠。於是貨賂因緣,籍注雖正,猶強推却,以充程限。至世祖永明八 其有謫役邊疆,各許還本。 此後有犯,嚴加

効也。慶降於文明之初,

(5) 荷澤於天飛之運,臣命之偶也。不謀巧宦而位至九卿,德慙

|李 臣俱盡之矣。經昏踐亂,涉艱履危,仰聖德以求全,憑賢輔以申節,未嘗厭屈於勳權,畏溺 陵而忝居門下。[10]堯舜無窮,臣亦通矣。年過六十,不爲天矣。 榮期之三樂,東平之一善, 不免縲紲,屬遇聖明,知其非罪,臣之幸厚矣。授命於道消之晨,効節於百揆之日,臣忠之 且知足不辱,臣已足矣。禀命飢寒,不求富貴,銅山由命,臣何恨焉,久甘之矣。直道事人, 刻不推,朝晝不保。大功兄弟,四十有二人,通塞壽夭,唯臣獨存。 耗漸篤。爲性不懶惰,而倦怠頓來。耳目本聰明,而聾矒轉積。脚不支身,喘不緒氣。 齊,世歷三代,朝市再易。臣以宋元嘉二十八年爲王府行佐,於茲三十年矣。 盡 |必傾,理固然也。四十仕進,七十懸車,壯則驅馳,老宜休息。臣生於晉,長於宋,老於 玩之以久(宮年)[宦衰]疾,穴上表告退,曰:「臣聞負重致遠,力窮則困,竭誠事君,智 朝露末光,寧堪長久。 自頃以來,衰 景

賜臣骸骨。 於狐鼠,臣立身之本,於斯不虧。在其壯也,當官不讓。及其衰矣,豪露靡因。伏願慈臨, 祖謂之曰:「卿儀曹才也。」儉爲宰相,逷嘗謀議帷幙,每及選用,頗失鄉曲情。 儉求會稽五官,儉方盥,投皂莢於地,曰:「卿鄕俗惡。虞玩之至死(治)〔煩〕人。」 [11] 至是玩之東歸,儉不出送,朝廷無祖餞者。玩之歸家起大宅,數年卒。其後員外郞孔瑄就 天假其辰,得二三年閒,掃守丘墓,以此歸全,始終之報遂矣。」上省玩之表,許之。 公。 曰:「臣有孔逷, 猶陛下之有臣也。」永明中, 爲太子家令, 卒。時人呼孔逷、何憲爲王儉三 孔逷字世遠,玩之同郡人。好典故學。與王儉至交。昇明中,爲齊臺尚書儀曹郞,太 玩之於人物好臧否,宋末,王儉舉員外郞孔逷使虜,玩之言論不相饒,逷、儉並恨之。 永明十年,使于虜中。 憲字子思,廬江人也。 劉休字弘明,自己沛郡相人也。祖徽,正員郞。父超,九眞太守。 非爲希高慕古、愛好泉林。 以強學見知。 特以丁運孤貧,養禮多闕,風樹之感,夙自纏心,庶 母鎭北長史王敷之女,聰明有訓識。 儉從容啓上 憲爲本州別

列傳

第十五

劉休

南 ,喜稱其才,進之明帝,得在左右。 羅縣。 鄉侯。 休 初爲駙馬都尉,奉朝請,宋明帝[湘]東國常侍。[11]好學諳憶,不爲帝所知。 友人陳郡謝儼同丞相義宣反,休坐匿之,被繫尚方七年,孝武崩,乃得出。 太始初,諸州反,休筮明帝當勝,靜處不預異謀。 板桂陽王征北參軍。 數年,還投吳喜爲輔師府錄事參 隨弟欽 襲祖封

十數。 治之,何如。」。彥遠率爾應曰:「聽聖旨。」其夕,遂賜藥殺其妻。 休妻王氏亦妬,帝聞之,賜休 妾,敕與王氏二十杖。 不如占。 自稱爲 帝頗有好尙,尤嗜飮食,休多藝能,爰及鼎味,問無不解。後宮孕者,帝使筮其男女,無 李郎焉。 從帝 帝素肥,痿不能御內,諸王妓妾懷孕,使密獻入宮,生子之後,閉其母於幽房,前後 ,桂陽王休範子也。〔18〕蒼梧王亦非帝子,陳太妃先爲李道兒妾,故蒼梧微行,嘗 帝憎婦人妬,尚書右丞榮彥遠以善綦見親,二三婦妬傷其面,帝曰:「我爲卿 令体於宅後開小店,使王氏親賣掃箒皂莢以辱之。 其見親如此。

守如故。 還爲正員郎,邵陵王南中郎錄事、建威將軍、新蔡太守。 後遷長史。沈攸之難,日日世祖挾晉熙邵陵二王軍府鎭盆城,休承奉軍費,事寧,仍遷邵陵王 如 故。 尋除員外郎,領輔國司馬、中書通事舍人,帶<u></u>南城令。 除安成王撫軍參軍,日初出爲都水使者,南康相。 遷諮議,司馬,進寧朔將軍,鎭蠻護軍、太守如故。 [休]善言治體,[1七]而在郡 隨轉左軍府,加鎭蠻護軍,將軍、太 除尚書中兵郞,給事中,舍人、令 徙尋陽太守, 將軍、司 無異績。 馬如故。

安南長史,除黄門郎,寧朔將軍,前軍長史,齊臺散騎常侍。

宜請骸骨。」上曰:「卿職當國司,以威裁爲本,而忽憚世誚。 卿便應辭之事始,何可獲惰晚 懷其允。臣竊尋宋世載祀六十,歷職斯任者五十有三,校其年月,不過盈歲。於臣叨濫, 和,日己朝絕比肩之顧,覆背騰其喉脣,武人厲其觜吻。怨之所聚,勢難久堪,議之所裁,孰 豈唯不能使蕃邦斂手,豪右屛氣,乃遣聽已暴之辜,替網觸羅之鳥。而猶以此,里失鄉黨之 建元初,為御史中丞。頃之,休啓曰:「臣自塵榮南憲,星晷交春,謬聞弱奏,劾無空月。

世共宗之,右軍之體微古,不復見貴。 加冠軍將軍。卒,年五十四。 宋末,上造指南車,以休有思理,使與王僧虔對共監試。 元嘉世,羊欣受子敬正隸法, 体始好此法,至今此體大行。四年,出為豫章內史,

秀才,還爲撫軍正佐,兼記室。及懷文得罪被繫,沖兄弟行謝,情哀貌苦,見者傷之。 五官,轉揚州主簿。宋大明中,懷文有文名,沖亦涉獵文義。 沈沖字景綽,吳興武康人也。祖宣,新安太守。父懷文,〔廣陵太守〕。〔三〕〕沖解褐衞尉 轉西陽王撫軍法曹參軍,尋舉 柳元

歎息。沖兄弟以此知名。

景欲救懷文,言於帝曰:「沈懷文三子塗炭不可見,願陛下速正其罪。」帝竟殺之。元景爲之

泰始初,以母老家貧,啓明帝得爲永興令。遷巴陵王主簿,除尙書殿中郎。元徽中,出

轉御史中丞,侍中,冠軍廬陵王子卿爲郢州,以沖爲長史、輔國將軍、江夏內史,行府、州事。 長史、尋陽太守,甚見委遇。 隨府轉爲安西長史、南郡內史,行荆州府事,將軍如故。永明四年,徵爲五兵尙書。 議參軍,領錄事,未及到任,轉黃門郎,仍遷太子中庶子。 爲晉安王安西記室參軍,還爲司徒主簿,山陰令,轉司徒錄事參軍。 世祖還都,使沖行府、州事。 世祖在東宮,待以恩舊。 遷領軍長史。 世祖爲江州,沖爲征虜 建元初,轉驃騎諮 及即位,

從弟昂爲中丞,到官數日,奏彈淵子續父在僦白幰車, 直,晉、宋未有也。 火,疑爲人所焚爇,大呼曰:「我三見皆作御史中丞,與人豈有善者」」 沖與兄淡、淵名譽有優劣,世號爲「蓍鼓兄弟」。淡、淵並歷御史中丞,兄弟三人,皆爲司 中丞案裁之職,被憲者多結怨。 淵永明中彈吳興太守袁彖,建武中,彖 免官禁錮。 沖母孔氏在東,隣家失

誠著蕃朝,績彰出內。〔三〕不幸早世,朕甚悼之。」追贈太(保)〔常〕,〔三〕諡曰恭子。 止,惻愴良深。 世祖方欲任沖,冲西下至南州而卒。 以其昔在南蕃,特兼憫悼。」車駕出臨沖喪,詔曰:「沖貞詳閑理,志局淹正。 時年五十一。上甚惜之。 喪還,詔曰:「沖喪柩至

庾杲之字景行,新野人也。 祖深之,雍州刺史。父粲,司空參軍。

常侍、正員郞、遷中書郞、領荆、湘二州中正。轉尙書左丞、常侍、領中正如故。 之曰:「誰謂庾郎貧,食鮭常有二十七種。」言三九也。仍爲世祖撫軍中軍記室,遷員外散騎 西外兵參軍,世祖征虜府功曹,尙書駕部郞。清貧自業,食唯有韮葅、滯韮、生韮雜菜,或戲 杲之少而貞立,學涉文義。起家奉朝請,巴陵王征西參軍。郢州舉秀才,除晉熙王鎭

長史,雖不獲就,要是意向如此。今亦應須如我輩人也。」乃用早之。遷黃門郎,兼御史中 出爲王儉衞軍長史,時人呼儉府爲入芙蓉池。曰己儉謂人曰:「昔袁公作衞軍,欲用我爲

丞,尋卽正。

尙書吏部郎,參大選事。轉太子右衞率,加通直常侍。 不得妄與人接,敕杲之與濟陽江淹五日一詣諸王,使申遊好。尋又遷廬陵王中軍長史,遷 曰:「杲之爲蟬冕所照,更生風采。陛下故當與其卽眞。」帝意未用也。永明中,諸王年少, 杲之風範和潤,善音吐。

世祖令對虜使,兼侍中。[三]上每歎其風器之美,王儉在座,

九年,卒。臨終上表曰:「臣昨夜及旦,更增氣疾,自省綿痼,頃刻危殆,無容復臥。任 傳第十五 庾杲之 王諶

踰知命,志事榮顯,脩夭有分,無所厝言。 居隆顯,玷塵明世,乞解所忝,待終私庭。臣以凡庸,謬徼昌運,獎擢之厚,千載難逢。 爲碑文。卒時年五十一,上甚惜之。 違庭闕,伏枕鯁戀。送貂蟬及章。」詔不許。杲之歷在上府,以文學見遇。 諡曰貞子。 若天鑒微誠,蹔借餘曆,傾宗殞元,陳力無遠。 上造崇虛館,使 且年 仰

時會稽孔廣,字淹源,亦美姿制。歷州治中,卒。

佐。及卽位,除司徒參軍,帶薛令,兼中書舍人,見親遇,常在左右。 州 國、府主皆宋明帝也。除義陽王征北行參軍,又除度明帝衞軍府。 宋大明中,沈曇慶爲徐州,辟諶爲迎主簿,又爲州迎從事,湘東王國常侍,鎭北行參軍, 王諶字仲和,東海郯人也。祖萬慶,至到員外常侍。父元閔,護軍司馬。 諶見帝所行慘僻,屢諫 諶有學義,累爲帝蕃

遷兼中書郎,晉平王驃騎板諮議,出爲湘東太守,秩中二千石,未拜,坐公事免。 復爲桂陽

。尋除尙書殿中郞,徙記室參軍,正員郞,薛令如故。

王驃騎府諮議參軍,中書郞。

不從,請退,坐此見怒,繫尙方,少日出。

明帝好圍棊,置圍棊州邑,以建安王休仁爲圍棊州都大中正,諶與太子右率沈勃、尙書

水部即庾珪之、彭城丞王抗四人爲小中正,朝請褚思莊、傅楚之爲清定訪問。

如故。 中,武陵王曄爲會稽,以諶爲征虜長史行事,冠軍如故。 門,轉正員常侍,輔國將軍,江夏王右軍長史,冠軍將軍。 出爲臨川內史,還爲尙書左丞。尋以本官領東觀祭酒,即明帝所置總明觀也。 永明初,遷豫章王太尉司馬,將軍 轉給事中,廷尉卿,未拜。 遷黄

陽王子明在南兖州,長史沈憲去職,上復徙諶爲征虜長史,行南兖府、州事,將軍如故。 善人,多與之厚。八年,轉冠軍將軍、長沙王車騎長史,徙廬陵王中軍長史,將軍如故。 府、州事。五年,除黃門郎,領驍騎將軍,遷太子中庶子,驍騎如故。諶貞正和謹,朝庭稱爲 |諶少貧,嘗自紡績,及通貴後,每爲人說之,世稱其志達。 九年,卒。 年六十九。 世祖與諶相遇於宋明之世,欲委任,自宗司爲輔國將軍、晉安王南中郞長史、淮南太守,行 西

閥,忍賊肌膚,生濫死乖,趨避繩網。積虛累謬,已數十年,欺蔽相容,官民共有,爲國之道, 季世以後,務盡民力,量財品賦,以自奉養。下窮而上不卹,世澆而事愈變。 史臣曰:鶉居鷇飲,裁樹司牧,板籍之起,尚未分民,所以愛字之義深,納隍之意重也。 故有竊名簿

記

列

良宜矯革。 若令優役輕徭,則斯詐自弭; 明糾羣吏,則茲僞不行。 空閱舊文, 徒成民幸。

是以崔琰之譏魏武,謝安之論京師,斷民之難,豈直遠在周世〔哉〕?〔日〕

並用興王。 贊曰:玩之止足,爲論未光。 劉休善筮,安臥南湘。沖獲時譽,杲信珪璋。 **諶惟舊序**,

校勘記

[1] [太后]怨訴孝武 據南監本、殿本、局本及南史補。

(三) 所懸轉多 「所懸」南監本、殿本及南史並作「州縣」,譌。 按所懸轉多謂所懸欠轉多也,元龜四

百六十七亦作「所懸」。

〔三〕領本部中正 張森楷校勘記云:「『部』疑『郡』字之譌。」

或人在而反託死(板)〔叛〕 據南監本及南史改。言人在而在籍上妄注死叛也。

(五)(苦)(苦)(告)為人役者 按下云「今反役人」,則「苦」當作「昔」,形之譌也。各本並譌,今據通典食貨

典、元龜四百八十六改。

[六] 又生不長髮便謂爲道[人] 據通典食貨典補。 按南北朝人稱僧爲道人,見南史梁弘景傳。

[4]乃別置板籍官 「板」南史、通典食貨典、元龜四百八十六作「校」。

- [八]玩之以久(官年)[宦襄]疾 據南監本、殿本及南史改。
- [元] 慶降於文明之初 「慶降」殿本作「降慶」,元龜八百九十九作「慶隆」。
- [10] 德慙李陵而忝居門下 殿本考證云:「『李陵』二字有疑。」按張森楷校勘記云:「按太史公報任少

卿書有『僕與李陵,俱居門下』之語,非誤也。」

虞玩之至死(治)[煩]人 據南監本、殿本、局本改。按御覽九百六十引及元鑢四百七十八亦作

(1三) 劉休字弘明 「弘」宋本避諱缺筆作「引」,今據南監本、殿本、局本改正。

[1]] 宋明帝[湘]東國常侍 據南監本、殿本、局本及南史補。

[12] 從帝桂陽王休範子也

從帝卽順帝,子顯避梁諱改,南監本、殿本已改爲「順帝」。

[1吾] 尚書右丞樂彦遠 「樂彦遠」南監本、局本作「羅彦遠」。

(1七) (休)善言治體 據南監本、殿本、局本補。

□☆ 除安成王撫軍參軍

按「安成」原作「安城」。據宋書順帝紀改正。

[14] 沈攸之難 按「沈攸之」下當疊一之「字」。

[1九] 里失鄉黨之和 「里」原譌「理」、今據毛本、殿本、局本改正。

[10] 父懷文[廣陵太守] 據南監本、毛本、殿本、局本補。 列 傳 第 十五 校 勘 記

績彰出內 「出內」南監本、殿本作「出守」。

進贈太(保)[常] 據南監本、殿本、局本及南史改。

時人呼儉府爲入芙蓉池 殿本作「時人呼入儉府爲芙蓉池」。

兼侍中 南史云「嘗兼侍中夾侍」。 錢大昕廿二史考異云:「此『兼』字當讀去聲,蓋假職未眞授

之稱,與一人兼兩職之兼有別。」

哥 祖萬慶 殿本考證云:「南史無『萬』字。」

云) 欲委任 「欲」元龜二百十一作「故」,義較長。

□13 豈直遠在周世□哉〕 據殿本、 局本補。

南齊書卷三十五

列傳第十六

高帝十二王

陽王鱳,何太妃生始興簡王鑑、宜都王鏗;區貴人生衡陽王鈞;張淑妃生江夏王鋒、河東 王鉉;李美人生南平王銳;第九、第十三、第十四、第十七皇子早亡。衡陽王鈞出繼元王 太妃生武陵昭王曅;任太妃生安成恭王暠;陸脩儀生鄱陽王鏘、晉熙王録; 高帝十九男:昭皇后生武帝、豫章文獻王嶷;謝貴嬪生臨川獻王映、長沙威王晃;羅 袁脩容生桂

後。

臨川獻王映字宣光,太祖第三子也。宋元徽四年,解褐著作佐郎,遷撫軍行參軍,南陽 列 傳 第 + 六 高 ñ 十二王

事、行〔南〕兖州刺史,[] 將軍 事中郎、 輔國將軍、淮南宣城二郡太守,並不拜。 沈攸之事難,太祖時領南徐州,以映爲寧朔將軍,鎮京口。 ·如故。 尋除給事黃門侍郎,領前軍將軍,仍復爲冠軍將軍、**南** 仍爲假節、(都)督南兖兖徐青冀五州諸 事寧,除中軍諮議、從 軍

|兖州刺史,假節(都)督,復爲監軍,〔三] 督五州如故。

字,而太祖踐阼。以映爲使持節、都督荆湘雍益梁寧南北秦八州諸軍事、平西將軍、荆州刺 州,東治聰敏,府州曹局,皆重足以奉禁令,自宋彭城王義康以後未之有也。 騎常侍、都督楊南徐二州諸軍事、前將軍、揚州刺史,持節如故。 封臨川王,食邑例二千戶。又領湘州刺史。豫章王嶷旣留鎭陝西,映亦不行。 齊臺建,宋帝詔封映及弟晃、暈、暠、鏘、鑠、鑑並爲開國縣公,各千五百戶,未及定上 國家初創,映以年少臨神 改授散

右射, 給鼓 二年,給油絡車。 吹一部。 出 應接賓客,風韻韶美,朝野莫不惋惜焉。 爲都督荆湘雍益梁巴寧南北秦九州諸軍事、鎭西將軍、荆州刺史,持節、常侍如故。 以國 五年,即本號開府儀同三司。 一憂解散騎常侍,進號征西。 時年三十二。 永(興)[明]元年,[三]入爲侍中,驃騎 七年,薨。 映善騎射,解聲律,工左右書左 詔賜 、東園祕器,朝服一具,衣 將 軍。

長子子晉,歷東陽吳興二郡太守,祕書監,領後軍將軍。 永元初,爲侍中,遷左民尚書。 襲。

贈司

九子,皆封侯。

守,黃門侍郎。好音樂,解絲竹雜藝。梁初坐閨門淫穢及殺人,爲有司所奏,請議禁錮。[8] 輔國將軍、高平太守。 坐從妹祖日不拜,爲有司所奏,事留中,子晉遂不復拜。梁王定京邑,猶服侍中服。 第二子子游,州陵侯。解褐員外郎,太子洗馬,歷琅邪、晉陵二郡太 入梁爲

子晉謀反,兄弟並伏誅。

友,不拜。昇明二年,代兄映爲寧朔將軍、淮南宣城二郡太守。初,沈攸之事起,晃便弓馬, 多從武容,至 燻赫都街,時人爲之語曰:「煥煥蕭四繖。」 長沙威王晃字宣明,太祖第四子也。少有武力,爲太祖所愛。宋世解褐秘書郎邵陵王

徐兖二州諸軍事、後將軍、南徐州刺史。世祖爲皇太子,拜武進陵,於曲阿後湖鬬隊,使晃 祚, [刊] 晃欲用政事, [八] 輒爲典籤所裁,晃執殺之,上大怒,手詔賜杖。 御馬軍,上聞之,又不悅。入爲侍中、護軍將軍,以國憂,解侍中,加中軍將軍。 其年,遷爲持節、監豫司二州〔郢州〕之西陽諸軍事、「k〕西中郎將、豫州刺史。 尋遷使持節、都督南 太祖踐

子良爲南兖州,以晃爲使持節、都督南徐兖二州諸軍事、鎭軍將軍、南徐州刺史。入爲散騎 太祖臨崩,以晃屬世祖,處以輦轂近蕃,勿令遠出。永明元年,上遷南徐州刺史竟陵王

第

十六

泣。 常侍,中書監。諸王在京都,唯置捉刀左右四十人,晃愛武飾,罷徐州還,私載數百人仗還 終無異意。 都,爲禁司所覺,投之江水。 御前稽首流涕曰:「晃罪誠不足宥。陛下當憶先朝念白象。」 〔白象〕,晃小字也。 〔10〕上亦垂 太祖大漸時,誠世祖曰:「宋氏若不骨肉相圖,他族豈得乘其衰弊,汝深戒之。」故世祖 然晃亦不見親寵。當時論者以世祖優於魏文,減於漢明。 世祖禁諸王畜私仗、(上)聞之大怒,(五)將糾以法。 豫章王嶷於

號車騎將軍,侍中如故。給油絡車,鼓吹一部。八年,薨,年三十一。賜東園祕器,朝服一 尋加晃鎭軍將軍,轉丹陽尹,常侍、將軍如故。又爲侍中、護軍將軍,鎭軍如故。 尋進

出。 具,衣一襲。 世祖嘗幸鍾山,晃從駕,以馬矟刺道邊枯蘗,上令左右數人引之,銀纏皆卷聚,而矟不 乃令晃復馳馬拔之,應手便去。 即本號,贈開府儀同三司。

曰:「此我家任城也。」世祖緣此意,故諡曰威。 陵昭王舉字宣照, [1]太祖第五子也。母羅氏,從太祖在淮陰,以罪誅, [奉年四歲, 每遠州獻駿馬,上輒令晃於華林中調試之。 太祖常

思慕不異成人」,故量見愛。〔三初除冠軍將軍,轉征虜將軍。晕剛穎儁出,工弈棊,與諸王

武

作體不辨有首尾,安仁、士衡深可宗尚,顏延之抑其次也。」 共作短句,詩學謝靈運體,以呈上,報曰:「見汝二十字,諸兒作中最爲優者。 但康樂放蕩,

常侍、太常卿。又爲中書令、遷祠部尚書、常侍並如故。 上遣 儒士劉瓛往郡,爲畢講五經。 建元三年,自己出為持節、都督會稽東陽新安永嘉臨海五郡軍事、會稽太守,將軍如故。 世祖即位,進號左將軍,入爲中書令,將軍如故。 轉散騎

射,上敕量疊破,凡放六箭,五破一皮,賜錢五萬。又於御席上舉酒勸糧,糧曰:「陛下嘗不 嶷曰:「風景殊美、(令)[今]日甚憶武陵。」[12]上乃呼之。 以此處許臣。」上回面不答。 「手何如?」上神色甚怪。 嶷曰:「阿五常日不爾,今可謂仰藉天威。」帝意乃釋。 墨無寵於世祖,未嘗處方嶽,數以語言忤旨。世祖幸豫章王處東田宴諸王,獨不召墨。 畢善射, 屢發命中, 顧謂四坐曰: 後於華林賭

之啓畢得失,於是徵還爲左民尙書。 臣此宅,使臣歌哭有所。陛下欲以州易宅,臣請「不」以宅易州。」「三至鎮百餘日,典籤趙渥 久之,出爲江州刺史,常侍如故。 上以量方出外鎮,求量宅給諸皇子。 曅曰:「先帝賜

至,引見問之。爗稱牛羸,不能取路。 俄轉前將軍,太常卿,累不得志。 上敕車府給副御牛一頭。 多節問訊,諸王皆出,曅獨後來,上已還便殿,聞畢 敕主客:「自今諸王來不隨

例者,不得復爲通。」

爲「首陽」,蓋怨貧薄也。

曰:「我與向人亦復何異」」尚書令王儉詣糧,暈留儉設食,柈中菘菜鰛魚而已。又名後堂山 以公事還過竟陵王子良宅,冬月道逢乞人,脫襦與之。子良見暈衣單,薦襦於暈。

給節,班劍二十人。 鬱林旣立,甚見憑賴。 王子良在殿內,太孫未立,衆論喧疑。 又給扶二人。世祖臨崩,遺詔爲衞將軍,開府儀同三司,給鼓吹一部。 尋爲<u></u>丹陽尹,常侍、將軍如故。始不復置行事,得自親政。轉侍中,護軍將軍。 隆昌元年,年二十八,薨。賜東園秘器,朝服。 |畢衆中言曰:「若立長則應在我,立嫡則應在太孫。」 贈司空,侍中如故。 大行在殯,竟陵 給油絡

軍。 軍。 年,出爲使持節、督江州豫州之晉熙諸軍事、南中郞將、江州刺史。 六年,出爲南徐州刺史。九年,遷散騎常侍,祕書監,領石頭戍事。 暠性清和多疾,其 明年,爲左衞將軍。 安成恭王暠字宣曜,太祖第六子也。 **尋遷侍中,領步兵校尉。** 建元二年,除冠軍將軍,鎮石頭戍,領軍 轉中書令。五年,遷祠部尚書,領驍騎將 永明元年,進號征虜將 事。

軍。 南將軍,置佐史,常侍如故。先是二年省江州府,至是乃復。 進號撫軍。 四州郢州之竟陵司州之隨郡軍事、北中郞將、寧蠻校尉、雍州刺史。永明二年,進號征虜將 四年,爲左衞將軍,遷侍中,領步兵校尉。 鄱陽王鏘字宣韶,太祖第七子也。建元四年,世祖即位,以鏘爲使持節、督雍梁南北秦 鏘和悌美令,有寵於世祖,領軍之授,齊室諸王所未爲。 出爲江州刺史,常侍如故。 九年,始親府、州事。 七年,轉征虜將軍,丹陽尹。 十一年,爲領軍,常侍如故。 鏘在官理事無壅,當時稱之。 加使持節、督江州諸軍事、安 尋加散騎常侍,

侍如故。俄遷侍中、驃騎將軍、開府儀同三司,領兵置佐。 車駕遊幸,常甲仗衞從,恩待次豫章王嶷。其年,給油絡車。 隆昌元年,轉尚書右僕射,常

人,願陛下無以爲慮。」鬱林退謂徐龍駒曰:「我欲與公共計取鸞,公旣不同,我不能獨辦,且 於法身何如?」「以謝日:「臣鸞於宗戚最長,且受寄先帝。臣等年皆尚少,朝廷之幹,唯鸞 **鏘雍容得物情,爲鬱林王所依信。鬱林心疑高宗,諸王問訊,獨留鏘謂之曰:「公聞鸞**

復小聽。」及鬱林廢,鏘竟不知。

焉。 殺。 府、且慮事難捷、意甚猶豫。馬隊主劉巨、世祖時舊人、詣鏘請閒、叩頭勸鏘立事。鏘命駕 將入,復回還內與母陸太妃別,日暮不成行。數日,高宗遣二千人圍鏘宅害鏘,謝粲等皆見 等閉城門上仗,誰敢不同?康城人政共縛送蕭冷耳。」子隆欲定計,鱂以上臺兵力旣悉度康 制局監謝粲說鏘及隨王子隆曰:「殿下但乘油壁車入宮,出天子置朝堂,二王夾輔號令,梁 車迎鏘。 延興元年,進位司徒,侍中驃騎如故。高宗鎭東府,權勢稍異,鏘每往,高宗常履履至 語及家國,言淚俱下,鏘以此推信之。一面宮臺內皆屬意於鏘,勸鏘入宮發兵輔政。

常侍。 出蕃,始省軍府。 羸 有冷疾,常枕臥。 海陵立,轉侍中、撫軍將軍,領兵置佐。 桂陽王鱳字宣朗,太祖第八子也。永明二年,出爲南徐州刺史,鎭京口。歷代鎭府,鑠 時鄱陽王鏘好文章,鑠好名理,時人稱爲「鄱桂」。 四年,加散騎常侍。六年,遷中書令,度支尙書。 世祖臨視,賜床帳 念褥。 隆昌元年,加前將軍。 十年,遷太常,常侍如故。 七年,轉中書令,加散騎 給油絡車,並給扶侍二 |鑅|

「向錄公見接慇懃,流連不能已,而貌有慙色,此必欲殺我。」三更中,兵至見害。時年二十 鄱陽王見害,鑠遷中軍將軍,開府儀同三司。鑠不自安,至東府詣高宗還,謂左右曰:

五。

始興簡王鑑字宣徹,太祖第十子也。初封廣興王,後國隨郡改名。 永明二年,世祖始

以鑑爲持節、都督益寧二州軍事、前將軍、益州刺史。

長九尺三寸,色紅,有文。八年,進號安西將軍。 跪注錞于,以手振芒,則其聲如雷,淸響良久乃絕。古所以節樂也。五年,鑑獻龍角一枚, 黑如漆,甚薄。上有銅馬,以繩縣馬,令去地尺餘,灌之以水,又以器盛水於下,以芒莖當心 廣漢什邡民段祖以錞于獻鑑,古禮器也。高三尺六寸六分,圍二尺四寸,圓如筩,銅色

甚,上遣騎問疾相繼,爲之詔止樂。薨,年二十一。遣贈中軍將軍,本官新除悉如故。 左衞將軍,未拜,遇疾。上爲南康王子琳起靑陽巷第新成,車駕與後宮幸第樂飲,其日鑑疾 明年,爲散騎常侍,祕書監,領石頭戍事。上以與鑑久別,車駕幸石頭宴會賞賜。

轉散騎常侍。 江夏王鋒字宣穎,太祖第十二子。〔12〕永明五年,爲輔國將軍,南彭城、平昌二郡太守。 七年,遷左衞將軍,仍轉侍中,領石頭戍事。 九年,出爲徐州刺史。

位,加散騎常侍。隆昌元年,入爲侍中,領驍騎將軍,尋加祕書監。

應時倒地,於是敢近者遂逼害之。時年二十。 鋒,使兼祠官於太廟,夜遣兵廟中收之。 鋒好琴書,有武力。高宗殺諸王,鋒遺書誚責,左右不爲通,高宗深憚之。不敢於第收 鋒出登車,兵人欲上車防勒,鋒以手擊却數人,皆

左民尙書。 南平王銳字宣毅,太祖第十五子也。 朝直勤謹,未嘗屬疾,上嘉之。 永明七年,為散騎常侍,尋領驍騎將軍。明年,為 十年,出爲持節、都督湘州諸軍事、南中郞將、湘

弱不敢動,銳見害,年十九。 延興元年,害諸王,遣裴叔業平尋陽,仍進湘州。 伯玉下獄誅。 鏡防閤周伯玉勸銳拒叔業,而府州力

州刺史,以此賞銳。

鬱林即位,進號前將軍。

桓溫女塚,得金蠶銀繭及珪璧〔等物。鏗使長史蔡約自往修復,纖毫不犯。〕〔1元〕鬱林卽位, 一年,爲持節、都督南豫司二州軍事、冠軍將軍、南豫州刺史,鎭姑熟。時有盜發晉大司馬 宜都王鏗字宣嚴, [15] 太祖第十六子也。初除遊擊將軍。永明十年, 遷左民尚書。十

進號征虜將軍。延興元年,見害,年十八。

督郢司二州軍事、冠軍將軍、郢州刺史。延興元年,進號征虜將軍。 晉熙王銶字宣攸,太祖第十八子也。永明十一年,除驍騎將軍。隆昌元年,出為持節、 尋見害,年十六。

軍。 |泰元年,上疾暴甚,遂害眩,時年十九。 二子在孩抱,亦見殺。 |太祖諸王,|鉉獨無後,衆竊寃 **鉉年稍長。四年,誅王晏,以謀立鉉爲名,免鉉官,以王還第,禁不得與外人交通。** 高宗誅諸王,以鉉年少才弱,故未加害。建武元年,轉爲散騎常侍,鎭軍將軍,置兵佐。 河東王鉉字宣胤,太祖第十九子也。隆昌元年,爲驍騎將軍。出爲徐州刺史,遷中書 建武之世,高、武子孫憂危,鉉每朝見,常鞠躬俯僂,不敢平行直視。 尋遷侍中、衞將

列

傳第十六

高帝

十 二 王

校

勘記

乃使揚州刺史始安王遙光、臨川王子晉、竟陵王昭胄、太尉陳顯達、尚書令徐孝嗣、右

僕射沈文季、尚書沈淵、沈約、王亮奏論鼓,帝答不許,再奏,乃從之。

家國。 體,同 親,寄重權於疎戚,子弟布列,外有強大之勢,疎親中立,自己可息覬覦之謀,表裏相維,足固 淵圖遠算,意在無遺。[11] 豈不以羣王少弱,未更多難,高宗淸謹,同起布衣,故韜末命於近 曹冏論之當矣。分珪命社,實寄宗城,就國之典,旣隨世革,卿士入朝,作貴蕃輔。皇王託 史臣曰:陳思王表云「權之所存,雖疎必重;勢之所去,雖親必輕」。若夫六代之興亡, 「禀尊極,仕無常資,秩有恆數,禮地兼隆,易生(推擬) [猜疑]。[110]世祖顧命,情深尊嫡, 曾不慮機能運衡,寡以制衆,〔宗族殲滅,一至於斯〕。〔三〕曹植之言信之矣。

贊曰:高十二王,始建封植。 獻、昭機警,威、江才力。 恭、簡恬和,鄱、桂清識。 四王少

盛,同規謹敕。

校勘記

仍爲假節(都)督南兖兖徐青冀五州諸軍事行〔南〕兖州刺史 「都」字據錢大昕說删,錢說詳下

條。「南」字據南史補。

假節(都)督復爲監軍 云建武二年,進督爲監。錢大昕廿二史考異云:「此亦進督爲監也。上文『假節都督』字兩見,俱 按宋書百官志,晉世都督諸軍爲上,監諸軍次之,督諸軍爲下。故曹虎傳

當爲『假節督』,誤衍『都』字耳。」今據刪。

[三]永(興)[明]元年 據殿本及南史改。

「B」請議禁錮 張森楷校勘記云:「『請』疑當作『淸』。」

「五」多從武容 「武容」御覽四百九十五引及元龜二百七十一並作「武客」。

CKJ監豫司二州C郢州J之西陽諸軍事 錢大昕廿二史考異云「當云監豫司二州 郢州之西陽諸軍

事」。今據補。

[4]太祖踐祚 「祚」殿本、局本作「阼」。

[八] 晃欲用政事 「用」南監本、局本作「親」,殿本作「陳」。 按頭史作「晃每陳政事」。

[九](上)聞之大怒 據南監本刪。

[10] [白象] 晃小字也 據南監本、殿本、局本補。

〇二〕武陵昭王曅字宣照「宣照」南史作「宣昭」。

[15] [奉年四歲思慕不異成人]故奉見愛 據毛本、殿本、局本補。

六三三

- [三] 建元三年 「三年」南史作「二年」。
- [18](令)[今]日甚憶武陵 據南監本、毛本、殿本、局本及元龜二百七十四改。
- 二 公聞鸞於法身何如 「鸞」原作「諱」,據南監本、殿本改。下同。
- [1·1] 太祖第十二子 「二」原譌「三」,匡本同,它本不譌,今改正。按本傳敍云「第九、第十三、第十
- 四、第十七皇子早亡」,明「三」乃「二」字之譌。
- 宜都王鏗字宣嚴 一誤。」 王鳴盛十七史商權云:「案豫章王已字宣嚴,二王皆高帝子,不應同字,必有
- [110] 易生(推擬)[猜疑] 據南監本、毛本、殿本、局本改。 二立 得金蠶銀繭及珪璧〔等物鑑使長史蔡約自往修復纖毫不犯〕 據南監本、毛本、殿本、局本補。
- 〔三〕 意在無遺 南史作「意在求安」。
- [三] 疎親中立 「疎親」南監本、殿本及南史並作「支庶」。
- 曾不慮機能運衡寡以制衆〔宗族殲滅一至於斯〕 據南監本、殿本、毛本、局本及南史補。按「寡 以制衆」南監本、殿本、局本及南史並作「權可制衆」。「一至於斯」毛本、局本作「一至於此」。

南齊書卷三十六

列傳第十七

謝超宗 劉祥

謝超宗,陳郡陽夏人也。祖靈運,宋臨川內史。父鳳,元嘉中坐靈運事,同徙嶺南,早

超宗元嘉末得還。與慧休道人來往,好學,有文辭,盛得名譽。解褐奉朝請。 新安王子鸞,孝武帝寵子,超宗以選補王國常侍。王母殷淑儀卒,超宗作誄奏之,帝大

涎與替,皆無俟繁而後秉裁。 夫表事之淵,析理之會,豈必委牘方切治道。 非患對不盡問,論興替,皆無俟繁而後秉裁。 夫表事之淵,析理之會,豈必委牘方切治道。 非患對不盡問, 得爲上,四、三爲中,二爲下,一不合與第。超宗議以爲「片辭折獄,寸言挫衆,魯史襃貶,孔 嗟賞。日:「超宗殊有鳳毛、恐靈運復出。」轉新安王撫軍行參軍。 患以恒文弗奇。必使一通峻正,寧劣五通而常,與其俱奇,必使一亦宜採。」韶從字議。 泰始初,爲建安王司徒參軍事,尙書殿中郎。三年,都令史駱宰議策秀才考格,五問竝

傳第十七 謝超宗

列

之,謂太祖曰:「超宗開亮迥悟,善可與語。」取爲長史、臨淮太守。 燦旣誅,太祖以超宗爲義 使人不衣自暖矣。」超宗旣坐,飲酒數甌,辭氣橫出,太祖對之甚歡。板爲驃騎諮議。及即 興太守。昇明二年,坐公事免。詣東府門自通,其日風寒慘厲,太祖謂四座曰:「此客至, 忤僕射劉康,[1] 左遷通直常侍。

太祖爲領軍,數與超宗共屬文,愛其才翰。

衞將軍袁粲聞 位,轉黃門郞。 遷司徒主簿,丹陽丞。建安王休仁引爲司徒記室,正員郞,兼尚書左丞中郞。 以直言

學士劉融、何法冏、﹝回何曇秀十人並作,超宗辭獨見用。 有司奏撰立郊廟歌,敕司徒褚淵、侍中謝朏、散騎侍郎孔稚珪、太學博士王咺之、總明

驢。」爲省司所奏,以怨望免官,禁錮十年。 司徒褚淵送湘州刺史王僧虔,閣道壞,墜水,僕 射王儉嘗牛驚,跣下車。超宗撫掌笑戲曰:「落水三公,墮車僕射。」前後言謂,稍布朝野。 佛出亦無如何」」以失儀出爲南郡王中軍司馬。 超宗怨望,謂人曰:「我今日政應爲司 爲人仗才使酒,多所陵忽。在直省常醉,上召見,語及北方事,超宗曰:「虜動來二十年

越,尹欲何計。」安民具啓之。上積懷超宗輕慢,使兼中丞袁彖奏曰: 爲子婦,上甚疑之。 世 祖 即位,使掌國史,除竟陵王征北諮議參軍,領記室。愈不得志。超宗娶張敬兒女 永明元年,敬兄誅,超宗謂丹陽尹李安民曰:「往年殺韓信,今年殺彭

黜,亟便詆賤。 風 聞征北諮議參軍謝超宗,根性浮險,率情躁薄。仕近聲權,務先諂狎。人裁疎 卒然面譽,旋而背毀。疑閒台賢,每窮詭舌。 訕貶朝政,必聲凶言。

誹口謗,莫此之甚;不敬不諱,罕與爲二。

好,自敬兒死後,惋歎忿慨。今月初詣李安民,語論『張敬兒不應死』。安民道『敬兒書 永先列稱:「主人超宗恒行來詣諸貴要,每多觸忤,言語怨懟。與張敬兒周旋,許結姻 則與風聞符同。 墨迹炳然,卿何忽作此語』?其中多有不遜之言,小人不悉盡羅縷諳憶。」如其辭 輒 語自從王永先到臺辨問「超宗有何罪過,詣諸貴皆有不遜言語,並依事列對」 超宗罪自己彰,宜附常准。

容掃轍,久埋世表。至屬聖明廣愛,忍禍舒慈,「K」捨之憲外,許以改過。野心不悛,在 官 悖於卿守之席。 宥方驕; ,解領記室。 超宗少無行檢,〔三長習民慝。 才性無親,處恩彌戾。遂遘扇非端,印空生怨懟,恣囂毒於京輔之門,揚凶 **輒勒外收付廷尉法獄治罪。超宗品第未入簡奏,臣輒奉白簡以聞。** 此而不翦,國章何寄。此而可貸,孰不可容。請以見事免超宗所居 狂狡之跡,聯代所疾;迷傲之釁,累朝點觸。[2] 刻

世祖雖可其奏,以緣言辭依違,大怒,使左丞王逡之奏曰:

臣聞 行父盡忠,無禮斯疾;農夫去草,見惡必耘。所以振纓稱良,登朝著績,未有

列

傳

尸位存私,而能保其榮名者也。

見,云輕重相乖,此而不糾,憲綱將替。 忿,有心咸疾。 罰未塞譽,而稱怨痛枉,形于言貌。協附姦邪,疑閒勳烈,構扇異端,譏議時政,行路同 衞,寔彖之由。尋超宗植性險戾,稟行凶詖,豺狼野心,久暴遐邇。張敬兒潛圖反噬, 辭簡略,事入主書,被却還外。其晚,兼御史中丞臣袁彖改奏白簡,始粗詳備。 險放,悖議爽眞,囂辭犯實,親朋忍聞,衣冠掩目,輒收付廷尉法獄治罪」。處劾雖重,文 議親奏,以彰深諐。 今月九日,治書侍御史臣司馬侃啓彈征北諮議參軍事謝超宗,稱「根性昏動,率心 而阿昧苟容,輕文略奏。又彈事舊體,品第不簡,而釁戾殊常者,皆命 況超宗罪愈四凶,[4]過窮南竹,雖下輒收,而文止黄案,沈浮玉 厥初隱

中丞,輒攝曹依舊下禁止視事如故。 非,用申私惠。 緣才識疎淺,質幹無聞,憑戚昇榮,因慈荷任。不能克己厲情,少酬恩獎,撓法容 何以糾正邦違,式明王度。臣等參議,請以見事免緣所居官,解兼御史

日。 令史卑微,不足申盡,啓可奉行。 治書侍御史臣司馬侃雖承稟有由,而初無疑執,亦合及咎。請杖督五十,奪勞百

侃奏彈之始,臣等並卽經見加推糾,案入主書,方被却檢,疎謬之諐,伏追震悚。

韶曰:「超宗釁同大逆,罪不容誅。 禁錮十年。」超宗下廷尉,一宿髮白皓首。韶徙越州,行至豫章,上敕豫章內史虞悰曰:「謝 象匿情欺國,愛朋罔主,事合極法,特原收治,免官如案,

超宗令於彼賜自盡,勿傷其形骸。」

辯,以不實見原。 明年,超宗門生王永先又告超宗子才卿死罪二十餘條。 永先於獄自盡。 上疑其虚妄,以才卿付廷尉

劉祥字顯徵,東莞莒人也。 祖式之,吳郡太守。父敳,太宰從事中郎。

建元中,爲冠軍征虜功曹,爲府主武陵王曅所遇。 |祥宋世解褐爲巴陵王征西行參軍,歷驃騎中軍二府,太祖太尉東閣祭酒,驃騎主 除正員外。

不問。 士。」永明初,遷長沙王鎭軍,板諮議參軍,撰宋書,譏斥禪代,尙書令王儉密以啓聞,上銜 曰:「作如此舉止,羞面見人,扇鄣何益。」淵曰:「寒士不遜。」)詳曰:「不能殺袁、劉,安得免寒 胖少好文學,性韻剛疎,輕言肆行,不避高下。 歷鄱陽王征虜,豫章王大司馬諮議,臨川王驃騎從事中郎 司徒褚淵入朝,以腰扇鄣日,群從側過,

於朝士多所貶忽。 王奐爲僕射,祥

列

傳第十七

劉祥

與與子融同載,行至中堂,見路人驅驢,祥曰:「驢!汝好爲之,如汝人才,皆已令僕。」著連

珠十五首以寄其懷。 辭曰:

蓋聞興敎之道,無尙必同;拯俗之方,理貴袪弊。 故揖讓之禮,行乎堯舜之朝;

干戈之功,盛於殷周之世。清風以長物成春,素霜以凋嚴戒節。

蓋聞鼓鼖懷晉,待揚桴以振響;天地涵靈,資昏明以垂位。 是以俊乂之臣,借湯、

武而隆,英達之君,假伊、周而治。

蓋聞懸饑在歲,式羨藜藿之飽;重炎灼體,不念狐白之溫。故才以偶時爲劭;道

以調俗爲尊。

蓋聞習數之功,假物可尋,探索之明,循時則缺。 故班匠日往,繩墨之伎不衰;

大道常存,機神之智永絕。

蓋聞理定於心,不期俗賞,情貫於時,無悲世辱。 故芬芳各性,不待汨渚之哀;

明白爲寶,無假荆南之哭。

蓋聞百仞之臺,不挺陵霜之木;盈尺之泉,時降夜光之寶。 故理有大而乖權;物

有微而至道。

蓋聞忠臣赴節,不必在朝,列士匡時,義存則幹。 故包胥垂涕,不荷肉食之謀;

王

歌

投
身

,
不
主

兩

堂

之

算
。

蓋聞智出乎身,理無或困;聲係於物,才有必窮。故陵波之羽,不能淨浪;盈岫

之木,無以輟風。

蓋聞良寶遇拙,則奇文不顯,達士逢讒,則英才滅耀。 故墜葉垂蔭,明月爲之隔

輝;堂宇留光,蘭燈有時不照。

蓋聞跡慕近方,必勢遺於遠大;情係驅馳,固理忘於肥遯。 是以臨川之士,時結

羨網之悲; 負肆之氓, 不抱屠龍之歎。

蓋聞數之所隔,雖近則難; 情之所符,雖遠則易。 是以陟歎流霜,時獲感天之

誠;泣血從刑,而無悟主之智。

蓋聞妙盡於識,神遠則遺,功接於人,情微則著。 故鍾鼓在堂,萬夫傾耳,大道

居身,有時不遇。

蓋聞列草深岫,不改先冬之悴,植松澗底,無奪後凋之榮。 故展禽三 二黜,而無下

愚之譽;千秋一時,而無上智之聲。

蓋聞希世之寶,違時則賤;偉俗之器,無聖必淪。

越人。

列傳第十七 劉祥

故鳴玉黜於楚岫,章甫窮於

.聽絕於聰,非疾響所握; [10]神閉於明,非盈光所燭。 故破山之雷,不發聾夫

之耳;朗夜之輝,不開矇叟之目。

鮮門生孫狼兒列『鮮頃來飲酒無度,言語闌逸,道說朝廷,亦有不遜之語,實不避左右,非可 官付廷尉。」 念,祥仍委前還,後未至鵲頭,其夜遭劫,內人並爲凶人所淫略」。如所列與風聞符同。 請免 稱紙墨。兄麼先爲廣州,於職喪亡,去年啓求迎喪,還至大雷,聞祥與整妻孟爭計財物瞋 金弗獲,嫂姪致其輕絕,孤舟夐反,存沒相捐,遂令暴客掠奪骸柩,行路流歎,有識傷心。攝 反脣彰於公庭,輕議乘輿,歷貶朝望,肆醜無避,縱言自若。厥兄浮櫬,天倫無一日之悲,南 有以祥連珠啓上者,上令御史中丞任遐奏曰:「祥少而狡異,長不悛徙,請謁絕於私館,

其才地二三,故在卿前,事殆是百分不一。我當原卿性命,令卿萬里思諐。 關他人。卿才識所知,蓋何足論。位涉淸途,於分非屈。何意輕肆口噦,詆目朝士,造席立 廷,不避尊賤,肆口極辭,彰暴物聽。近見卿影連珠,寄意悖慢,彌不可長。 言,必以貶裁爲口實。冀卿年齒已大,能自感厲,日望悛革。 上別遣敕祥曰:「卿素無行檢,朝野所悉。輕棄骨肉,侮蔑兄嫂,此是卿家行不足,乃無 如此所聞,轉更增甚,諠議朝 卿若能改革,當 卿不見謝超宗,

令卿得還。」

列傳第十七 劉祥 校勘記

傾屬。 華宴,必參末(例)[列],[11]朝半問訊,時奉天暉。囚雖頑愚,豈不識恩?有何怨望,敢生譏 性不耐酒,親知所悉,強進一升,便已迷醉。」其餘事事自申。 聖朝,令望當世,囚自斷才短,密以諮儉,儉爲折衷,紙迹猶存。 被思拂,驃騎中郎,親職少日;臨川殿下不遺蟲蟻,賜參辭華。司徒殿下文德英明,四海 議。囚歷府以來,伏事四王:」武陵功曹,凡涉二載;長沙諮議,故經少時;奉隸大司馬,並 基,便蒙抽擢,祭酒主簿,並皆先朝相府。聖明御寓,榮渥彌隆,諮議中郎,一年再澤。 每肆醜言,無避尊賤』。迂答奉旨。 無厚薄。 獄鞫祥辭。 云囚『輕議乘輿』,爲向誰道。若向人道,則應有主甲,豈有事無髣髴,空見羅謗。囚 囚不涯卑遠,隨例問訊,時節拜覲,亦沾眄議。 敕旨製書,令有疑則啓。囚以天日懸遠,未敢塵穢。私之疑事,衞將軍臣儉,宰輔 祥對曰:「被問『少習狡異,長而不悛,頃來飲酒無度,輕議乘輿,歷貶朝望, 囚出身入官,二十餘年,沈悴草萊,無明天壤。 自餘令王,未被祗拜,既不經伏節,理 乃徙廣州 未解此理云何敢爲『歷貶朝 皇運初 廣筵

祥至廣州,不得意,終日縱酒,少時病卒,年三十九。

坐廟墓不脩削爵。後爲羽林監。九年,又坐與亡弟母楊別居,不相料理,楊死不殯葬,崇聖 辭從祖兄彪,群會祖穆之正胤。 建元初,降封南康縣公,〔□〕 虎賁中郎將。 永明元年, 爲有司所奏,事寢不出。

外,一槩可蔑。旣徇斯道,其弊彌流,聲裁所加,取忤人世。向之所以貴身,翻成害己。 史臣曰:魏文帝云「文人不護細行」,古今之所同也。 由自知情深,在物無競,身名之 故

通人立訓,爲之而不恃也。

贊曰:超宗蘊文,(粗)[祖]構餘芬。[lē]劉祥慕異,言亦不羣。 違朝失典,流放南濆。

校勘記

[一] 以直言忤僕射劉康 按時無僕射劉康,惟劉秉於後廢帝時爲尚書僕射,疑「劉康」乃「劉秉」之

譌。

[1] 何法冏 南史作「何法圖」。

C || 〕超宗少無行檢 「行檢」各本並作「士行」。

〔1] 累朝點觸 「點」各本並作「兼」。

万五 久埋世表 「埋」原譌「理」,今據南監本、殿本、局本改正。

[六] 忍禍舒慈 「舒」各本並作「宣」。

列傳第十七 校勘記

逐选扇非端 「遘」原作「灔」,不成字,張元濟校勘記云恐是「遘」字,今據張說改。 按遘通構。

各本作「連」,非。

[八] 況超宗罪愈四凶 「愈」殿本作「逾」。

ハガリ 沈浮玉見 「爭」原譌「牙」,今據局本改正。按爭卽互字。 南監本、殿本作「丼」,非。

[10] 非疾響所握 「握」南監本、殿本、局本作「達」。

[11] 必參末(例)[列] 張森楷校勘記云當作「末列」,今據改。

降封南康縣公 「南康縣公」燕娛作「南康縣侯」,元龜二百九十三同。

[三] (粗)[祖] 構餘芬 殿本考證萬承蒼云:「『粗』疑當作『祖』,謂有靈運之餘芬也。 祖構二字見三都

賦序。」
今據改。

南齊書卷三十七

列傳第十八

劉悛 虞悰 胡諧之

到撝

北中郞行參軍,坐公事免。除新安王撫軍參軍,未拜,新安王子鸞被殺,仍除長兼尚書左民 郎中。明帝立,欲收物情,以撝功臣後,[1] 擢爲太子洗馬。除王景文安南諮議參軍。 撝襲臂建昌公。起家爲太學博士,除奉車都尉,試守延陵令,非所樂,去官。除新安王

到撝字茂謙,彭城武原人也。祖彥之,宋驃騎將軍。父仲度,驃騎從事中郎。

誣奏撝罪,付廷尉,將殺之。 遊,〔三庖廚豐腆,多致賓客。 屛斥聲玩,更以貶素自立。 🔄 撝資籍豪富,厚自奉養,宅宇山池,京師第一,妓妾姿藝,皆窮上品。 撝入獄,數宿鬚鬢皆白。 愛妓陳玉珠,明帝遣求,不與,逼奪之,撝頗怨望。 免死,繫尙方,奪封與弟賁。 才調流贈,善納交 帝令有司 撝由是

列 傳 第 + Л 到 撝

遷司徒左西屬,又不拜。居家累年。 明威將軍,仍除桂陽王征南參軍,轉通直郞,解職。 帝除撝爲羊希恭寧朔府參軍,四徙劉韞輔國、王景文鎭南參軍,並辭疾不就。 帝崩後,弟貴表讓封還撝,朝議許之。 尋板假

與滅,明日而<u>遁死問至。 撝遑懼,詣太祖謝,即板爲世祖中軍諮議參軍。</u> 長史,至出爲永嘉太守,爲黃門郎,解職 陳顯達起兵以應朝廷,遁以猶預見殺。遁家人在都,從野夜歸,見兩三人持堊刷其家門,須 弟遁,元徽中爲寧遠將軍、輔國長史、南海太守,在廣州。昇明元年,沈攸之反,刺史 建元初,遷司徒右

撝家,同從明帝射雉郊野,渴倦,撝得早青瓜,與上對剖食之。 世祖卽位,遷太子中庶子,不拜。又除長沙王中軍長史,司徒左長史。宋世,上數遊會 上懷其舊德,意眄良厚。 至

是

一歲三遷。

徒 郡,撝問訊,不修民敬,爲有司所舉,免官。 笑過度,爲左丞庾杲之所糾,贖論。 左長史,遷五兵尚書,出爲輔國將軍、廬陵王中軍長史。 |永明元年,加輔國將軍,轉御史中丞。 三年,復爲司徒左長史,轉左衞 久之,白衣 車駕幸丹陽郡宴飲,撝恃舊,酒後狎侮同列,言 兼御史中丞。 母憂去官,服未終,八年,卒,年 將軍。 轉臨川王驃騎長史,司 隨王子隆帶彭城

五十八。

弟實,初爲衞尉主簿,奉車都尉。 昇明初,爲中書郞,太祖驃騎諮議。 建元中,爲征虜

司馬、卒。

爲大司馬諮議,中書郞,卒。 議。 <u></u> 世美鬚髯,與世祖豫章王有舊。 **賁弟坦,解裼本州西曹。** 昇明二年,亦爲太祖驃騎參軍。 世仍隨府轉司空太尉[參軍]。

(云)出爲晉安內史,還又 歷豫章王鎭西驃騎二府 諮

劉馂字士操,彭城安上里人也。 彭城劉同出楚元王,分爲三里,以別宋氏帝族。 祖穎

之,汝南新蔡二郡太守。父勔,司空。

父勔征 員外郎,太尉司徒二府參軍,代世祖爲尚書庫部郎。 蠻府主簿,建安王司徒騎兵參軍。 劉延孫爲南徐州,初辟悛從事,隨父勔征竟陵王誕於廣陵,以功拜駙馬都尉,轉宗慤寧 討,假寧朔將軍,拜鄱陽縣侯世子。 復隨父剛征殷琰於壽春,於橫塘、死虎累戰皆勝。 轉桂陽王征北中兵參軍,與世祖同直殿內,爲明 遷振武將軍、蜀郡太守,未之任,復從 歷遷

帝所親待,由是與世祖款好。

遷通直散騎侍郎,出爲安遠護軍、武陵內史。 郡南江古堤,印入廢不緝。 悛脩治未

列

畢,而江水忽至,百姓棄役奔走,悛親率厲之,於是乃立。 漢壽人邵榮興六世同爨,表其門

至是又出謁悛。 **悛強濟有世調,善於流俗。** 明帝崩,表奔赴,敕帶郡還都。吏民送者數千人,悛人人執手,係以涕 蠻王田僮在山中,年垂百餘歲,南譙王義宣爲荆州, **僮**出

泣,百姓感之,贈送甚厚。

明軌,豈有去縑纊,徹溫席,以此悲號,得終其孝性邪?當深顧往旨,少自抑勉。」 祖代一動爲領軍,素與一動善,書譬懷曰:「承至性毀瘵,轉之危慮,深以酸怛。終哀全生,先王 次,號哭求動屍。〔動屍〕項後傷缺,〔<〕悛割髮補之。持(哭)〔喪〕墓側,〔云〕冬月不衣絮。太 仍除散騎侍郎。桂陽難,加寧朔將軍,助守石頭。父勔於大桁戰死,悛時疾病,扶伏路

閒,歡宴敍舊,停十餘日乃下。遣文惠太子及竟陵王子良攝衣履,脩父友之敬。 事。 求悛自代。世祖旣不行,悛除黄門郎,行吳郡事。尋轉晉熙王撫軍中軍二府長史,行揚州 州事。未發,霸業初建,悛先致誠節。沈攸之事起,加輔國將軍。世祖鎭盆城,上表西討, 贏削改貌,於是乃止。除中書郎,行宋南陽八王事,轉南陽王南中郎司馬、長沙內史,行湘 出爲持節、督廣州、廣州刺史,將軍如故。襲爵鄱陽縣侯。世祖自尋陽還,遇悛於舟渚 建平王景素反,太祖總衆軍出頓玄武湖。悛初免喪,太祖欲使領支軍,召見悛兄弟,皆

太祖受禪,國除。進號冠軍將軍。平西記室參軍夏侯恭叔上書,以柳元景中興功臣,

六五〇

悟廢,太祖集議中華門,見悛,謂之曰:「君昨直耶?」悛答曰:「僕昨乃正直,而言急在外。」至 劉勔殞身王事,宜存封爵。詔曰:「與運隆替,自古有之,朝議已定,不容復厝意也。」初,蒼 恩,門荷齊眷,非常之勳,非臣所及。進不遠怨前代,退不孤負聖明,敢不以實仰答。」 是上謂慘曰:「功名之際,人所不忘。卿昔於中華門答我,何其欲謝世事。」慘曰:「臣世受宋

帳。 軍將軍、廣陵太守。 世祖即位,改領前軍將軍,中庶子如故。征北竟陵王子良帶南兖州,以悛爲長史,加冠 遷太子中庶子,領越騎校尉。時世祖在東宮,(再)[每]幸悛坊,[10]閑言至夕,賜屛風帷

叛渡淮,虜以爲義陽太守。悛設討購誘之,虜□州刺史謝景殺伯宜兄弟、北襄城太守李榮 姓德之,爲立碑祀。懷步道從壽陽之鎭,過勔碑,拜敬泣涕。初,義陽人夏伯宜殺剛陵戍主 轉持節、都督司州諸軍事、司州刺史,將軍如故。悛父剛討殷琰,平壽陽,無所犯害,百

牖 不下堂。」顧謂悛曰: 中宴樂,以冠賜悛,至夜乃去。後悛從駕登蔣山,上數歎曰:「貧賤之交不可忘,糟糠之妻 遷長日 兼侍中。 車駕數幸悛宅。 宅盛治山池, 造甕牖。 世祖著鹿皮冠, 被悛菟皮衾, 於 「此況卿也。 世言富貴好改其素情,吾雖有四海,今日與卿盡布衣之

列傳

第十

劉俊

, 史、平蠻校尉、蜀郡太守,將軍如故,行益州府、州事。郡尋改爲內史。隨府轉安西。 悛起拜謝。 遷冠軍將軍,司徒左長史。 尋以本官行北兖州緣淮諸軍事。 徙始興王前

治事嚴辦,以是會旨。

盜 宜。 輕; 天下錢少,非穀穰賤,此不可不察也。 傷 始皆類故; 儲,乃量奉祿,薄賦稅,則家給民足。 工者,謂錢無用之器,以通交易,務欲令輕而數多, 則 ·已布於民,(使)[便]嚴斷翦鑿,[l吾小輕破缺無周郭者,悉不得行,官錢細小者,稱合銖 |鑄者,復賤買新錢,淄染更用,反覆生詐,循環起姦,此明主尤所宜禁而 以爲宜開置泉府,方牧貢金,曰三大興鎔鑄。 一銖錢,至宋文帝,歷五百餘年,制度世有廢興,而不變五銖錢者,明其輕重可法,得貨之 ,行三辭證基博。 離散,農傷則國貧。 輕錢弊盜鑄,而盜鑄爲禍深。 宋代太祖輔政,有意欲鑄錢,以禪讓之際,未及施行。 交易之後,渝變還新。 其略以爲「食貨相通,理勢自然。 甚賤與甚貴,其傷一也。 良民弗皆淄染,口巴不復行矣。 民所盜鑄,嚴法不禁者, 頃盜鑄新錢者,皆効作翦鑿,不鑄大錢也。 鑄錢之弊,在輕重屢變。 錢重五銖,一依漢法。 三吳國之關閩,比歲被水潦而糴不貴,是 使省工而易成,不詳慮其爲患也。 李悝曰『糴甚貴傷民,甚賤傷農』。民 建元四年,奉朝請孔覬上鑄錢均 由上鑄錢惜銅愛工 重錢患難用,而 所鬻賣者,皆徒失其物。 府庫已實, 不可長 也。 摩澤淄染, 也。 難 或 用爲 惜 若官 用 自 銅 漢 累 愛

案此 又銅石一片,平州鐵刀一口。上從之。遣使入蜀鑄錢,得千餘萬,功費多,乃止。 水南, 青衣(在)[左]側並是故秦之嚴道地。[12] 青衣縣又改名漢嘉。且蒙山去南安二百里, 掘銅坑,深二丈,並居宅處猶存。鄧通,南安人,漢文帝賜嚴道縣銅山鑄錢,今蒙山近靑衣 有燒鑪四所,高一丈,廣一丈五尺。從臺城渡水南百許步,平地掘土深二尺,得銅。又有古 〔炭〕,[lk]會晏駕事寢。永明八年,悛啓世祖曰:「南廣郡界蒙山下,有城名蒙城,可二頃地, 食滋殖矣。」時議者多以錢貨轉少,宜更廣鑄,重其銖兩,以防民姦。」太祖使諸州郡大市銅 兩,銷以爲大。利貧良之民,塞姦巧之路。錢貨旣均,遠近若一,百姓樂業,市道無爭,衣 心是通所鑄。近喚蒙山獠出,云『甚可經略』。此議若立,潤利無極。」幷獻蒙山銅一片,

金浴 林知之,諷有司收悛付廷尉,將加誅戮。 悦附人主,承迎權貴。 盆,餘金物稱是。 |慘仍代始興王||鑑爲持節、監益||寧二州諸軍事、益州刺史,將軍如故。||悛旣藉舊恩,尤能 賓客閨房,供費奢廣。罷廣、同二州,傾資貢獻,家無留儲。在蜀作 罷任,以本號還都,欲獻之,而世祖晏駕,鬱林新立,悛奉獻減少,鬱 高宗啓救之,見原,禁錮終身。雖見廢黜,而賓客

||俊婦弟王法顯同宋桂陽事,遂啓別居,終身不復見之。

日至。

海陵王即位,以白衣除兼左民尚書,尋除正。 高宗立, 加領驍騎將軍, 復故官, 駙馬都

列傳第

十八

劉

悛

庭 倧

盛,悛又以本官出屯新亭。

建武二年,廣主侵壽陽,詔悛以本官假節出鎭漢湖,遷散騎常侍、右衞將軍。 虜寇旣

尉如故。 即位,改授散騎常侍,領驍騎將軍,尙書如故。 此連姻帝室。 悛歷朝皆見恩遇。 諡曰敬。 王敬則反,悛出守琅邪城,轉五兵尚書,領太子左衞率。 。太祖爲鄱陽王鏘納悛妹爲妃,高宗又爲晉安王寶義納悛女爲妃,自 **衞送山陵,卒,年六十一。贈太常,常侍、都** 未拜,明帝崩,東昏

虞悰字景豫,會稽餘姚人也。祖嘯父,晉左民尚書。父秀之,黃門郎。

軍,尙書儀曹郞,太子洗馬,領軍長史,正員郞,累至州治中,別駕,黃門郞。 院少而謹敕,有至性。
秀之於都亡,
院東出奔喪,
水漿不入口。
州辟主簿,
建平王參

北長史、寧朔將軍、南東海太守。尋爲豫章內史,將軍如故。 悰治家富殖,奴婢無游手,雖 君情顧,意欲相屈。」建元初,轉太子中庶子,遷後軍長史(領爲太子中庶子),〇〇〇領步兵校尉,鎮 | 昇明中,| 世祖爲中軍,引悰爲諮議參軍,遺吏部郎| 江謐持手書謂悰曰:「今因| 江吏郎有白,以 初,世祖始從官,家尙貧薄,悰推國士之眷,數相分與,每行,必呼上同載,上甚德之。

土,而會稽海味無不畢致焉。 遷輔國將軍、始興王長史、平蠻校尉、蜀郡太守。

徒司馬,將軍如故。

出,上醉後體不快,惊乃獻醒酒鯖鮓一方而已。出爲冠軍將軍,車騎長史,轉度支尙書,領 就悰求扁米粣。悰獻粣及雜肴數十轝,太官鼎味不及也。 從容謂悰曰:「我當令卿復祖業。」轉侍中,朝廷咸驚其美拜。遷祠部尚書。 救太廟,悰朱衣乘車鹵簿,於宣陽門外行馬內驅打人,爲有司所奏,見原。上以悰布衣之舊, 院日:「恨無黃頷膽,何曾食疏所載也。」遷散騎常侍,太子右率。 **悰善爲滋味,和齊皆有方法。** 豫章王嶷盛饌享賓,謂悰曰:「今日肴羞,寧有所遺不。」 上就悰求諸飲食方,悰秘不肯 永明八年,大水,百官戎服 世祖幸芳林園,

糾之,僕射徐孝嗣曰:「此亦古之遺直。」衆議乃止 官。 引參佐命。 延興元年,復領右軍。明帝立,悰稱疾不陪位。帝使尚書令王晏賷廢立事示悰,以悰舊人, 隆昌元年,以白衣領職。 鬱林立,改領右軍將軍,揚州大中正,兼大匠卿。 |惊謂||晏日:「主上聖明,公卿勠力,寧假朽老以匡贊惟新乎?不敢聞命。」朝議欲 鬱林廢,悰竊歎曰:「王、徐遂縛袴廢天子,天下豈有此理邪。」 起休安陵,於陵所受局下牛酒,坐免

惊稱疾篤還東,上表曰:「臣族陋海區,身微稽〔土〕、(屬)〔猥〕屬興運,〔1元〕荷竊稠私,徒 列 傳 第 + 八 虞 悰 胡 諧 之

朽頓,理難振復,乞解所職,盡療餘辰。」詔賜假百日。 越星紀,終慙報答。 衞養乖方,抱疾嬰固,寢察以來,倐踰旬朔,頻加醫治,曾未**瘳**損。 轉給事中,光祿大夫,尋加正員常侍。 惟此

永元元年,卒。時年六十五。

惊性敦實,與人知識,必相存訪,親疎皆有終始,世以此稱之。

從弟家,矢志不仕。[10]王敬則反,取家監會稽郡,而軍事悉付寒人張靈寶,郡人攻郡殺

靈寶,家以不豫事得全。

胡諧之,豫章南昌人也。祖廉之,治書侍御史。父翼之,州辟不就。

梁郡太守。以器局見稱。徙邵陵王南中郎中兵,領汝南太守,不拜。除射聲校尉,州別駕。 諧之初辟州從事主簿,臨賀王國常侍,員外郎,撫軍行參軍,晉熙王安西中兵參軍,南

除左軍將軍,不拜。仍除邵陵王左軍諮議。

陽,世祖以諧之心腹,出爲北中郎征虜司馬、扶風太守,爵關內侯。 建元二年,還爲給事中,驍騎將軍,本州中正,轉黃門郎,領羽林監。 世祖 頓盆城,使諧之守尋陽城,及爲江州,復以諧之爲別駕,委以事任。文惠太子鎭襄 在鎭毗贊,甚有心力。 永明元年,轉守衞尉,

中正如故。 明年,加給事中。三年,遷散騎常侍,太子右率。五年,遷左衞將軍,加給事中,

中正如故。

諧之,嘗從容謂諧之曰:「江州有幾侍中邪?」諧之答曰:「近世唯有程道惠一人而已。」上曰: 「當令有二。」後以語尙書令王儉,儉意更異,乃以爲太子中庶子,領左衞率。 諧之風形瓌潤,善自居處,兼以舊恩見遇,朝士多與交遊。六年,遷都官尙書。上欲遷

疾,得及成人。長兄臣諶之,復早殞沒,與亡第二兄臣謨之銜戚家庭,得蒙訓長,情同極廕。 諧之兄謨之亡,諧之上表曰:「臣私門罪釁,早備茶苦。兄弟三人,共相撫鞠,嬰孩抱

何圖一旦奄見棄放,吉凶分違,不獲臨奉,乞解所職。」詔不許。改衞尉,中庶子如故。

八年,上遣諧之率禁兵討巴東王子響於江陵,兼長史行事。臺軍爲子響所敗,有司奏

免官,權行軍事如故。 諧之有識計,每朝廷官缺及應遷代,密量上所用人,皆如其言,虞悰以此稱服之。 復爲衞尉,領中庶子,本州中正。

十年,轉度支尙書,領衞尉。明年,卒,年五十一。贈右將軍、豫州刺史。 諡日肅。

史臣曰:送錢贏兩,言此無忘,一笥之懷,報以都尉,千金可失,貴在人心。 夫謹而信,

列

汎愛衆,其爲利也博矣。況乎先覺潛龍,結厚於布素,隨才致位,理固然也。

贊曰:到藉豪華,晚懷虛素。 虞生富厚,侈不違度。 劉實朝交,胡乃蕃故,頡頏亮朵,康

衢騁步。

校勘記

(一) 以撝功臣後 「撝」原譌「爲」,今據南監本、殿本及南史改正。

(ニ) 善納交遊 「交」原譌「文」,今據南監本、殿本、局本及南史、元龜九百四十六改正。

CIJ 更以貶素自立 「貶素」元龜八百九十七作「貞素」。

帝除撝爲羊希恭寧朔府參軍 張森楷校勘記云:「『恭』字衍文,宋書紀傳可證。」

五 建元初遷司徒右長史「建元初」下南史有「國除」二字。蓋宋齊遞嬗之際,凡所受宋世封爵,例

當廢除也。「右長史」南史作「左長史」。

坦仍隨府轉司空太尉[參軍] 「參軍」二字原闕,據各本補。

[4]郡南江古堤 南史作「郡南古江堤」。

「八」「動屍」項後傷缺 據南監本、殿本、局本補。 按南監本「後」譌「復」。

[九]持(哭)[喪]墓側 據南監本、局本改。

- (10) (再)[每]幸悛坊 據南監本、毛本、殿本、局本及南史改。
- 山罍樽 南監本、北監本、局本及南史均作「豳山銅罍樽」。 宋本與殿本作「山罍樽」。 按出土古

器有山罍樽,無豳山銅罍樽,作山罍樽不誤。

奉朝請孔覬上鑄錢均貨議 「孔覬」南監本、殿本及南史、元龜五百並作「孔顗」。 按通鑑齊武帝

永明八年亦作「孔顗」。 考異云「齊紀作『孔覬」,今從齊書、南史」,則所見本亦作「孔顗」也。

「牧」原譌「收」,今據毛本、殿本、局本及南史改正。

按通典食貨典作「督」。

良民弗皆淄染 「弗皆」通典食貨典作「不習」。

方牧貢金

- 各本並譌,據通鑑改。
- 二吾 (使) [便] 嚴斷翦鑿
- 二 青衣(在)[左]側並是故秦之嚴道地 太祖使諸州郡大市銅〔炭〕 據南監本、殿本及南史、通鑑補。 據南史改。按張森楷校勘記云「在側」當作「左側」。
- 遷後軍長史(領爲太子中庶子) 據南監本、殿本、局本删。 按張森楷校勘記云:「此七字是衍文。」
- 二九 身微稽〔土〕(屬)〔猥〕屬興運 據南監本、毛本、殿本、局本改。 按毛本「稽」譌「相」。
- [110] 矢志不仕 「矢」原譌「失」,今據南監本、殿本、局本改正。

南齊書卷三十八

列傳第十九

蕭景先 蕭赤斧子穎胄

蕭景先,南蘭陵蘭陵人,太祖從子也。祖爰之,員外郎。父敬宗,始興王國中軍。 景先少遭父喪,有至性,太祖嘉之。及從官京邑,常相提攜。 解褐為海陵王國上軍將

逐。 軍,補建陵令,還爲新安王國侍郎,桂陽國右常侍。 都,除寧朔將軍,驍騎將軍,仍爲世祖撫軍中軍二府司馬,兼左衞將軍。 議,領中兵如故。 員外郎。與世祖款暱,世祖爲廣興郡,啓太祖求景先同行,除世祖寧朔府司馬,自此常相隨 世祖爲鎭西長史,以景先爲鎭西長流參軍,除寧朔將軍,隨府轉撫軍中兵參軍,尋除諮 太祖鎮淮陰,景先以本官領軍主自隨,防衞城內,委以心腹。 昇明初,爲世祖征虜府司馬,領新蔡太守,隨上鎭盆城。 除後軍行參軍,邛縣令, 建元元年,遷太子 沈攸之事平,還

列 傳 第 + 九

蕭 景 先

左衞率,封新吳縣伯,邑五百戶。 景先本名道先,乃改避上諱。

蕭惠朗二千人助景先。惠朗依山築城,斷塞關隘,討天蓋黨與。 同部邊戍兵。 軍王應之、龍驤將軍莊明三千人屯義陽關外,爲聲援。 虜退,進號輔國將軍 汝南,洛州刺史昌黎王馮莎屯清丘。景先嚴備待敵。 出為持節、督司州軍(州)事、〔1〕寧朔將軍、司州刺史,領義陽太守。是冬,虜出淮、泗,增 義陽人謝天蓋與虜相構扇,景先言於督府,驃騎豫章王遣輔國將軍中兵參軍 豫章王又遺寧朔將軍王僧炳、前軍將 **虜尋遣偽南部尚書頻跋屯**

載盡力救蒼生者,必有功於萬物也。治天下者,雖聖人猶須良佐,汝等各各自竭,不憂不 治也。」 景先啓稱上德化之美。上答曰:「風淪俗敗,二十餘年,以吾當之,豈得頓掃。 幸得數

景先常甲仗從,廉察左右。尋進虧爲侯。領太子詹事,本官如故。遭母喪,韶超起爲領軍 還,上坐景陽樓召景先語故舊,唯豫章王一人在席而已。轉中領軍。 車駕射雉郊外行游, 世祖即位,徵爲侍中,領左軍將軍,尋兼領軍將軍。景先事上盡心,故恩寵特密。

曰:「得羅州刺史張躟啓事,蠻虜相扇,容或侵軼。蜂蠆有毒,宜時剿蕩。可遺征虜將軍丹 五年,荒人桓天生引蠻虜於雍州界上,同部以北,人情騷動。 上以景先諳究同 土,詔 將軍。[三]遷征虜將軍、丹陽尹。

陽尹景先總率步騎,直指義陽。可假節,同州諸軍皆受節度。」景先至鎭,屯軍城北,百姓乃

安,牛酒來迎。

劉家前宅,久聞其貨,可合率市之,直若短少,啓官乞足。三處田,勤作,自足供衣食。力少, 親多未得料理,可隨宜溫卹,微申素意。所賜宅曠大,恐非數等所居,須喪服竟,可輸還臺。 美玉上臺,美滿、豔華奉東宮。私馬有二十餘匹,牛數頭,可簡好者十匹、牛二頭上臺,馬五 丁荼毒以來,妓妾已多分張,所餘醜猥數人,皆不似事。可以明月、佛女、桂支、佛兒、玉女、 侯景先,器懷開亮,幹局通敏。綢繆少長,義兼勳戚。誠著夷險,績茂所司。方升寵榮,用 不勝任。今便舉哀。賻錢十萬,布二百匹。」景先喪還,詔曰:「故假節征虜將軍丹陽尹新吳 隨宜啓聞乞恩。」卒,時年五十。上傷惜之,詔曰:「西信適至,景先奄至喪逝,悲懷切割,自 匹、牛一頭奉東宮,大司馬、司徒各奉二匹,驃騎、鎭軍各奉一匹。應私仗器,亦悉輸臺。六 寄、闇弱每事不稱,上慙慈旨。便長遠聖世,悲哽不知所言。可爲作啓事,上謝至尊,粗申 更隨宜買麤猥奴婢充使。不須餘營生。周旋部曲還都,理應分張,其久舊勞勤者,應料理, 軍未還,遇疾,遺言曰:「此度疾病,異於前後,自省必無起理。但夙荷深恩,今謬充戎 毅雖成長,素闕訓範。貞等幼稚,未有所識。方以仰累聖明,非殘息所能陳謝。 奄至 一喪逝,悲痛良深。 可贈侍中、征北將軍、南徐州刺史。給鼓吹一部。假節、侯

列

傳第十

澈

先

蕭

如故。諡曰忠侯。」

得,收人突進,挾持十十一一,出便殺之。 康太守,中書郎。<u>建武初,爲撫軍司馬,遷北中郎司馬。廣動,領軍守琅邪城。</u>毅性奢豪, 好弓馬,爲高宗所疑忌。王晏事敗,幷陷誅之。 子戲,以勳戚子,少歷清官。太子舍人,洗馬,隨王友,永嘉太守,大司馬諮議參軍,南

斧治政為百姓所安,吏民請留之,時議見許,改除寧朔將軍。 沈慶之,圍廣陵城,攻戰有勳,事寧,封永安亭侯,食邑三百七十戶。除車騎行參軍,出補晉 **| 咬令,員外郎,丹楊令,還除晉熙王撫軍中兵參軍,出爲建威將軍、錢唐令。遷正員郎。| 赤** 赤斧歷官爲奉朝請,以和謹爲太祖所知。|宋大明初,寬陵王誕反廣陵,赤斧爲軍主,隸 蕭赤斧,南蘭陵人,太祖從祖弟也。祖隆子,衞軍錄事參軍。父始之,冠軍中兵參軍。

遜位,[三於丹陽故治立宮,上令赤斧輔送,至薨乃還。 太祖輔政,以赤斧爲輔國將軍、左軍會稽司馬,輔鎭東境。遷黃門郎,淮陵太守。

建元初,遷武陵王冠軍長史,驃騎司馬,南東海太守,輔國將軍並如故。遷長兼侍中,

祖 一母喪去職。 起爲冠軍將軍、寧蠻校尉。 出爲持節、督羅梁南北秦四州郢州之竟陵司州之

隨郡軍事、雍州刺史,本官如故。在州不營產利,勤於奉公。

斤。追贈金紫光祿大夫。諡曰懿伯。子穎胄襲爵。 五十六。家無儲積,無絹爲衾,上聞之,愈加惋惜。 太子詹事。赤斧夙患渴利,永明三年會,世祖使甲仗衞三廂,赤斧不敢辭,疾甚,數日卒,年 遷散騎常侍,左衞將軍。世祖親遇與蕭景先相比。封南豐縣伯,邑四百戶。遷給事中, 韶賻錢五萬,上材一具,布百匹,蠟二百

美,足慰人意。」遷太子舍人。 遭父喪,感脚疾,數年然後能行。 世祖有詔慰勉,賜醫藥。除 竟陵王司徒外兵參軍,晉熙王文學。 穎胄字雲長,弘厚有父風。起家祕書郎。太祖謂赤斧曰:「穎胄輕朱被身,覺其趨進轉

將軍 驯 「卿文弟武,宗室便不乏才。」除明威將軍、安陸內史。遷中書郞。 以穎胄爲南東海太守,行南徐州事。 ·,知殿內文武事,得入便殿。 不行,除黃門郞,領四廂直。 穎胄好文義,弟穎基好武勇,世祖登烽火樓,詔羣臣賦詩。 穎胄詩合旨,上謂穎胄曰: 出爲新安太守,吏民懷之。隆昌元年,永嘉王昭粲爲南徐 遷衞尉。 轉持節、督青冀二州軍事、輔國將軍、靑冀二州刺 上以穎胄勳戚子弟,除左

列

高宗廢立,穎胄從容不爲同異,乃引穎胄預功。建武二年,進爵侯,增邑爲六百戶。 賜

穎胄以常所乘白喻牛。

曰:「陛下前欲壞酒鎗,恐宜移在此器也。」「K」帝甚有慙色。 「朝廷盛禮,莫過三元。此一器旣是舊物,不足爲侈。」帝不悅。 上募儉〔約〕,四欲鑄壞太官元日上壽銀酒鎗,四尚書令王晏等咸稱盛德。 後預曲宴,銀器滿席。 穎胄日: 穎胄

南兖〔兖〕徐青冀(荆)五州諸軍事、輔國將軍、南兖州刺史。[刊] 居民入城,百姓驚恐,席卷欲南渡。穎胄以賊勢尙遠,不卽施行,虜亦尋退。仍爲持節、督 陵王後軍長史、廣陵太守、行南兖州府州事。是年虜動,揚聲當飲馬長江。帝懼,敕穎胄移 冠軍江夏王寶玄鎮石頭,以穎胄爲長史,行石頭戍事。復爲衞尉。出爲冠軍將軍、廬

書與穎胄、(或)勸同義舉。[公] 穎胄意猶未決。 暢見害,先遺輔國將軍、巴西梓潼二郡太守劉山陽領三千兵受旨之官,就穎胄共襲雍州。 幡追我,亦不復還矣。」席卷妓妾,盡室而行。至巴陵,遲回十餘日不進。梁王復遣天虎賫 雍州刺史梁王將起義兵,慮穎胄不識機變,遣使王天虎詣江陵,聲云山陽西上,並襲荆、雍。 羣公,委任廝小,崔、陳敗後,方鎭各懷異計。|永元二年十月,尚書令臨湘侯蕭懿及弟衞尉 和帝爲荆州,以穎胄爲冠軍將軍、西中郎長史、南郡太守、行荆州府、州事。東昏侯誅戮 初,山陽出(爲)南州,〔云]謂人曰:「朝廷以白虎

照、前建威將軍陳秀、輔國將軍孫末伏兵城內。山陽入門,卽於車中亂斬之。 服,從左右數十人,詣穎胄,穎胄使前汶陽太守劉孝慶、前永平太守劉熙暈、鎧曹參軍蕭文 履收餘衆歸附。 虎首,送示山陽。 與穎胄,陳設其略。 遺使蔡道猷馳驛送山陽首於梁王,乃發敎纂嚴,分部購募。 發百姓車牛,聲云起步軍征襄陽。十一月十八日,山陽至江津,單車白 是時或云山陽謀殺穎胄,以荆州同義舉,穎胄乃與梁王定契,斬王天 東昏聞 副軍主李元 山陽

費。長沙寺僧業富,沃鑄黃金爲龍數千兩,埋土中,歷相傳付,稱爲下方黃鐵,莫有見者,乃 十萬,米千斛,鹽五百斛。 史,本官如故。西中郎司馬夏侯詳加征虜將軍。 取此龍,以充軍實。 死,發詔討荆、雍。贈山陽寧朔將軍、梁州刺史。 穎胄有器局,旣唱大事,虛心委己,衆情歸之。 諮議宗塞、別駕宗夬獻穀二千斛、C103牛二頭。 換借富貲,以助軍 遣寧朔將軍王法度向巴陵。 加穎胄右將軍,都督行留諸軍事,置佐 穎胄獻錢二

十二月,移檄:

西中郎府長史、都督行留諸軍事、右軍將軍、南郡太守、 南豐縣開國侯蕭穎胄,司

馬、征虜將軍、新興太守夏侯詳告京邑百官,諸州郡牧守:

夫運不常夷,有時而陂;數無恒剝,否極則亨。昔商邑中微,彭、韋投袂; 漢室方

之盛軌,垂仁義之至蹤,紹二祖之鴻基,繼三五之絕業。昧旦丕顯,不明求衣,故奇士 來王,交臂納貢。鬱林昏迷,顚覆厥序,俾我大齊之祚,翦焉將墜。高宗明皇帝建道德 仰緯彤雲,俯臨紫極。世祖嗣興,增光前業,雲雨之所沾被,日月之所出入,莫不舉踵

諒以則天比大,無德稱焉。而嗣主不綱,窮肆陵暴,十諐畢行,三風咸襲。喪初而無哀 貌,在感而有喜容。酣酒嗜音,罔懲其侮。讒賊狂邪,是與比周。遂令親賢嬰荼毒之 盈朝,異人輻湊。若迺經禮緯樂之文,定鼎作洛之制,非雲如體之祥,白質黑章之瑞,

室令德,或時宗民望,或國之虎臣,並勳彰中興,功比申、邵,曰三秉鈞贊契,受遺先朝。 誅,宰輔受葅醢之戮。 江僕射,蕭、劉領軍,徐司空,沈僕射,曹右衞,或外戚懿親,或皇

痛。信必見疑,忠而獲罪,百姓業業,罔知攸暨。 崔慧景內逼淫刑,外不堪命,驅土 咸以名重見疑,正直貽斃,害加黨族,虐及嬰孺。曾無潤陽追遠之情,不顧本枝殲落之

崩之民,爲免死之計,倒戈回刃,還指宮闕。 城無完守,人有異圖。 賴蕭令君勳濟宗

屈當時,迺心可亮。 竟不能內恕探情,[1三] 顯加鴆毒。 蕭令[君] 自以親惟族長,[1四] 任 新,[1三]業拯蒼氓,四海蒙一匡之德,億兆憑再造之功。

江夏王拘迫威強,牽制巨力,迹

實宗臣,至誠苦言,朝夕獻入,讒醜交構,漸見疎疑,浸潤成災,奄離怨酷。用人之功,

以寧社稷,刈人之身,以騁淫濫。

營惑嗣主,

恣其妖虐。宮女千餘,裸服宣婬,

孽臣數十,袒裼相逐。

帳飲閱肆之閒,宵 台輔旣誅,姦小競用,梅蟲兒、茹法珍妖忍愚戾,窮縱醜惡,販鬻主威,以爲家勢,

劉山陽潛受凶旨,規肆狂逆,天誘其衷,即就梟翦。

遊街陌之上,提挈羣豎,以爲歡笑。

馳,帑藏旣空,百姓已竭,不邺不憂,慢遊是好。民怨於下,天懲於上,故熒惑襲月,孽 火燒宮,妖水表災,震蝕告沴。七廟阽危,三才莫紀,大懼我四海之命,永淪于地。 之恩,無君臣之義,功重者先誅,勳高者速斃。九族內離,四夷外叛,封境日蹙,戎馬交 夫天生蒸民,樹之以君,使司牧之,勿使失性。豈有尊臨寓縣,毒遍黔首,絕親戚

逕造秣陵。冠軍將軍、領諮議、中直兵參軍、軍主蔡道恭,輔國將軍、中直兵參軍、右軍 議參軍、領別駕、軍主宗夬,輔國將軍、諮議參軍、軍主樂藹等,領勁卒三萬,陵波電邁, 荷顧託,憂深責重,誓清時難。今命冠軍將軍、西中郎諮議、領中直兵參軍、軍主楊公 則,寧朔將軍、領中兵參軍、軍主王法度,冠軍將軍、諮議參軍、軍主龐翽,輔國將軍、諮 兆顒顒,咸思戴奉。且勢居上游,任總連帥,家國之否,寧濟是當。莫府身備皇宗, 泰 南康殿下體自高宗,天挺英懿。食葉之徵,著於弱年;當壁之祥,兆乎綺歲。億

傳第十

淵 府司 組甲五萬,駱驛繼發。雄劔高麾,則五星從流;長戟遠指,則雲虹變色。天地爲之矞 軍、軍主柳忱,寧朔將軍、領中兵參軍、軍主劉孝慶,建威將軍、軍主、江陵令江詮等,帥 興等,鐵騎一萬,分趨白下。征虜將軍、領司馬、新興太守夏侯詳,寧朔將軍、諮議參 甲二萬,直指建業。輔國將軍、武寧太守、軍主鄧元起,輔國將軍、前軍將軍、軍主王世 直兵參軍、軍主朱景舒,寧朔將軍、中直兵參軍、軍主庾域,寧遠將軍、軍主庾略等,被 主韓孝仁,寧朔將軍、中直兵參軍、軍主朱斌,中直兵參軍、軍主宗冰之,建威將軍、中 之師,救危亡之國,何征而不服,何誅而不克哉! 慨,悉力齊奮。 江州邵陵王、湘州張行事、王司州皆遠近懸契,不謀而同,並勒驍猛,指 動荆南。寧朔將軍、南康王友蕭穎達領虎旅三萬,抗威後拒。蕭雍州勳業蓋世,謀猷 皇,山淵以之崩沸。莫府親貫甲胄,授律中權,董帥熊羆之士十有五萬,征鼓紛沓,雷 語,旣痛家禍,兼憤國難,泣血枕戈,誓雪怨酷,精卒十萬,已出漢川。張郢州節義康 驅。 舟艦魚麗,萬里蓋水,車騎雲屯,平原霧塞。以同心之士,伐倒戈之衆,盛德

時,居道消之運,CIED受迫羣豎,念有危懼。大軍近次,當各思拔迹,來赴軍門。檄到之 今兵之所指,唯在<u>梅蟲兒、茹法</u>珍二人而已。 諸君德載累世,勳著先朝,屬無妄之

日,有能斬送蟲兒、法珍首者,封二千戶開國縣侯。 若迷惑凶黨,敢拒軍鋒,刑茲無赦,

賞罰之信,有如曒日,江水在此,余不食言。

造冠軍將軍楊公則向湘州。 汪法度不進軍,免官。公則進剋巴陵,仍向湘州。CISD遺寧

朔將軍劉坦行湘州事。

利。 甲十萬,粮用自竭。 穎胄遣人謂梁王曰:「時月未利,當須來年二月。今便進兵,恐非良策。」梁王曰:「今坐 昔武王伐

討,行逆太歲,豈復待年月邪。」

穎胄乃從。 況藉以義心,一時驍銳。且太白出西方,杖義而動,天時人謀,無有不 遣西中郎參軍鄧元起率衆向

直。 號,改元,於江陵立宗廟、南北郊,州府城門悉依建康宮,置尚書五省,以城南射堂爲蘭臺, 勸 南郡太守爲尹。 吏部尚書、監八州軍 敢居之。 和帝即尊號,梁州刺史柳惔、竟陵太守曹景宗並勸進。 竊謂匪懈于位,義昭夙興,國容舊典,不可頓闕。 三年正月,和帝爲相國,潁胄領左長史,進號鎭軍將軍。於是始選用方伯。 至是以爲嘉祐殿。[1+]中興元年三月,潁胄爲侍中、尚書令,假節、都督如故。 建武中,荆州大風雨,龍入柏齋中,柱壁上有爪足處,刺史蕭遙欣恐畏,不 事,行荆州刺史,本官如故。 左丞樂藹奏曰:「敕旨以軍旅務殷,且停朝 與兼右丞江詮等參議,八座丞郎以下 穎胄使別駕宗夬撰定禮儀,上尊 梁王屢表 尋領

列

傳第十

九

離赤斧

|五日一朝,有事郎坐侍下鼓,[14]無事許從實還外。」奏可。

絳衫左右三十餘人,入千秋門,城內驚恐,疑有同異。御史中丞奏彈熾,詔以贖論 口,與巴東太守任漾之、宜都太守鄭法紹禦之。時軍旅之際,人情未安,穎胄府長史張熾從 梁王義師出沔口,郢州刺史張沖據城拒守。楊公則定湘州,行事張寶積送江陵,率軍 巴西太守魯休烈、巴東太守蕭惠訓遣子瓚拒義師。 穎胄遣汶陽太守劉孝慶進峽

卒。後脩靈祐又合餘衆攻篡,篡復敗走豫章,劉希祖亦以郡降。 衆敗,奔湘州。以穎孚爲督湘東衡陽零陵桂陽營陽五郡、湘東內史,假節、將軍如故。 攻戰七日,城陷,范僧簡見殺。希祖仍爲安成內史。顯字收散卒據西昌,謝篡又遣軍攻之, 南康太守王丹保郡應盆等。 穎孚聞兵至,望風奔走。前內史謝篡復還郡。劉希祖至安成, 東昏侯遣軍主彭盆、劉希祖三千人受江州刺史陳伯之節度,南討二郡義兵,仍進取湘州。 安成,仍以爲輔國將軍、安成內史。拜穎孚爲冠軍將軍、廬陵內史。合二郡兵,出彭蠡口。 史謝篹奔豫章。 穎胄弟顯字在京師,廬陵人脩靈祐竊將南上,江立於西昌縣山中聚兵二千人,襲郡,內 穎孚、靈祐據郡求援,穎胄遣寧朔將軍范僧簡入湘州南道接之。僧簡進剋

襲 湘州,去州百餘里。楊公則長史劉坦守州城,遣軍主尹法略拒之,屢戰不勝。 湘東 內史王僧粲亦拒義,自稱平西將軍、湘州刺史,以南平鎭軍主周敷爲長史,率前軍 及聞建康

城平,僧粲散走,乃斬之。 南康太守王丹亦爲郡人所殺

漾之見殺,遂至上明,江陵大震。 類胄恐,馳告梁王曰:「劉孝慶爲蕭璝所敗,宜遣楊 梁州刺史。遣軍主蔡道恭假節屯上明拒蕭璝 荆州少時持重。良須兵力,兩弟在廃,指遣往徵,不爲難至。」類胄乃追贈任濛之輔國將軍 援根本。」梁王曰:「公則今泝流上荆,鞭長之義耳。肅璝、魯休烈烏合之衆,尋自退散。 郢城降, 義師衆軍東下。 八月,魯休烈蕭璝破汶陽太守劉孝慶等於峽口,巴東太守任 公則還 政須

當遠尋祖宗創業艱難,殷鑒季末顚覆厥緒,思所以念始圖終,康此兆庶。 世,懷此深恨,永結泉壤。竊惟王業至重,萬機甚大,登之實難,守之未易。陛下富於春秋, 死。 升,既聞肅瓚等兵相持不決,憂慮感氣,十二月壬寅夜,卒。遺表曰:「臣疹患數日,不謂便 術,Cilol 元勳上德,光贊天下,陛下垂拱仰成,則風流日化,臣雖萬沒,無所遺恨。」 時年四 思不服。今四海垂平,干戈行戢,方希陪翠華,奉法駕,反東都,觀舊物。不幸遘疾,奄辭明 至困篤,氣息綿微,待盡而已。臣雖庸薄,忝籍葭莩,過受先朝殊常之眷,循寵礪心,誓生以 屬皇業中否,天地分崩,總率諸侯,翼奉明聖。賴社禝靈長,大明在運,故兵之所臨,無 時梁王已平野、江二鎮。 穎胄輔帝出居上流,有安重之勢。 和帝出臨哭。 韶贈侍中、丞相,本官如故。前後部羽葆鼓吹,班劍三十人。轀輬車,黃 素能飲酒,噉白肉鱠至三 征東大將軍臣

列傳第十九

脂赤

屋左纛。

梁王圍建康城,住在石頭,和帝密詔報穎胄凶問,祕不發喪。 及城平,識者聞之,知天

命之有在矣。

心事。 禮,依晉汪導、齊豫章王故事,可悉給。 故。」喪還,今上車駕臨哭渚次。詔曰:「齊故侍中、丞相、尚書令穎胄葬送有期,前代所加殊 令穎胄,風格峻遠,器宇淵邵,清猷盛業,問望斯歸。 締構義始,肇基王迹,**契**闊屯夷,載形 梁天監元年,詔曰:「念功惟德,歷代所同,追遠懷人,彌與事篤。齊故侍中、丞相、尙書 朕膺天改命,光宅區宇,望岱瞻河,永言增慟。 可封巴東郡公,邑三千戶,本官如 諡曰獻武。」范僧簡贈交州刺史。

之重,兼存宗寄。豐沛之閒,貴人滿市,功臣所出,多在南陽。夫貞幹所以成務,非虛言也。 贊曰:新吳事武,簡在帝心。 南豐治政,迹顯亡衾。 鎭軍茂績,機識弘深,荆南立主,嚮 史臣曰:魏氏基於用武,夏侯諸曹,並以戚族而爲將相。夫股肱爲義,旣有常然,肺腑

義漢陰。

校勘記

- (一) 出為持節督司州軍(州)事 據元龜三百七十九、三百九十刪。
- (二) 詔超起為領軍將軍 「超起」元鑑八百六十二作「起復」。
- (三) 從帝遜位 按從帝即順帝,蕭子顯避梁諱改,南監本、殿本已改爲「順帝」。
- [B] 上慕儉 [約] 據南監本、殿本補。
- [云] 欲鑄壞太官元日上壽銀酒鎗 「官」原譌「宮」,各本不譌,今改正。「銀酒鎗」御覽八百十二引作

「銀酒鐺」。按說文「鏓,鎗鏓也」。集韻「鐺,斧屬,通作鎗」。蓋鎗即鎗總,今之鐺也。說詳桂馥

{札

- CKJ恐宜移在此器也 「在」原譌「左」,今據南監本、殿本、局本改正。
- [+]仍爲持節督南兖[兖]徐靑冀(判)五州諸軍事輔國將軍南兖州刺史 按南兖州督五州,有兖州,
- [八](或)勸同義奉 據南監本刪。

無荆州,各本同譌,今改正。

- 山陽出(為)南州 據南史刪。 按南州即姑孰,見通鑑考異
- 別駕宗夬獻穀二千斛「夬」原譌「史」,各本並譌,今改正。 下同。 按宗夬、梁書、南史並有傳。
- 〔二〕功比申邵 「申邵」南監本、匡本、殿本、局本作「周邵」。

列

- 賴蕭令君勳濟宗而 「
 而」原
 調「
 祐」,
 今
 據
 南
 監
 本、
 殿
 本、
 局
 本
 改
 正
 。
- [三] 竟不能內恕探情 「探」元龜四百十六作「深」。
- (12) 蕭令〔君〕自以親惟族長 據元龜四百十六補。
- (三) 居道消之運 「道消」南監本作「中否」。
- 仍向湘州 「州」原譌「川」,今據南監本、殿本、局本改正。
- 至是以爲嘉祐殿 「嘉祐殿」御覽一百七十五引作「嘉福殿」,南史及沅龜二百三同。
- (14) 有事郞坐侍下鼓 「郞」局本作「卽」。
- 類達傳作循景智及宗人靈祐、則靈祐、景祐是二人、館臣合以爲一、誤矣。循脩古寫形極相似。」 殿本考證云:「『靈祐』南史作『景智』。」按張森楷校勘記云:「按梁書蕭
- (三0) 征東大將軍臣衍 「衍」原作「諱」,殿本據北監本改「衍」,今從之。

南齊書卷三十九

列傳第二十

劉瓛 弟雅 陸澄

劉瓛字子珪,沛國相人,晉丹陽尹惔六世孫也。祖弘之,給事中。父惠,治書御史。 | 蹴初州辟祭酒主簿。| 宋大明四年,舉秀才,兄璲亦有名,先應州舉,至是別駕東海王元

曾與熾父惠書曰:「比歲賢子充秀,[1] 州閻可謂得人。」除奉朝請,不就。

郎,不見用。除邵陵王郡主簿,安陸王國常侍,安成王撫軍行參軍,公事免。職素無宦情, 中柳樹謂瓛曰:「人謂此是劉尹時樹,每想高風;今復見卿淸德,可謂不衰矣。」薦爲祕書 自此不復仕。除車騎行參軍,南彭城郡丞,尚書祠部郎,並不拜。袁粲誅,瓛微服往哭,並 少篇學,博通五經。聚徒教授,常有數十人。丹陽尹袁粲於後堂夜集,獻在座,燦指庭

致賻助。

列

傳第二十

劉瓛

誠前軌之失,加之以寬厚,雖危可安;若循其覆轍,雖安必危矣。」旣出,帝顧謂司徒褚淵 曰:「方直乃爾!學士故自過人。」敕臟使數入,而臟自非詔見,未嘗到宮門。 太祖踐阼,召瓛入華林園談語,謂瓛曰:「吾應天革命,物議以爲何如?」瓛對曰:「陛下

保彭城丞耳。」上又以瓛兼總明觀祭酒,除豫章王驃騎記室參軍,丞如故,瓛終不就。武陵 拜,豈本心哉」後以母老闕養,重拜彭城郡丞。謂司徒褚淵曰:「自省無廊廟之才,所願唯 輕,可且就前除,少日當轉國子博士,便即後授。」「騾曰:「平生無榮進意,今聞得中書郞而 王舉爲會稽太守,上欲令瓛爲畢講,除會稽郡丞,學徒從之者轉衆。 上欲用熾爲中書郞,使吏部尚書何戢喩旨。」戢謂熾曰:「上意欲以鳳池相處,恨君資

祿,或有(徐令上文長)[身病而求歸]者,[三永瞻前良,在己何若。又上下年尊,益不願居官 其繿縷,或復賜以衣裳,袁、緒諸公咸加勸勵,終不能自反也。一不復爲,安可重爲哉?昔 中以親老供養,褰裳徒步,脫爾逮今,二代一紀。先朝使其更自脩正,勉厲於階級之次,見 黜,此皆眷者所共知也。量己審分,不敢期榮。夙嬰貧困,加以疎懶,衣裳容髮,有足駭者。 人有以冠一免不重加於首,每謂此得進止之儀。古者以賢制爵,或有秩滿而辭老,以庸制 公事,但念生平素抱,有乖恩顧。吾性拙人閒,不習仕進,昔嘗爲行佐,便以不能及公事免 永明初,意陵王子良請爲征北司徒記室。職與張融、王思遠書曰:「奉敎使恭召,會當停

殊,而幸無職司拘礙,可得奉溫凊,展私計,志在此爾。」除步兵校尉,並不拜。 當深察者也。近奉初敎,便自希得託迹於客遊之末,而固辭榮級,其故何耶?以古之王侯 長疾侵,豈宜攝齋河閒之聽,廁迹東平之僚。本無絕俗之操,亦非能偃蹇爲高,此又諸賢所 次,廢晨昏也。先朝爲此,曲申從許,故得連年不拜榮授,而帶帖薄祿。旣習此歲久,又齒 追申、白而入煙,羨鄒枚而遊梁,吾非敢叨夫曩賢,庶欲從九九之遺蹤。 旣於聞道集 泮不 大人,或以此延四方之士,甚美者則有輻湊一燕路,慕君王之義,驤鐮月闕,高公子之仁,繼有

揚 漏。 居。 卒,門人受學〔者〕並弔服臨送。 [6] 時年五十六。 恐見害也。」未及徙居,遇病,子良遣從職學者彭城劉繪、從陽范縝將廚於職宅營齋。〔三 烈橋故主第給之,生徒皆賀。 囐曰:「室美爲人災,此華字豈吾宅邪?幸可詔作講堂, 學徒敬慕,不敢指斥,呼爲青溪焉。 遊詣故人,唯一門生持胡床隨後,主人未通,便坐問答。住在檀橋,瓦屋數閒,上皆穿 蹴姿狀纖小, 儒學冠於當時, 京師士子貴遊莫不下席受業。 **竟陵王子良親往脩謁。七年,表世祖爲瓛立館,以** 性謙率通美,不以高名自 獪

今世曾子。」 王氏椓壁掛履,土落孔氏牀上,孔氏不悅,臟即出其妻。及居父喪,至
不出廬,足爲之 瓛 有至性,祖母病疽經年,手持膏藥,漬指爲爛。 阿稱,瓛小 名也。 年四十餘,未有婚對。 建元中,太祖與司徒褚淵爲蠍娶王氏 母孔氏甚嚴明,謂親戚曰:「阿稱便是

列

世。

屈,杖不能起。今上天監元年,下詔爲瓛立碑,諡曰貞簡先生。所著文集,皆是禮義,行於

初,瓛講月令畢,謂學生嚴植曰:「江左以來,陰陽律數之學廢矣。吾今講此,曾不得其

中土;今既來南,土氣偏陂,音律乖爽。」〔瓛亦以爲然〕。〔5〕仲熊歷安西記室,尙書左丞。 髣髴。」時濟陽蔡仲熊禮學博聞,謂人曰:「凡鍾律在南,不容復得調平。 昔五音金石,本在

職弟璡。

禮遇。 此。 炙。

選曰:「應刃落俎,膳夫之事,殿下親執鸞刀,下官未敢安席。」因起請退。

與友人孔澈 壁呼避共語,避不答,方下牀著衣立,然後應。 同舟入東,守澈留目觀岸上女子,避舉席自隔,不復同坐。豫章王太尉板行佐。兄臟夜隔 文惠太子召避入侍東宮,每上事,輒削草。 雖字子璥。方軌正直。宋泰豫中,爲明帝挽郎。 邵陵王征虜安南行參軍。建元初,爲武陵王畢冠軍征虜參軍。畢與僚佐飲,自割鵝 專署中兵,兼記室參軍大司馬軍事, ^(<) 射 舉秀才,建平王景素征北主簿,深見

聲校尉,卒官。

列傳第二十 陸澄

陸澄字彥淵,吳郡吳人也。祖邵,至臨海太守。 父瑗,州從事

澄少好學,博覽無所不知,行坐眠食,手不釋卷。 起家太學博士,中軍衞軍府行佐,太

宰參軍,補太常丞,郡主簿,北中郞行參軍。

后不稱姓,春秋逆王后于齊,澄不引典據明,而以意立議,坐免官,白衣領職。 郞官舊有坐 宋泰始初,爲尚書殿中郎,議皇后諱及下外,[10]皆依舊稱姓。左丞徐爰案司馬字議皇

杖,有名無實,澄在官積前後罰,一日幷受千杖。轉通直郞,兼中書郞,尋轉兼左丞。

泰始六年,韶皇太子朝賀服衮冕九章,澄與儀曹郎丘仲起議:「服冕以朝,實著經文。

史,加綏遠將軍、襄陽太守,並不拜。仍轉劉秉後軍長史、東海太守。遷御史中丞。 后,宜遵聖王盛典,革近代之制。」尋轉著作正員郞,兼官如故。除安成太守,轉劉韞撫軍長 秦除六冕,漢明還備。魏晉以來,不欲令臣下服衮冕,故位公者加侍官。今皇太子禮絕羣

建元元年,驃騎諮議沈憲等坐家奴客爲劫,子弟被劾,憲等晏然。左丞任遐奏澄不糾,

請免澄官。澄上表自理曰:

周稱舊章,漢言故事,爰自河維,降逮淮海,朝之憲度,動尙先淮。若乃任情違古,

率意專造,豈謂酌諸故實,擇其茂典。

情敬之極,北伐專征之大,祕霸季之貴,道濟元勳之盛,所以咎及南司,事非常憲,然祕 沒,蕃岳宰臣,引咎謝譽,而責帥之劾,曾莫奏聞,請收治道濟,免中丞何萬歲。夫山陵 其及中丞者,從來殆無。王獻之習達朝章,近代之宗,其爲左丞,彈司徒屬王濛憚罰自 事猶非及中丞也。今若以此爲例,恐人之貴賤,事之輕重,物有其倫,不可相方。 別攝蘭臺檢校,此徑彈中丞之謂。唯左丞庾登之奏鎭北檀道濟北伐不進,致虎牢陷 解,屬疾遊行,初不及中丞。桓祕不奔山陵,左丞鄭襲不彈祕,直彈中丞孔欣時,又云 憲被使,曠受假,俱無歸罪事狀。臣以不糾憲等爲失。伏尋晉、宋左丞案奏,不乏於時, 案遐啓彈新除諮議參驃騎大將軍軍事沈憲、太子庶子沈曠幷弟息,敕付建康,而

范文伯;左丞羊玄保又彈蕭汪;左丞殷景熙彈張仲仁;兼左丞何承天彈呂萬齡。並 行聖照。遠取十奏,近徵二案,自宜依以爲體,豈得捨而不遵? 江謐彈王僧朗、王雲之、陶寶度,不及中丞,最是近例之明者。| 謐彈在今龕麿之後,事 不歸罪,皆爲重劾。凡茲十彈,差是憲、曠之比,悉無及中丞之議。左丞荀萬秋、劉藏、 左丞江奧彈段景文,又彈裝方明;左丞甄法崇彈蕭珍,又彈杜驥,又彈段國,又彈

繩,方當追請,[三]素飡之責,[三]貽塵千載。所以備舉顯例,弘通國典,[三]雖有愚心, 臣竊此人乏,謬奉國憲。今遐所糾,旣行一時,若默而不言,則向爲來准,後人被

不在微躬。請出臣表付外詳議。若所陳非謬,裁由天鑒。

官; 結免。[18] 澄謏聞膚見,貽撓後昆,上掩皇明,下籠朝識,請以見事免澄所居官。」詔曰:「澄 中丞蕭惠開不糾,免惠開官。左丞徐爰彈右衞將軍薛安都屬疾不直,免安都官;中丞張永 山士官;中丞何勗不糾,亦免勗官。左丞劉矇彈青州刺史劉道隆失火燒府庫,免道隆官; 中丞傅隆不糾,亦免隆官。左丞羊玄保又彈兖州刺史鄭從之濫上布及加課租綿,免從之 欣等官;中丞王准不糾,[四亦免官。左丞羊玄保彈豫州刺史管義之醮梁羣盜,免義之官; 詔 表據多謬,不足深刻,可白衣領職。」 委外詳議。尚書令褚淵奏:「宋世左丞荀伯子彈彭城令張道欣等,坐界劫累發不禽,免道 中丞傅隆不糾,免隆官。左丞陸展彈建康令丘珍孫、丹陽尹孔山士劫發不禽,免珍孫、

經,小學之類,不宜列在帝典。」乃與儉書論之曰: 爲輔 時國學置鄭王易,杜服春秋,何氏公羊,麋氏穀梁,鄭玄孝經。澄謂尚書令王儉曰:「孝 國將軍、鎭北鎭軍二府長史,廷尉,領驍騎將軍。 明年,轉給事中,祕書監,遷吏部。 四年,復爲祕書監,領國子博士。遷都官尙書。出 永明元年,轉度支尚書。 尋領國子博

未爲遠, 易近取 無訛雜之失;溱所不焚,無崩壞之弊。雖有異家之學,同以象數爲宗。 、諸身,遠取諸物,彌天地之道,通萬物之情。 自商瞿至田何,其閒五傳。年

列傳

第

+

陸潛

弘儒風,則無所立學,衆經皆儒,惟易獨玄,玄不可棄,儒不可缺。 謂宜竝存,所以合無 晉太興四年,太常荀崧請置周易鄭玄注博士,行乎前代,于時政由汪、庾,皆儁神淸識, 建學之始,玄、畹兩立。逮顏延之爲祭酒,黜鄭置王,意在貴玄,事成敗儒。 今若不大 能言玄遠,捨輔嗣而用康成,豈其妄然。太元立王肅易,曰当當以在玄、畹之閒。元嘉 論,意者無乃仁智殊見。(四) [且易]道無體不可以一體求,「云 屢遷不可以一遷 執也。 年後,乃有王廟。王濟云廟所悟者多,何必能頓廢前儒。若謂易道盡於王廟,方須大 且關於注經中已舉繫辭,故不復別注。今若專取關易,則繫說無注。

之異古,未如王之奪實,祖述前儒,特舉其違。又釋例之作,所弘惟深。日己 故也。今留服而去賈,則經有所闕。案杜預注傳,王醃注場,俱是晚出,並貴後生。杜 左氏太元取服虔,而兼取賈逵經,〔由〕服傳無經,〔10雖在注中,而傳又有無經者

常謂穀梁劣;公羊爲注者又不盡善。竟無及公羊之有何休,恐不足兩立。 穀梁太元舊有麋信注,顏益以范寧,麋獨如故。 顔論閏分范注,當以同我者親。 必謂范善,

世有一孝經,題爲鄭玄注,觀其用辭,不與注書相類。 案」玄自序所注衆書,亦無孝

便當除麋。

鄭,高同來說。元凱注傳,超邁前儒,若不列學官,其可廢矣。賈氏注經,世所罕習,穀梁小 百行之首,實人倫所先,七略、變文並陳之六藝,不與蒼頡、凡將之流也。鄭注虛實,前代不 書,無俟兩注,存麋略范,率由舊式。凡此諸義,並同雅論。疑孝經非鄭所注,僕以此書明 **儉答曰:「易體微遠,實貫羣籍,施、孟異聞,周、韓殊旨,豈可專據小王,便爲該備?依舊存**

嫌,意謂可安,仍舊立置。」

幷奪物將去。 雜服飾,令學士隸事,事多者與之,人人各得一兩物,澄後來,更出諸人所不知事復各數條, 險語畢,C103 然後談所遺漏數百千條,C113 皆儉所未覩,儉乃歎服。儉在尚書省,出巾箱机案 令君少便鞅掌王務,雖復一覽便諳,然見卷軸未必多僕。」<u>儉集學士何憲等盛自商略,</u>澄待 |儉自以博聞多識,讀書過澄。|澄曰:「僕年少來無事,唯以讀書爲業。 且年已倍令君,

以與蘇武。」子良後詳視器底,有字髣髴可識,如澄所言。隆昌元年,以老疾,轉光祿大夫, 竟陵王子良得古器,小口方腹而底平,可將七八升, [三] 以問澄,澄曰:「北名服匿, [三] 單于 加散騎常侍,未拜,卒。年七十。 轉散騎常侍,秘書監,吳郡中正,光祿大夫。加給事中,中正如故。尋領國子祭酒。 諡靖子。 以

[澄]當世稱爲碩學,[圖]讀易三年不解文義,欲撰宋書竟不成,王儉戲之曰:「陸公,書

列

廚也。」家多墳籍,人所罕見。 撰地理書及雜傳,死後乃出。

爲澄所排抑,世以此少之。 以兩奴就鮮質錢,鮮死,子晫誣爲賣券,至因澄爲中丞,測與書相往反,後又牋與太守蕭緬 云:「澄欲遂子弟之非,CEC]未近義方之訓,此趨販所不爲,況搢紳領袖,儒宗勝達乎。」 測遂 澄弟鮮,得罪宋世,當死。澄於路見舍人王道隆,叩頭流血,以此見原。揚州主簿顧測

明中,天忽黃色照地,衆莫能解。臍云是榮光。世祖大悅,用爲永陽郡。 時東海王摛,亦史學博聞,歷尙書左丞。竟陵王子良校試諸學士,唯摛問無不對。永

復專家。 之季,訓義優洽,一世孔門,慶成並軌,故老以爲前脩,後生未之敢異。而王肅依經辯理,與 各信師言,嗣守章句,期乎勿失。西京儒士,莫有獨擅;東都學術,鄭賈先行。 横論,屈服千人。自後專門之學興,命氏之儒起,石渠朋黨之事,白虎同異之說,六經五典, 碩相非,爰興聖證,據用家語,外戚之尊,多行晉代。江左儒門,參差互出,雖於時不絕,而罕 史臣曰:儒風在世,立人之正道;聖哲微言,百代之通訓。洙泗旣往,義乖七十;稷下 晉世以玄言方道,宋氏以文章閒業,服膺典藝,斯風不純,二代以來,爲敎衰矣。 康成生炎漢

禮,充庭闕蒲輪之御,身終下秩,道義空存,斯故進賢之責也。其餘儒學之士,多在卑位,或 |嫐(成)[承]|馬、鄭之(異)[後,一]時學徒以爲師範。[云]虎門初闢,法駕親臨,待問無五更之 執卷欣欣,此焉彌盛。 纂襲,克隆均校,王儉爲輔,長於經禮,朝廷仰其風,胄子觀其則,由是家尋孔敎,人誦儒書, 建元肇運,戎警未夷,天子少爲諸生、(昊)〔端〕拱以思儒業,〔言〕載戢干戈,遽詔庠序。 建武繼立,因循舊緒,時不好文,輔相無術,學校雖設,前軌難追。 劉

史,疑問窮稽〔亞。 贊曰:儒宗義肆,紛綸子珪。 升堂受業,事越關西。 **避居闇室**,立操無攜。 彦淵 書

隱世辭榮者,別見他篇云。

「徐令上文」疑。

校勘記

[一] 比歲賢子充秀 「此」當作「比」。 又按「賢子」殿本、局本作「賢才」。 「比」原譌「此」,今據南監本、殿本改正。 按南史亦作「此」,李慈銘南史札記云

或有(徐令上文長)[身病而求歸]者 據南監本、毛本、殿本、局本改。

第二十 校勘記

列

倳

- 從陽范縝 按從陽即順陽,蕭子顯避梁諱改,南監本、毛本、殿本並已改爲「順陽」。
- [8] 門人受學〔者〕並弔服臨送 據南監本、殿本、局本補。
- 〔五〕及居父喪 「父喪」南史作「母憂」。
- 八六 〔瓛亦以爲然〕 據南監本、殿本補。按頭史亦有此五字。
- [1] 與友人孔澈同舟入東 「孔澈」南史作「孔逷」。
- ベスレ 兼記室參軍大司馬軍事 張森楷校勘記云:「『參軍』之『軍』字疑行。」
- [元]祖邵 「邵」南史作「劭」。
- 議皇后諱及下外 張森楷校勘記云:「南史作『議皇后諱班下』,無『外』字。」
- [11] 方當追請 「請」元龜五百十九作「誚」。
- 素飡之責 「責」原譌「貴」,今據南監本、殿本、局本改正。
- 弘通國典 「弘」宋本避諱缺筆成「引」,各本皆未正,今據远龜五百十九改正。
- 中丞王准不糾 「准」南監本、殿本、局本並作「淮」。按远龜五百十九亦作「准」,准淮形近,未知

孰是。

中丞張 於孝武帝大明八年,召爲御史中丞。結免卽江諡傳「博士太常以下結免贖論」之「結免」。 永結発 元龜五百十九作「中丞張永結不糾, 亦冤永結官」。 按張永,宋書附張茂度傳,

無張永結其人,元龜誤。

(二公)(四)(且易)道無體不可以一體求 據元龜五百九十九改。 按「道」下原闕二字,各本作「異傳」。

「四道異傳」不可解,當依元龜改。

「太元」各本譌作「泰元」,下「左氏太元取服虔」,「穀梁太元舊有麋信注」, 亦譌

作「泰元」,今並據晉書孝武帝紀改正。

(14) [由]服傳無經 據元龜五百九十九補。

(1立) 所弘惟深 「弘」宋本避諱缺筆成「引」,各本並譌,今據元龜五百九十九改正。

(三0) 澄待儉語畢 「待」原譌「侍」,今據南監本、殿本、局本及御覽六百十二引、元龜六百一改正。

然後談所遺漏數百千條 按「千」疑「十」之譌。

可將七八升 「將」元龜六百一、七百九十八作「容」,南史亦作「容」。

北名服匿 「北」殿本、局本作「此」。

〔澄〕當世稱爲碩學 據南監本及南史補。

(三吾) 子晫誣爲賣券 按「晫」各本並作「暉」,南史亦作「暉」,惟御覽五百引作「晫」,疑作「暉」是。 一賣

券」南史作「買券」。

澄欲遂子弟之非 「遂」字原闕,今據各本補。 按御覽五百引「遂」作「成」。

列

傳第二十

校

勘記

六八九

[17] (昊)[端]拱以思儒業 據南監本、毛本、殿本、局本改。

劉斌(成)[承]馬鄭之(異)[後一]時學徒以爲師範 據南監本、殿本改。

字子珪,陸澄字彥淵也。萬說非是。 後,不載其字,有云『竟陵王子良校書諸學士,唯摛問無不對』。此云『疑問窮稽』,想必謂摛也。」 今按蕭子顯此贊前云「儒宗義肆,紛論<u>子珪」,指劉瓛,後云「彥淵書史,疑問窮稽」,指陸澄,劉瓛</u> 殿本考證萬承蒼云:「按彥淵當是汪摛字,齊書無摛傳,南史附摛於汪湛傳

